


Early European Books, Copyright © 2011 ProQuest LLC.

Images reproduced by courtesy of the Biblioteca Nazionale Centrale di Firenze.

Ald.3.2.38









Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.2.38





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.2.38





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.2.38

6

Atto. 3/2

M. 43. M. 1.



*Ex Libris Joannis Nencini*  
1874

4U.4



XXXIX

GREG. NYS.







D. GREGORII NYSSAE  
PONTIFICIS, MAGNI  
BASILII FRATRIS, DOCTISSI-  
MVS IN HEXAEMERON  
COMMENTARIVS:

*Aliquot tum eiusdem, tum aliorum auctorum  
orationes pulcherrimæ, quarum  
argumenta in proxima  
pagina perspicies:*

*Gregorij, rerum admirabilium effectoris,  
de anima libellus:*

PETRO FRANCISCO ZINO,  
VERONENSI, INTERPRETE.



VENETIIS, M. D. LIII.





D. GREGORII NYSSAE PONTIFICIS  
In hexaemeron commentarius.

In hominis procreatione orationes duae incerti auctoris.  
Eiusdem Gregorij oratio in diem natalem Domini nostri  
Iesu Christi.

Eiusdem oratio in Christi resurrectionem.

Eiusdem oratio in Christi ascensum in caelum.

Eiusdem oratio in Pentecosten.

Eiusdem oratio in eos, qui acerbius alios iudicant, & ad  
eos, qui indigent poenitentia.

Eiusdem formula perfecti hominis christiani.

Eiusdem oratio, qua docet, non esse dolendum in eo-  
rum obitu, qui in fide dormierunt.

Eiusdem orationes duae, quibus ad amandos & beni-  
gnitate complectendos pauperes cohortatur.

D. Gregorii Nazanzeni  
Theologi

Oratio una in idem argumentum.

D. Gregorii rerum admirabilium  
effectoris

De animalibus.



2  
CLARISSIMO ATQVE OPTI-  
MO VIRO, PETRO CONTARENO,  
PATRITIO VENETO, PETRVS  
FRANCISCVS ZINVS S. D.



INVICTISSIMVS,  
& sanctissimus ille uir,  
Petre Contarene nobilissi-  
me, qui singulari uirtu-  
te maximas & grauissi-  
mas perferens calamita-  
tes, patientis cognomen  
inuenit, sapienter & ue-  
re mortalem hac hominū  
uitam militiā appellauit. Nam cū ex animo corporeq;  
constemus, et horum utrunque uel per se, uel cum alte-  
ro, uel cum rebus externis possit considerari, quis, nisi  
sensibus menteq; careat, perpetuas elementorum, in cor-  
pore nostro ad internecionē usque decertantiū, nescit in-  
micitias? quis tam multa ipsum incommoda extrinse-  
cus semper urgentia non uidet? quis periculosissimum  
animi cum ipso corpore certamen non experitur? quis  
assiduam in animo uirtutum cum uitiis, spiritus cum  
sensu, hominis noui cum ueteri contentionem non sen-  
tit? quis acerbissimas hominum, tum bonorum cum  
improbis, tum improborum inter ipsos, dimicationes nō  
cernit? quis denique antiquissimi atque immanissimi  
hostis Diaboli, innumerabili satellitū manu genus uni-

A ii



uersum humanum, atque adeo singulos homines nun-  
quam non oppugnantis, uim, fraudes, ac dolos ignorat?  
Ut non tam accusandus, detestandusq; esse uideatur pri-  
mus hominum parens, qui iucundo pomi suauissimi  
aspectu, dulciq; charissimæ coniugis hortatu se ab ho-  
ste calidissimo uinci miser sit passus, quàm perpetuo col-  
laudandus, et summo atque incredibili amore diligendus  
humanissimus seruator noster, ac Deus IESVS, qui pro  
nobis & nascens, & moriens, non solum hostem hunc  
crudelissimum, mortemq; ipsam unâ cum reliquis no-  
stris aduersarijs ipse deuicit, uerum etiam nobis eam lar-  
gitus est uim, atque robur, ut eos ipsi quoque superare-  
mus. siquidem ea nobis præsidia, adiumentaq; tribuit,  
quibus protecli, instructiq; nec uulnerari unquam, &  
hostes confodere facile possemus. Etenim cū arma illa cō-  
munia, quibus homines natura quodā modo semper mu-  
niri potuerunt, nempe prudentiā, iustitiam, fortitudinē,  
temperantiam nobis cōmendasset, longeq; firmiora, &  
politiora reddidisset; nouis præterea nos induit, & orna-  
uit, ut fidei scuto, charitatis lorica, galea spei salutis,  
& gladio spiritus, quod est uerbū Dei. Certaminis tem-  
pus, totam singulis hominibus uitam constituit; campū  
seu circum, aut stadium, orbem terrarū, in quo, tan-  
quam in pulcherrimo theatro, intersunt pugnae cœlestes  
spiritus spectatores, inter quos ipse studiosissimus sedet  
adiutor, & æquissimus iudex, optatissimā immortalis  
gloriæ, sempiternæq; felicitatis coronā uictoribus do-  
naturus. Beati, qui tam opportuno tempore nati sunt:  
beatiores, qui sumptis armis in certamen descendunt:  
beatissimi, qui strenue constanterq; pugnando talium



ſpectatorum oculis placent, & iudicis ſententia com-  
probantur. Quis, certiffima uictoriæ ſpe, ampliſſimisq;  
propoſitis præmijs, non ad certandū promptiſſimus ac-  
cedat? Attamen, quod ualde miſerandū, ac dolendum  
eſt, paucos uidemus, qui arma uelint induere: paucio-  
res, qui non ea, ſi induerint, uel ſtatim, uel paulo poſt  
abijcientes, aut fugiāt, aut hoſti manus dent immaniſſi-  
mo: pauciſſimos, qui ad finē uſque certaminis fortiter  
pugnātes perſeuerent. Quod ſi qui ſunt eiufmodi, ij me-  
rito & ab inferis metuēdi, et mortalibus admirandi, &  
a cœlitibus amandi exiſtimantur. nullū enim ſpectacu-  
lū uel infernis hoſtibus horribilius, uel hominibus glo-  
riofius, uel beatis illis mentibus incundius eſſe poteſt pu-  
gnatore illo chriſtiano, qui fortiter in omni uita dimicā-  
do ſe ſtrenuum ſemper, inuictūq; præſtiterit. Equidem  
illud in maximis Dei erga me beneficijs numero, quod  
mihi conceſſerit, præclara aliquot eius generis ſpectacu-  
la contueri. quorum illud admirabile, & præcipuum  
exiſtimo, quod adoleſcēs adhuc, ac plane puer in Io. Mat-  
thæo Pontefice Veronenſi, quem honoris, & amplitu-  
dinis gratia nomino, perſpexi. Fuit enim eximius ille  
uir, innocentie, frugalitatis, continentie, diligentie, li-  
beralitatis, ſanctitatis, ac uirtutum omnium ſpecimen  
ſingulare, & re ipſa factisq; optimi Paſtoris exemplum  
expreſſit. Iſ iam inde ab ipſa pueritia ad ultimū uſque  
uitæ diem, quo plaudentibus cœlitum choris ab inte-  
gerrimo iudice palmam tulit, fortiffimo ſemper animo  
decertauit, nunquam pedem retulit, nunquam de con-  
ſtantiæ deiectus eſt gradu. cumq; reliquos ſui gene-  
ris homines in prima acie pro grege ſibi cōmiſſo ſem-

A iii



per excubans, acriter aduersus omnia uitia, ecclesiæq;  
aduersarios, & rerum nouarum cupidos pugnans uici-  
set, se ipsum denique superauit. Id cum multis alijs in  
rebus, tum in ea potissimum apparuit, quod, cum sacer-  
dotijs, & diuitijs abundaret, sacerdotia uiris optimis, &  
probatissimis, quos ea recte administraturos putabat,  
commendauit, diuitias & rem omnem familiarem pau-  
peribus ita distribuit, ut cōsanguineis, propinquisq; suis  
nihil relinqueret præter memoriam nominis, exem-  
plumq; uitæ suæ. Quorsum hæc tam longe, inquires, re-  
petita de uiro mihi notissimo & amicissimo? Ut ad te  
nimirum per hominem tibi coniunctissimum aditum  
mihi patefacerem, cuius ego multas, magnasq; uirtutes  
tum demum sum admiratus, cum illustri ipsius testimo-  
nio comprobatae sunt. Nam cum animaduernerem, ho-  
minem sapientissimū, qui omnes in christiana Rep. uir-  
tute præstantes uiros perspectos & cognitos habebat, ijs,  
quibus debebat, declarasse, te unum ex omnibus à se  
idoneū existimari, qui eo munere, quod ipse diligen-  
tissime atque integerrime gesserat, fungeretur: coepi  
mecum ipse cogitare, quidnam potissimum tantus ille  
uir in te perspexisset, ut tam præclare de te sentiret. Li-  
cet enim te in amplissima Rep. ex familia nobilissima, di-  
uitijs, honoribus, clientelis abundanti, natū esse scirem,  
non tamen adduci poteram, ut crederem, eum his rebus  
adductum te cæteris prætulisse. Itaque cū rem attentius  
inuestigare, in eam sententiam descendī, ut illū qua-  
dam animi, atque ingenij similitudine id præstitisse iudi-  
carem. Quemadmodum enim ipse neglectis omnibus  
ijs, quæ maxima uulgus putat, pro quibus assidue digla-



diatur, se totū uirtutis, religionis, pietatisq; studijs addixe-  
 rat, sic intelligebam, te eisdem studijs à puero ita inflam-  
 matum teneri, ut, posthabitis rebus omnibus, in eam  
 unam curam incumberes, qua uirtutem, religionem, pie-  
 tatē colens, Deo quāgratissimus euaderes: eo factū esse,  
 ut, pueritia bonis in disciplinis summa cū laude transa-  
 cta, quum in Gallia triennium & eo amplius adolescēs  
 cū uiro fortissimo & clarissimo equite Zacharia, patre  
 tuo, pro Reip. libertate gloriaq; in carcere traduxisses,  
 sapientiumq; multorum exemplo regiones plurimas pe-  
 ragrasses, quo perspectis multarum ciuitatum insti-  
 tutis, atque hominum moribus prudentior, ac melior  
 fieres, uolueris etiam, ut beatus olim Hieronymus, aliq;  
 complures uiri sanctissimi, Palæstinā inuisere, & ea lo-  
 ca sacratissima, in quibus seruator & Deus noster D.  
 IESVS pro nobis & nasci, & uiuere, & mori digna-  
 tus est. Inde reuersus in patriam, cū honores, magistra-  
 tusq; nolles suscipere, quod ea res rectum animi tui cur-  
 sum, & institutum impeditura uideretur, nec tamen pa-  
 triæ uelles ciuis inutilis esse, eam partem arripuisti, quæ  
 à plerisque neglecta nihil inuidiæ, nihil periculi cōtine-  
 ret, ut pauperum curam gereres, & Christum in paupe-  
 ribus coleres. Quod quidem studium semel amplexus  
 nunquam deserere uoluisti, sed in eo diligentius in dies  
 singulos excolendo perstitisti. His de causis præclarā il-  
 lam Io. Matthæi de uirtute tua opinionem natam existi-  
 mo. Easdem ob causas te mihi semper obseruandum &  
 colendum iudicauī. In quo mihi Deus adeo propitius  
 fuit, ut ad intimam familiaritatem, & beneuolentiam  
 tuam aperiens aditum, occasionem obtulerit, ut, quem

A iiii



voluntate mihi diligendū , & obseruandum suscep=  
ram , eundem , multis eius in me officijs , & meritis pro=  
uocatus , necessario , nisi ingratus esse uellem , amare , co=  
lere , atque obseruare deberē . Tuorū autem erga me be=  
neficioꝝ illud mihi gratissimū fuit , quod , cum Pata=  
uium bonarum artium gratia me superioribus annis  
una cū ornatissimo adolescente Antonio Giberto contu=  
lissem , tu nobis aedes tuas , amplas , atque magnificas , &  
omni necessaria supellectile instruētas , ad habitandum  
non uerbis solum , ut fit , obtulisti , sed , eas ut accipere=  
mus , coegisti . Eodemq; tempore sacerdotium , cuius confe=  
rendi ius ad familiam tuam clarissimam spectat , multis  
id tum ambiendo , tum flagitando spe iam deuoranti=  
bus , mihi , nihil ea de re cogitanti , ultro detulisti , Vene=  
tjꝝ humanissime scriptis ad me literis , quibus orabas , ut  
illud accipere ne recusarem . cumq; ego liberalissimi ani=  
mi tui magnitudinem admiratus , gratias agens rescri=  
psissem , me tam egregiū amoris in me tui pignus sine  
magna rustici , pusilliꝝ animi nota repudiare non posse ;  
tu rursus humanissimis , ac suauissimis uerbis ita re=  
spondisti , ut non dedisse beneficiū uiderere , sed accepisse .  
Hæc ego libentissime cōmemoro , tum quia nihil in  
omni mea uita mihi gratius , aut iucūdius accidit ; tum ,  
ut , quando propter amplitudinem tuam , tenuitatemq;  
meam referre gratiā nequeo , testatum relinquam , me  
tibi & plurimis , & honestissimis nominibus esse deuin=  
ctum , utq; omnes non solū innocentie , religionis , pie=  
tatis , continentie , sed etiam ueræ liberalitatis exemplū  
in te suspiciant , & imitētur . Et quoniā scio , te , quam=  
uis mira sedulitate , Christum in pauperibus fouendo ,



Martham æmuleris, aliquid tamen quotidie spatij cum  
 Maria tum diuinas res meditando, tum precationibus, et  
 sacris literarum studijs incumbendo consumere, dono tibi  
 commentariolum hunc B. Gregorij Nyssæ Pontificis in  
 sex dierum opificium, quem ego superioribus mensibus,  
 cum Roma abessem, & Balneoregij cum Illustrissimo ac  
 Reuerendissimo Cardinali Reginaldo Polo, patrono meo,  
 uiro tui studiosissimo, atque amantiissimo, commorarer,  
 mihiq; singulari eius benignitate non nihil otij suppete-  
 ret, animi gratia in latinū conuerti. Verum, quia in eo  
 commentariolo uir sanctus mundi fabricam ita contem-  
 platur, ut naturalē tantummodo, et historię congruen-  
 tem in rebus procreatis ordinem explicet, eas ob res, quas  
 in eius cōmentarioli exordio ipse persequitur; tu autem,  
 quamuis huiusce generis scripta non aspernere, ijs tamen  
 uehementius delectaris, quæ ad uitā, moresq; pertinent;  
 duas adiunximus orationes in hominis procreationem  
 admodum pias, quæ licet ab eiusdem auctoris, & mul-  
 to etiam magis à Basilij Magni, cui eas à quibusdam fal-  
 so attributas audio, scribendi consuetudine abesse uide-  
 antur, antiquissimæ tamen sunt, & aut ab ipso Grego-  
 rio adhuc iuvene forte compositæ, antequam absolutis-  
 simum illum librum de homine, qui græce, latineq; ex-  
 tat, perscripsisset, aut ab aliquo eiusdem ætatis uiro  
 tum pio, tum minime indocto. certe in codice uetustissi-  
 mo, quem mihi doctissimus atque humanissimus idem  
 adolescens Antonius Gibertus accommodauit, commen-  
 tariolum ipsum in mundi fabricam statim subsequun-  
 tur: ut, quoniam in eo omittitur de hominis procreatio-  
 ne consideratio, ipsæ locum illum explerent. Addidimus



aliquot alias eiusdem auctoris orationes, ut pulcherri-  
mam illam in diem natalem Christi, in eius ascensum  
in cœlum, in Pentecosten, in eos, qui acerbius iudicant,  
quiq; indigent pœnitentia, duas præterea longe doctissi-  
mas, & elegantissimas, quarum altera perfecti christia-  
ni formula traditur, altera demonstratur, non esse do-  
lendum in eorum obitu, qui in fide dormierunt. Accedet  
Gregorij illius rerum mirabilium effectoris oratiuncula  
de animi immortalitate. Cum his poteris ipse coniunge-  
re tres illas de pauperibus amandis & benignitate com-  
plectendis, quas antea tibi muneri misimus. Ex quibus  
omnibus tanquam ex totidem suauissimis floribus cōte-  
xetur munusculum nostrum: quod tu pro singulari hu-  
manitate tua libenti animo ut suscipias, te etiam atque  
etiam rogo. Vale. Romæ, Kalendis Ianuarij,  
M. D. LIII.

Ex libro beati Hieronymi de scri-  
ptoribus Ecclesiasticis.

Gregorius Nyssenus, frater Basilij Cæsariensis, ante pau-  
cos annos mihi & Gregorio Nazanzeno contra Eunomium legit libros, qui & multa alia scripsisse, & scri-  
bere dicitur.



6

D. GREGORII NYSSAE  
PONTIFICIS, MAGNI  
BASILII FRATRIS, IN HEXAE-  
MERON INTERPRETATIO, AD  
PETRUM FRATREM.



VID agis, homo  
Dei? cur ea nos, quæ  
uires humanas supe-  
rāt, aggredi, & onus,  
quod non modo su-  
stineri, sed ne suscipi  
quidem, ut ego sen-  
tio, sine reprehensio-  
ne potest, subire iu-  
bes? Vis enim, ut, quæ cœlesti numine affla-  
tus de mundi procreatione Magnus Moses  
prodidit monumentis literarum, quæ primo  
quidem aspectu inter se contraria uideantur, or-  
dine quodam disponam, sanctamq; scripturam  
sibi ipsi consentientem ac constantem esse de-  
monstrem, idq; post diuinam illam Patris no-  
stri in idem argumentum commentationem;  
quā qui legerunt, non minus, quā ea, quæ ab  
ipso Mose perscripta sunt, omnes admirantur,  
& merito mea quidem sententia. Nam quam  
rationem habet cum grano spica, quæ & ex il-  
lo prouenit, & illud est, uel potius quæ, cum  
illud ipsum ui sit, magnitudine tamen ab eo, &



Matt. 13. d

pulchritudine, & formæ differt uarietate, eandem rationem habere dicas cum oratione Magni Mosis, ea, quæ à Magno Basilio accuratio-  
re studio sunt elaborata? etenim quæ paucis ille uerbis complexus est, & explicauit, ea doctor noster sublimi philosophia sic adauxit, & cumulauit, ut non spicam, sed arborem effecerit, ad similitudinem grani sinapis, quod regno cœlorum comparatum est. in accipientis enim animo excultum arbor fit, cogitationumq; magnitudine undique dilatatur, & ramorum loco præceptis & institutis expanditur, propositoq; pietatis fine sic effertur in sublime, ut excelsæ etiam altæq; mentes, quæ uolucres cœli uocantur in Euangelio, sub talium ramorum magnitudine queant nidos construere. Quæstionum enim explanatio est animi quidam ueluti nidus, in quo mens instabili sollicitudine, sciendiq; studio, tanquam multiplici uolatus errore, fessâ conquiescit. Quonam igitur pacto tali tantæq; sermonum arbori liceat exiguam nostræ cogitationis plantulam comparare? An uero neque tu imperas, neque nos unquam conaremur, patris magistriq; nostri studio laborem nostrum opponere? Itaque agricolas potius imitabimur, qui mirabili quadam ratione ex una eademq; planta uarios fructus percipiunt. id autem assequuntur inferendi artificio, quod eiusmodi est. pusillum aliquod ex arbore quapiam germen, unâ cum cōrtice basi



illius subiecto decerptum, in alterius arboris maioris aliqua parte sic incisa, ut ei cortex quadret, includunt, ut naturali maioris arboris humore germen illud enutritum coalescat, ramusq; fiat. Meam itidem ego cogitationem, quasi germen, aut furculum exiguum magnæ arbori, nempe præceptoris nostri sapientiæ inseram: occasioneq; mihi inde suppeditata, tanquam humore quodam irrigatus, pro uiribus ramus eius efficiar. arbitror enim quosdam haud recte percepisse, quid ille sibi in iis, quæ in sex dierum opificium conscripsit, proposuerit: ideoq; calumniari, quòd dilucide non explicarit ea, quæ ad solem pertinent, quo modo post tres dies cum reliquis stellis conditus fuerit, quasi fieri nequeat, ut mane & uespera diurnum spatium constituatur, nisi omnino sol & occidens uesperam, & oriens mane conficiat. Duorum quoque coelorum procreationem nō capientes, cum de tertio coelo mentionem faciat Aposto-

2. Cor. 13. a



2. Cor. 12. a cipium non fuisset appellatum; si principium ip-  
 sius alterum extitisset. quod enim ordine secun-  
 dum est, principium nec est, nec dicitur. Atta-  
 men Paulus tertium coelum commemorat, quod  
 mundi fabrica non habet, quemadmodum &  
 hic secundi mentio quaeritur. Qui hæc & alia  
 eiusmodi loquuntur, hi mihi non videntur pro-  
 positum Patris nostri doctrinae finem intue-  
 ri, qui in amplissima Ecclesia, populum fre-  
 quantissimum alloquens, pro audientium in-  
 telligentia sermonem moderabatur. In tanta  
 enim multitudine, licet essent non nulli, qui al-  
 tiores etiam disputationes intelligerent, pluri-  
 mi tamen doctrinae subtilitatem non capiebant,  
 utpote homines imperiti, atque opifices, & ne-  
 gotiis uilibus occupati, & mulieres in eiusmo-  
 di disciplinis minime exercitatae, & puerorum  
 turba, ætateq; prouecti senes, qui omnes ora-  
 tione facili instituendi, recreandiq; erant, &  
 per res procreatas, quæ cernuntur, earumq;  
 pulchritudinem ad rerum omnium auctorem,  
 procreatoremq; perducendi. Quare si quis ex  
 præceptoris consilio dicta ipsius expenderit, ni-  
 hil dubitationis relinqueretur. neque enim uer-  
 borum contentiones aucupabatur, nec facile  
 sese quaestionibus implicabat, sed simplici uer-  
 borum expositione audientium simplicitati sic  
 orationem suam accommodabat, ut uariam ta-  
 men externæ philosophiæ doctrinam redolens  
 peritioribus etiam satisfaceret. Quamobrem



eam & imperiti intelligebant, & eruditi admirabantur. Tu uero, si, ut in monte Sinai, relicto infra populo simul cum magno Mose quæ- Exo. 19.  
ris in rerum arcanarum contemplationis nebulam introire, ubi ille cum esset, uidit ea, quæ uerbis explicari non possunt; necessariumq; cupis rerum conditarum ordinem cognoscere, quo modo, coelo, terraq; confectis, lux quidem, ut esset, diuinum mandatum expectarit, tenebræ autem extiterint etiam sine mandato: Præterea, si ad subiectum aerem illustrandum, & tempus nocte dieq; distinguendum nulla re lux indiguit, quid ei fuerit opus, ut sol conderetur: Ad hæc, si initio simul cum coelo terra fuit procreata, quo pacto fuerit incompressa. nam si facere, & componere nihil inter se uidentur differre: quo modo, quod factum est, incompressum fuit? Tum, quæ ad aquam pertinent, quæstiones, quasi fieri non possit, ut super apside celesti, figuraq; globosa, & rotunda consistant, quæ fluxa sunt. quomodo enim natura humida in curuo confideat, quæ de sphaeræ fastigio in pronas figuræ partes necessario defluit? aut quo modo, cum id, quo sustinetur, instabile sit, cumq; à sua basi semper delabatur; in se ipsa habebit firmitatem? aut quo modo non dissipabitur, cum incitatissima poli conuersio nihil prorsus insidens inhærensq; sibi non abiiciat, ac repellat? Quin etiam istis contradicentibus non uidetur esse uerisimile, ut, quæ humida sunt,



consumantur, cum & fontium, & fluminum,  
 & maris, & lacuum aquas in eadē semper men-  
 sura consistere uideant, exceptis quibusdam  
 fontibus, qui ex imbrium niuiumq; uicopiam  
 aquarum in superficie sitam colligentes, torren-  
 tium instar, pro facultate, quæ sursum proue-  
 nit, uel augentur, uel deficiunt. Nam ex qui-  
 bus perennia fluentia manant, nec ullum decre-  
 mentum fit, aut incrementum, in iis nihil hu-  
 moris consumi, manifesto constat. Quod enim  
 consumitur, eandem perpetuo mensuram ob-  
 tinere non potest. Ac ne ignis quidem, si mo-  
 do eam uere naturam habet, ut aquam consu-  
 mat, mensuram propriam tueretur, aut nullum  
 augmentum, nutrimentum ue susciperet. Ne-  
 que enim fieri potest, ut eius natura ex mate-  
 ria consumpta non augeatur. Hæc, & similia  
 si tu diligenter indagans, & rebus sublimibus  
 incumbens, ea, quæ à Mose in caliginis ob-  
 scuritate conspecta sunt, & ipse perspicere cu-  
 pis, & multitudini patefacere, prudentiæ tuæ  
 consuluerim, ne alium spectares, sed ad eam  
 gratiam confugeres, quæ in te est, & ad Spiri-  
 tum reuelationis, qui precibus exoratus re-  
 rum diuinarum, & altissimarum arcana resera-  
 bit. Verum, quoniam ex Apostolica lege de-  
 bemus mutuo nobis ipsi seruire; laudabilisq;  
 seruitutis proprium est, factis ea, quæ manda-  
 ta sunt, exequi: precationibus tuis adiuuanti-  
 bus operam dabo, ut, quantum fieri poterit,  
 quæstiones



quaestiones has breuiter explicem. Sed antequam exordiar, illud testatū volo, mihi certum esse, nulla in re contradicere iis, quæ à Basilio in mundi procreationem conscripta sunt, etiam si me dicendi ordo ad aliam expositionem adduxerit. Rata igitur sint illius scripta, præstentq; nec ullis, nisi Testamenti, diuino Spiritu dictante exarati, monumētis cedant. Nostra vero quicūque legerint, & aliquid præter communem opinionem inuenerint, sic accipiant, ut sine ullius iniuria in dicēdi exercitatione probabiliter disputata. Neque enim propositū defendere, aut dogma constituere profiteamur, ut calumniantibus occasionem præbeamus, nec hisce scriptis interpretationis doctrinam tradere, sed animum, & cogitationem nostram in hoc argumento duntaxat exercere. Nemo igitur expectet à nobis, ut quaestionibus, quæ vel ex sancta scriptura, vel ex iis, quæ à præceptore nostro statim declarata sunt, quæq; in communem opinionem cadere videntur, implicemur. Nobis enim nō est propositum, ut ea conciliemus, quæ protinus apparent inter se contraria. Quamobrem liceat nobis ex instituto nostro verborum sensum explorare, & in eam curam incumbere, ut vocibus in significatione propria permanentibus certum rerum procreationis ordinem, ac seriem contemplemur.

In principio (inquit) fecit Deus cœlum, & terram, & reliqua, quæ deinceps mundi fabri-

Gen. I.

B



cam, & ea, quæ sex dierum spatio facta sunt, complectuntur. Caterum, priusquam eorum, quæ scripta sunt, expositionem aggrediamur, illud nobis positum, constitutumque sit, in natura diuina cum voluntate ita concurrere potestatem, ut Dei potestatis mensura sit ipsa uoluntas. Voluntas autem est sapientia. Sapientia uero proprium est, non ignorare, quo modo unumquodque fiat. porro cognitionem potestas sequitur. Quapropter simul & facienda cognouit, & nulla interposita mora concurrat rerum effectrix uis, quæ cognita perficeret, & sine ullo interuallo cum uoluntate coniunctum opus continenter ostensum est. quandoquidem potentia, uoluntas est, eodemque momento prospicit, quo modo res fiant, & occasiones præbet, ut cogitata sint facta. Quamobrem omnia, quæ in Deo sunt, ad rerum procreationem pertinentia simul cogitantur, uoluntas, sapientia, potestas, & rerum ipsarum natura. Quæcum ita sint, nemo amplius, quo modo, aut, unde, perscrutando inquirendoque torqueatur. solent enim quidam ad hunc modum percontari. si materia, inquiunt, Deus uacat, unde materia? quo modo aut quantum ex eo, qui caret quantitate? aut aspectabile ex illo, qui cerni non potest? aut ex eo, qui nulla mole circumscriptus est, id, quod aliqua omnino magnitudine amplitudineque concluditur? Hæc & alia omnia eiusdem generis, quæ in ipsa materia uidentur, quoniam pacto, aut unde produxit ille, qui in natura



sua nihil habet eiusmodi: Ad singulas enim, quæ de materia proferuntur, quæstiones, una illa nobis solutio est: Nec Dei sapientiam, impotentē; nec potentiam, insipientem proponi: sed inter se mutuo coniuncta esse, & vtraque vnum ostendi, ut simul pariterq; in utroque alterum cernatur. siquidem & sapiens ipsius voluntas potestate factorum est declarata, & effectrix eius potestas in ipsius sapiente uolūtate perfecta est. Proinde, si & in eodem, & simul sapientia est, atque potētia: nec ignorat, quo modo ad rerum compositionē inueniatur materia, nec inualidus est ad illud efficiendum, quod nouit. Itaque cum omnia possit, ad rerum procreationem sapienti potentiq; uoluntate simul omnia cōtulit, leuitatem, grauitatē, densitatē, raritatem, mollitudinē, duritiam, humiditatē, siccitatem, frigiditatem, caliditatem, colorem, figurā, circumscriptionem, interuallum: quæ quidem singula sunt tenues quædam, nudæq; notiones: nihil enim horum vnum per se materia est, sed cunctis inter se concurrentibus materia fit. Si igitur sapientiæ potētiaq; præstātia & omnia nouit, & potest omnia, aliquo modo fortasse ad excelsam Moſis uocē accedimus, qui, In summa, inquit, ( sic enim Aquilas pro, in principio, uertit ) fecit Deus cælum, & terram. Quoniam enim procreationis librum composuit propheta, ut ad Dei cognitionem dux esset, idq; Moſi propositū fuit, ut eos, qui sensibus obnoxii, deuinctiq; sunt, per ea,



quæ cernuntur, ad illa perduceret, quæ sensibus  
comprehendi nō possunt; cœlo autem, & terra,  
nostra per oculos cognitio terminatur: iccirco  
extrema eorum, quæ sensu à nobis percipiun-  
tur, tãquam res omnes complectentia nomina-  
uit, ut ea, quæ complectuntur, à Deo facta esse  
cōmemorans, comprehenderet, quidquid ab il-  
lis cōtineretur, & pro eo, ut diceret, simul omnia  
Deum fecisse, in summa siue in principio, di-  
xit, eum fecisse cœlum, & terrā. Vtriusque au-  
tem vocis vna significatio est. & principium  
enim, & summa, æque declarant, simul. Quare  
per summam ostendit omnia simul fuisse pro-  
creata, & per principium cuncta momento, &  
sine ullo temporis spatio facta fuisse significat.  
Principium enim non patitur, ut vllum interual-  
lum cogitemus. Nam ut punctum est principiū  
lineæ, & indiuiduum corporis, sic momentum  
ipsius temporis. Rerum igitur simul omnium  
constructio ab incredibili potentia Dei profe-  
cta principium à Mose, seu summa, in qua confi-  
stit vniuersitas, nominatur. Ille, dum rerū ex-  
trema prosequitur, tacite etiam indicat, quæ ip-  
sis comprehenduntur extremis. Extrema dico,  
habita ratione sensus humani, qui nec sub ter-  
ram penetrat, nec cœlum transcendit. In princi-  
pio igitur mundum esse conditum dicens, signi-  
ficat rerum omniū occasiones, & causas, & po-  
testates à Deo fuisse confectas, & ad primum vo-  
luntatis illius motum res singulas extitisse, cœ-



lum, æthera, stellas, ignem, aera, mare, terram, animalia, plantas, quæ quidem omnia Dei oculo cernebantur, potestatis ratione conspicua, ut inquit propheta: Qui videt omnia prius, quàm *Dan. 5. 6.* fiant. Sed potestate, sapientiâq; ad singularum mundi partium perfectionem collata, necessaria quædam series ordine quodam cōsecuta est, ut unum aliquod ex tota rerum uniuersitate primum extiterit, & apparuerit. Deinde post illud necessario alterum secutum. Tum, ut artifex natura cogeat, tertium, & quartum, & quintum, & reliqua deinceps non casu, & fortuna inordinato, & celeri quodam motu, sed, ut necessarius naturæ ordo in rebus disponendis requirebat, ita singula facta fuisse narrat, & de naturalibus institutis philosophatur. Quasdam etiam uoces imperantis Dei, singulis rebus, quæ generantur, assignat, idq; recte, & conuenienter facit. Quidquid enim ordine sapienterq; factum est, quandam ueluti uocem Dei uicissim refert. Itaque cum Dei naturam ignoremus, ipsam potentiam, ipsamq; sapientiam animo concipientes, Deum mente nos credimus comprehendisse. Iccirco quando conditus est orbis uniuersus, antequam singulæ partes ipsius apparerent, tenebris totus obtegebatur. quia splendor ignis, qui sub materiæ particulis latitabat, nondum effulserat. Etenim, quemadmodum silices in tenebris obscuræ iacent, licet uim lucidam, atque illustrantem naturaliter in se contineant,



quippe quæ pariant ignem, si inter se collidantur; scintilla uero ab ipsis prolata, splendore illius ipsæ quoque cernuntur: sic obscura cæcæque erant omnia prius, quàm perlucida, atque illustrans natura in apertum proferretur. Nam cū vno diuinæ volūtatī motu nuper indistincta rerum vniuersitas simul extitisset; omniaque elementa inter se cōcreta permixtaque essent; ignis, qui ubique disseminatus erat, obscurus iacebat, materiæque impotentia supprimebatur. uerum, quoniam uis eius uelox, atque agilis est, simul atque rerum naturæ ad mundi constitutionem à Deo motus principium atque incitatio adhibita est, ante illa omnia, quæ grauiora sunt, exiliens, lumine cuncta statim illustrauit. Hoc autem sapientiæ ratione fecit potentia conditoris, qui, ut eius iubentis oratio à Mose describitur, fiat, inquit, lux, & facta est lux. oratio enim, & ratio in Deo, ut ego sentio, est opus, & factū. Quidquid enim ab eo fit, ratione fit. Et in iis, quæ à Deo proficiscuntur, nihil à ratione alienum, nihil inordinatū, aut fortuitum animaduertitur. Quare credendum est, in rebus singulis sapientem quandam, ac solertem inesse rationem, longe tamen præstantiorem, quàm ut aspectu nostro comprehendatur. Quod igitur dixit Deus, quando rationis imperantis ea uox est, non indignam, opinor, Deo cogitationem suscipiemus, si ad rationem rei procreatæ infinitam dictum retulerimus. Sic enim has uoces



magnus etiam Dauid nobis exposuit, omnia, Psal. 103. c  
 inquit, in sapientia fecisti. Nam imperantia  
 rerum conditarum uerba, quæ à Mose ex diui  
 na uoce descripta sunt, Dauid ipse conspectam  
 in rebus generatis sapientiam appellauit. Quo  
 circa coelos etiam, ait, narrare gloriâ Dei. Ar  
 tificiosum nimirum, quod in ipsis ex conuer  
 sionis concentu spectaculum uisitur, apud peri  
 tos munere fungitur orationis. coelos autem  
 enarrare, & firmamentum annunciare dicens,  
 erudit eos, qui eiusmodi uerba crassius intelli  
 gerent, & fortasse uocis etiam sonum, distin  
 ctumq; sermonem ex narratione coelorum ex  
 pectarent, dum inquit, nō esse loquelas, neque  
 sermones, quibus non audiantur uoces eorum, Psal. 18. a.  
 ut sapientiam, quæ in rebus procreatis perspi  
 citur, orationem esse declararet, licet haud articu  
 late, distincteq; pronuncietur. Rursus, cū ma  
 gnificis quibusdam uocibus Deum sibi locutū  
 esse dixisset Moses, dum admiranda illa signa  
 ederet in Aegypto, id ipse Dauid sublimius  
 multo, quàm ut quilibet suspicetur, explicauit,  
 posuit, inquit, in eis uerba signorum eius, &  
 prodigiorum ipsius in terra chan. Psal. 104. c  
 Hac enim uo  
 ce propheta uim earum rerum admirabilium ef  
 fectricem, ratione quadam eas executam, pla  
 nissime demonstraui, cum nō rationem in uer  
 bis consistentem, sed signorum efficiendorum  
 potestatem ita nominaret. Sic igitur etiam tunc  
 anteuertit, & celeritate mobilitateq; sua uis illu



minandi à rerū uniuerſitate ſeceſſit, ſeq; ipſam  
 ab aliis naturis ſeiunxit, atque ita ſplēdida illius  
 potentia illuſtratus eſt orbis. Qua autem ratio-  
 ne hæc effecerit ignis natura, ſolius Dei eſt ex-  
 plicare, qui naturæ uim inſeruit illuminandi at-  
 que illuſtrandi. quod ſcriptura ſua Magnus  
 etiam Moſes teſtatur, cum ait; Dixit Deus, fiat  
 lux, eiufmodi uerbis, ut arbitror, ſignificans, di-  
 uinam orationem eſſe lucis opus omnem huma-  
 nam cogitationē ſuperantem. Nos enim, quod  
 factum eſt, tantūmodo aſpicimus, ſenſuq; per-  
 cipimus, & admiramur. Vbi autem ignis lati-  
 tans repente generetur, ſiue ex lapidum colli-  
 ſione, ſiue ex aliarum rerum attritu profiliat,  
 & quænam uis id, quod ab ipſo comprehenditur,  
 exedat, atque conſumat, quæq; aerem flā-  
 ma colluſtret, neque cernere poſſumus, neque  
 ulla cogitatione cōplecti, ſed in ſolo Deo tam  
 mirificæ rei rationem reconditam eſſe dicimus,  
 qui, arcana poteſtatis ratione, in igne lucem in-  
 generat. Quemadmodum ſermone ſuo Moſes  
 atteſtatur, dixit, inquiens, Deus, fiat lux, & fa-  
 cta eſt lux. Et uidit Deus, lucem eſſe bonam.  
 Vere enim Dei ſolius eſt, intueri, quo modo  
 fit ita bona. Imbecillitas autem naturæ noſtræ,  
 quod fit, perſpicit illa quidem, qua ratione au-  
 tē fiat, nec perſpicere poteſt, nec laudare. lau-  
 dantur enim, quæ cognoscuntur, non autem  
 quæ ignorantur. Vidit igitur, inquit, Deus,  
 lucem eſſe bonam, & dimiſit Deus inter lucem,



& tenebras . Rursum . Moses , quod naturali quodam ordine , atque concentu fit , necessario ad Deū auctorem refert , ex iis , quæ dicta sunt , ut ego sentio , docens , omnia , quæ necessario ordine se consequentia , proditura erant , Deo primum fuisse cognita . Etenim cum natura illa lucida , atque illustrandi uim habens , quæ in rerum uniuersitate disseminata , dispersaq; erat , ad id , quod sibi cognatum , ac simile erat , accurreret , seq; tota colligeret , necessario ea , quæ à reliqua elementorum materia contexta remanebant , obscurabantur , & hæc obscuratio tenebræ erant . Quod igitur consecutum est , ne quis in fortuitum aliquem casum reiiceret , Moses esse Dei opus asseruit , qui rebus conditis eam tribuisset facultatem . Ignis autem naturam , & celerem esse , & ad superiora tendentem , semperq; mobilem , ex iis , quæ uidentur , cuilibet patet . Et hæc quidem per hoc principium intelligenda proponuntur . Illud autem in genere narrationis historice à Mose cōscriptum est : Et factum est uespere , & factum est mane . Quis enim ignorat , cum res procreata ita diuise sint , ut aliæ mente , aliæ sensibus comprehendantur , omne legislatoris studium nunc eò dirigi , non , ut eas , quæ mente atque animo percipiuntur , exponat , sed ut ex iis , quæ cernuntur , rerum sensibus obnoxiarum ornatum & dispositionē ostendat ? Cum igitur ignis , qui natura sua celerissime fursum tendit , tanquam sagitta ab arcu



emissa ab aliis elementis progrediens ex uniuer-  
 sitate rerū ante exiluiſſet, & , quā cogitari poſ-  
 ſit celerrime, ceteras ſenſui affines res pertran-  
 ſiſſet, nec motum rectum longius ualeret pro-  
 ducere, quōd res illæ, quæ mente ſolum perci-  
 piuntur, nullo pacto cum iſtis, quæ ſenſibus  
 ſunt expoſitæ, qualis eſt etiam ignis, cōmiſceri  
 queant, ſumman mundi regionem obtinens in  
 orbem neceſſario motum egit. Ab inſita enim  
 vi naturali cum vniuerſo mundo ferri compellitur,  
 locum autem, per quem recta motione fe-  
 ratur, non habet, quōd & res ſenſibus expoſitæ  
 ſuis quæque finibus continentur, & quæ animo  
 tantum cōprehenduntur, ignis curſum, ut an-  
 te diximus, non ſuſcipiunt, iccirco in ſuprema  
 orbis regione proſpere degens circumuertitur.  
 Itaque Moſes ignis motum conſiderans, non  
 ait lucem procreatam in eiſdem partibus per-  
 manſiſſe, ſed uehementi motu craſſiorem rerū  
 molem obeuntem & obſcuris attuliſſe ſplendo-  
 rem, & illuſtratiſ tenebras reliquiſſe. Hac autē  
 lucis tenebrarumq; ſucceſſione æquis temporis  
 interuallis in regione inferiori peracta, Moſes,  
 ut nihil eorum, quæ ordine conſecuta ſunt, aut  
 fortuito, aut ab alia cauſa principium habuiſſe  
 declararet, diei noctiſq; denominationem Deo  
 tribuens, appellauit, inquit, lucem diem, & te-  
 nebras noctem. Nam cum illuſtrandi uis natu-  
 ruraliter non poſſet quieſcere, ubi lux per ſum-  
 mam circuli partem tranſiens ad ſuperiora per-



uenit, necesse fuit, ut inferiora obscurarentur,  
crassiore natura, ut par est, splendorem nō ad-  
mittente. Ignis igitur abscessum uesperam no-  
minauit. Rursus autem cum ignis supremum  
circulum percurreret, & superioribus lumen  
afferret, illud ipsum factum uocauit mane, cre-  
pusculum sic appellans. Sed paulo altius ser-  
monem repetamus, ut expositionis allatæ à no-  
bis ordo ex iis, quæ sparsum in sancta scriptura  
posita sunt, comprobetur. Verba, quæ mun-  
di cōtinent opificium, sic habent: In principio  
fecit Deus cœlū & terram. Hæc nos ita sumus  
interpretati, ut rerum omnium procreationem  
simul fuisse constitutam ex iis significari dixer-  
imus. Ex eo enim, quod continet, illud etiam  
ostendi, quod continetur. Nam extremis me-  
dia comprehenduntur. Extrema uero, quantū  
quidem ad sensum pertinet humanum, sunt cœ-  
lum, & terra. His enim aspectus hominū utrin-  
que circumscribitur. Quemadmodū enim qui  
dixit, in manu eius esse fines terræ, media etiam,  
quæ finibus concluduntur, intellexit: sic Moses *Psal. 94. a*  
per extremitates, vniuersam orbis materiam  
complexus est. quæ quidem opinio ex verbis,  
quæ sunt interiecta, confirmatur. Scriptum est  
enim: terra autem erat inuisibilis, & incompo-  
sita: ut planum fieret, omnia quidem fuisse po-  
testate in primo Dei ad procreandum appulsū,  
tanquam ui quadam feminis ad mundi procrea-  
tionem coniecta, actu uero res singulas minime



fuisse. Terra enim, inquit, erat inuisibilis. Quod perinde est, ac si diceretur, erat, & nō erat. si quidem ad eam nondum concurrerant qualitates. Cuius quidem sententiæ indicium est, quod inuisibilis fuisse dicitur. Quod enim uidetur, color est: color autem est quidam ueluti fluxus ex superficie figuræ: figura uero non est sine corpore. Quamobrem si inuisibilis erat, & colore carebat omnino. quod autem coloris est expers, figuram non habet. & quod eiusmodi est, corpore uacat. Quare in subita illa mundi molitione simul cum reliquis rebus omnibus inerat terra. restabat autem, ut, id, quod est generari, qualitates adhiberentur. Etenim ex eo, quod inuisibilem eam fuisse dicit scriptura, nec aliam ullam in ipsa qualitatē fuisse demonstrat. Quod autem incompositam uocat, indicat eam nōdum corporeis proprietatibus fuisse concretam & condensatam. Hoc autem ex Symmachi, & Theodotionis, & Aquilæ interpretatione clarius fit, cum primus eorū dicat: terra autem erat iners, & indistincta: alter autē, erat inanis, & nulla: tertius uero, erat nihil, & nihilum. Ex his enim, ut ego quidem sentio, intelligitur terra ex eo, quod iners esset, nondum actu fuisse, sed sola potestate. Quod autem indistincta, nondum singulas qualitates inter se proprie fuisse separatas, sed orbem uniuersum in confusa quadam, & indistincta qualitate, cum nec color, nec figura, nec moles, nec amplitudo, nec



ulla alia eiusmodi qualitas propria ratione distincta in subiecto cerneretur. Idem significat nobis, inanis, & nulla. Nam uoce illa, inanis, uis qualitates separans indicatur, ut intelligamus, mundi conditorem potestatem qualitatum susceptricem produxisse, quæ quidē inanis erat, & in se nihil continebat, antequam qualitatibus cōpleretur. Tertiam interpretationem, ut ex Epicuri depromptam philosophia, sine cōsideratione relinquendam existimo. Simile enim quiddam illa quoque declarat de primo rerum principio, uoces inanes effingens, per easq; nullam fuisse rerum non subsistentem naturam ostendens, cui simile est nihil, & nihilum. Verum ad institutum nostrum reuertamur, uideamusq; quo modo supremo naturæ sensilis termino ab igne semel occupato, firmamentū deinceps factum sit, quod superiorum & inferiorū aquarum confinium esse dicit. Ego enim existimo firmamentum, siue sit vnum ex quatuor, siue aliud illa complectens, ut externi philosophi tradiderunt, non esse corpus solidum, ac durum, sed cōparatione sempiternæ, & incorporeæ, & quæ tactu non percipitur, proprietatis, extremum illud naturæ sensilis, quod ignis uis sua perpetuo mobili ambit, firmamentū à scriptura dici. Quis enim nescit, quod solidum est, resistenti quadam duritie condensari? quod autem est densum, & durum, ac resistent, qualitate grani non uacat. quod uero natura graue



est, sursum ferri non potest. At rebus cunctis sensilibus superius est firmamentum. ex quo fit, ut nihil in eo crassum, aut corpulentum cogitari possit. sed, ut dictum est, rerum, quæ corpore uacant, & animo tantum comprehenduntur, comparatione, quidquid sensibus est obnoxium, solidum, firmumq; dicitur, licet naturā, quā maxime cogitari possit, subtilem obtineat. Merito igitur, quod ignis ambitu cōprehenditur, comprehenditur autem quidquid ex crassa materia constat, id propriis semel terminis circumscriptum, ob naturalem materiæ crassitudinem ad superiorum differētiā uocatum est firmamentum. Quemadmodū autem & lucem, diem; & tenebras, noctem; sic illud, coelū, appellauit. Atque ab hac quidem expositione diuisio aquarum interpositu interiectuq; firmamenti cōstituta non abhorret, & scripturæ cōuenit: sic enim post illa, quæ de terra scripta sunt, sequitur: Tenebræ erant super abyssum, & spiritus Dei ferebatur super aquā. Arbitramur igitur tantum abesse, ut spiritus tenebrarū, spiritus Dei sit, quantū abest ab omni malo. quod innumerabilibus sanctæ scripturæ testimoniis possumus cōprobare, quæ Deū & lucem esse ueram, & habitare lucem inaccessam affirmant. Spiritus autem Dei ea, super quæ fertur, similia facit iis, quæ in luce sunt. Quamobrem aqua, super quam Dei spiritus ferebatur, in luce erat omnino, & à tenebris separata: & ideo illi non

Io. 1. b.  
1. Tim. 6. c.



erat opus, cum in tenebris non esset, ut illustra-  
retur. Quæ si recte considerata sunt, aqua pro-  
fecto, super qua ferebatur spiritus Dei, diuer-  
sa est ab istarum aquarū natura, quæ deorsum  
fluunt, et firmamēto ab aqua graui & ad inferio-  
ra tendente seiungitur. Quod autem in scriptu-  
ra uocetur aqua etiam illa, quæ sublimiori con-  
templatione diuinarum mentium plenitudo si-  
gnificatur; ne quis id alienum, aut nouum pu-  
tet. Nam & Deus ignis cōsumens est, attamen *Dent. 4. d.*  
ab ignis materia purus intelligitur. Quemadmo-  
dum igitur, cum audis Deum esse ignem, aliud  
quiddam ab isto igne diuersum esse illum cogi-  
tas: sic etiam, cum diuino spiritui aquam subie-  
ctam discis, ne putes illam esse istam, quæ infe-  
riora petens in terram fluit. Nam spiritus Dei  
super terrenis istis, atque instabilibus non fer-  
tur. Verum, ut clarior nobis hic sensus pateat,  
breuiter repetamus ea, quæ dicta sunt. Firma-  
mentum, quod vocatum est coelum, terminus  
est rerum, quæ sensibus cōprehēduntur. quod  
ultra illum terminum est, id res illæ, quæ men-  
te percipiuntur, excipiunt, in quibus nec spe-  
cies est, nec magnitudo, nec situs in loco, nec  
interualli mensura, nec color, nec figura, nec  
quātitas, nec quidquam aliud eorum, quæ sub  
coelo cernuntur. Nec quisquam arbitretur, nos  
uerborum interpretationi ex hac morali expo-  
sitione confusionem afferre, ut opinionibus eo-  
rum, qui ante nos interpretati sunt, faueamus,



Gen. 1. d.

Psa. 76. d.

dicamusq; potestates illas, quæ defecerunt, abyf-  
 sum dici; principem uero tenebrarum intelligi  
 tenebras illas, quæ super abyssum erant. Nun-  
 quam enim ita delirarem, ut res à Deo factas  
 malas esse ducerem, cum perspicue summam  
 colligens diuina scriptura dicat: Et uidit Deus  
 cuncta, quæ fecerat, & erant ualde bona. Quod  
 si, quæcunque Deus fecit, sunt bona, abyssus  
 autem, quæq; ad illam pertinent, à numero eo-  
 rum, quæ facta sunt à Deo, non excluduntur:  
 & hæc igitur in ordine suo bona, etiam abyf-  
 sus ipsa, licet lux rebus insita nondum circa illā  
 splenderet. Proinde cum in scriptura abyssum  
 audio, multitudinem aquarum significari dico.  
 Sic enim in Psalmis quoque describitur: cōtur-  
 turbatae sunt abyssi, multitudo sonitus aquarū.  
 Tenebras autem circa illam audiens, uim illu-  
 strandi in rerum vniuersitate sitam nondum elu-  
 xisse intelligo. Aquarum uero separationē per  
 firmamentum consecutam, dicens, à scriptura,  
 nihil absurdū, aut à nominis significatione alie-  
 num mihi facere uideor, si discrimen inter earū  
 naturas intelligam, atque vnum genus illarum  
 sursum tendere, nihil grauitatis habere, & ignē  
 leuitate superare mihi persuadeam, adeo ut su-  
 pra naturam calidā manens, illius subiectæ nec  
 motu conuellatur, nec ardore in diuersum or-  
 dinem commutetur, sed igni subtercurrenti nul-  
 lum ad se accessum præbens, integrum maneat.  
 Quo modo enim, quod materia caret, ei se locū  
 accommodet,



accommodet, quod ex materia constat? Alterum autem illud esse, cuius naturam & oculis, & gustu, & tactu cognoscimus. Quæ enim hic, & deorsum fertur aqua, & perlucida cernitur, & gustu dignoscitur, eam, natura eius perspecta, & cognita, ad aliam notionem transferre nō cogimur. At quæ illic aqua dicitur, cum nec uideatur, nec fluat, nec ullis prorsus eiusmodi terminis coerceatur, quibus natura humida continentur, sed extra locum sit, & expers omnium qualitatium, quæ sub sensum cadunt, super ipsa feratur spiritus Dei, & supra coelos esse credatur, & omnibus, quæ sensu cognoscuntur, superior sit; qui non à communi aqua diuersam putet, naturamq; sensibus non obnoxiam, sed animo, ac mente solum comprehensam existimet, inter eos, qui iudicare possunt, arbitror esse neminem. Nam, ut ex superiore disputatione cōclufimus, quidquid mouetur, à natura, quæ mente sola percipitur, exclusum est, circa se ipsum conuersionem habet. Natura uero locorū spatiis terminata, rebus, quæ mouētur, fines constituit, ultra quos natura, sola intelligentia comprehensa, nullisq; locorum, aut interuallorum proprietatibus obnoxia reperitur. supremum igitur naturæ sensilis terminum, extra quem nihil tale est, qualia sunt ea, quæ cernimus, firmamenti nomine declarari dicimus, sententiam nostram scriptura uerbis illis approbante: Diuisit Deus inter aquam, quæ erat sub firma-



mento, & aquam, quæ erat super firmamentum. Ex his enim patet, ne initio quidem hæc cum illa fuisse confusam, sed, cum esset nomine coniuncta, nullam tamen habuisse naturæ permixtionem. Neque enim dicitur: Erat subter aut supra firmamentum: sed hæc erat sub firmamento, illa erat supra firmamentum. Quòd si vna statim in tenebris, altera prorsus in luce, & à tenebris seiuncta, nimirum illa, super qua spiritus, quæ simul etiam fuit supra firmamentum, quod interiectum est. Quæ de rerum vniuersitatis constitutione excogitauimus, & quomodo in naturæ potentia reliquis rebus lux nō sit posterior, licet scriptura tenebras prius, quàm lucem commemoret, quæq; de firmamento probabiliter attulimus, & de aquarum differentia, quæ illas nominis cōmunionem coniunctas in grauem, leuemq; diuidens, diuersas de utraque ipsarum opiniones affert, hæc & his similia sunt: quæ utrum recta & conuenientia sint, iudicet prudens auditor. Posteaquam igitur, quæ cernuntur, aquæ, ab illis, quæ intelliguntur, secretæ sunt, mediumq; inter duplicem aquarum naturam confinium interiectum est cœlum, quod simul cum terra, atque omnibus iis, quæ ad mundi constitutionem collata sunt, in principio factum esse dicitur, nunc autem perfectum, & nominatum in demonstratione firmamenti, ignis ambitu definiti, ostenditur, alter lucis circuitus rursus & obscurauit id,



quod erat subiectū uicissim, & illustrauit, idq;  
eadem, quæ ante dicta est, ratione uocatum est  
dies. Necesario autem atque ordine natura nu-  
meri rerum uniuersitatem ingressa est. Neque  
enim aliud est numerus, nisi unitatum compo-  
sicio. Quidquid autem præfinita aliqua circun-  
scriptione consideratur, unum appellamus.  
Quare cum circulus undique perfectus in se co-  
gnoscat, recte scriptura in nomine unum cir-  
culi ambitum constituit, dicens: factum est ue-  
spere, & factum est mane dies unus, & rursum  
alterum ambitum itidem unum. Vtriusque  
uero compositio duo reddidit. Atque ita scri-  
ptura numeri naturam mundi partibus adiun-  
xit, ordinis consequentiam nominibus nume-  
ri significans, factum est enim, inquit, uespe-  
re, & factum est mane dies unus. Cum igitur  
hæc facta essent, rerum natura rursus ordine  
progrediens antecedentibus consequens addi-  
dit necesario. Atque huic item operi diuinum  
mandatum anteit, animos ubique nostros Mo-  
se confirmante, ne quid sine Dei nutu consiste-  
re cogitemus, sed, quæ singulis in rebus admi-  
randa perspicimus, ad Deum eorum opificem,  
auctoremq; referamus. omni ergo tum lucida,  
tum ignea natura propriis qualitatibus à cæte-  
ris seiuncta, atque distincta, aeris constitutio si-  
lentio prætermittitur, cum tamen ordinis ratio  
postularet, ut, igne constituto, de ipso aere dis-  
putaretur: qui, cum leuis sit, cum ignis leuita-



re quandam habet cognationem; deinde de natura graui uerba fierent. Moses autem omisso aere de hac ipsa differit. Quod quidem ille non ideo facit, quod nihil ad mundi constitutionem aer conducatur, aut quod seclusus sit ab elementorum potestate, sed quia fortasse natura molli ac facile cedenti præditus res omnes in sese suscipit, easdemque præ se fert, cum nec colorem proprium, nec figuram, nec speciem habeat, sed alienis & coloribus, & figuris informetur. Nam & lucis fulgore splendidus fit, & tenebrarum interuentu niger, & obscurus. Per se enim nec splendidus, nec obscurus est, sed omni figura, omni que colorum specie imbuitur, & ad omnium rerum, quas suscipit, motum se accommodat. Etenim nullo labore illis utrinque cedit, & hinc, atque illinc, utcumque moueantur, ad earum magnitudinem circuncisus pone succedit. Quin etiam si humidum ex amphora, quodcumque in ea fuerit, effundatur, aer et effusum amplectitur, & ultro in interiores uasis partes ingrediens uacuum occupat. His, & aliis innumerabilibus argumentis aeris natura mollis, & facile cedens ostenditur. Quare cum in eo uersetur hominum uita, cumque omnis propè uiuendi facultas, & sensuum actio in aere uim suam obtineat: siquidem per ipsum audimus, odoramur, & animam ducimus, quod uitæ munus maxime proprium ac necessarium est: qui enim respirandi, idem simul fe-



cit etiam uiuendi finem: iccirco sapientissimus  
Moses illum, ut cognatum, coniunctumq; no-  
bis elementum, in quo ab ipso statim ortu enu-  
trimur, tacite præterit, ad huius partis declara-  
tionem satis esse putans, innatam illam, atque  
insitam naturæ nostræ cum aere coniunctio-  
nem, atque habitum. Quæ uero in ipso conspi-  
ciuntur, ea quo modo se habeant, figillatim per-  
sequitur. Etenim cum dies secundus transisset,  
sapiens & numeris omnibus absolutus rerum  
conditarum ordo, quo aqua à terra separata  
est, Dei uox mandatumq; dicitur. Vere enim,  
quidquid sapienter fit, Dei uerbum est, non  
instrumentis ullis uocalibus enunciatur, sed iis,  
quæ in ipsis rebus conditis admirabilia uiden-  
tur, expressum. Nam cum adhuc terrena qua-  
litas cum natura humida commixta esset, cuius  
nisi uere diuinæ potestatis, ac sapientiæ fuit, uel  
terram propriis qualitatibus ita densare, ut, o-  
mnibus eius similibus particulis in solidum re-  
ductis, ac constipatis, humiditatem insitam ab  
ipsa secluderet, uel aquam terræ cauernis cohi-  
bitam, & inclusam ab eius permixtione secer-  
nere, atque in unum congregare? Iccirco Mo-  
ses huic rei admirandæ sermonem Dei præfui-  
se dicit, mandatum ipsius explicantem: quo qui-  
dem ego rationem rerum conditarum naturæ  
insitam significari iudico. Dixit, inquit, Deus,  
cogantur aquæ in congregationes suas, & ap-  
pareat arida. Necessarium naturæ ordinem cer-



nis, quo modo, expressa aqua ab ipsa terra, quod ab humiditate secretum est, exarescat. & quo modo, cum id, quod humidum est, non amplius in coeni morem cum terra permixtum sit, receptaculis quibusdam cingatur aqua, ne propter naturam fluxam dispereat, si effusio ipsius nulla re coerceatur. Mihi non uidetur alienum, de aquis, quæ super coelos sunt, iterum mentionem facere. Nam si necesse est, ut hic apte ad aquas suscipiendas terra formetur, quæ quibusdam sinibus earum fluentia cohibeat, naturæq; instabili firmam stabilitatem suam opponat: qui fieri potest, ut aqua illa superior, si uere est aqua, super re mobili consistat, nec super curua re iacens dispergatur? Etenim si unam & eandem utriusque naturam esse statuimus; necessarium est, ut, quæ in his aquis conspiciamus, eadem omnia de illis cogitemus. Ergo coeli terga dissecta sunt, atque excauata in ualles, earum similes, quæ propter interualla montium in terra sunt, ut illis aqua coerceatur. At quid dicent, quando poli conuersione id, quod superius nunc est, inferius fiet, pocula ne aliqua in orbibus excoGITABUNT, ne aqua suspensa ex cauis effluat? Vorax est, inquiunt, ignis, materiaq; indiget flammam perpetuo nutriente, ne succedentis extinguatur inopia, & à semet ipso consumatur. Ego uero, licet magna præceptoris nostri uox huic sententiæ fauere uideatur, rogabo ta-



tamen eos, in quorum manus hæc inciderint, ne grauius ferant, sed patiantur, me institutum ordinē sequi. Neque enim opiniones nostras, ut leges, auditoribus proponimus, sed ex doctrina ipsius occasionem arripientes consentaneum ordinem intuemur. Quamobrem & hæc oratio nostra, si quidem à decore non abhoruerit, ad eius sapientiam referetur. Quid igitur ad ea, quæ contra dicebantur, respondebimus? Non solum in igne, & aqua contrarias qualitates perspicimus, sed in singulis elementis uidere licet quandam proprietatum cum oppositis pugnam. Quemadmodum enim in elementis, quæ commemorauimus, contraria est frigiditati caliditas, siccitas humiditati: sic in altera elementorum oppositione contrariæ sunt inter se qualitates, soliditas, & raritas; duritia, & mollitia; grauitas, & leuitas; & siquid aliud in horum utroque proprium, alteri contrarium cognoscitur. Vt igitur in his dicere non possumus, contrarium unum altero contrario nutriri, nec grauitatis consumptione aeris leuitatem augeri, neque terræ densitatem oppositi elementi raritatem efficere, aut reliquas eius proprietates alere aereas qualitates: sic inquiet aliquis, frigidum quidem, & humidum, calido, & sicco esse contraria, non tamen sequi, ut mutuo inter se interitu nutrantur, neque ex eo, quòd alterum non sit, alterum esse. Hoc enim pacto neutrum consisteret, si utriusque uis in al



terius interitu sita foret. par enim in utroque  
 corrumpendi alterum potestas est. & semper  
 ex superantis potentia uicti perniciēs nascitur.  
 idq; experimento confirmatur. Si materiam  
 aliquam ignis apprehenderit, deinde aqua conii  
 ciatur, mutuum utriusque uidebimus exitium.  
 Quod enim in utroque dominatur, alterum per  
 dit, cum utrunque alterius potentiae superanti  
 pariter cedat. Quandiu enim æqualis est utrius  
 que uis, mutua utrinque tentatur internecio, &  
 neutrum altero alitur, aut nutritur, sed utrun  
 que simul uicissim deletur. Ut eas feras non di  
 cemus mutuiam sibi uiuendi facultatem præbe  
 re, quæ sese uicissim deuorant, sic humidum,  
 & siccum ita contraria sunt, ut neutrum ab alte  
 ro conseruetur, si unum alterius interitu nutria  
 tur. Quamobrem mihi magis consentaneum  
 uidetur, ut ita statuamus, quoniam omnia,  
 quæ Deus fecit, ualde bona, pulchraq; sunt, in  
 singulis inspicere pulchritudinis perfectionem o  
 portere. Additio enim illius particulæ, ualde,  
 significationem intendit, eamq; perfectionem,  
 cui nihil desit, planè declarat. Nam ut in ani  
 malium genere, quamuis innumerabiles diffe  
 rentias cernamus, generali tamen rerum com  
 mendatione cōuenire dicimus, ut unumquod  
 que pulchrum esse dicatur. Quæ tamen laus, &  
 commendatio non refertur ad eam speciem, &  
 formam, quæ conspicitur. Alioqui nec scolo  
 pendra, nec terrestris rana, nec, quæ ex putri



materia generantur, animalia essent ualde pulchra. Non enim rerum speciem diuinus oculus intuetur. Nec quadam coloris, formæq; præstantia pulchritudo definitur, sed eo, quòd singula, quatenus sunt, naturam perfectam habent. Non enim in eo situm est, ut equus sit, quòd bos non sit, aut contra, sed quòd in utroque eorū se ipsam natura conseruat, propriasq; ad stabilitatem suam obtinet facultates, nec corrumpendi, sed conseruandi uim habet. Sic etiam elementa, licet aliter inter se habeant, singula tamen in se ualde sunt pulchra. Propria enim unumquodque ratione completum est pulchritudine. Pulchra est terra, quippe quæ non eget aeris interitu, ut terra sit, sed naturali sibi à Deo insita potestate sese conseruans in propriis qualitatibus manet. Pulcher est aer, non ex eo, quòd terra non sit, sed quòd ipse est, seq; naturæ suæ uiribus sustentat. Sic etiam aqua est ualde pulchra, & ignis pulcher est ualde, & propriis uterque qualitatibus absolutus in ea mensura, qua primum generatus est, diuinæ uoluntatis uirtute perpetuo conseruatur. Terra, inquit, in æternum stat, non imminuitur, non augetur. Aer in propriis seruat terminis. Quonam igitur pacto aqua sola ex eorum genere est, quæ consumuntur? Præterea in rebus ipsis inter se comparandis uidemus eam, quæ naturā ac uim igneam obtinet, magnitudine longe præstare. Nam illi, quide rebus ubli

Eccl. I. a.



mibus philosophantur, solem ipsum multis partibus terra maiorem esse facile demonstrant. Neque enim umbram terræ longius in aerem protendi, quod, superante solis magnitudine, radio rû accessu in turbinis morem contrahatur & coarctetur. Quod si totum hoc, quod ex terra & aqua conficitur, cum ipso tantum sole comparatum, tam exiguum est, ut multis partibus excelat solis magnitudo: quandiu tantulum istud humidi tanto igni nutrimentum subministrasset? At tamen omnibus seculis uidemus mare pariter exundans, & fluminum cursus eisdem finibus, & modis contineri. Quo quidem experimento nihil humidi consumi probatur, & quemadmodum initio non ex humiditatis interitu ignis ortum habuit, sed ab eadem constitutus est potestate, sic, ut nihil humida natura, quo ipse maneat, perturberetur, in primo suo statu perpetuo conseruatum iri. At enim, inquit, sæpenu-mero terram imbre madefactam uidemus, deinde, sole uehementius calefaciente, eandem exarescere, quæ paulo ante erat irrigua. Quoniam igitur, inquit, abiit humiditas illa, si radio- rum ardore non est consumpta? An, quæ in do- lio est aqua, si in alterum dolium transfundatur, statimq; exinanitur, quod plenum erat; quia in uno aqua non est, ne in altero quidem erit? Hoc si quis ad elementa retulerit, nihil er- rabit. Idem enim est, ex uno uase in alterum a- quam transfundi, & humiditatem è terra exu-



gi, in aeremq; transportari. Naturaliter enim, quando superiorum caliditas ad se attrahit, humidum subtilitate partium à terra sursum tollitur. Huiusce rei illud indicium sit, quòd crassioribus è profundo terræ plerunque sublatis uaporibus caliginosum quoddam corpus defluit, tantaq; sit uaporum coagmentatio, ut oculis perspicue cernatur. Aliàs autē tenuior quædam uaporis fit exhalatio, quæ ad aeris tenuitatem proxime accedit, nec prius oculis percipi potest, quàm inter se coacta, atque concreta coagmentatione sua nubem efficiat, Tenues igitur, atque humidi uapores illi leuitate sua in aere fluitant. Quòd si maior humidicopia in unum confluens grauitatem acquirat, tunc ex aere guttatim cadit. Itaque quod ex terra caliditas attrahit, & extollit, id ab ea non consumitur, sed nubes euadit: qua quidem compressa, imber efficitur. Hoc autem rursum terræ commixto, uapor consurgit: qui redactus in nubem, pluuiam, & imbrem parit. Vnde uapores iterum cōcipit terra, qui in nubes coagmentati defluunt. Quod autem defluxit, rursum per uapores cogitur, atque ita orbis quidam fit, qui in se ipsum redit, & iisdem uestigiis assidue uertitur, ac circumuoluitur. Quòd si plantas, ac germina obieceris; respondebo, omnia in orbem iridem commeare. Humor enim per plantas, aut semina in germina confluit. Tum, quod terrenum est, consequitur: quibus admisis, res



enutrita crescit, & augetur. At ubi exaruerit, ita dissoluitur, ut singulæ partes ad elementum sui simile reuertantur. Etenim cum in particulis suis aer sit rarus, tenuibusq; uaporum partibus longe tenuior, quidquid in ipso est, ad cognatum sibi elementum per ipsum transit. Sic enim & puluis, licet diu in aere diffusa iacteretur, tandem redditur terræ: & humor non perit, sed aliquid omnino sibi coniunctum, ac simile inuenit, cui admixtus, auctusq; partium similium accessione, rursus in nubem concrefcit, atque ita per pluuiæ guttas in naturam suam restituitur. Ex quo fit, ut mundi partes, quæ ordine constitutæ in uniuersitate rerum uidentur, eundem modum & mensuram, quam opificis sapientia cuique ad mundi pulchritudinem initio præscripsit, tueantur, atque conseruent. Illud obiici posse non ignoro, sæpenumero in maximis caloribus nubes per aerem disiectas ferri, in quas si diutius aliquis aciem oculorum intenderit, redarguet quodam modo rationem eorum, qui asserunt, naturæ humidæ nihil consumi. Nam turbulentæ nubis sectiones, quæ multum aeris spatium occupant, primum quidem nimia ardoris ui accensæ magnitudinem contrahunt, deinde incendio exiccata penitus abolentur, adeo, ut humore ab æstu consumpto, nihil omnino relinquatur. Quo quidem argumento uaporum ratio refellitur. Nubes enim in superiore turbulenti uentosiq; huius aeris par



te constitutæ nihil grauiorum uaporum in natura suæ tenuitatem admittunt, cum omnes uapores, & exhalationes crassiores illam aeris partem, quæ terram propius ambit, natura præfinitam habeant, nec ulterius progredi possint. Nam tenuis atque ætheria illa regio nihil crassum admittit. Quidam, se montium altissimorum uertices uidisse, memoriæ prodiderunt, in quos nec nubes ascendere, nec uenti aspirare, nec uolucres magis aduolare possint, quàm animalia, quæ humi demersa sunt, in aere uitam agere. ut perspicuum sit, esse quendam in aere terminum constitutum, quem crassioribus terræ exhalationibus transilire, ut ad superiora conscendant, non liceat. Quamobrem in montium cacuminibus ad æstatem usque permanent niues, nec liquefiunt, quòd humorum in ea parte concretio assidue refrigerat aerem. Quin etiam igneos tractus, quos proficientes stellas quidam uocant, ex eadem causa fieri docent sapientes, qui res eiusmodi profitentur. Ventorum enim ui crassiores quasdam, ac densiores aeris partes in regionem ætheriam compelli, quò simul atque peruenerint, incēdi, flāmaniq; ob insitum uenti impetum fluentem ferri, quo quidem deficiente flammam quoque cum uento simul extingui. Quamobrem cum dici non possint uapores, extincta nube, rursus cōsistere, ut ex illis, quemadmodum in inferioribus fieri uidemus, relictī humidi reditus sperari



queat, necesse est, eorum sententiam approba-  
 re, qui humidum exuri, & in nihilum redigi tra-  
 dunt. Ego uero, ut uaporum humorem ab  
 exuperante incendio consumi concedam (stul-  
 ti enim ac pertinacis hominis iudico, rebus per-  
 spicuis aduersari) tamen, quoniam undique ue-  
 ritatem indagantes fatigari non decet, assero, na-  
 turæ humidæ mensuram nihil imminutam con-  
 seruari, & quod cōsumptum est, rependi pror-  
 fus, atque restitui. Quod autem in hac me sen-  
 tentia confirmat, hoc est: ignis, ut ex actione  
 ipsius hic apud nos experimur, non omnes ma-  
 teriæ, quam corripit, qualitates depascitur.  
 Exempli gratia, in olei materia humiditas, po-  
 steaquam à qualitate frigida seiuncta est, facile  
 ab ignis caliditate attrahitur, & inflammatur.  
 Sed non solum in flammam oleum conuerti-  
 tur, uerum etiam post ignem ex olei humida-  
 te ortum aridus cinis efficitur. id quod aper-  
 te perspicitur ex lucernæ fuligine, qua ea, quæ  
 supra flammam sita sunt, nigrescunt. Quod si  
 diutius fiat, ipsi loco ex lucernæ fuligine infe-  
 cto moles quædam accrescit, atque adhæret.  
 Ex quo planum fit, oleum per ignem exicca-  
 tum in minutissimas & aspectum nostrum effu-  
 gientes particulas commutari, atque ita aerem  
 petere, indeq; defiliens in terram, considere.  
 Minutissimarum autem fuliginis particularum  
 in aere fieri effusionem, ex eo potest intelligi,  
 quòd nares hunc ipsum aerem attrahenti.



nigræ fiunt. Quin etiam id, quod ex pectore  
respirantes emittunt, nigrum esse conspicitur,  
propterea quòd fuliginis colore per aeris attra-  
ctionem accedente fit infectum. Ex his constat  
humiditatem olei sic in siccitatem commutari,  
ut materiæ magnitudo per tenuissimas particu-  
las, & quæ aciem oculorum effugiunt, in aere  
disiecta non deleatur. Si quis igitur, ut hoc olei  
humidum duntaxat in siccum conuertitur, non  
autem tota materia penitus aboletur, sic de uni-  
uerso humido cogitauerit, non errabit. Mani-  
festum enim est, totum ex partibus constare.  
Quod autem de parte discimus, idem de toto  
edocemur. Vnam autem genere humiditatem  
esse, nemo, ne pertinacissimus quidem, nega-  
bit. Atqui humiditas ab igne combusta tenuis  
puluis efficitur: & omne humidum, dum est  
in igne, particularum qualitatem ex humida-  
te in siccitatem conuertit, non autem penitus  
deletur, atque consumitur. Quoniam igitur  
nebula, seu nubes nihil aliud est, nisi uaporum  
coactio, atque concretio; uapor autem est te-  
nuissima humidi exhalatio: necesse est, cum ar-  
dore nubes exaruerit, minutissimum illud, &  
indiuiduum uaporis corpusculum, quamuis  
humidam qualitatem non seruet, non tamen  
omnino disperdi, & aboleri. Quatuor enim  
in uapore considerantur, humiditas, frigiditas,  
grauitas, & quantitas. Ex his quæ naturæ ignis  
aduersantur, ea ui ipsius exuperantis abolen-



tur. Quamobrem nec humidum, nec frigidum in igne sita, manent eiusmodi. Quantitas uero ab ignis natura non discrepat, quandoquidem & ignis in quanto consideratur, & cum quanto quantitas non pugnat. Itaque uaporis quantitas ab humidi & frigidi qualitate seiuncta seruiatur. Quæ autem ex grauitate qualitas uapori naturaliter inest, unà cum magnitudine conseruiatur. pariter enim & humida, & frigida grauem naturam habent. Ex hac rerum serie mens nullo labore cognoscet, quo modo aqua fiat terra, commutataq; uaporis qualitate naturam similem assequatur. siccum enim, & graue qualitatis, quæ terræ inest, propria sunt, in eaq; uapor exustus conuertitur. Ac mihi quidem non faciendum uidetur, ut principium hoc assecuti, consequentem ordinem, ad quem consideratio ipsa nos per uerisimilia ad ueritatem ducens progreditur, omittamus. Videtur enim ob hanc causam & mare semper in propriis terminis permanere. Quoniam accessio illa, quam ex confluentibus aquis assidue paulatim acquirit, exhauritur, & consumitur à caliditate, quæ cucurbitulæ instar tenues humidae naturæ uapores attrahit. Verum, quia mediterranea loca, & quæ magis ad Aquilonem uergunt, huic rationi uidentur aduersari, propterea quòd, cum in his partibus ob aeris ambientis frigiditatem mare non admodum calefiat, uaporum confectio torpeat, eam dupliciter



citer confirmabimus. Primum igitur dicimus, licet innumerabilia maria uideantur, unum tamen, & continuum esse mare in sese per orbem uniuersum commeans, nec ullo pacto à coninnctione sua diuulsum, atque seiunctum: quamobrem, si perpetua caliditatis præsentia, quod australe est, succendatur, in illis item partibus diminutionem sentiri, aquis sponte sua deorsum naturaliter confluentibus ad explendum id, quod exhaustum & exinanitum est. Deinde, cum totum mare, ex quauis aqua confectum, sit salsum, parem fieri uaporum digestionem comprobari. Salforum enim naturalis est siccitas. Quare si qualitas hæc per totum mare pariter diffusa est, pariter etiam agit in omnibus illius partibus. Id enim cuiusque naturæ proprium est, ut ex ui sua agat. Nam ut ignis accendit, & nix refrigerat, & mel dulcia reddit, ita sal exiccat. Quocirca cum passim per omnia maria salis exiccatio natura sit distributa, sic ad facilem uaporum digestionem prospiciente diuina sapientia: omnes enim partes aquæ tenues sal quodammodo excludit, atque expellit e mari, quippe quod dominetur humido propter insitam naturæ siccitatem: non absurdum est existimare, æquabiliter undique humiditatem consumi, mare per uapores exhauriente aere. Quod autem omnis aereus humor in nubibus fiat, atque inde pluuiæ in terram decidunt, & nos superius ostendimus, & prophe-

D



*Amos. 5. c.*

tia opus eiusmodi Deo tribuens docet his uerbis: qui uocat aquā maris, & fundit eam super faciem terræ. Et cum alia multa, tum nubes à superiore caliditate accendi, & penitus exiccari re ipsa didicimus. Quare non est prætereunda quæstio, quæ nobis ex iis, quæ dicta sunt, ordine occurrit. Sic enim aliquis obiiciat. ex commemorato olei exemplo intelleximus, materiam subiectam etiam post combustionem non aboleri, sed in aerem secedere, atque ignis ui in terram redigi, eo cōsumpto, quod eius qualitati contrarium erat. Quamobrem qui potest humida natura semper imminuta, atque integra permanere, cum uaporum humorem, ut declaratum est, ubique caliditas arefaciat, & in siccam qualitatem conuertat? Cur, cum humidum exhaletur, & calido tam sit obnoxium, ut in tenuia, atque indiuidua corpuscula per uapores dissectum, in aridam qualitatem ab eo necesse sit commutari, non ea uerior existimetur opinio, quæ asserit esse quandam aquarum copiam, qua semper instauretur, & sufficiatur id, quod ab igne consumptum, ac deperditum est? præsertim cum scripturæ testimonio confirmari possit, quæ tradit apertas fuisse cataractas cœli, cum aquis altissimis omnes montium uertices superantibus submergi terram oporteret. Hoc ego scripturæ testimonium dicam alio eiusdem scripturæ testimonio refelli posse. Solet enim diuina scriptura à propria uerborum si-

*Gen. 7. c.*



gnificatione recedere. Quid igitur, per aperire,  
& claudere, uelit intelligi, cōsideremus. Ea ni-  
mirum aperiuntur, quę clausa sunt; & quę sunt  
aperta, clauduntur. Sole olim dominante, cum  
magna siccitas esset, ea res in scriptura hisce uer-  
bis est explicata. Clausum est cœlum annis tri-  
bus & mensibus sex. Quare ea scripturę ora-  
tione, qua dicuntur apertę cataractę cœli, si-  
gnificari arbitror ipsum cœlum fuisse clausum  
tempore siccitatis. Quo quidem tempore cum  
nubes ē mari sublata, pluuiā demissa, cœlum  
aperuerit; constat, ne tunc quidem, firmamento  
cœli disrupto, ex aquis, quę super illo dicun-  
tur esse, imbrem defluxisse, sed cœlum appella-  
ri aerem, qui terram ambiens uaporibus termi-  
num constituit, quo à subtiliore natura illa su-  
periore seiungantur, ultra quam nihil eorum,  
quę grauiora sunt, potest aspirare, non nubes,  
non uentus, non uapor, non exhalatio, non  
ipsę uolucres. Quod autem aer hic capitibus  
nostris impendens cœlum in scriptura uocetur,  
facile intelligimus, dum in ea legimus, uolati-  
lia cœli. Aerem enim per ea, quę in ipso uo-  
lant, cœlum dici cognoscimus. Cæterum licet  
hęc ita se habeant, nondum explicata est illa  
quæstio, quo modo uaporum in siccum com-  
mutatio humidum uī naturę calidę consum-  
ptum non imminuat. Aliud præterea ordine se-  
quitur inquirendum, quod accuratiore studio  
indagantes forte consequemur. Audisti pro-

Luc. 4. c.  
3. Reg. 17.



Esa. 40. r.

phetiam diuinæ potestatis magnitudinem ex  
 iis, quæ in rebus procreatis admiranda cernun-  
 tur, enarrantem hoc modo: Quis manu dimen-  
 sus est aquam, & cælum palmo, & pugillo ter-  
 ram uniuersam? Quis in statera montes, & ual-  
 les in lance collocauit? His uerbis, ut arbitror,  
 aperte docet propheta, propriam singulis ele-  
 mentis præscriptam esse mensuram à Dei om-  
 nia complectentis potestate, quam ille ma-  
 num, & palmum, & pugillum uocat, suis unun-  
 quodque terminis & mensuris coercentem.  
 Necessè est igitur, si Dei potestas cælum dimen-  
 sa est, si manus eius aquam, si pugillus uniuersam  
 terram, si ualles in statera constituit, si mon-  
 tibus pondus præfiniuit, omnia mensuram, ac  
 modum tueri suum, nihil eorum augeri, nihil im-  
 minui, quæ mensus est Deus, quæq; ipsius po-  
 testate continentur. si nulla autem rebus acci-  
 dit accretio, nulla diminutio, ut prophetia te-  
 statur, in sua prorsus ununquodque mensura  
 perpetuo manet, cum natura ipsa rerum com-  
 mutabilis cuncta uicissim conuertat, & unum  
 in aliud mutet, idemq; rursus conuersione mu-  
 tationeq; pristinum in statum reducat. Sed  
 quia uaporem hunc humidum in flamma posi-  
 tum, siccitate per combustionem acquisita, in  
 qualitatem terrestrem transire ex superiore o-  
 lei exemplo satis ostendimus, deinceps confide-  
 randum est, utrum, uaporis materia in contra-  
 riam conuersa, reliquæ ipsius combustionem



subtiliores, ac tenuiores effectæ supra manere possint. Hoc autem exemplis item nobis manifestis poterimus inuestigare. Neque enim fuligo illa subtilissima perpetuo hic in aere permanet sublimis, sed per aeris raritatem ad cognatum sibi elementum transiens, terræ, & parietibus, tectorūq; laquearibus adhærescit. Quod de uaporibus illis quoque cogitandum est, ut ad superiorem, igneamq; regionem à uentis compellantur, & in humidæ qualitatis commutatione materiam seruet, arefactisq; ad id, quod eis cognatum est, ac simile, detrahantur, humiq; confideant. Naturalis enim rebus omnibus attrahendi uis insita est: ut minime absurdum uideatur, si uapores quidam, ficci, ac terrestres effecti, terræ ficcitati, & qualitati commisceantur. Quod si ex olei materia cuncta constarent; in crassitudinis qualitate uapores eiusmodi in colorem nigrum exustione conuerterentur; & ex specie illa conspecta, quid fieret, cuius esset perspicuum. Verum quia subtilissima, liquidissimaq; natura in uaporibus est, hi uero eo, quem supra diximus, modo in igne positi qualitatem humidam in siccam conuertunt, necesse est, ut, quidquid illud fuerit, quod ex illis redactum animo comprehenderimus, purum, & aereum aliquid, quod subtilitate sua cognitionem effugiat, cogitemus. Sin quispiam sensui magis, quàm rationi credendum putat, quæritq; oculis indiuidua, ac cæca illa corpuscu-



la contrari, is poterit aerem talibus particulis refertum aspicere, quando radii solis per fenestram excepti, eam aeris partem clariorem reddiderint, quæ splendore fuerit illustrata. Hic enim infinita corpusculorum in aere uolantium multitudo, quæ in reliquo aeris spatio oculis cerni non potest, radiorum beneficio perspicitur. Si quis igitur aciem oculorum intenderit, corpuscula illa subtilia assidue defluentia deorsum ferri conspiciet. Quod autem in una parte aeris ostenditur, indicio est, idem in uniuerso mundo fieri, siquidem inter se continuus est, & ex partibus compactus. Porro si tenuia hæc indiuiduaq; corpuscula, quæ in aere iactantur, in terram defluunt, certumq; est, ætheriam speciem non discerpi in ea, nec dissipari, quando confractionem, atque effusionem eiusmodi non patitur ignis natura: necesse est, ut credamus, materiam esse illorum uaporum, quorum digestionem ante considerauiamus: qui cum humidi sint, à calida attrahuntur natura, exusti q; ac terrestres effecti non amplius in aere continentur, sed rursus in terram reuertuntur. Quemadmodum autem cibus in nobis per concoctionem in tenuem quandam qualitatem immutatur, & cuiusque corporis parti per digestionem accesserit, eam auget; cumq; in corporis constitutione uaria sit membrorum in sicco, & humido, & calido, & frigido differentia, quocunque cibus concoctus digestusq; perue-



nerit, talis euadit, qualis est ea corporis pars, à qua suscipitur, quæ quidem opportune tenuitatem digestionis comprehendit, eamq; sibi accommodat, & similem, ac propriam reddit: eodem pacto, licet non sentiatur, assidua terræ fit accessio per indiuidua illa corpuscula. Quam obrem quidquid alicubi cohaerit, & coaluerit, illius partis, à qua susceptum est, naturam subit, fitq; gleba in gleba, arena in arena, lapis in lapide, & quodcunque fuerit solidum illud, à quo suscipitur, in eiusdem naturam commutatur. Quod si quis in lapide propter duritiam putet esse difficile, licet id ipsum ratio persuadeat, ego tamen cum illo non decertabo. Nihilominus enim conficietur, quod propositum est, cū terrestres materia deorsum fluens, à partibus eā non suscipientibus ad suscipientes à uentis transferatur. At aliquis dicet fortasse, orationē nostram non eò tendere, quò proposuimus: nobis enim fuisse propositum, ut ostenderemus aquam semper in ea mensura, quam initio obtinuit, permanere, imprudenter autem illuc esse progressos, ut cōtrarium confirmaremus: siue enim digesti uapores in igne consideant, siue reuertantur in terram, utraque re diminutionem aquæ pariter sequi, eoq; ipso copiam aquarum ostendi, quòd omnino semper absumentur. Necessarium igitur erit, ut rerum naturam iterum consideremus, quo disputatio nostra rectius per ipsam ad finem propositum

D iiii



perducatur. Quænam igitur est rerum natura? Nihil eorum, quæ cernuntur ordine terram ambire, constans, firmum, & immutabile constitutum est à rerum omnium opifice Deo: sed omnia inter se uicissim commutantur. Inest enim quædam uis, cuius perpetuo quodam in orbem motu cuncta hæc inferiora circumaguntur, & permutantur, rursusq; in semetipsa reducuntur. Quæ quidem cōmutatio cum fieri nunquam cesset, necesse est, in alia uicissim omnia transire, & per eadem iterum uestigia remeare. Nihil enim horum à se ipso conseruaretur, nisi cum altero genere commixtum naturam suam obtineret. Quo modo, inquires, illa commutandi uis per quatuor elementa in orbem comseat? Neque enim quælibet ex quibuslibet uicissim fiunt, neque commutationis circulus per res singulas æqualiter uagatur. sed aqua quidem per uapores in aerem refunditur, uapores autem pabulo flammæ sumministrato terrestres fiunt, in cinerem quodammodo reducti, posteaquam cum igne uersati sunt. His uero susceptis terra mutationis in se circulum sistit. Neque enim aquæ natura rursus ortum habet è terra. Qua quidem ratione relinquitur considerandum, utrum terra in aquæ naturam mutari possit. Quod dum inuestigamus, nemo orationem nostram ut longiorem accuset. Videmus ea, quæ natura sunt sicca, sponte sua naturali quadã proprietate madefieri. Vt in sa-



le licet intueri, & in metallis, & in iis, quæ ex humore aliquo congelante consistunt. Horum cum siccitas propria sit, tamen, si quidam ex ipsis liquor descendat, humida fiunt, siccitatemque suam in humidam qualitatem conuertunt. Talis etiam cernitur mellis, natura, quod calore exiccatum, rursus casu aliquo in humorem resoluitur. Sed hæc omittantur. Præstat enim, ut ex principio aliquo necessario disputationis ordinem persequamur. Animaduertimus, non una qualitate elementa singula constitui, & ab aliis elementis separari, sed uariis qualitatibus comprehendi, quarum aliæ inter se pugnant, aliæ simul inspiciuntur, & pugnantibus inter se pariter cohærent, & quadrant. Vt in terra & aqua siccitas & humiditas coniungi nequeunt. Horum tamen utrique ex æquo frigiditas inest, qua pugnantes quodam modo deuinciuntur. Aqua item & aer grauitate leuitateque separantur, sed in his quoque frigiditas utrique conueniens ut medium quoddam uinculum spectatur: Discrepat aer ab igne ea, quæ est inter frigidum & calidum, differentia, sed leuitate inter se conciliantur, atque conueniunt. Ignis denique à terra leuitate seiungitur, sed siccitatis necessitudine copulantur, & foedus ineunt. Quæ si uolumus declarare, sic exordiamur. Frigiditas quidem in terra simul, & aqua, & aere perspicitur, maiori tamen ex parte congruit aquæ, & eius in se quodam modo naturam conseruat,



iniuriamq; à ficcitate prouenientem propellit  
 ea repugnantia, quam habet cū calido. Quem-  
 admodum igitur adest calido ficcitas naturalis,  
 nec ignis solus in alio potest ostendi: sic dicen-  
 dum est, cum humido frigiditatem coniungi,  
 ac deuinciri. Quòd si humidum simul & frigi-  
 dum aquæ naturam constituunt, frigida autem  
 qualitas terræ naturaliter inest: sequitur, ut pote-  
 state & aqua insit in terra, & terra in aqua. Na-  
 turalis enim humidi cum frigido copulatio non  
 permittit, ut unum ab altero penitus seiunga-  
 rur: sed, etiam si contingat aliquando, ut alte-  
 rum in se ipso separatim consistat, id non pla-  
 ne solum est, sed potestate utrumque in uno  
 perspicitur. Nam ut, humido in aerem diffuso,  
 frigiditas uaporum particulas insequitur: sic è  
 contrario, in intimis terræ partibus frigido com-  
 morante, humiditas cognatam qualitatem non  
 derelinquit: sed frigida uis, quæ terræ natura-  
 liter inest, tanquam aliquod humidæ naturæ se-  
 men efficitur, semperq; ex se coniunctam sibi  
 qualitatem gignit, cum uis illa commutandi ue-  
 hementi frigiditate terram in aquam conuertat.  
 Harum rerum si quis à nobis rationem & cau-  
 sam exquirat, rogetq; , quæ uis ex æquo solidū  
 in humidum conuertat: quod illi respondeamus,  
 non habebimus, ut in reliquis etiam o-  
 mnibus, nempe quo modo aqua in aerem dif-  
 fundatur, &, quod deorsum tendit, infideat le-  
 ui, graueq; in leue conuertatur. Hæc enim fie-



ri sensu ipso percipimus: quo modo autem à natura fiant, ratione docere nō possumus. Sin quispiam experimentis hanc opinionem comprobari cupiat, id adducto puteorum exemplo facile præstabimus. Neque enim, si terram siccam effodias, protinus aquam offendes, sed primum tactu nescio quid uliginosum senties. quòd si fodiendo altius ire pergas ad loca frigidiora, glebam magis cœnosam inuenies. at si ad magis adhuc frigida loca descenderis, turbida quædam aqua apparebit. sin autem subimo prorsus solo, quò minus uerisimile sit calorem solis penetrare, lapidem aliquem incidaris: licet ipsius lapidis densitas obsistere uideatur, tamen uenæ quædam aperiuntur, ex quibus undique defossus puteus aquis affluentibus completur. Quod igitur in loco manu, atque opera facto, excauatoq; contingit, ut humor undique in puteum confluat; id in omni loco par est euenire, cum humor se naturaliter in unum cogat, atque conseruet. Sic ergo aqua conficitur, frigidum madefacit, & humor ex frigiditate totam aquæ naturam perficiente constituitur. Ex aqua uero coacta, congregataq; fluentum generatum, quacunque detur aditus, terram aperit, & fons appellatur. Quòd autem aquarum ortus auctor & causa sit ipsa frigiditas, illud indicium sit, quòd loca septentrionibus propinquiora frigidioraq; magis abundant aquarum copia. Aprica enim pro-



fecto, & opaca, depressaq; , essent æqualiter  
 aquis irrigua, si frigiditatis absentia nihil aqua-  
 rum ortum impediret. Quemadmodum au-  
 tem ex imbrium guttis collecta aqua torrentes  
 nascuntur; licet guttas ipsas separatim aspiciens,  
 singulas per se pusillum quiddam & pro nihilo  
 habendum existimes: sic ex humoris sensim e  
 terra manantis copia multis fluentis coactis ori-  
 untur flumina: quorum si quis magnitudinem,  
 perennesq; cursus consideret, undenam suppe-  
 ditari tantam aquarum abundantiam existima-  
 bit? Num aliquos sibi in terræ finibus lacus con-  
 finget? Quinam, obsecro, tanti lacus esse queāt,  
 qui, nisi noua assidue accedant auxilia, non bre-  
 ui tempore exhauriantur? At alios, inquis, la-  
 cus excogitabimus. Ego uero requiram, quid-  
 nam alios illos rursum exhaustos explebit.  
 Quòd si alios, atque alios lacus inueneris, ego  
 uicissim interrogabo, unde omnes tandem exi-  
 naniti complebuntur. cogeris igitur progredi  
 in infinitum, atque ita oratio tua lacus lacubus  
 accumulans, ne fontibus desint lacus, unde po-  
 stremo aqua ortus principiū habeat, nunquam  
 consistet. Quamobrem, cum reperienda sit  
 causa, qua primæ aquæ natura constituitur, ma-  
 gis consentaneum est, eam in ipsos fontes con-  
 ferre, quàm sub terra lacus confingere, quo-  
 rum ratio commentitia statim ab aquæ natura  
 deorsum tendente labefactetur, & conuellatur.  
 Quo modo enim sursum fluat, quod, deorsum



ut fluat, naturam habet? Præterea, quàm ingentes lacuum moles erunt excogitandæ, quæ, cum perēnes tot aquarum copię seculis omnibus effluant, & nihil unquam reponatur, non exinaniantur tamen, nec exhauriantur? Constat igitur ex iis, quæ dicta sunt, ideo fluminibus aquam non deficere, quòd terra in illam transmutatur. Terræ uerò magnitudo, licet tantum ex ea copiarum erumpat, non immittitur, quoniam assidue ab exiccatis uaporibus instauratur. His ita cōstitutis non amplius mutua nobis elementorum inter se commutatio claudicabit. Apparet enim ordo, quo unius in alterum commutatio est ortus illius causa. Exempli gratia aqua per uapores sublata fit aer. Aer madefactus in superiore flamma exiccatur. Quod terrenum est, per ignis naturam ab humido secernitur, terræq; redditum per qualitatem frigidam in aquam commutatur. Ex quo fit, ut sine ullo impedimento semper elementa uicissim inter se commeent, & circumferantur, nullumq; ex illis aut consumatur, aut redundet, atque exuberet, sed omnia in qua primum constituta sunt mensura perpetuo maneant. Ex iis, quæ disputata sunt, sequitur, ut aquæ supra firmamentum fixæ ab hac humida natura discrepent. Patet enim humidi pastu naturam ignis non ali: demonstratumq; est, calidum frigido non enutrirī, sed extinguī, & humido siccum deleri, nō adiuuari. Quamobrem



tempus est, ut orationem nostram aliò conuer-  
 tamus, quæramusq; , quo modo tertio die fa-  
 ctæ sint omnes, quæ in cœlo sunt, stellæ. Quòd  
 igitur omnibus rebus admirandis, quæ procrea-  
 tæ sunt, diuinum quoddam mandatum impe-  
 riumq; sigillatim præcesserit, ex Mosis historia  
 sic excelsa hæc decreta complectente in supe-  
 rioribus animaduertimus, didicimusq; , diui-  
 nam uocem non esse mandatum uerbis expres-  
 sum, & explicatū, sed artificem ac sapientem in  
 rebus singulis potestatem, qua ea, quæ in ipsis  
 cernuntur admirabilia, perfecta sunt, primaq;  
 Dei uoluntate statim omnino rerum uniuersi-  
 tatem extitisse, ordinemq; sapientiæ in ipsis infi-  
 tæ necessario permanentem diuinorum manda-  
 torum uim, & seriem obtinere. Breuiter enim  
 rerum, quæ sensu percipiuntur, procreationem  
 complectens, mundum uniuersum ostendit, in  
 principio, inquiens, fecit Deus cœlum & ter-  
 ram. Quibus uerbis rerum uniuersitate com-  
 prehensa, deinceps naturalem quendam singu-  
 larum ordinem persequitur. Simul igitur cum  
 reliquis rebus omnibus generata est lux, sed  
 non extemplo rebus omnibus præluxit, quan-  
 diu partes rerum obscuræ uim eius illustrantem  
 impediuerunt. at simul atque rebus procreatis  
 ornatus occasio, atque incitatio concessa est à  
 Deo, ignea uis illustrandi præfulsit omnibus,  
 sibiq; naturæ leuitate, ac mobilitate, patefacta  
 uia, profiliuit. Ac tunc quidem uniuersa in se



coacta mundum obibat: mox autem propriis partibus in ea, quæ sibi cognata coniuncta; erant, diuisa est. Quod autem eius una natura non sit, ex iis, quæ uidentur, perspicuum est. Si quis tamē lucem ex omnibus coactam unam esse genere dicat, non errabit. quando diuinus etiam sermo singulari uoce uniuersam significat, præcipiens, ut lux, non autem, ut plures fiant. Verum si quis ea, quæ uidentur, asperit, multiplicem illustrantis potentiae differentiā in rebus animaduertet. Quapropter etiā propheta dicit: Qui facit luminaria magna solus. Et Apostolus, alia, inquit, est claritas solis, alia claritas lunæ, alia claritas stellarū. stella enim differt à stella in claritate. itaque multa lucis omnino sunt discrimina. Et quanquam omnia, quæ Paulus enumerauit, illustrandi uim habent, & sua unumquodque potestate, claritatēq; comprehenditur, ut cuncta communi nomine lux una recte possint appellari, certæ tamen in his distinctæq; differentiae spectantur. Quæ cum ita se habeant, nos à uero minime recessuros existimo, si dixerimus, ita Mosē intellexisse, initio quidem totam uim illustrandi in unum congregatam fuisse: uerum, cum multæ essent in subtilitate mobilitatēq;, quantum ad maiorem minoremq; præstantiam pertinet, in uniuersitatis natura differentiae, trium dierum spatium fuisse satis ad eam uera certaq; ratione distinguendam, ut, quod in natura ignea maxime erat sub-

*Psal. 35. a.*

*1. Cor. 15. a.*



tile, ac leue, & purum, à materia remotum, summum rerum, quæ sub sensum cadunt, fastidium obtineret, quod autem inertius, ac se- gnius, intra subtilioris leuiorisq; complexum confisteret, & hoc rursum ex insitæ proprietatis differentia in septem lucis partes diuideretur, omnes inter se similes, atque cognatas, seiunctas autem à rebus, quæ diuersi generis forent. omnibus ergo particulis, quæ in solis illustran- tem naturam coniectæ sunt, concurrentibus, unum quiddam magnum effectum est. Quod itidem euenit in luna, cæterisq; tum errantibus, tum nō errantibus stellis, ut similium cuiusque particularum concursus unam aliquam earum efficeret, atque ita omnes confectæ sunt. Con- tentus autem Moses, ex iis luminare tantum maius, & luminare minus nominasse, cæteras omnes communi nomine stellas appellauit. Quod autem fatigetur mens nostra, & ponde- re suo pressa non possit diuinæ sapientiæ subti- litatem assequi, nemo admiretur, sed naturæ no- stræ tenuitatem excuset: cum qua præclare agi- tur, non si nulla in re aberrauerit, sed si uel unam consequi potuerit. Hæc autem dico, il- luc respiciens, quæ sit ratio huius trium dierum spatii, quod satis fuerit ad ea distinguenda, quæ luce prædita sunt. Est enim aliqua nimirum ra- tio, licet præstantior sit, quàm ut eam nos intel- ligere ualeamus, qua temporis huius mensura rebus lucidis disponendis præscripta est, adhibi-  
to temporis



to temporis modo & quantitati actionis ignis in motu, factaq; lucis diuisione pro earum natura, adeo, ut, cum sint in eis innumerabiles differentia, in suo tamen singulae situ à naturali proprietate collocatae sint, quò nimirum naturae uis insita singulas duxit. Nec ulla consecuta confusio est, aut perturbatio, propter ordinem à diuina sapientia pro naturali cuiusque proprietate singulis adhibitum immutabilem, ut superiorem regionem, circulus obliquus, seu signifer occuparet, in hoc autem certam unumquodque signum sedem obtineret, in signis uero singulis stellae nō fortuito, sed ordine suis quaeque locis collocarentur, æquabiliq; ac naturali uis suaductae immobiles, ac firmæ permanerent, ubi procreatoris sapientia præscribebat. Hæc, & his similia sunt ea, quæ mens aspiciens hæsitat, & imbecillitatē, ac segnitiem suam accusat, quòd rationem excogitare non possit, quia præfinitum trium dierum spatium ad tot stellarum distinctionem satis fuerit: aut quo modo, cum infinita esset inerrantis sphaeræ ab iis, quæ sunt circa terram, distantia, in medio mundi spatio magna Dei sapientia solem cōstituerit, ne, cum stellarum splendor propter immensum interuallum ante deficiat, quàm ad nos peruenire possit, in perpetuis tenebris uiueremus. Splendentē igitur solis uim ita supra nos collocauit, ut neque hebetarentur eius radii lōginitate, nec propinquitate nimia molestiam afferrent; aut

E



quo modo materiae magis immersum magisq;  
 crassum lunæ corpus inferius constitutum sit,  
 oberretq; terræ proximam regionem; aut qua-  
 lis sit splendor eius, quæ cum obscura sit, illu-  
 strandi tamen habet facultatem. Naturæ enim  
 ipsius crassitudo proprium nitorem obtundit,  
 sed opposito solis radiorum lumine ab illustran-  
 di ui non est prorsus aliena. Cæteram sapientiæ  
 singulis in rebus conspicuæ rationem naturæ  
 nostræ infirmitas intueri non potest, quendam  
 tamen mundi totius ordinem in iis, quæ facta  
 sunt, ex descriptione legislatoris ab iis, qui me-  
 diocriter norunt dispicere, quæ ex quibus con-  
 sequantur, per quasdam coniecturas utcumque  
 cognosci posse arbitror. Quamobrem repeta-  
 mus ordinem eorum, quæ facta sunt. sic autem  
 habet. Lucem uniuersam mobilitate sua ante  
 alia prodeuntem firmamenti absolutio ab ignis  
 circulo definita consequitur. Leui autem natu-  
 ra à grauioribus separata, graues inter se quali-  
 tates distinguuntur, in terra & aqua constitutæ.  
 inferiore uero natura exornata, subtilis, & le-  
 uis, excelsaq; quoniam non omnis erat inter  
 se similis, interiecti temporis spatio ex illa com-  
 munitate in cognatas diuiditur proprietates. in  
 qua innumerabilis stellarum multitudo expo-  
 sita pro insita cuique propria ui, mundi fasti-  
 gium occupat, atque ita in sua quæque sede hæ-  
 ret, ut, cum semper circumferatur, nunquam ta-  
 men locum relinquat suum. Horum enim ut



ordo immutabilis est, sic natura semper mobilis. Post uelocissimum motum sequitur secundo loco, quæ uelocitate proxima est, subeuntemq; circulum obtinet, tertio deinceps alia, & quarto, ad septimum usque pro ratione uelocitatis. Tanto enim unaquæque longius abest à superiore, quanto illa ad mouendum natura tardior est. Hæc igitur quarto die facta sunt, non quòd tunc fuerit lux procreata, sed quòd, illustrandi ui pro natura sua simul coacta, apparuerint cum reliquæ stellæ, tū illæ, quæ magnitudine cæteris præstant, sol & luna, quorū ortus quidem occasio extitit in lucis procreatione, utriusque autem constitutio (quando mouetur in tempore, quidquid mouetur, & mutuius particularum concursus eget aliquo temporis interuallo) tribus diebus perfecta est. Quare non absurde conditus orbis à magno Mose ita describitur, ut, quantum ad materiam pertinet, simul omnia dicantur uirtute opificis cōstituta, singularis autem eorum, quæ in mundo uidentur, distinctio ordine quodam, ac serie naturali, eo spatio, quod dictum est, absoluta. Tunc simul uniuerſa lux extitit, tunc omnis rerum illustrantium natura propriis distincta differentiis apparuit, quarum è numero sol est, & luna. Ac quemadmodum ea, quæ fluentem uim habent, non sunt unius generis omnia, sed differentia quadam inter se uicissim discrepant, ut uidere licet in oleo, & aqua, & argento uiuo,



quæ si quis omnia simul in uno uase confundat, parua interiecta mora primum aspiciet argentum uiuum ob grauiorem deorsumq; tendentem naturam in fundo totum considerare, licet omnia commixta sint: deinde aquam simul coactam omnem succedere: postremo olei congregatas particulas super natate, & super utroque consistere. eodem pacto de re nobis ad disputandum proposita possumus coniiicere, illud unum in exemplo tantum commutantes, ut, quod illic propter grauitatem, hic contra propter leuitatem eueniat. In prima enim rerum constitutione, quæ leuitate sursum tendebant, quandiu ob naturalem uim insitam celeritate ualebant, pariter omnia concurrerunt, tum ex uelocitatis præstantia ipsa quoque inter se distincta sunt. Ut igitur in exemplo proposito rerum fluentium secretio, & separatio materiam singularum non constituit, sed iam factam distinxit, distinctamq; demonstrauit, sic in trium dierum spatio illustrans solis natura, potestasq; facta non est, sed, cum in uniuersitate rerum diffusa esset, simul coacta est, & coniuncta. Si quis autem à nobis & tertii coeli rationem petat, quod

2. Cor. 12.  
4. Moses non scripsit, sed Paulus uidit, & in ipso tanquam in adytis sapientiæ consistens arcana audiuit, ab iis, quæ exposita sunt, tertium illud coelum non abesse respondebimus. Videtur enim mihi Magnus etiam Apostolus uincens omnes superiores, totius naturæ, quæ sensu



percipitur, terminos transcendisse, ad eamq; ingressum esse, quæ animo menteq; comprehenditur, cum spectaculum illud minime corporeum fuerit, ut ipsemet significat, siue in corpore, inquit, nescio: siue extra corpus, nescio. Deus scit. raptum eiusmodi hominem usque ad tertium coelum. Summum igitur illud culmen huius mundi, quem aspiciamus, arbitror à Paulo tertium coelum appellari. Tripliciter enim diuidit omne, quod cernitur, & ex scripturæ consuetudine singulas partes coelum uocat. Abutens enim quodam modo significatione uerborum, spatium illud crassioris aeris, quod & nubes, & uenti, & excelsi uolucrum uolatus perueniunt, coelum unum nominat, cum & coeli nubes dicit, & uolucres coeli. Nec simpliciter coelum hoc uocat, sed adiungit etiam illas uoces, sub firmamento. Dicit enim, producant aquæ reptilia animarum uiuentium, & uolatilia uolantia super terram sub firmamento coeli. Deinde alterum coelum, & firmamentum appellat spatium illud, quod inerranti sphaera inclusum consideratur, in quo stellæ, quas errantes nominant, peruagantur. Sic enim ait: Fecit Deus luminaria magna, & posuit ea in firmamento coeli, ut lucerent super terram. Cuius distinctum orbis ornatum utcunque consideranti perspicuum est, hæc infra supremum illud fastigium contigisse, quod omnia sensibus obnoxia complectens, eaq; seiungens à rebus il

E iiii



2. Cor. 4. d.

lis procreatis, quæ mente solum, & intelligentia comprehenduntur, firmamentum, & cœlum appellat. Ea igitur, quæ uerbis explicari non possunt, cupiens Apostolus, &, quemadmodum nos item hortatur, nihil eorum spectans, quæ cerni queunt, cum ea, quæ uidentur, temporaria sint, quæ autem non uidentur, æterna, diuina uirtute sublatus peruenit eò, quò desiderio ferebatur, cumq; sacras literas à pueritia didicisset, uerbis scripturæ usitatis rem ipsam expresse, tertium cœlum appellans, harum trium sectionum, quæ in mundo uidentur, extremam. Relicto enim aere, superatoq; medio illo spatio, in quo errantium stellarum orbis uersantur, summum ætheriorum finium ambitum transcendit, & ad firmam illam, quæ sola mente percipitur, naturam perueniens, paradisi uidit pulchritudinem, & audiuit ea, quæ humana natura non loquitur. Hæc tibi, uir Dei, ad propositas nobis à prudentia tua quæstiones respondimus, nullis orationis pigmentis morales allegorias conquiærentes, nec inexploratum prætereuntes quidquam eorum, quæ nobis opponebantur, sed, propria uerborum significatione seruata, naturæ ordinem disputando persecuti sumus, & nihil eorum, quæ primo aspectu contraria uidebantur, ab aliis discrepare pro uiribus demonstrauimus. In reliquis autem ad mundi procreationem pertinentibus, quæ sex dierum spatio facta sunt, im-



morari superuacaneum duximus, cum subli-  
nis illa præceptoris uox nihil omiserit, quod  
ad eam disputationem pertineret, excepto ho-  
minis opificio, quod proprio libro, quem ti-  
bi, uir optime, ante hunc misimus, nos expli-  
cauimus. Te autem, & omnes, ad quorum  
manus hi libri peruenerint, rogatos uolumus,  
ut in neutro illorum me studio præceptoris  
putetis aduersari: sed in priore quidem reli-  
ctum argumentum suscipientem addidisse dis-  
putationem de homine iis, quæ in Hexaeme-  
ron ab eo fuerant elaborata: in hoc autem  
propter eos, qui in scripturæ monumentis or-  
dinem requirunt, ad hæc scribenda sic ani-  
mum appulisse, ut uerborum uis in iis, quæ  
scripta sunt, seruarietur, & naturalis commen-  
tatio à uerbis non dissentiret. Si quid autem o-  
missum fuerit, ne graue sit, uel tibi pro sapien-  
tia tua, uel quicumque hæc legerit, ea perfice-  
re, quæ deesse iudicabit. Neque enim illa ui-  
duæ duorum obolorum oblatio diuitibus ob-  
stitit, quo minus ampla ipsi sua munera offer-  
rent: nec qui pelles, & ligna, & pilos Mosi ad  
tabernaculum exædificandum obtulerunt, au-  
rum, & argentum, & lapides pretiosos offe-  
rentibus fuerunt impedimento. Nobiscum igitur  
existimabimus actum esse præclare, si no-  
stra hæc munuscula in pilorum numero ha-  
beantur, modo per uestram auro contextam

Matth. 12.  
d.

Exod. 35. c.

E iiii



GREG. NYSS.

Exo. 39. b.

purpuram orationi imponatur super indumen-  
tum, cui nomen est, Rationale, & Declaratio,  
& Veritas, sicut appellat Moses, qui tales ami-  
cus sacerdoti confecit, mandato Dei,  
cui cum unigenito filio, & spi-  
ritu sancto gloria, & im-  
perium in secula  
seculorum.

Amen.



37

IN EA SCRIPTURAE VERBA,  
FACIAMVS HOMINEM AD IMAGI-  
NEM ET SIMILITVDI-  
NEM NOSTRAM,

ORATIO I.



DEBITAM auribus  
uestris expositionē, cu-  
ius nomine tāquam ære  
alieno uobis iam pridem  
obstrictus sum necessa-  
rio, cuiusq; solutionem  
adhuc non ingrati animi  
uitio, sed infirma corpo-  
ris ualitudine impeditus distuli, persolaturus ad-  
uenio. Iniquū enim esset, cū ea, quæ ad feras, tum  
natantes, tum gradientes, tum uolantes, quæq;  
ad coelum, ad eaq;, quæ in coelo sunt, quæq; ad  
terram, & ad illa, quæ sunt in terra, pertinent,  
didicerimus, ea nobis, quæ ad ortum procrea-  
tionemq; nostram spectant, à diuina scriptura  
non patefieri. Quemadmodum enim oculi no-  
stri, cum ea, quæ sunt extra se, uideant, se ipsos  
non cernunt, nisi leue quippiam, ac solidum  
inspexerint, unde refractus obtutus, ac refluens  
efficiat, ut se ipsi intueantur, sic animus noster  
alia cernens, se ipsum non uidet, nisi scripturis



inhæserit, atque incubuerit. Quod enim in illis est lumen, reflectitur, facitq; , ut nos ipsi perspiciamus, & cognoscamus. Verum, quoniam eas negligimus, nec scire curamus, quo modo facti, constructiq; simus; inde fit, ut, quid, qualesue simus, ignoremus, & eorum, quæ in nobis sunt, licet minima, maximeq; rerum omnium facilia, atque in promptu sint, nullam notitiã habeamus. Ac tamen si multæ facultates in corpore humano dignoscendo omne suum studium collocarunt (si enim medicam artem consideres, facile animaduertes, quàm multa de usu partium eius tradiderit, quàm multa de interiori nostra structura in sectionibus excogitarit, quàm abditas, occultasq; vias patefecerit, ut unum totius corporis cõcentum, atque concordiam, uehicularum spiritus, sanguinis ductus, attractionem animæ, ac domicilium, caloris sedem in corde, perpetuum spiritus in præcordiis motum, atque alia innumerabilia inuestigauerit) tamen eorum nos omnium ignari sumus, quippe qui in eiusmodi studium nihil incumbimus, nec est ferè quisquã, qui scire curet, quid ipse sit. Facilius cœlum, quàm nosmet ipsos cognoscere possumus. Quamobrem, quod in te admirandum est, homo, ne contempseris. Paruus tu quidem es, ut opinaris, sed præsens oratio te magnum esse deprehendet. Idcirco sapiens David, qui se ipsum diligenter explorare nouerat. mirabilis, inquit, facta est scientia.

Plaf. 38. a.



tua ex me. Vndenam cognitionem tui ratione  
 mirifica licet inueniri? ex me. Mirabilis facta  
 est scientia tua ex me. Artificium sapientiae tuae,  
 quo corpus meum constructum est, cogno-  
 scens, ex parua fabrica magnum opificem ani-  
 maduerto. Faciamus hominem ad imaginem  
 & similitudinem nostram. Paucis, sed satis  
 aperte tamen demonstratum est ante, quae sint,  
 & ad quem referantur haec uerba, Er habet Ec-  
 clesia de his demonstrationes, immo uero fi-  
 dem habet omni demonstratione firmiorem.  
 Faciamus hominem. Hinc incipe te ipsum co-  
 gnoscere. Nondum in ulla molitione haec uox  
 scripta est, facta fuit lux, sed simplici Dei man-  
 dato dicentis, fiat lux. Coelum, sed sine con-  
 sultatione: stellae, sed nulla praecessit delibera-  
 tio: pelagus, atque innumerabilia maria ad iu-  
 bentis uocem extiterunt. Eodem modo omnia  
 piscium genera, bestiae, & ceterae, quae natant,  
 quaeque uolant animalia, Dei iubentis uerbo fa-  
 cta sunt. Hic nondum est homo, & de homine  
 habetur consilium. Non, ut aliis in rebus, dixit;  
 fiat homo. Disce pretium ac dignitatem tuam.  
 Non proiecit mandato, & iussu procreationem,  
 sed consilium, ac deliberatio fuit in Deo, quo  
 modo tale animal produceretur in uitam. Fa-  
 ciamus: sapiens consulit, artifex meditatur. Ec-  
 quid deest arti eius? Quanam difficultate ad-  
 ductus consulit, ut absolutum, & perfectum,  
 elaboratumque faciat charum opus suum? an ut



ostendat, te perfectum esse apud Deum? Duas aduerte personas, unam, quæ loquitur, alteram, ad quam dirigitur oratio. Cur autem non dixit, facito, sed faciamus hominem? ut imperium, ac dominatum intelligeres: ne, patre cognito, filium ignorares: ut scires patrem fecisse per filium, & filium paterna creasse uoluntate, laudaresq; patrem in filio, & filium in spiritu sancto. Commune eorum opus extitisti, ut ipsos pariter adores, & colas, ne uenerationem, cultumq; diuidas, cum unicam esse diuinitatem intelligas. Vide historiam ex figura, & theologiam ex ui. Et fecit Deus hominem. Faciamus, inquit, & fecit. ne multiplicem Deorum numerum crederes. Si enim plures fecisse dicerentur, adduci possent homines, ut plures sibi Deos confingerent. Nunc autem scriptum est: Faciamus: ut cognoscas patrem, & filium, & spiritum sanctum: Et, Fecit Deus hominem: ut diuinitatem coniungas, atque unam esse scias, unam dico, non unitate personarum, sed potestate: ut, cum ad adorandum accedis, Deum unum laudes, & colas, nec in Deorum multitudinem distraharis. Nō dixit: Fecerunt hominem Dei. Sed: Fecit Deus hominem. Propria est hypostasis, siue persona patris, propria filii, propria spiritus sancti. Cur igitur nō tres Dei? quia una diuinitas. Quam enim in patre cernis diuinitatem, eandem cernis in filio. Et quam in filio, eandem in spiritu sancto. Quo-



niam una in utroque forma, & principium à patre in filio idem est, iccirco unus apud nos utriusque cultus, & eadem collaudatio. Nostræ procreationis exordium ueram continet theologiam. Faciamus hominem ad imaginem nostram. Ad imaginem Dei facti sumus. Quoniam modo ad imaginem eius? Animos à uulgaribus, & imperitis, ac stultis illis de Deo opinionibus expiemus. Si ad imaginem Dei, inquit ille, facti sumus, formam Deus nostræ similem habet, oculis, auribus, capite, manibus, præditus est, coxarumq; uertebis, quibus fulcitur & insidet, quandoquidem sedere Deum scriptura tradit, pedibus item, quibus incedit. *Psa. 46. b.* Talis ne igitur Deus? Recedant ab animo tuo absurdæ opiniones. Abiice cogitationem, quæ Dei magnitudinem imminuit. Figura uacat Deus, simplex est. Noli, cum de illo cogitas, formam ullam confingere, & comminisci. Ne more iudaico Magnum extenuas. Noli corporeis illum cogitationibus amplecti, aut mente tua circumscribere. Ea est magnitudine, ut comprehendi circumscribiq; nequeat. Magnum cogita, & huic magno plus etiam atque etiam adde, quàm cogitasti, atque ita exple cogitationem tuam. Neque enim, quæ infinita sunt, unquam capiet. Figuram ne finge. Potentia, simplicitate naturæ, rerum procreatarum tum magnitudine, tum pulchritudine cognoscitur Deus. Ubique est, & omnia comprehendit, & ran-



gi, uideriq; non potest. Amplitudo est quantitate carens, quam non capit animus tuus. Nec magnitudine cōcluditur, nec figura coercetur, nec potentia continetur, nec temporibus comprehenditur, nec finibus cohibetur. Nihil eorum, quæ sunt circa nos, cum Deo similitudinem habet. Quo modo igitur dicit scriptura, nos esse factos ad similitudinem Dei? Quæ ad Deum pertinent, recensuimus: quæ ad nos spectant, consideremus. Nihil profecto in forma corporis est, quod eius imagini congruat. Est enim forma corporis caduci, ac fragilis. in caduco autem, & fragili non imprimitur, quod corrumpi non potest, nec corruptum incorrupti est imago. Corpus augetur, imminuitur, consenescit, immutatur, aliud in senecta est, aliud in iuuenta, aliud cum prospera utitur ualitudine, aliud cum morbis iactatur, aliud cum metuit, aliud cum gaudet, aliud quando satiatum, atque expletum est, aliud quando siti, fame uetorquetur, aliud in pace, aliud in bello, alius uigilantis, alius dormientis est color. Vigilans rubore magis perfunditur, quoniam calor extra progreditur. Dormiens autem calore intus compresso pallefcit. Quoniam igitur pacto, quod tot immutatur modis, simile sit ei, quod est immutabile? ei, quod eodem semper est statu, id quod nunquam consistit? Vndarum instar res nostræ nos fugiūt, &, antequam uideantur, defluerunt. Aliud ex alio uidetur



humanum corpus. Ad imaginem nostram? naturæ immutabilis erit caduca similitudo? forma carentis, quæ formam habet? Vbi ergo quæremus, quod imaginem referat? Nimirum in iis, quæ ipse Dominus dixit. Si quid meum in medium attulero, id ne suscipiatis. Faciamus hominē ad imaginem, & similitudinem nostram, & præsit piscibus maris, & uolatilibus cœli, & bestiis, & quæ sequuntur. corpore ne, an ratione? in animo situm est hoc imperium, an in carne? caro nostra multorum animalium carne longe est imbecillior. Qui enim hominis caro cum carne cameli, aut bouis, aliarumq; ferarum comparari potest, cui collata facile superatur, ac uincitur? In quo igitur cōsistit hic principatus? in rationis præstantia. Quanto enim corporis imbecillitate homo reliquis animantibus infirmior est, tanto est rationis excellentia superior. Ingentes enim moles, ac pondera, quæ pro arbitrio suo transferunt homines, quocunque uolunt, solertia, non corporis uiribus aguntur, & permouentur. Faciamus hominē ad imaginem nostram, de interiori homine loquitur. At enim, dices, tu de ratione differis. Ostende nobis hominem ad imaginem Dei. Est ne ratio homo? Audi Apostolum: Licet, 2. Cor. 4.  
a. inquit, is, qui foris est, noster homo, corrumpatur, tamen is, qui intus est, renouatur de die in diem. Quonam pacto? Duplicem agnosco hominem, unum qui uidetur, alterum abscon-



ditum, quem ille ipse, qui uidetur, non cernit. Interiorem igitur habemus hominem, & duplices quodam modo sumus. Ego enim sum ille, qui intus est homo. Quæ uero sunt extrinsecus, non ego illa sum, sed illa sunt mea. Neque enim ego sum manus, sed ratio, quæ in animo est. Manus autem exterioris est hominis pars. Quamobrem corpus est hominis instrumentum, est animi instrumentum. Si quidem homo proprie animo cēsetur. Faciamus hominem ad imaginē nostram. Hoc est, illi rationis præstantiam tribuamus. Et præsit. Nō inquit, faciamus hominem ad imaginē nostram, & irascatur, & concupiscat, & mœreat. Perturbationes enim nō cadunt in imaginem Dei, sed ratio perturbationū moderatrix ac domina. Et præsit piscibus. Tibi, simulatque procreatus es, imperium est attributum. Qui magnum in multos annos à Rege principatum accipit, homo ab homine, à mortali mortalis, non tantam, quantam tu, obtinet potestatem. Ille enim à Rege princeps constituitur, ut uni tantum regioni præsit. Tu autem à Deo terræ totius imperium accepisti. Diuinaq; uox non in tabulis ligneis, aut uoluminibus, quæ à tineis corrumpuntur, sed in ipsa natura inscripta est. Præsit. quibus autem præsit? His nimirum omnibus: præsit piscibus, bestiis terræ, uolatilibus coeli, & uniuersis animantibus, quæ mouentur super terram. Non dixit, faciamus hominem ad imaginem & similitudinem



nem nostram, & uescatur ex omni ligno fructifero, quod fructum habet in semetipso. Secundo loco ea, quæ ad carnem pertinent, constituuntur. Primo autem, ac potissimum illa, quæ ad animum spectant. Prima nobis imperandi potestas decernitur. Ad imperandum natus es homo. Quid ergo perturbationibus feruis? cur dignitatem abiicis tuam? cur te peccato tradis in seruitutem? cur te constituis mancipiū diaboli? Rerum constitutus es princeps: cur naturæ tuæ grauitatem proiecisti? At seruus diceris: cur mœres corporis seruitute, ac non potius principatu tibi à Deo tradito gaudes, & gloriaris? Cum uides dominum tuum uoluptati mancipatum, corpus autem tuum illi, nonne intelligis, te nomine duntaxat esse seruum, illum contra nomine tantum potiri dominatu, re autem in grauissima seruitute detineri? illum scorto deuinctum, & obstrictum cernis, tu autem scorta despicias atque aspernaris. itaque tu perturbationis dominus es, ille uoluptatum, quæ ab te denictæ sunt, seruus. Faciamus ergo hominem, & præsit. Vbi est imperandi uis, illic & imago Dei. Præsit piscibus. Primum nobis datum est imperium in ea, quæ habitatione à nobis seiuncta sunt. Non dixit, præsit animantibus, quæ simul cum ipso sunt educata, sed piscibus, qui uitam in aquis degant. Primo igitur nobis in pisces traditum est imperium. Quo modo autem piscibus imperamus? Si propter la-



14 . M O G R E G . N Y S S .  
cum aliquem conspiceris, facile potes animad-  
uertere, quo modo ad umbram tuam omnes tre-  
pident, ac contremiscant. Quis herus familiam  
tumultuantem domi repente consistens ita se-  
dat, præsentiâq; sua cuncta in ordinem redigit,  
ut uniuersum natantium genus ad unius homi-  
nis aspectum figuram mutat, ut non amplius li-  
bere degere, nec per maris lacus ue summas un-  
das natâre audeat? Delphinus ipse, qui inter  
animalia, quæ in aquis degunt, plurimum po-  
test, hominem ueretur, & obseruat. Sic homi-  
ni in ea datus est principatus. Quid, cum ratio-  
ne ad illa accedis, & omnia superas, non ne illis  
dominaris? Animaduerti ego solertiam homi-  
num, qui, hamis ad cetos capiendos confectis,  
atque esca pro ratione magnitudinis eorum de-  
glutientium adiecta, summis illis funibus, qui-  
bus hami suspensi sunt, utres ex altera parte  
uento plenos alligant, eosq; demittunt super  
mare. At immania cete hamos simul cum esca  
deglutientia, utres quidem in profundum tra-  
hunt, uerum, cum ea sit utrius natura, ut sur-  
sum tendant, rursus ad maris superficiem re-  
trahuntur, & cum suo confixa nutrimento sur-  
sum deorsum tumultuantur, iactataq; obstupe-  
scunt, & modo hoc, modo illud dimetiuntur  
mare, donec, multo frustra labore cōsumpto,  
defessa, fameq; domita, atque hamis compre-  
hensa tandem occidunt, & cum utribus trahun-  
tur, & uenatoris præda fiunt, ceduntq; paruo



grandia, imbecillo ualentia. Quid ita? Quoniam is, qui rationis præstantia dominatum est affecutus, tanquam mancipia nequam, ac fugitiua per uim ad officiũ reuocat, quæ alio pacto adduci non potuissent, ut, cum ultro parere noluerint, necessario seruiant. Adeo uis imperandi à Deo homini insita & ingenita ubique patet. Ex quo fit, ut ei & Xiphix, seu Gladii, & Zygænæ, & Balænæ, & Serræ, & Vituli marini, & reliqua terribilia cetorum genera subiecta sint. Præsit piscibus maris, & bestiis terræ. Grauem, ac frendentem leonem non aspicias, cuius uel nomen ipsum ferri non potest, fremitusq; terram tremefacit? Ecquod tantum est robur, ut impetum eius queat sustinere? Nullum animal tam uiribus confidit suis, ut leonis uim perferre possit. Attamen illum in paruo uiuario inclusum uides. Quis ipsum cohibuit, ac domuit? Quis exiguum ingenti animali carcerem excogitauit? Quis raros caueæ ligneæ cancellos extruxit feræ, quo respiraret, ne suo ipsa anhelitu suffocaretur, sed libere animã duceret, securæq; degeret? quis? nonne homo? Is sæuissimas quasque feras sibi ludum facit. Nonne Patheras illudit obiecta charta, depictam hominis speciem præferente? Illæ correptam chartam discerpūt. Homo uero infra positus ferarum stultitiam deridet. Nonne igitur omnibus antecellit? Quid de uolucris dicam? in aera non ascendit homo: at auium uolatum ui ra-



ION . M O G R E G . O N Y S S .  
rionis assequitur . Nihil enim rationem coe-  
re potest . Hæc, quæ in profundissimis pelagi  
partibus sunt , scrutatur . Venatur ea , quæ ter-  
ram incolunt . Capit , quæ uersantur in aere .  
Vidisti aliquando in summo arboris ramo in-  
dentem uolucrem securam , atque homines as-  
pernantem . hanc tamen puer ludens compre-  
hendit . Calamos enim calamis subiicit , eosq;  
summos illinit uisco . Tum per ramos , ac folia  
clam ita disponit , & locat , ut uiscum non appa-  
reat oculis uolucris in sublimi uersantis : atque  
ita exiguu contactu superat , obstrictamq; tenet  
eam , quæ aerem incolit , quæ in æthere uaga-  
tur . Infra manet homo , infra est illius manus .  
sed eius ascendit cogitatio . Atque ita nihil est ,  
ad quod ille arte non perueniat . Alites retibus ,  
sagittisq; petit , & earum audiores esca allicit .  
Non ne aliquando uidisti aquilam , inhiatē præ-  
dæ , plagis irretiri ? Sic quæ uolatu sublimia pete-  
bat , humanis illecebris deorsum trahitur . O-  
mnia hominis manui subiecit Deus . orbem  
uniuersum cōpleuit , & hominem principatus  
expertem esse noluit . Ne dixeris , te ab iis , quæ  
in aere uersantur , superari . Ratione enim & il-  
la tibi subiecta sunt , sicut eorum , quæ per ter-  
ram gradiuntur , & serpunt , ratione dominus  
es . Vides in quo cōsistat , te factum esse ad ima-  
ginem Dei ? Et fecit Deus hominem . Quid igi-  
tur est homo ? Ex iis , quæ de ipso cognouimus ,  
& audiuius , eum definiamus . Neque enim



iam opus est, ut alienas definitiones mutue-  
mus, neque eas ab externa uanitate sumptas in  
oratione ueritatis inferamus. Homo est opus  
Dei, ratione præditum, ad eius, à quo creatum  
est, imaginem factum. Si quid amplius in hac  
definitione desideratur, considerent ii, qui mul-  
tum in caducæ sapientiæ studiis elaborarunt.  
Ad imaginem Dei factus est homo. Et benedi-  
xit Deus homini, & ait. Crescite, & multipli-  
camini, & replete terram. Eodem modo bene-  
dixit etiam piscibus. Et dixit Deus, producant  
aquæ reptilia animarum uiuentium, & factum  
est ita. Et ait Deus: crescite, & multiplicamini,  
& replete aquas. Quid igitur, inquires, amplius  
est mihi? Necessario hæc, quæ communicauit  
etiam tibi; & alia propria te manent mune-  
ra. crescis enim, quemadmodum & reliqua ani-  
malia, & paulatim per incrementa ex parua ad  
iustam perfectamq; magnitudinem peruenis.  
Sic & equi, & canes, sic & aquilæ, & cynci, &  
cætera animantia eduntur paruula, paulatimq;  
per assiduas accessiones ad absolutum perue-  
niunt augmentum, rursusq; paulatim ad mi-  
norem molem reuertuntur. Quæ igitur natu-  
ræ communia sunt, ea largitus est etiam nobis.  
Crescite, id est, enutrimini, & cum parui geni-  
ti sitis, magni euadite. Et incrementi sit termi-  
nus. Neque enim, quoniam in primo septen-  
nio ita uertimur, ut altero septennio in aliam  
ætatem immutemur, sic in omni uita debemus



per septennia de ætate in ætatem commutari. Primum septennium puerilem ætatem continet, cuius ætatis terminum indicat dentium immutatio, cum in locum eorum, qui ceciderunt, alii succrescunt. Alterum rursus augmenti principium fit ad finem usque anni quartidecimi. Atque hæc est secunda in pueris immutatio. Nam qui primum est infans, aut puerulus, tum fit puer, post autem puber, ac deinde uir, & hic incrementi termini præfiguntur. Crescite igitur, non ita tamen, ut, si quis centum annorum uitam assequatur, à primo anno ad centesimum usque semper augmentum suscipiat. Ea uox, crescite, sapienter dicta prudenter adhibet modum. Crescite. Crescite ad certum terminum, non continua, perpetuaq; auditionis mensura. Pro ratione enim primæ illius in utero constitutionis crescendi termini præscripti sunt. Ea nanque constitutio convenientem crescendi opportunitatem coniunctam habet. Dentes exciderunt: cognoscimus, incrementi quantum accesserit. Filiolum, cum tertium ætatis annum impleuit, metitur mater. Duplo enim maior, quàm tunc sit, futurus est ille, cum erit perfectus uir. Hunc habet humana natura terminum, atque mensuram. In primo secundoq; septennio abundat humiditas, mox deficit, caliditas manet, membra corroborantur. in principio imbecilliores sunt homines, cum nondum perfecti sint. Recens enim



illorum caro compacta est, eoq; minus est ad  
 perferendos labores idonea. Leuitatem dunta-  
 xat, agilitatemq; tunc animal acquisiuit. Itaque,  
 quoniam in tertio septennio altitudinis augmen-  
 tum perfectum est, lata deinceps corporis ampli-  
 tudo comparatur. Etenim posteaquam natura  
 à laboribus in altum augendi respirauit, in la-  
 tum incipit progredi, & ædificii sui fastigium,  
 tanquam fundamentis substratis adauētisq;, sub-  
 cit atque confirmat. Agit hæc quidem ipsa na-  
 tura ordine suo. Cuius tamen ordinis uis pen-  
 det ab illo primo Dei mandato, quod semel  
 editum per omnia, quæ procreantur, ad finem  
 usque progreditur. Crescite, inquit, ne in uno  
 semper statu res permanerent. Et multiplica-  
 mini, ne in uno tantum consisterent, sed nume-  
 ro propagarentur. Et replete terram, replete,  
 inquam, non habitatione: nimis enim anguste  
 degeremus, si tota à nobis terra compleretur:  
 sed imperio, & potestate, quam nobis in ipsa  
 terra donauit Deus. Replete terram. Non uri-  
 que qua parte nimio solis ardore combusta est,  
 nec ubi glacie immensoq; frigore obriguit.  
 Has enim regiones, non coegit Deus homines,  
 ut incoherēt: sed nos dominos constituit, ut ter-  
 ram omnem imperio repleremus. Non ne re-  
 plemus eam, quando ratione dimetiendo co-  
 gnoscimus, quanta sit eius pars calore exusta  
 atque inhabitabilis, quantaq; ad boream exposi-  
 ta, quæ propter frigorū uim inutilis, est, & coli



non potest. Nonne terram repleuimus? Nonne, quod in ea utile erat, elegimus, quod autem ad transigendam uitam inutile, abieciimus? Dicendo, replete terram, nos terræ dominos constituit Deus. Nec, quia uniuersæ usum non habemus, ideo non sumus illius domini. Neque tu totius frumenti, quod emisisti, iccirco non es dominus, quoniam pars eius est ad comedendum utilis, pars inutilis. Sordes, lapides, paleas, & si quid aliud, quo uesci commodè nequeas, immixtū est, excernis, & abiicis, quod autem purum est, seligis, & ad usum, & uictum referuas tuum. Sic terra nobis donata est, partim ad habitandum commoda, partim ad arandum, colendumq; necessaria, partim ad pascendas quadrupedes apta. Dic mihi, nonne possum arbitrari meo terrā disponere, quando munere illius, qui me procreauit, dominus eius sum constitutus? Et præsit piscibus maris, & bestiis terræ. Ita nobis benedixit Deus, hanc legem tulit, hanc largitus est dignitatem. Et fecit Deus hominem, ad imaginem suam fecit eū. Nonne demonstrationem hanc esse mancā uobis declarauimus? Faciamus hominem ad imaginem & similitudinem nostram. Vnum habet procreatio, ad imaginem. nunquid alterum deest, ad similitudinē? An aliter decreuit, aliter fecit? Nunquid eum in procreando poenituit? An est infirmitas in procreatore, ut aliud cōsuluerit, aliud effecerit? An est in sermone nugatorium ali-



quid, & superuacaneum? ut idem fortasse sit, faciamus hominem ad imaginem, & faciamus ad similitudinem: & qui ad imaginem dixit, ad similitudinē dixisse uideatur. At si hoc modo intellexerimus, scriptorem accusabimus. Etenim si sic habet, uox uacat, & bis idem ponitur. Dicere autem uerbum aliquod in scriptura redundare, est graue nefas. Quod si nihil redundat, nihil est inane, nihil superuacuum, ergo necesse est hominem esse factum ad imaginem, & similitudinem Dei. Cur igitur non dixit: Et fecit Deus hominem ad imaginem, & similitudinem suam? Quid? non potuit fortasse? impium est id dicere. Decreti ne poenituit? nefarium istuc uel cogitare. Nunquid dixit, & cōsiliū mutauit? Minime uero. Ergo neque scriptura hoc dicit, neque creator non potest, neque cōsiliū irritum fuit. Cur igitur silentio id prātermissum est? Faciamus hominem ad imaginem nostram, & similitudinē. Vnum in creatione, alterum in electione positum est. Nam, ut fieremus ad imaginem Dei, dum principio procrearemur, obtinuimus. Vt autem efficiamur ad eius similitudinem, proposito uoluntateq; consequimur. Atque huius quidem, quod ad arbitrium pertinet ac uoluntatem, potestas nobis inest, re autem & factis ipsi prāstamus. Nisi Deus anteuertisset dicens cum nos efficeret, faciamus & ad similitudinem, nisi nobis eam largitus esset potestatem, ut ad



eius similitudine effingeremur, nunquam es-  
 semus illum uiribus nostris assecuti. Nunc  
 autem potestate nos fecit similes Dei. Po-  
 testatem autem tribuens, ut eius similes red-  
 deremur, permisit nobis, ut essemus illius si-  
 militudinis effectores, quo merces operis no-  
 stra foret, ne nostræ similitudinis laudem au-  
 ferret. Quando enim effigiem aliquam cernis  
 diligenter elaboratam, & exemplar optime re-  
 ferentem, non ipsam laudas, sed pictorem ad-  
 miraris. Quapropter, ut mea, non alterius esset  
 admiratio, reliquit mihi, ut ad eius similitudi-  
 nem fierem. Ex imagine habeo, ut ratione sim  
 præditus: ex similitudine autem, ut bonus effi-  
 ciar. Estote perfecti, sicut pater uester coele-  
 stis perfectus est. Vides, quo modo nobis Do-  
 minus illud ad similitudinem reddat? Quoniam  
 solem suum oriri facit super malos, & bo-  
 nos, & pluit super iustos & iniustos. Si ode-  
 ris scelera, si iniuriarum memoriam deleueris,  
 si hesternas similitates, & inimicitias obliuione  
 uoluntaria deposueris, si fratrem amore, bene-  
 uolentia, benignitate, misericordia complexus  
 fueris, Deo similis euades. Habes igitur imagi-  
 nem ex eo, quod rationis es compos: similitu-  
 dinem autem, quia uirtutē, probitatem, & bo-  
 nitatem amplecteris. Suscipe igitur uiscera mi-  
 sericordiæ, beneficentiam exerce, ut induas  
 Christum. Per quos enim misericors, & beni-  
 gnus es, per eos Christum induis, Christi q; ne

Matth. 5.  
 8.



celsitudine & cōiunctione cum Deo coniunge-  
 ris, ac deuinciris. Atque hoc modo historia  
 est humanæ uitæ institutio atque informatio.  
 Faciamus hominem ad imaginem. Habeat  
 homo in creatione sua, ut sit ad imaginem: fiat  
 ad similitudinem. Vbi tibi gratia? Quamob-  
 rem coronaris? si creator omnia dedit, quo mo-  
 do tibi patet ascensus in cœlum? Vnum igitur  
 dedit, alterum inchoatum reliquit, ut te ipse  
 perficiens dignus fias, qui à Deo præmium, &  
 mercedem consequaris. Quo modo igitur ad si-  
 militudinem efficimur? Per Euangelium. Quid  
 enim aliud est, esse christianum, nisi habere cū  
 Deo similitudinem, quatenus capit humana na-  
 tura? Proinde, quoniam accepisti, ut esses chri-  
 stianus, operam da, ut sis Deo similis, indue  
 Christum: quo autem pacto illum indues, nisi  
 eius signeris nota, nisi Baptismum suscipias? ni-  
 si capias incorruptionis indumentum? Repu-  
 dias similitudinem Dei? si Dixissem tibi, age-  
 dum, esto similis Regi, nonne amicum me ac  
 beneficium existimares? Nunc autem uolo te  
 Dei similem esse, & orationem te Deum effi-  
 cientem fugis & aspernaris? & aures obstruis,  
 ne uerba salutis exaudias? Et fecit Deus homi-  
 nem ad imaginem suam. Homine (inquit mu-  
 lier) ita scriptum est, ut uir tantum intelligatur.  
 Quid igitur ad me? At, ne hominis appellatione  
 uirum duntaxat intelligeres, subiecit, mascu-  
 lum & foeminam fecit eos. Et mulier perinde,



atque uir ad imaginem Dei facta est. Eundem honorem habent ambæ naturæ, pares uirtutes, eadem certamina, idemiudicium. Ne dixeris, sum imbecilla. Imbecillitas in carne est, in animo autem uis ac robur. Quoniam igitur æqualis est uirtus, par etiam sit bonorum operum demonstratio. Non temere mulieri ea data est mollitudo, sed ut ad humanitatem facilius sit, ad misericordiamq; propensior. In rebus autem, quæ fortitudinem postulant, robusta est, in uigiis & laboribus constans. Quando potest hominis natura cum foeminæ fortiter uitam agentis natura contendere? Quando potest homo firmam mulierum in ieiuniis continentiam imitari? Quando potest æquare sedulum earum in precationibus studium, piam ad lacrymandum propensionem, & pronam ad benemerendum facilitatem? Vidi ego foeminam clam honestissimo utentem furandi genere. Hæc inscio marito de re familiari pauperibus largiebatur. Pro uiri felicitate, pro familiæ prosperitate, pro incolumitate filiorum imperabat, cælans uirum, sed pro ipso uiro. Pro ipso donabat, qui factum nesciebat. Id enim præstabat, in gratiam illius, qui uidet in abscondito, nec benefacta sua diuulgabat. Et mulier igitur habet, ut ad imaginem sit. Ne consideres hominem, qui extrinsecus est. Ille enim est tanquã uelum. Animus autem sedet intus in uelo etiam corporis imbecilli. Animi honore sunt æqua-



les; in uelis est differētia. Quamobrem, ut Deo  
 similis fias, liberalitatem amplectere, beneficen-  
 tiam exerce, innocentiam sectare, fraterno o-  
 mnes amore, beneuolentiaq; prosequere, sce-  
 lera fuge, peccati perturbationibus dominare.  
 Ut piscibus præsitis ratione carentibus, pertur-  
 bationes & animi motus rationi contrarios su-  
 pera. Et præsitis bestiis. Impera bestiis omni-  
 bus, quæ sunt in te. Quid? inquires, ego'ne in me  
 ipso bestias habeo? Tu uero bestias habes, &  
 eas quidem innumerabiles. plurima in te est be-  
 stiarum multitudo. Ac ne me contumeliosum  
 existimes, dic, amabo, parua'ne bestia est ira-  
 cundia, quando latrat in corde tuo? non'ne ea  
 est quouis cane crudelior? Quid? in callido  
 animo tuo dolus latitans, non'ne quouis urso  
 fraudulento sæuior est? Quid? non'ne fera est  
 hypocrisis, uel immanissima? Qui autem impe-  
 tu rapitur ad cōtumeliam, non'ne scorpius est?  
 Qui præceps ad uindictam ultionemq; fertur,  
 non'ne est uipera grauiissima? Quid avarus ip-  
 se? non'ne lupus est rapacissimus? Nulla in no-  
 bis fera non inuenitur. Qui foëminarum amo-  
 ribus insaniunt, non'ne furiosi sunt equi? Equi  
 amantes, inquit, & emissarii facti sunt, unus-  
 quisque ad uxorem proximi sui hinnibat. Sic  
 in alicuius feræ naturam quisque conuertitur,  
 ut aliquo animi uitio perturbationeq; uinci-  
 tur. Ex quo fit, ut innumerabiles in nobis sint  
 feræ. Credis igitur, te ferarū esse dominum, ac

Hier. 5. b.



74. M G R E G. N Y S S.  
principem, si illis, quæ foris sunt, imperes, eas  
autem, quæ intus uersantur, non domes, ac re-  
gas? Quorsum tibi ratio, qua leones uincis, eo-  
rumq; fremitum nō reformidas, cum ipse den-  
tibus frendas ut leo, & præ iracūdia uocem con-  
fusam, & perturbatum clamorem emittas?  
Quid enim grauius, aut acerbius est, quàm cum  
iracundiæ furor totus erumpere nititur, nec  
intus ullo modo contineri potest? Cum ab ali-  
qua perturbatione uictus est homo, non iam  
ipse imperat, sed in eius animo perturbatio do-  
minatur. Quamobrem, cum ita creatus sis, ut  
bestiis imperes, & serpentibus, & uolatilibus,  
perturbationibus impera. Ne permittas cogi-  
tationē tuam sublimem uagari. Ne finas animū  
tuum leuitate instabilem ferri. Datum est tibi,  
ut auiibus præsis: absurdum erit, si uisco uoli-  
tantes illas ita capias, ut ipse leuis sis, efferarisq;  
superbia. Ne sublimes spiritus tollas, ne intum-  
escas, ne tibi nimium placeas, aut plus de te  
sentias, quàm patiatur humana conditio. Ne  
laudibus inflatus extollaris, ne te ipse iactites,  
aut magnum aliquid esse putes. Alioquin eris  
uolucrum similis, quæ natura leues, & instabi-  
les huc illuc assidue feruntur, & uolitant. Tuū  
igitur animum moderare, eiq; impera, si uis  
rebus omnibus imperare. Hac ratione nobis in  
animā tributum imperium nos monet, ac dis-  
ponit, ut ipsi nobis imperemus. Turpe enim  
est, ut, qui domi suæ seruus est, gentibus domi-

net  
ti n  
tur  
nar  
dis  
rium  
debet  
fusa p  
sum cu  
mo, q  
At, qu  
detur  
merito  
perat  
dign  
ius  
quic  
stra  
mus  
guag  
thelau  
tis sen  
m



netur: & is Reip. tractet gubernacula, qui scor-  
 ti nutus obseruat, qui meretricis arbitrio regi-  
 tur. Familiam propriam oportet recte guber-  
 nare, &, quæ intus sunt, ratione atque ordine  
 disponere ac moderari, nec in alios uelle impe-  
 rium exercere, cum ratio iis, quibus imperare  
 debet, sese subiecerit. Si res tuæ domesticæ cō-  
 fusæ perturbataq; sunt, ut bonus medicus te ip-  
 sum cura. Nosmetipsos primū curemus. Ne-  
 mo, quod leonem non uicerit, condemnatur.  
 At, qui non superauit iracundiam, passim irri-  
 detur. Qui perturbationibus non est superior,  
 merito uituperatur: qui uero feras immanes su-  
 perare non potest, nulla reprehensione uidetur  
 dignus. Et hæc quidem hætenus Dominus, cu-  
 ius prouidentia factum est, ut hæc scriberentur,  
 quiq; debilem atque hæsitantem linguam no-  
 stram adiunxit, ut ea uobis utcumque explicare-  
 mus, ex nostræ cogitationis imbecillitate, exi-  
 gua q; ueritatis adumbratione magnos nobis  
 thesauros præbeat, ex paruis magna, & minu-  
 tis seminibus perfectos cognitionis fructus sub-  
 ministret, & nobis omnibus tandem lar-  
 giatur, ut absolutum diuinorum ser-  
 monum fructum percipiamus  
 in cœlis: cui gloria & im-  
 perium in secula  
 seculorum.  
 Amen.



IN HOMINIS PRO-  
 CREATIONEM,  
 ORATIO II.



APIENS ille Sa-  
 lomon, nō sapientiæ  
 uerbis ad suadēdum  
 aptis, sed doctrina  
 sancti spiritus erudi-  
 tus, in iis, quæ paulo  
 ante à nobis lecta sūt,  
 hominem extollens  
 exclamabat, Magna,

inquiens, res est homo, & præclara, uir miseri-  
 cors. Ego autem stulte mecum ipse reputans,  
 tum, quæ mihi animus suggerebat, tum quæ  
 ex scriptura didicerā, considerabam, quo nam  
 modo magna res esset homo, cum mortale sit  
 animal, innumerabilibus obnoxium perturba-  
 tionibus, quippe qui, ex quo in lucem est edi-  
 tus, ad senectutem usque perpetuo innumerabi-  
 lium molestiarū, & incommodorum examine  
 conflictetur. De quo scriptum est, Domine,  
 quid est homo, quod memor es eius, aut filius  
 hominis, quia reputas eum? David ut animal ui-  
 le despicit hominem, quem Salomon ut ma-  
 gnum & præclarum quid effert & commendat.  
 Hanc mihi dubitationem adimit historia, quæ  
 de

pas. 3. b.



de hominis ortu legitur. Nūc enim audiui-  
 mus, Deum accepisse de limo terræ, atque hominem  
 formasse. Quibus ex uerbis & nihil, & magnū  
 quiddam esse hominem intellexi. Si naturam  
 tantum eius aspicias, nihil est homo, & nullo  
 pretio dignus: sin honorem, quo affectus est,  
 cōsideres, magna res est, ac præclara. Quo mo-  
 do locutus est Deus? fiat, inquit, lux, & facta  
 est lux. Perpende hominis, & lucis procrea-  
 tionem. Dixit, fiat firmamētum, & magnum  
 supranos cœlum extensum est, uerbo Dei con-  
 fectum. Et stellæ, & sol, & luna, & quascūque  
 uel oculis cernimus, uel animo comprehendi-  
 mus magnitudines, uerbo, ut essent, assecutæ  
 sunt. Mare, & terra, & ornatus eorum, tam  
 uaria tum animalium, tum plantarum genera  
 uerbo facta sunt omnia. Homo quo'nam fa-  
 ctus est modo? Non dixit: fiat homo, ut dixit,  
 fiat firmamentum. Amplius aliquid cernis in  
 homine, quàm in luce, quàm in cœlo, quàm  
 in luminaribus. Omnibus antecellit hominis  
 procreatio. Accepit Deus. Manu propria di-  
 gnatur corpus nostrum formare. Non iussit  
 Angelo. Nō, ut cicadas, sponte sua protulit ho-  
 minem terra. Non ministris Potestatibus hoc,  
 aut illud faciendum mandauit, sed manu suā  
 beneuolus artifex terrā accepit. Si illud, quod  
 sumptū est, aspicias, quid homine uilius? Sin ar-  
 tificem cōsideras, quid homine maius? Quem-  
 admodū propter materiam eo nihil abiectius,



Psal. 118.

fic propter effectoris dignitatem præclarius nihil. Et accepit Deus. Cur autem, cum antedictum sit, & fecit Deus hominem, hic in eius procreatione, tanquam id non intellexerimus, in historia dicitur: & accepit Deus pulverem è terra, & formavit hominem? Tradiderunt iam quidam uerbum illud, formavit, ad corpus referri: fecit autem, ad animum. Quæ quidem ratio forte nõ abhorret à uero. Vt cum exponendum esset, hominem esse factum ad imaginem Dei, scriptum sit, fecit: cum autem esset explicanda, quæ ad corporis constitutionem pertinerent, ea uox, formavit, adhibita fuerit, præsertim cum Dauid ipse discrimen horum uerborum docuisse uideatur, dum diceret: Manus tuæ fecerunt me, & formauerunt me. Fecit hominem interiorem, exteriorem formavit. Formare enim congruit luto, facere autem imagini Dei. Quamobrem formata est caro, animus uero factus. Expositis igitur ante, quæ ad constituendum animum spectant, nunc ea narrat, quæ ad corpus conflandum pertinent. Hæc sit una ratio. Altera est, quòd illic rem summam perstrinxit, hic modum, quo facta est, explicat, & enarrat. Ante fecisse Deum audiuiisti: nunc, quo modo fecerit, intelligis. Etenim si simpliciter scriptum esset: Fecit: cogitares, hominem fuisse factum, ut feras, ut cete, ut plantas, ut herbas. Quocirca, ut te cum agrestioribus intelligeres nihil habere commune, Mo-



ses proprium & singulare Dei in te creando arti-  
 ficium explicauit. Sumpsit Deus puluerem e-  
 terra. Tunc, quid Deus fecerit, dixit: nūc, qua-  
 ratione fecerit, exponit. Puluerem sumpsit e-  
 terra, hominemq; propriis manibus formauit.  
 Cogita quemadmodum formatus sis, homo.  
 Naturæ tuæ artificium cōsidera. Dei manus est  
 illa, quæ te formauit. Caue, ne Dei opus flagi-  
 tio coinquinetur, ne peccato peruertatur, & ex-  
 cidas e manu Dei. Tu es uas à Deo fictum, at-  
 que cōflatum, lauda effectorem tuum: neque  
 enim aliam ob causam factus es, nisi ut ad Dei  
 gloriam celebrandam esses instrumentū accom-  
 modatum. Ac diuinæ quidem gloriæ celebra-  
 dæ materiam tibi, tanquā liber scriptus, sugge-  
 rit orbis hic uniuersus. Tibi enim mente prædi-  
 to ad ueritatis cognitionē nuntiat ex se magnifi-  
 centiam Dei. Quapropter eorum, quæ dicta  
 sunt, recordare. Et benedixit eis Deus, & ait:  
 Crescite, & multiplicamini, & replete terram.  
 Duplex est incrementum, unum corporis, al-  
 terum animi. Augetur animus, cum disciplinis  
 excolitur, atque perficitur. Corpus autem cre-  
 scit, dum ex paruo ad iustum, & cōgruentem  
 magnitudinis modum accedit. Crescite, igitur  
 dictum est ratione carentibus animalibus, ut ad  
 naturalem corporis perfectionem peruenirent.  
 Nobis autem, ut interioris hominis progressu  
 ascenderemus ad Deum, quemadmodum facie-  
 bat Paulus, quæ quidem retro sunt, obliui-

Philip. 3. c.



Gen. 21.

scens, ad ea uero, quæ sunt priora, extendens se ipsum. Augmentum fit cōtemplatione, pietatis cultu, dum ad meliora progredimur, dum eorum, quæ uera sunt bona, cupiditate quotidie magis inflamamur, dum, quod præcessit, post nos relinquimus, & ad id pietatis, quod reliquum est, pro uiribus contendimus. Talis erat Isaac, de quo testimonium illud scriptura prodit, quod proficiens crescebat, donec magnus effectus est. Neque enim consistebat, neque paululum auctus decrecebat, sed magnis semper spatiis progrediebatur. Crescebat uirtutum studiis, & officiis. Crescebat magna modestiæ, & temperantiæ progressione. Crescebat iustitia, & æquitate. His gradibus ad uirilem ætatem peruenit. Sic progrediens & crescens uir iustus ad summum boni fastigium extollitur. Crescite igitur perfectione illa, quæ Deo placet, quæ fit in homine interiori. Multiplicamini Ecclesiæ fœcunditate. Ne in uno concludatur cognitio Dei, sed in omnem terram promulgetur salutis Euangelium. Multiplicamini. Qui? Vos, qui in Euangelio geniti estis. Replete terram, carnem uobis ad ministrandum datam bonis actionibus replete. Repleatur oculus earum rerum aspectu, quæ rectæ sunt. Repleatur manus operibus bonis. Repleantur itidem pedes ad uisendos pauperes, & ad ea, quæ oportet, exequenda proficiscentes. Omnia denique membra nostra re-





pleantur obseruatione mandatorum Dei. Hoc significat ea uox, Replete. Atque ita illa oratio, quæ communis est nobis cum reliquis animantibus, proprie refertur ad nos, cum intelligitur ex ea ratione, qua honorati sumus, & facti ad imaginem Dei. Crescunt enim cætera animalia corporeis incrementis, nos autem incorporeis, & ad spiritum pertinentibus. Atque illa quidem terram replent multitudine, nos autem terram corporis nostri nobis coniunctam bonis operibus replemus. Ecce dedi uobis omne lignum habens fructum in semetipso, ut sit uobis in escam. Ne prætercurrat Ecclesia. Omnia legitima sunt. Non dixit; Dedi uobis pisces, ad uescendum. Dedi uobis cete, & reptilia, & quadrupeda. Non enim ob id ea creauit. Sed prima lex concessit, ut fructibus uesceremur. Adhuc enim paradiso digni putabamur. Ecquod hic latet mysteriū? Vobis, inquit, & bestiis, & uolucris dati sunt fructus, & herba, ad uescendum. Et uolucris cœli, & omnibus animantibus terræ. Atqui multa cernimus animalia fructibus non uesci. Quo enim fructu uescitur pardus aut leo? Hi tamen legi naturæ subiecti fructibus alebantur. Sed cum homo recessisset à mandato, & extra paradysum uitam ageret, post diluuium uidens Dominus homines contumaces, concessit eis, ut omnibus uescerentur. omne, quod mouetur, inquit, & uiuit, erit uobis in cibum, quasi

Gen. 9. 2



olera uirentia tradidi uobis omnia. Quo qui-  
 dem concessio, reliqua item animalia comeden-  
 di licentiam nacta sunt. Ex eo tempore & leo  
 crudiuius, & uultures cadauerum auidi. Ne-  
 que enim, simul ac geniti sunt, terrā circunlu-  
 strabant. Nondum quidquam interierat eorū,  
 quæ uel à Deo facta, uel genita erant, quo uul-  
 tures nutrirentur. Neque natura separabat &  
 dissoluebat: uigebat enim. Neque uenatores  
 occidebant: nondum enim uacabant homines  
 eiusmodi studio. Neque feræ dilaniabant: ne-  
 que enim erant crudiuioræ. Nec ipsi uultures  
 uesci cadaueribus assueuerant: quoniam non-  
 dum erant cadauera, nondum foetor, nondum  
 talis uulturum cibus: sed omnia more Cycno-  
 rum uictitabant: omnia in pratis pascebantur.  
 Et quemadmodum uidemus canes herbas cu-  
 rationis causa sæpe comedere: non quòd ille ci-  
 bus eis sit naturalis, sed naturæ quodam instin-  
 ctu commoniti feruntur ad id, quod salutife-  
 rum illis futurum est: sic crudiuiora tunc ani-  
 malia erant, non ut sibi uicissim insidias strue-  
 rent, sed ut mox ad pristinam redirent consue-  
 tudinem. Cæterum homo reuertitur ad pristi-  
 num statum, improbam, ærumnosam, serui-  
 lemque in uictu sollicitudinē omittens. Sic enim  
 ad uitam redit eius similem, quam degebat in  
 paradiso, à carnis perturbationibus remotam,  
 securam, & liberam, & cum Deo atque Ange-  
 lis coniunctam. Hæc à nobis dicta sunt, non



quòd homines ab usu ciborum à Deo concessio-  
uelimus excludere, sed ut præteriti temporis fe-  
licitatem ostendamus. Qualis ea uita fuerit,  
quàm tranquilla, quàm diues, quàm paucis in-  
uictu rebus homines indiguerint, quo modo  
cum uariis generibus epularum peccandi causæ  
simul ingressæ fuerint. Postquam enim à ueris  
illis paradisi deliciis excidimus, nec amplius ui-  
tæ lignum intuemur, nec honestis illis, præcla-  
risq; uoluptatibus frui, gloriari ue possumus,  
adulterinas nobis delicias excogitauimus: co-  
quos, & pistores inuenimus: uaria bellariorum  
suffimentorumq; genera, ut lapsus illius sola-  
tia, comparauimus. Vt ægrotis, qui graui ali-  
quo morbo confluantur, cum solitis uolupta-  
tibus frui non possint, quasdam odorum sua-  
uitates, & alia eiusmodi congruentia oblecta-  
menta medici subministrant, & infirmis eo-  
rum sensibus blandiuntur. Verum si nunc etiã  
uolumus uitam illam, quæ in paradiso ageba-  
tur, imitari, ad eam, uaria ista ciborum genera  
fugientes, pro uiribus accedamus, fructibus, &  
seminibus, & leguminibus uitam sustentemus,  
reliqua autem, ut superuacua, minimèq; neces-  
saria, abiiciamus, & aspernemur. Quamuis  
enim detestanda non sint, utpote nobis ab ipso  
procreatore cōcessa, sumenda tamen non sunt  
propter carnis oblectationem. Et requieuit Do-  
minus ab omnibus operibus suis septimo die.  
Dicant Arithmetici, & qui talibus incumbunt



studiis, quicq; sapientiam eiusmodi faciunt plurimi, senarium numerum cum mundo simul esse genitum, esse numerum foecundum, multaq; ex se numerorum genera parientem, & suis perfectum partibus, & quaecunque de ipso in disputationibus suis dicere consueuerunt. Cumq; de senario abunde per otium dixerint, etiam de septenario differant. Sterilem esse demonstrent, quippe qui nec alium ex se numerum generet, nec ab alio ipse generetur. Ego, ne sermonem causa uestra iam institutum omit tam, ad ea, quæ sunt cognitu facilia, me conuertam. Si quis autem peritus est istiusmodi facultatis, is cognoscat, talium etiam rerum thesaurum apud nos esse reconditum. Quare si magni facienda est Arithmetica, hic eius sunt semina. Nobis autem non est curæ, ut parua hæc ex mundi sapientia surripientes quasi magnum aliquid nostris orationibus inferamus. Vt igitur constet, nos contemnere, quæ ipsi admirantur, silentio ipsa transeamus, præsertim cum eorum cognitio non ita facile à quouis è populo percipi possit, & qui me audiunt, non tam res, quæ moueant admirationem, quàm quæ mores & uitam instruant, postulent, & expectent. Præclarus est dies septimus. Nam & sabbatum apud Iudæos septimo cæsetur die. Et septimus annus ab eisdem obseruatur, ac remissionis annus dicitur. Licebat enim illis terram sex annis colere, septimo anno inaratam ac libe



ram relinquebant, cum in promissionis terra uersarentur. Sex annis seruiebat Hebræus, anno septimo liberabatur à seruitute. Septimo apud ipsos anno captiuitas soluebatur. Sed nostra quoque uideamus. Septies, inquit, in die cadit iustus, & resurget. Sic nos Hebdomadam constituimus. Septimus à mundi procreatione Enoch mortem non uidit. Ecclesiæ mysterium. Septimus ab Abraham Moses legem accepit, in qua uitæ mutatio, solutio iniquitatis, ingressus iustitiæ, Dei peregrinatio, constitutio mundi, rerum agendarum præscriptio continebatur. Septima & septuagesima ætate post Adam Christus apparuit. Septenarii mysteriū nouit Petrus. quoties, inquit, peccabit in me frater meus, & dimittam ei? usque septies? parum dixit, nondum mysterium didicit. Adhuc enim discipulus est. Usque septies? à septenario nō recessit discipulus. dixit discipulus, quod sciebat Diuitiis Dominus abundauit. Quoties peccabit, & dimittam? cur non dixit, sexies, sed septies? Cur non respondit Dominus, Centies centies, sed septenarii numerum multiplicauit? nec Petrus aliud interrogauit, nec Dominus discessit à septenarii regula. Obseruauerat Petrus ex antiqua traditionis norma, septenario numero contineri quandam uim remissionis peccatorum, quietis perfectæ, cuius indicium sabbatum est, Et dies septimus à mundi procreatione. Petrus septies. Domi-

Pro. 24. 6.

Heb. 11.

Matth. 18.

c.



Gen. 4. c.

.c. 41. v. 9.

Luc. 7. g.

Rom. 5. d.

nus septuagies septies. Cæterum etiam peccata septies puniuntur. Nonne sic ait: Qui occiderit Cain, septuplum punietur, neque illic. Octuplum dixit, sed septuplum. Quid ita? parumper expecta, & mysterium inuenies. Primum peccatum Cain septuplo uindicatur, secunda cædes Lamech septuagies septies. Itaque si septima Petri dimissio ad Cain ultionem refertur, septuagesima septima Domini condonatio ad Lamech ultionem referetur, ut, quantum delictum est, tanta sit etiam gratia, & ubi paruum delictum, parua uenia. cui enim parum dimisit, parum etiam amat. Vbi abundauit delictum, superabundauit & gratia. Ecquod ergo mysterium est? septima dies dicitur tempus iudicii, in quo & peccator septies punitur, & eximie iustus septuagies septies remuneratur. Dei benignitas per ænigmata nunc quidem futura nobis ostendit. Tunc autem ipso præsentem perspicua & manifesta erit ueritas. Tunc enim patebit, quibus quisque præmiis sit dignus. septuplam igitur ultionem nobis peccatoribus debitam dominus condonabit, si per confessionem, & poenitentiam hic eum placauerimus. Quamobrem, cum formidandum illum diem non ignoremus, ultionemque peccatoribus reseruata sceleribus eorum congruentem; anteuertamus, peccataque nostra resipiscendo dilua-



mus, ut poenas illas grauissimas euitemus. Septimus hic igitur dies septimi illius diei, quo æuum omne perfectum erit, est indicium & nota. Et requieuit Deus ab operibus. Nulla amplius mundi opera erunt in illo die, nullæ amplius nuptiæ, non contractus, non mercaturæ, non agri cultus, sed omnis terra in formidine & metu, omnes res procreatæ in iudicio, & certamine uersabuntur. Sudor, & labor incredibilis. Ipsi etiam iusti cum timore sententiam expectabunt. Nec ipse Abraham à certamine aberit, non ut in gehennam abiiciatur, sed in quo iustorum ordine collocetur, primo ne, an secundo, an tertio. Dominus è cœlis, disrumpuntur cœli. Potestates apparent. Vniuersæ res procreatæ perterrefactæ contremiscunt. Quis non timeat, quis non formidet, cum ne Angeli quidem à metu sint uacui, sed ipsi quoque stent rationem Deo reddituri? Gloriosa tamen iudicis præsentia metum omnibus bonis abstergit. Nonne audis Esaiam dicentem, si disruperis cœlos, à facie tua præ timore montes defluent. Mare congeliat, res omnes obstupescunt, natura est mortua, ad illū è cœlis aduentum omnis dicendi ratio torpet, & conticescit. Tunc iusti quidem ut stellæ in cœlum tollentur à terra. Peccatores autem proprio peccatorum pondere depressi, circumuolutiq; dorsum ferentur turpissimi ac despectissimi. Septimus igitur ille dies ab hoc septimo declara-



tur: Et requieuit Deus die septimo ab omni-  
 bus operibus suis. Quæ ad uitam hanc perti-  
 nent, eo die non erant. Quiescent iuuenum stu-  
 dia. Nulla erit de nuptiis consultatio. Nulla su-  
 scipiendorum liberorum sollicitudo. Nulla pa-  
 randi auri cura. Sacculi, & arcæ auarus obliui-  
 scetur. Non prædiorum locuples, non hono-  
 ris & famæ ambitiosus, & gloriæ cupidus recor-  
 dabitur. Hæc omnia procul aberunt à nostris  
 cogitationibus. Animus in timore constitutus  
 ad rerum imminentium expectationem excu-  
 babit. Timor enim omnem aliam cogitatio-  
 nem ab animis nostris expellet. Nam ubi Dei  
 timor adest, nullæ perturbationum maculæ  
 mentem nostram contaminant. Hic septimus  
 dies illius est diei septimi signum & nota. Sum-  
 psit Deus puluerem è terra, & formauit homi-  
 nem. Non est absoluta mundi procreatio, nec  
 rerum series interrupta, ut narratio de no-  
 bis introduceretur. Sed dictum est: Fecit  
 Deus hominem, & requieuit ab omnibus ope-  
 ribus. atque his explicatis commode nos do-  
 cet, quo modo hominem fecerit. Sumpsit De-  
 us puluerem, inquit, è terra. Cum puluerem  
 audis, disce timorem humanum deponere.  
 Ne suspicias hominum personas. Cur spiritus  
 tollis? Cur de te magnifice sentis? Quando tibi  
 cogitationes inciderint, quibus intumescas, qui-  
 bus inflammeris, illud tibi in memoriam reuo-  
 ca, quo modo creatus sis. Sumpsit Deus pul-



uerem è terra, & hominem formauit. Si à terra discederes, forte conditionis tuæ posses obliuisci. Nunc autem ab ea nunquam discedis, sed cum illa naturaliter coniunctus es. Incedis in terra, in terra conquiescis, in terra litigas, & negotiaris. Quamobrem quidquid agis in terra, siue magnum id sit, siue paruum, abiectionis tuæ monumentum habes. Contumeliosus es, & iracundus: unde tibi ex tam humili statu indignatio, & iracundia? Ferre non potes, quòd ignobilis, & obscuro loco natus esse dicaris, contendisq; ut iis, qui tibi male dixit, ex te peius audiat? Oculos demitte, ac terram intueri, & confestim ira tua sedabitur. Terram aspice, & tecum ipse sic cogita: Ignobilem hic me, & è seruo natum appellauit. Minus dixit, quàm id, quod res est. Neque enim me è terra genitum uocauit, sed ex homine. Quanto autem terra, quæ conculcatur, nobilior est animo præditus, ac uiuens homo? Ego ueterem matrem aspicio agnoscoq; terram. Quare non est ignominiosum atque turpe, è seruo ortum esse, sed præclarum & honorificum, hominem esse procreatum. Hic autem dum putat mihi contumeliam dicere, imprudens me potius honorauit. Ego enim naturæ meæ non ignarus, plane scio, qui sim, & unde sim. Hæc igitur nostri ortus è terra recordatio nunquam excitari sœuireq; sinat iracundiam. Rationi terra semper suppetias ferat, eamq; semper com-



monefaciat. Quādo cupiditate flagras, & ea cō-  
 citatus curris, per terram curris. Cogita quo-  
 nam sis peruenturus, si te in terram dissolutum  
 iri cōsideraueris: reprimetur cupiditatis furor.  
 Terra es, & in terram reuerteris. Cogita mem-  
 bra ista tua, quæ nunc ita uigent, paulo post  
 nulla fore. Membris autem corruptis, in pul-  
 ueremq; redactis, cupiditas ista, qua nunc in-  
 flammari, nō erit amplius. Naturæ tuæ remi-  
 niscere, & omnis ad peccandum impetus per-  
 fringetur. Hæc cogitatio ab omni peccato nos  
 auocet, atque deterreat. Formauit Deus homi-  
 nem de limo terræ. Honeſta ſubmiſſio, com-  
 monitio naturalis. ſi dixiſſet, Formauit Deus  
 hominem, ex homine materiam ſumens, ec-  
 quando hominem illum uidiſſemus, ut naturæ  
 cōditionisq; noſtræ poſſemus admoneri? Abie-  
 ctæ ſortis noſtræ monumentum in promptu eſt  
 ex iis, quæ calcamus. Terram aspice, teq; ex  
 humili contemptaq; illius materia genus duxiſ-  
 ſe recordare. Quid igitur nobis uilius? quid ab-  
 iectius? Quid magis conuenit nobis, quàm ut  
 nos ſummiſſe geramus, & pro nihilo putemus?  
 Vidisti ſuperbum aliquem, & arrogan-  
 tem, uariis indutum uestimentis, & ſplendidum annu-  
 lum cum pretioſa pala geſtante in digito, at-  
 que oſtendante, Serumq; filiſ amictum, ac  
 ſeruis ſtipatum, coma demiffa, flaua, ſtudio-  
 ſeq; compta, torquibus aureis exornatum, &  
 ſellis argenteis infidentem, ſuperbe ue inceden-



tem, magnifice de se sentientem, magnifice se  
 iactitantem ob seruorum, adulatorumq; , quos  
 sumptuosis mēsis allicit, ob salutationes, quas  
 illi omnes in forum afferunt, dum ei cum li-  
 toribus aduenienti aut è subselliis assurgunt,  
 aut obuiam procedunt, aut eum deducunt, re-  
 ducunt'ue? Quando principes istos aspexeris  
 cum magna præconis uoce prodeuntes, quan-  
 do uideris eos huic terrorem iniicientes, illi in-  
 dignatos, alium proscribentes, alium capite  
 mulctantes, tu eane formidaueris, ne'ue illos,  
 qui res eiusmodi iubeant, fueris admiratus. Ne  
 te opinio fallat. Memento, Deum conflasse  
 hominem è limo terræ. Si quid aliud est, exti-  
 mesce. sin terræ puluis, aspernare. Et forma-  
 uit Deus hominem. Ea uox: Formauit: non  
 protinus in homine faciēdo declarat artificium  
 Dei. Nunquid formauit hominem, quemad-  
 modum è luto figuli aliquid effingunt, aut quē-  
 admodum ex ære conflant aliquid statuarii?  
 Minime uero. Nam statua quidem extrinse-  
 cus tantum speciem ac similitudinem præfert.  
 Vidisti, quo modo statua mores aliquos expri-  
 mat, exēpli gratia uel iram, indignationemq; ,  
 si referat imperatorem: uel muliebre lenita-  
 tem, si foeminam aliquam: uel aliud quippiam  
 congruens ei, quod effingitur, quatenus arti  
 concessum est. At opus formatum à Deo non  
 est eiusmodi. Sic enim hominem conflauit, ut  
 omnes illius partes intus etiam informaret,



atque distingueret . Si tantum suppeteret otium ,  
ut possem tibi humani corporis fabricam expli-  
care , operam darem , ut ex te ipso Dei sapien-  
tiam in homine formādo cognosceres , teq; ue-  
re paruum esse mundum intelligeres . Nec ma-  
le fecerunt , qui hoc nomine hominem com-  
mendarunt . Multæ in hoc negotio totæ ferè  
uersantur artes , ut naturales medicorum fa-  
cultates , ut gymnastarum obseruationes , quæ  
de proportionē , congruāq; membrorum inter-  
sedimensione , aut æquali humorum copia , &  
corporis obesitate disputāt . Hæ nanque omnes  
corporis nostri considerant artificium . Vnde  
autem mihi tanta dicendi uis & ubertas oratio-  
nis , ut plane possim explicare , quā multa  
unico illo uerbo : Formauit : comprehendan-  
tur ? Nam quæ facilia sunt , & in promptu ,  
etiam metacente cognoscitis . Formauit Deus  
hominem , rectum . Singularem hanc tibi , ho-  
mo , formam concessit , quam alii dedit anima-  
lium nulli . Quamobrem ? quia singularem  
etiam actionem erat traditurus . Reliqua ani-  
malia sunt bruta , & illa spectant , ad quæ nata  
sunt . Ad pastum genita sunt , pecora . Itaque  
pronam deorsumq; uergentem formam habēt ,  
ut uentrem , & , quæ uentri subiecta sunt , ui-  
deant . Si quidem eorum felicitas est expletio  
uentris , ac uoluptas . Homo uero non uentrem  
despicit , sed superiora contuetur . Caput illi  
sublime est , ut genus coeleste suspiciat . Oculi  
non



non tendunt in terram. Quocirca ne uim inferas naturæ tuæ. Terrena ne spectes, sed coelestia, ubi Christus est. Si consurrexistis, inquit, *Col. 3. a.* cum Christo, quæ sursum sunt, quærite, ubi Christus est. Sic igitur formatus es, & formata te monet, ad quem natus sis finem. Genitus es, ut Deū uideas, & contempleris, non ut humi deiecta serpat uita tua, non ut pecudum uoluptates confecteris, sed ut uitam coelestem agas. Iccirco sapientis oculi (ut sapiens inquit *Eccl. 2.* Ecclesiastes) in capite sunt ipsius. Cur autem non ad caput, sed in capite? nempe ut, quæ excelsa ac sublimia sunt, intueantur & spectent. Qui autem ea non aspicit, sed terrena, is oculos humi defixos, ac sepultos habet. Oculi ergo rotundi. Caput supra humeros positum, non compressum, ne sit humile, atque abiectum, sed decoro ceruicis culmine fultum tollitur in sublime. Geminæ oculorum pupulæ. Non ne satis unus erat oculus? cur igitur duo dati sunt? ut sibi uicissim essent auxilio, ut deficientem unum alter cōsolaretur. Præterea, quia uidendi uis si ab uno tantum proflueret, esset imbecillior: à duobus autem fontibus emanans, firmior est. simul enim utrinque progrediens, & concurrens, atque in unum confluens coniungitur. Etenim ab utroque oculo tanquam à duplici euripo longe prodiens coit & copulatur. Non ne conspicias senes, qui res in propinquo sitas intueri non possunt? Vbi au-

H



rem obtutus tanquam concurrentibus undis in unum confluxerit, res ipsæ firmitus comprehenduntur. Iam oculorum custodiæ quàm multæ sunt? Tunica intus una, sed hæc non erat satis. neque enim molem una conficeret, aut, si conficeret, crassitudine sua cernendi vim obregeret, atque impediret. Quamobrem necesse fuit, ut esset etiam perspicua, & levis. Una igitur perspicua, altera tenuis: illa quidem crystallina, hæc autem cornea: & quæ protegit, firmior; quæ intus est, tenuior, ne aditum intercluderet: tertia crystallina, ut in se splendorem conspicuum contineret. Accedunt palpebræ, quæ sunt oculorum integumenta, & propugnacula, & domicilia, atque custodes. Neque enim manus eos tueri potuissent. Nam dum oculis ipsæ ferrent auxilium, illi interim læderentur. Quocirca præsto sunt palpebræ, quæ supra excubant, & simulatque detrimentum præferunt, statim oculos obtegunt, & defendunt. Quare & pupillæ sub tali uelo collocatæ non facile lædi possunt. Soli ex omnibus membris oculi palpebrarum regumentis operti contingi nolunt. Densâ adest pilorum seges. cur? ut superioris atque inferioris palpebræ complexus acrior sit. Pili enim illi inter se connexi atque impliciti sunt quædam ueluti uincula. Ad hæc minutas procul arcant bestiolas, lanuginosasq; sordes pupillis appropinquare non sinunt, seq; illis imbecillis atque



omni iniuriæ obnoxiiis propugnatores præbent. Atque ita eorum custodia nobis cum decora, tum etiam utilis est. Quid? supercilium, nonne tibi adiumento est, quo rectius dirigas aciem oculorum? id, quod hoc argumento confirmari potest. Quando conaris aliquid procul positum intueri, cur manum extensam superciliis imponis, nisi ut uidendi uis supra disiecta netemere dissipetur? sed manus obiectu coniunctior ulterius feratur, & acutius, ac rectius munere fungatur suo? sic obtenta manu luminis transitus dirigitur. Ergo supercilia tum oculos regunt, tum sudoris multitudinem, ne ab ea contegantur, propellunt, seq; illi ut murum obiciunt. Quis agricola tam recte uineam disponere, circumiectaq; macerie communire possit, ut nullo torrentium impetu lædi queat, ut Deus oculos nostros superciliis communiuit, sic à naribus utrinque circumductis, ut hac illac sudor affluens nullam agricolæ molestiam præbeat, quamobrem à uite manum dimoueat, dum cogitur illum abstergere. Per suos enim ductus ab opifice factos sine iniuria defluit, & oculi opus suum libere conficiunt. Nos dies ipse deficiat, si unum ex iis, quæ summo artificio in nobis à Deo perfecta sunt, persequi uelimus, ut ex hoc, quod attigimus, facile potestis intelligere. Verum in præsentia negotii cuiusdam causa nos iter facturos dimittite, ut celeriter uobis incolumes



GREG. NYSS.

redditi, quod reliquum est æris alieni perfol-  
uamus, illius auxilio confisi, qui nos procrea-  
uit, quiq; singulas in nobis partes  
tam egregie perfecit, & ab-  
soluit: cui gloria in se-  
cula seculorum.

Amen.



59  
DIVI GREGORII NYSSÆ

PONTIFICIS IN DIEM NATALIS

LEM D. N. IESV CHRISTI

ORATIO.



VCCINATE,  
inquit Dauid, in neo-  
menia tuba, in insi-  
gni die solēnitatis ue-  
stræ . Coelestis au- *Psal. 80. 6.*  
tem doctrinæ institu-  
ta omnino sunt in-  
star legis apud eos,  
qui audiunt. Quam-

obrem, quoniam adest insignis dies solennitatis  
nostræ, nos item obseruemus legem, & effi-  
ciamur sacræ celebritatis buccinatores. Lega-  
lis autem tuba, ut declarat Apostolus, est ora-  
tio. Incertum enim, inquit, tubæ clangorem  
esse non oportere, sed sonis distinctū, ut ea, quæ  
dicuntur, perspicua sint. Edamus igitur & nos,  
fratres, clarum aliquem sonum, qui non mi-  
nus exaudiatur, quàm si ederetur cornea tuba.  
Quandoquidem & lex in umbræ figuris ante de-  
pingens ueritatem, in tabernaculorum celebra-  
tate tubis ut caneretur, mandauit. Et præsens  
celebritatis argumentum, ueri tabernaculi my-  
sterium est. In hac enim humanum ei taberna-

*Cor. 14. 6.*

*Leu. 23.*

H iii



culum figitur, qui propter nos formam hominis induit. In hac tabernacula nostra, quæ morte corruerant, instaurantur ab eo, qui ab initio construxerat ædificium. Nos etiam ea uerba psalmi cum uocali Dauide plaudētes dicamus: *Benedictus, qui uenit in nomine Domini. Quo*  
*psal. 117. d.* modo autem uenit? non nauigio, aut curru aliquo, sed incorrupta uirginitate in uitam humanā traiecit. Hic Deus noster, hic Dominus, & illuxit nobis, ut diem hanc solennem constitueret in cōdensis usque ad cornua altaris. Quod autem mysteriū, fratres, in iis, quæ dicta sunt, contineatur, neutiquam ignoramus. scimus enim uniuersas res procreatas esse ueluti templum quoddam Domini, à quo procreatæ sunt. Verum, quia superinducto peccato obstructa erāt ora illorum, qui uicti fuerant, & exultationis uox obticuerat, & dies festos celebrantiū consensus distractus erat, quum humana natura cū beatarum mentium natura in celebrando non conueniret, iccirco uenerunt Prophetarum &  
*psal. 98.* Apostolorū tubæ, quas lex corneas uocat, quia ex uero unicorni confectæ sunt. Hæ spiritu sancto inflatæ continuum ueritatis sonum protulerunt, ut, auribus eorum, qui propter peccatum obsurduerant, patefactis, per frequentiam inferioris tabernaculi cum excellentibus illis mentibus, quæ ad altare superius astant, concinentem una solennitas concelebraretur. Diuini enim illius altaris cornua sunt eximie & præ-



stantes coelestis naturæ Virtutes, & Principatus, & Potestates, & Throni, & Dominationes, quibus cum per tabernaculi excitationem in celebritate coniungitur humana natura renouatione corporum condensata. Nam condensari, & ornari, & indui idem est, ut illi, qui hæc intelligunt, interpretantur. Agite igitur ad spiritalem choream animos nostros excitemus, nobisq; chori ducem, & principem, & coryphæum Dauidem proponamus, & unà cum illo dulcem illam emittamus uocem, quam ante cecinimus. Sic igitur rursus repetamus. Hæc est dies, quam fecit Dominus: exultemus, & lætemur in ea. In hac tenebræ incipiunt minui, & crescente splendore, noctis termini contrahuntur. Neque enim casu aut sponte sua contingunt hæc, fratres, in hac die solenni, qua humanæ uitæ splēdet diuina uita: sed per ea, quæ cernuntur mētis aciem intendentibus, arcanum quoddam ostendit natura, ac tantum non uocem emittens docet eos, qui audire possunt, quid sibi uelit, quòd in aduentu Domini dies augetur, & nox imminuitur. Mihi enim uideor eam sic loquentem exaudire: Considera homo, qui hæc aspicias, ex iis, quæ uidentur, ea tibi aperiri, quæ recondita sunt. Vides noctem ad summam longitudinem peruenisse, & cum progredi ulterius nequeat, consistere, ac regredi? Cogita exitiosam peccati noctem, quæ malis omnibus artibus aucta ad summum malitiæ

*psal. 117. d.*

H iiii



Matth. 3.  
b.

cumulū uenerat, hodie recisam esse, ne longius serperet, atque illuc deinceps redigi, ut plane deficiat, ac deleatur. Vides uberores lucis radios, & solem solito sublimiorem? cogita ueræ lucis præsentiam euangelii radiis totum orbem terrarum illustrare. Quod autem humanæ uitæ non ab initio, sed ab extremis temporibus Dominus apparuerit, hanc merito fortasse causam quispiā existimabit, quod qui, malitiam ut tolleret, humanam uitam erat ingressurus, expectauit necessario, ut omne ab inimico satum propagatumq; peccatum germinaret, ac tum demum, ut legitur in euangelio, radici securim admouit. Nam & qui præstant medendi facultate, dum febris adhuc corpus exurit, & ex causis morbum efficiētibus paulatim intenditur, obsecundant morbo, quoad uis ad summum peruenit, nec cibi subsidium ullum ægrotanti præbent: at ubi malum constitit, patefacto iam toto morbo, tunc artem adbibent. sic animorum ægrotantium medicus expectauit, dum malitiæ morbus, quo natura hominum uicta laborabat, se totum aperiret, ne latens aliquid incuratum remaneret, si curaret id solum, quod cerneretur. Itaque nec Noe tempestate, cum omnis caro in iniquitate corrupta esset, aduētū suo medicinam attulit, quia nondum sodomitici sceleris germen pullulauerat: nec tempore euerfionis sodomorum Dominus aduenit, quoniam in humana natura



multa adhuc mala latitabant. Vbi enim impius  
 Pharaon? Vbi indomita Aegyptiorum mali-  
 tia? Nec tunc igitur tempus fuit, ut huic uitæ se  
 Deus commisceret. Oportebat, ut Israelita-  
 rum iniquitas patefieret. Oportebat, ut regnū  
 Assyriorum, & superbia Nabuchodonosor,  
 adhuc in uita latitans, ostenderetur. Oporte-  
 bat, ut piorum cædes tanquam scelerata spino-  
 saq; planta ex mala Diaboli radice prodiret.  
 Oportebat, ut Iudæorum prophetas occiden-  
 tiū, & à Deo missos lapidibus obruentium, ac  
 Zacharia tandem inter templum & altare inter-  
 fecto, piaculum admittentium rabies detegere-  
 tur. Ad sceleratorum germinum numerum  
 adde & infantium ab Herode patratam cædem.  
 Cum igitur malitiæ uis se totam effudisset, mul-  
 tisq; luxurians modis creuisset in animis eorum,  
 qui singulis seculis scelere insignes extiterant,  
 tunc Deus, ut ad Athenienses Paulus ait, igno-  
 rantia tempora despiciens in diebus ultimis ad-  
 uenit, quando non erat intelligens, nec requi-  
 rens Deum, quando cuncti declinauerant & fa-  
 cti erant inutiles, quando conclusa erant omnia  
 sub peccato, quando iniquitas abundabat, quan-  
 do uitiorum tenebræ ad summum usque termi-  
 num uenerant. Tunc apparuit gratia, tunc ue-  
 ræ lucis enituit radius, tunc in tenebris & um-  
 bra mortis sedentibus ortus est iustitiæ sol.  
 Tunc humanam carnem indutus multa serpen-  
 tis capita pede contriuit, ad terramq; allidens

*Matt. 23.  
d.*

*Act. 17. 8.*

*Psal. 13.  
Rom. 3. b.  
Gal. 3. d.*

*Esa. 9. a.*



conculcauit. Ne quis autem mala, quæ nunc in uita sunt, respiciens, falsa nos dicere suspicetur, quòd in extremis temporibus splenduisse nobis Dominum asseramus. Nam (obiiciat aliquis) qui tempora, quibus malitia retegeretur, expectauit, ut illam auctam cumulatamq; radicibus euelleret, sic eam tollere, atque abolere cunctam debuerat, ut nullæ ipsius in uita reliquæ remanerent. Nunc autem & homicidia, & furta, & adulteria, & reliqua omnia flagitia & scelera debacchantur. Is ergo, qui hæc spectans sic obiicit, insigni peruulgatoq; exemplo quæstionem ipsemet soluat. Quemadmodum, cum serpentes interficiuntur, non continuo reliquas partes unà cum capite mori uidemus, sed, cum interierit caput, illæ tamen adhuc uitam retinent, nec uitali priuantur motu: sic accidit in Draconis interitu. Etenim ingens cum esset admodum fera, quippe quæ singulis hominum ætatibus excreuerat, qui multiplex eius caput, idest uim illam malorum inuentricem, multa in se capita cōtinentem, sustulit, cæterarum ipsius partium tractus neglexit, ut interfectæ feræ motum posteris ad exercitationis occasionem relinqueret. Ecquod igitur collisum & effractum est caput? illud, quod impio consilio mortem intulerat, quod morsu mortiferum homini uirus iniecerat. Quamobrem qui mortis euertit imperium, uim, quæ in capite serpentis erat, ut ait propheta, contriuit. Quod autem huius fe-

Gen. 3. c.



ræ in humana uita relictum fuit, quodq; , quo-  
 ad homines uitiorum motionibus permouen-  
 tur, squama peccati uitam irritat, atque asperam  
 reddit, potestate quidem iam mortuum est,  
 cum eius caput contusum atque inutile factum  
 sit: at, ubi tempus transierit, & ea, quæ mouen-  
 tur, constiterint, adueneritq; uitæ huius abso-  
 lutio, quam expectamus, tunc & cauda & ex-  
 tremâ pars inimici, mors ipsa nimirum destrue-  
 tur, atque ita delebitur omnino cuncta malitia,  
 cum omnes in uitam per resurrectionem reuoca-  
 ti, qui iusti erunt, ad cœlestem quietem accedent,  
 qui autem peccatis obnoxii, in geennæ ignem  
 detrudentur. Sed ad præsens gaudium reuertamur,  
 quod pastoribus nuntiant Angeli, cœli  
 enarrant Magis, & prophetiæ spiritus multis  
 uariisq; rationibus prædicat, ut etiam Magi gra-  
 tiæ præcones fiant. Nam qui solem suum oriri  
 facit super iustos & iniustos, quiq; pluit super  
 malos & bonos, cognitionis radium, & rorem  
 spiritus alienis etiam linguis demisit, ut aduer-  
 sariorum testimonio magis etiam apud nos ue-  
 ritas confirmareretur. Audiuiſti Hariolum Ba-  
 laam meliori numine afflatum sic alienigenis  
 prædicentem. Orietur Stella ex Iacob. Ecce ti-  
 bi, qui ab eo genus duxerunt, Magi, ex prædi-  
 ctione ipsius nouum obseruant ortum stellæ,  
 quæ præter aliarum stellarum naturam & mo-  
 tus & status est particeps, & ad utilitatem hac  
 utitur uicissitudine. Erenim cum cæteræ stellæ

1. Cor. 15.  
d.

Matth. 5.

g.

Num. 24.

c.



partim in orbe non errante semel infixæ statum immobilem fortitæ sint, partim nunquam cessent à motu, hæc & mouetur, dum Magis se ducem præbet, & stat, dum illis ostendit locū.

*Es. 9. d.*

Audis Eſaiam clamantem: puer natus est nobis, & filius datus est nobis? Disce ab eodem propheta, quo modo natus sit puer, quo modo datus sit filius. Num iuxta naturæ legem? minime uero: inquit, legibus enim naturæ non paret, qui naturæ Dominus est. Quo modo igitur natus est puer? dic. Ecce, inquit, Virgo in utero concipiet, & pariet filium, & uocabunt nomen eius Emmanuel. Quod, si interpreteris, significat nobiscum Deus. O' rem admirandam. Virgo mater efficitur, & permanet uirgo. Cernis nouum naturæ ordinem? In aliis mulieribus quandiu aliqua est uirgo, non est mater. Nam posteaquam est facta mater, uirginitatem non habet. Hic autem utrunque nomen in idem concurrit. Eadem enim & mater & uirgo est. Nec uirginitas partum ademit, nec partus uirginitatem soluit. Decebat enim, ut, qui in uitam humanam introibat, ut homines integros incorruptosq; seruaret, ab incorrupta sibi deseruiente integritate initium duceret. Nam hominum consuetudo expertem conubii incorruptam appellat. Hoc mihi ante Magnus ille Moses per eam lucem, in qua sibi Deus apparuit, uidetur cognouisse, qui, cum rubus arderet, nec tamen consumeretur, ascen-

*Exo. 3. e.*



dam, inquit, & uidebo uisionem hanc magnā, non loci motum, ut arbitror, per ascensum declarans, sed temporis transitum. Quod enim tunc per flammam & rubum significabatur, progrediēte tempore, quod intercedebat, perspicue in mysterio uirginis apertū fuit. Quemadmodum enim illic est rubus, & tangit ignem, & non comburitur, ita hic est uirgo, quæ lucem parit, & non corrumpitur. Quod autem per rubum Virginis corpus, quod Deum suscepit, intelligatur, ne te similitudinis pudeat. Nam omnis caro propter peccati susceptionem, & ob id ipsum tantum, quod est caro, peccatum est. Peccatum autem in scriptura uocatur spina. Ac ne à proposito longius euagemur, forte non erit intempestiuum, si incorruptæ matris testem eum, qui inter templum & altare fuit occisus, proferamus. Hic est sacerdos Zacharias, non sacerdos solum, uerum etiam propheta. Ac prophetiæ quidem potestas in Euangelii libro declaratur, cū uiam hominibus muniens diuina gratia, ne Virginis partus incredibilis putaretur, minoribus miraculis fidelium assensum sic exercuit, ut foemina sterilis, & uir iam ætate confectus filium susciperent. Hoc mirandi uirginis partus procemium fuit. Etenim sicut Elisabet, quæ sterilis ad senectutem peruenerat, non potestate naturæ fit mater, sed ei diuino consilio filius nascitur, sic quod in uirgineo partu nō credendum uidetur,

2. Reg. 23.

a.

Matth. 13.

Luc. 1.



si referatur ad Deum, credibile est. Quoniam igitur ex uirginitate prouenientem præcedit nuntius sterilis, qui ad uocem illius, quæ Dominum utero gerebat, antequam in lucem prodiret, in aluo matris exiliuit, simul ac natus est præcursor Verbi, prophetico spiritu Zachariæ silentium soluitur. Quæcūque autem differuit Zacharias propheta, ad futurum spectabant. Hic igitur diuino numine ad occultorum cognitionem ductus, cum uirginitatis mysterium in partu incorrupto non ignoraret, in sacro templo Virginem matrem à loco uirginibus per legem assignato non semouit, Iudæosq; docuit, naturam humanā unā cum reliquis omnibus rerum omnium effectori & regi ita subiectam esse, ut arbitrato suo eam ipse regeret, nō autem ab ea regeretur: itaque in manu ipsius esse, nouam ortus rationem moliri, quæ matrem esse uirginem non impediret, quamobrem eam se à uirginum loco non exclusisse. locus autem ille erat spatium quoddam inter templum & altare. Cum igitur audiuisent Iudæi, rerum omnium regem in uitam humanam diuino ordine prodisse, metuentes, ne regi subderentur, sacerdotem, qui hæc de ipso partu testificabatur, ad ipsum altare sacrificantem interfecerunt. Sed

Matth. 23.  
d.

longe à proposito aberrauimus, cum ad Bethleem, de qua in Euangelio, oratione recurrere nos oporteret. Nam si uere pastores sumus, & propriis gregibus inuigilamus, ad nos utique

spe  
ga  
ex  
A  
m  
ma  
quo  
Quo  
spect  
terra  
spini  
toru  
pit.  
tae  
dit  
pr  
ma  
diu  
lee  
tem  
teru  
ausc  
sit.  
cert  
uis,  
nobi  
rat, c  
habe  
quid  
bere



spectat Angelorum uox, quæ magnum hoc  
 gaudium nuntiat. Oculos igitur in cœlestem  
 exercitum intendamus, tripudium spectemus  
 Angelorum, diuinum ipsorum cantum audia-  
 mus. Quinam plaudentium sonus? Gloria (cla-  
 mant) in altissimis Deo. Cur diuino numini, *Luc. 2. b.*  
 quod in altissimis cernitur, gloriam tribuunt?  
 Quoniam, inquit, & in terra pax. Ob hoc  
 spectaculum gaudio perfusi sunt Angeli. In  
 terra pax. Quæ prius detestabilis erat, quæ  
 spinis, ac tribulis plena solitudo, quæ damna-  
 torum exilium, quæ belli regio, hæc pacem susce-  
 pit. O rem admirabilem. Veritas de terra or-  
 ta est, & iustitia de cœlo prospexit. Talem de-  
 dit hominum terra fructum suum. Et hæc fiunt  
 pro bona in hominibus uoluntate. Deus hu-  
 manæ naturæ commiscetur, ut ad sublimitatem  
 diuinam hominem tollat. His auditis in Beth-  
 leem proficiscamur, nouum spectaculum con-  
 templemur. Quo modo partu suo uirgo læ-  
 teretur, quo modo lactet infantulum. Sed prius  
 auscultemus, quid de ipsa memoriæ proditum  
 sit. Virginis pater (ut ex historia quadam in-  
 certi auctoris accepi) fuit insignis quidam ci-  
 uis, obseruatiua legis & uitæ probitate in primis  
 nobilis, qui sine filiis ad senectutem peruene-  
 rat, cum minus idoneâ ad gignendum uxorem  
 haberet. Habebatur autem matribus ex lege  
 quidam honor, quo carebant fœminæ, quæ li-  
 beros nullos susceperant. Quapropter & hæc *1. Reg. 1.*



imitata id, quod de matre Samuelis scriptum est, ad sanctum sanctorum accedit, & supplex Deum orat, ne se legis benedictione finat excidere, cum nihil unquam admiserit contra legē. Quod si mater euaserit, se, quodcunque pepererit, ei dedicaturam. Quamobrem cum uoti compos effecta filiam suscepisset, eam uocauit Mariam, ut ipso etiam nomine testaretur acceptum munus à Deo. Illam igitur, cum iam grandiuscula esset, nec ubere matris amplius indigeret, ducens ad templum Deo reddidit, & studiose promissum exoluit. Sacerdotes autem, quandiu paruula fuit, ad Samuelis similitudinem in sanctis ædibus educarunt, sed cum iam adulesceret, consulebant, quid'nam agerent de sacro illo corpore, ne Deum offenderent. Et enim naturæ legi illam subiicere, ut cuiquam in matrimonio collocata seruiret, absurdissimum uidebatur. Instar enim sacrilegii fuisset, si muneris Deo sacrati dominus homo fieret. Legibus enim erat cōstitutum, ut maritus dominaretur uxori. Mulierem rursus inter sacerdotes in templo uersari, atque in sanctis ædibus conspici, nec lex, nec grauitas permittebat. Deliberantes igitur in hanc sententiam diuinitus conuenerunt, ut eam connubii nomine cuiquam desponderent, qui tamen ad custodiam eius duntaxat esset idoneus. ad hoc autem munus aptissimus inuentus est Ioseph ex eadem tribu & patria, qua erat uirgo. Sacerdotum ergo consilio

Gen. 3.6.



consilio Ioseph puellam sponfam accipit. Quæ  
 ramen coniunctio sponsalia non est egressa.  
 Tunc ad Virginem missus est Gabriel, qui ei  
 diuinæ uoluntatis arcanum aperiret. His autem  
 faustissimis uerbis usus est. Aue gratia plena, *Luc. c. 1.*  
 Dominus tecum. Contraria hæc est oratio illis  
 uocibus, quas prima mulier audiuit. Tūc enim  
 illa doloribus propter peccatum damnata est.  
 Nunc autem in hac per gaudium dolor expelli- *Gen. 3. c.*  
 tur. In illa molestiæ partum præcesserunt.  
 Huic partum lætitia prænuntiat. Ne timeas, in-  
 quit. Quoniam omnibus mulieribus timorem  
 affert partus expectatio, dulcis partus promif-  
 sione timor eximitur. In utero, inquit, concii-  
 pies, & paries filiū, & uocabis nomē eius Iesum.  
 Ipse enim saluū faciet populum suum à pecca- *Matth. 1.*  
 tis eorū. Quid autem Maria? Audi pudicam uir- *d.*  
 ginis uocem. Quo modo erit mihi istud, quo-  
 niam uirum non cognosco? Angelus partum  
 nuntiat. At illa uirginitati inhæret, & integrita-  
 tem angelicæ demonstrationi anteponendam  
 iudicat. Nec Angelo fidem non habet, nec à  
 proposito recedit suo. Interdixi, inquit, mihi  
 consuetudinem uiri. Quo modo istud erit mi-  
 hi, quoniam uirum non cognosco? Hæc Ma-  
 riæ uox declarat, ea, quæ ex historia incerti au-  
 ctoris commemorauī, non esse penitus absur-  
 da. Si enim liberorum causa ducta fuisset à Io-  
 seph, quo modo parituram Angelo prænun-  
 tianti, se rem nouam & alienam audire præ se



tulisset, cum ipsa quoque sese obstrinxisset naturæ lege, ut aliquando mater esset? Verum quia carnem Deo consecratam, tanquam sanctum aliquod oblatum munus, oportebat intactam integramque præstare, iccirco, licet, inquit, Angelus sis, licet è coelo uenias, licet id, quod ostenditur, naturā superet humanam, tamen me uirum cognoscere nefas est. Quo modo sine uiro mater ero? Ioseph enim sponsum noui, sed uirum non cognosco. Quid ad hæc auspex Gabriel? Quem thalamum statuit puro impollutoque connubio? Spiritus sanctus, inquit, superueniet in te, & uirtus Altissimi obumbrabit tibi. O' beatum uterum illum, qui bonitatis præstantia ad se traxit animi bona. In reliquis enim omnibus uix animus purus spiritus sancti præsentiam capit: hic autem caro fit spiritus receptaculum. Sed & uirtus Altissimi obumbrabit tibi. Quid significat arcanus hic sermo? Christus Dei uirtus est & sapientia, ut ait Apostolus. Virtus igitur Altissimi, quæ Christus est, per aduentum spiritus sancti formatur in uirgine. Quemadmodum enim umbra ad præcedentium corporum figuram effingitur, sic forma & indicium diuinitatis Dei in uirtute ipsius, qui paritur, ostendetur, & imago, & signum, & adumbratio, & splendor exemplaris per admirabilem rerum effectiorem demonstrabitur. Verum hortatur nos Euangelium, ut in Bethleem oratione reuer-

1. Cor. I. b.



tamur, & quæ in antro sint mysteria uideamus. Quidnam est hoc? Puer pannis inuolutus, & positus in præsepi, & uirgo post partum, incorrupta mater complectitur filium. Emmittamus illam prophetæ uocem: Sicut audiui-  
 uimus, sic uidimus in ciuitate Domini uirtutū, *psal. 47. b.*  
 in ciuitate Dei nostri. Num hæc, quæ audiui-  
 mus de Christo, fortuna & casu contigerunt, &  
 scripta sunt, an historiæ subest aliqua ratio?  
 Quid sibi uult hæc domini in antro sedes? hæc  
 in præsepi reclinatio? cur tempore descriptio-  
 nis tributorum in uitam ingreditur? An perspi-  
 cuum est, eum, quemadmodum à legis execra-  
 tione nos eripit factus ipse pro nobis execratio, *2. Cor. 15.*  
 & liuores nostros in se transfert, ut eius liuore *d.*  
 nos curemur, sic etiam uestigalem fieri, ut nos *Esa. 53. a.*  
 à grauissimo uestigali, quod ab homine mors *1. Petri. 2.*  
 exigit, liberaret? Quod autem speluncam ui-  
 des, in qua paritur Dominus, cæcam homi-  
 num uitam, & sub terra demersam cogita, in  
 qua nascitur ille, qui in tenebris ambulantis se osten-  
 dit, pannis autem obuoluitur & fasciis constri-  
 gitur, qui peccatorum nostrorum catenas subit  
 & uincula. Præsepe uero, in quo Verbum gi-  
 gnitur, bestiarum est domus, ut cognoscat bos *Esa. 1. a.*  
 possessorem suum, & asinus præsepe Domini  
 sui. Per bouem intellige illum, qui legis iugo  
 subiectus est, per asinum autem, quod est ani-  
 mal ferendis oneribus natum, eum, qui simu-



*Psal.* 103.  
b.

*Io.* 6. d.

*Eph.* 1. d.

*Rom.* 9. a.

lacrorum cultus onustus est crimine. Cæterū commune rationis expertium animalium pabulum & uita fœnum est, producat, inquit, propheta, fœnum iumentis. Quod autem ratione præditum est animal, uescitur pane. Idcirco in præsepi, quod est animalium ratione uacantiū sedes, è cœlo delapsus uitæ panis proponitur, ut & quæ à ratione remota sunt animalia, rationis cibo nutrantur, atque ita ratione decorentur. Medium igitur in præsepi se inter bouem & asinum utriusque Dominus locat, ut medium parietem maceræ soluens duos condant in semetipso in unum nouum hominem, ab altero graue legis iugum eripiens, alterum simulacrorum cultus onere liberans. Sed oculos ad mirabilia cœlorum spectacula tollamus. Ecce enim non propheta solum & Angeli gaudium hoc nobis denuntiant, uerum etiam cœli rebus suis admirandis euangelii gloriam prædicant. Ex Iudæis, ut ait Apostolus, propheta Christus ortus est. Sed eius ortu nō illuminatur Iudæus. Peregrini & à testamentorū promissione benedictioneq; patrum alieni sunt Magi, qui cognitione populum Israelitam anteuertunt, & coelestem agnoscunt lucem, & in spelunca Regem non ignorantes. Hi munera afferunt; illi insidias struunt. Hi uenerantur; illi persequuntur. Hi Gaudent inuento, quem exquirebant; illi nuntiato ipsius ortu reformidant. Videntes enim, inquit, stellā supra locū, ubi erat puer, gausi sunt



gaudio magno ualde. Herodes autem audiens Matth. 2.  
b.  
turbatus est, & omnis Hierosolima cū illo. Hi  
& tanquā Deo thus offerunt, & auro dignitatē  
regiam colūt. Et prophetica quadam gratia per  
myrrham mortis dispositionem sub significant.  
Illi uero cunctos infantes unū in locum coactos  
interuentione tollendos censent. Quod eos mihi  
non solum crudelitatis, uerū etiam summæ de-  
mentiae uidetur coarguere. Quid enim sibi uult  
ista puerorum trucidatio? cur ausi sunt homi-  
cidæ se tanto scelere obstringere? Quoniam no-  
uum quoddam, inquit, mirandumq; cœli  
portentum regis indicium Magis nunciauit.  
Quid igitur tum? aut portendenti signo fidem  
habes ut uero, aut, quod rumore iactatur, ua-  
num putas. Si talis est, qui cœlos sibi fecerit in-  
seruire, prorsus est supra manum tuam. Sin au-  
tem in potestate tua est, ut ille uel uiuat, uel mo-  
riatur, eum frustra pertimescis. Qui enim id  
agit, ut imperio tuo subditus ipse sit, pro quo  
molietur insidias? cur horrendum illud datur  
mandatum? cur impia fertur sententia, ut mise-  
ri infantes trucidantur? Quid peccarunt, quid  
morte, aut supplicio dignum admiserunt? Cri-  
men unum duntaxat habent, quod nati sunt, &  
in lucē editi. Et propterea necesse fuit, ut ciui-  
tas carnificibus compleretur? ut cogeretur ma-  
trum multitudo, & infantium populus, ut ades-  
sent etiam patres, & generis propinquitate con-  
iuncti ad sæuum facinus congregarentur? Quis



oratione calamitatem describat? Quis acerbitate enarrans oculis aspiciendam proponat? mixtam illam lamentationem, luctuosum questum puerorum, matrum, propinquorum, patrum ad minas carnificum miserabiliter exclamantium? Quis dicendo possit exprimere carnificem gladio contra puerum irruentem, & toruo truciq; uultu contuentem, uerbisq; crudelibus alloquentem, una quidem manu corripientem infantulum, altera uero gladium adigentem? matrem porro ex altera parte filium ad se trahentem, obiiicientemq; cervicem suam acuto gladio, ne miserum filium carnificis manu necatum propriis oculis intueatur? Quis explicet ea, quæ patres agunt, reuocationes, suspiria, postremos filiorum complexus? præsertim cum idem à multis fiat eodem tempore? Quis uariam multiplicemq; calamitatem, & conduplicatos puerperarum dolores partus exponat? & acerrimas, quas admovebat natura, faces? Quo modo puer infelix & uberi simul inhæreret, & per uiscera lethalem plagam acciperet? Quo modo misera mater simul infantis ori subderet ubera, & sinu sanguinē eius exciperet? Manus autem impetu sæpenumero carnifex uno gladii ictu filium & matrem confauciabat, & unus sanguinis riuus ex matris plaga & ex mortifero uulnere filii mixtus decurrebat. Iam uero, cum nefaria Herodis sententia non solum nuper geniti necarentur, sed etiam il



li, qui alterum agebant annum, raperentur ad mortem, (scriptum est enim eum iussisse binu- *Matth. 2. c.* los & minores interfici) uidere erat matres non paucas, quæ eo temporis spatio duos filios enixa fuerant. Quodnam igitur rursum in his spectaculum cernebatur, cum duo carnifices circa matrem unam essent occupati, unusq; prope currentem filium ad se raperet, alter autem latentem adhuc infantulum è gremio matris euelleret? Quid tum faciat mater infelix, cum natura bifariam in filios diuellatur, & utroque filio maternis uisceribus ex æquo faces admo- uente nesciat, utrum ex carnificibus prius sequatur, cum unus ex hac, alter ex illa parte pueros ad cædē trahat? præcurrat ne ad nuper genitum, confusos indistinctosq; gemitus emit tentem? at inhibetur ab altero iam loquente, balbutienti; lingua matrem inclamante. Quidnam agat? quo se uertat? utrius uoci uoce sua respondeat? utrius gemitum gemitu excipiat suo? utrius defleat necem, cum uterque naturæ stimulis æque miseram feriat? Sed amoueamus aures ab hisce questibus, & ad lætiora dieiq; festo magis convenientia cogitationem conuertamus, licet Rachel, ut inquit Prophe- *Hier. 31. c.* ta, clamans filiorum cædem deploret. In die enim festo, ut ait sapiens Salomon, malorum *Eccl. 7. b.* decet obliuisci. Quæ ante nobis celebrior dies hac esse potest, in qua malas diaboli tenebras discutiens iustitiæ sol per naturam nostram illu-



*Psal. 106.  
b.*

*Psal. 117. c.*

cet mundo? In qua, qui cecidit, excitatur? qui uictus est, in gratiam recipitur? qui eiectus est, reuocatur? qui è uita excidit, ad uitam redit? qui seruitutem seruauit, regni dignitatem assequitur? qui mortis uinculis constrictus est, ad regionem uiuentium reuertitur? Nunc ut propheta testatur, æreæ mortis portæ confringuntur, ferrea comminuuntur uincula, quibus ante genus hominum in mortis custodia detinebatur. Nunc, ut cecinit Dauid, recluditur porta iustitiæ. Nunc per totum orbem una uoce festum celebrantium clamor exauditur. Per hominem mors, & per hominem salus. Primus in peccatum lapsus est. Iacentem secundus suscitauit. A muliere mulier defensa est. Prima peccato aditum patefecit, hæc, ut testamenti pateret aditus, ministra fuit. Illa serpentis consiliū est secuta, hæc serpentis interfectorem exhibuit, & lucis auctorem in lucem edidit. Illa per lignum induxit peccatum, hæc per lignum gratiam intulit. Lignum autem crucis intelligo, cuius fructus est semper uiuens, & gustantibus uita fit immortalis. nemo autem hanc gratiarum actionem paschatis tantum mysterio putet conuenire. Sic enim cogitet, pascha quidem diuinæ dispositionis esse finem, qui tamen finis consequi nequeat, nisi principium antecedat. Quid igitur antiquius est? ortus nimirum mortis dispositione. Huius igitur bona sunt pars bonorum ipsius ortus. Quòd si quis munera, quæ in



Euangelis commemorantur, enumeret, si recenscat miracula curationum, in inopia & fame ciborum copiam, mortuorum è monumentis excitationem, subitam atque improuisam effectum uini, expulsionem dæmonum, uarias affectiones ad ualeitudinem reuocatas, claudorum saltus, illitos lutu cæcorum oculos, diuinam doctrinam, leges latas, arcanam similitudinum significationem, hæc omnia huiusce diei gratia comprehenduntur. Hæc enim bonorum, quæ deinceps consecuta sunt, omnium initium fuit. Quamobrem exultemus, & lætemur in ea. Negligamus, ut hortatur propheta, exprobrationem hominum, nec despectionem ipsorum sinamus nos uinci, qui diuinæ dispositionis & prouidentiae rationem irrident, quasi non decuerit Dominum subire corporis naturam, nec in hominum uita nascendo uersari. Ignorant enim rei mysterium, quo Dei sapientia nobis salutem afferre constituit. Eramus sponte peccatis nostris uenditi, & instar eorum, qui argento ueneunt, uitæ nostræ inimico mancipati. Quid tibi à Domino optandum fuit? non ne ut eripereris è seruitute? cur igitur curiose requiris modum? cur benemerenti benemerendi rationem præscribis? non fecus ac si quis benemerito succenscat medico, quòd se non hac, sed illa ratione curauerit. Quòd si diuini consilii rationem curiositate ductus exquiris, hoc tibi satis sit intelligere non unum aliquod bonorum,

Psal. 43. c.



sed quidquid boni cogitatione ac mente concipitur, illud esse diuinum numen, potens, iustum, bonum, sapiens, omnia denique nomina, & notiones, quibus natura diuina declaratur. Considera igitur mihi, utrum in hoc beneficio, quo nos affecit, cernantur omnia, quæ dicendo percurri, bonitas, sapientia, iustitia, potentia. Vt bonus desertorem amauit, ut sapiens rationem inuenit, qua seruitute oppressum in libertatem uindicaret, ut iustus in seruitute continentem & emptionis iure possidentem non coegit, sed se ipsum pro illo, qui uictus erat, tradidit, & tanquam uas & sponsor debitum ipse persoluit, ut eum, qui obstrictus erat, liberaret. ut potens non uictus est in inferno, nec eius caro uidit corruptionem. Neque enim fieri poterat, ut uitæ auctor ac Dominus à corruptione uinceretur. At turpe, inquires, fuit, eum in uitam humanam ingredi, & carnis molestias experiri. Immo uero hic apparet muneris amplitudo. Etenim cum aliter è tantis malis homo liberari non posset, beatitudinis rex gloriam suam cum uita nostra commutauit. Ac puritas quidem ad nostras sordes sese demisit: sordes tamen ipsæ puritatem non attigerunt. Lux enim, ut in Euangelio legitur, in tenebris fulsit, tenebræ autem eam non comprehenderunt. Nam tenebræ, præsentia splendoris eualescunt: sol in tenebris non obscuratur. Quod mortale est, absorbetur à uita, quemadmodum scribit Apo

*Act. 2. d.*

*Psal. 15. c.*

*Io. 1. b.*

*2. Cor. 5.*

*4.*



stolus, non autem uita à morte consumitur.  
 Quod corruptum fuit, cum incorrupto serua-  
 tur. Corruptio autem ad incorruptionem non  
 accedit. Idcirco communis rerum omnium  
 procreatarum concentus exurgit Dominum suum  
 una uoce collaudantium, sic omni lingua coele- *Philip. 2. b.*  
 stium, terrestrium, atque infernorum ex-  
 clamante, Dominus Iesus Chri-  
 stus in gloria est Dei pa-  
 tris, laudandus in  
 æternum.  
 Amen.



GREG. NYSS. PONT.  
DIVI GREGORII NYSSAE

PONTIFICIS IN SERVATORIS

Christi Resurrectionem oratio,  
in qua & de præfinito trium  
dierum spatio,

Et de Christianorum institutione Paschatis ex  
legis præscripto, deq; crucis mysterio, &  
nobili senatore Ioseph ab Arima-  
thæa nonnulla dicuntur.



I Q V A Patriar-  
charum benedictio  
diuino spiritu confir-  
mata est, si quod in  
lege præmiū uitam  
ex uirtute instituen-  
tibus promissum, si  
quid ueritatis uete-  
rum historiarū ænig-

mata portenderunt, si quid boni prophetarum  
oracula prænuntiarunt, ea omnia hodierno mu-  
nere continentur. Quo nobis non aliter, quàm  
si spectaculo nobis aliquo proposito lumen  
unum ex innumerabilibus facibus conflatum  
præstringeret aciem oculorum, omnis Dei be-  
nedictio tanquam lux per se fulgens magnum  
hunc animis nostris splendorem ex multis & ua-  
riis scripturæ radiis prouenientem emittit. Li-  
cet enim ex singulis eius diuinis exemplis mu-



tuum huiusce celebritatis testimonium collige-  
 re. Quæris Abrahamæ benedictionem? præsentia Gen. 26.  
 contemplare, & habebis id, quod requiris.  
 Cœli stellas non uides? Has, inquam, stellas,  
 quæ nuper ex spiritu nobis exortæ statim Eccle-  
 siam ut cœlum exornarunt. stellarum enim ra-  
 diis præclara uirorum uirtute pietateq; præstan-  
 tium gratia significatur: quos si quis Abrahamæ  
 filios ex promissione natos cœli sideribus simi-  
 les dixerit, à ueritate non aberrabit. Mosem il-  
 lum eximium admiraris, qui scientiæ cognitio-  
 nisq; præstantia res omnes à Deo procreatas  
 comprehendit? ecce tibi primæ mundi pro-  
 creationis sabbatum, cui benedixit Deus. Ex  
 illo sabbato præsens hoc sabbatū agnosce, quie-  
 ris hunc diē, cui supra dies alios Dominus bene-  
 dixit. In hoc enim uere ab omnibus operibus  
 suis Deus Unigenitus conquieuit, qui diuino  
 salutis humanæ curandæ consilio cum per mor-  
 tem carni quietem præbuisset, & in id, quod  
 erat, per resurrectionem reuertisset, quidquid  
 iacebat secum exuscitans, uita, & resurrectio,  
 & aurora, & mane, & dies in tenebris & um-  
 bra mortis degentibus factus est. Simili benedi-  
 ctione historia item referta est. Pater Isaac di-  
 lecto filio non parcens suo, & unigenitus obla-  
 tio, & uictima factus, & agnus loco illius, qui  
 immolabatur. Licet enim totum in hac histo-  
 ria pietatis mysterium intueri. Agnus è ligno  
 cornibus hærens pendebat. Unigenitus autem

Esa 9.

Gen. 22.



Exo. 17.

Esa. 7.

5.

holocausti ligna gestabat. Cernis, quo modo, qui cuncta fert uerbo uirtutis suæ, is & lignorum, hoc est, peccatorum nostrorum fert onus, & super lignum extollitur, ferens quidem ut Deus, sublatus autem tanquam agnus? Sic enim spiritus sanctus utraque re magni mysterii figuram partitus est, ut per agnum mortis sacramentum significaret, per unigenitum autem uitam morte non ereptam ostenderet. Si uis & Mosem ipsum considerare, manuum extensione crucem describentem, eaq; forma Amalechitas in fugam uertentem, ueritate figuram expressam, & Amalec cruci cedentem animaduertes. Habes & Esaiam, qui gratiam hodiernam non parum illustrat. Ab ipso enim uirginem matrem, sine patre filium, sine dolore puerperam, sine labe partum prædisces. Sic enim loquitur Propheta. Ecce uirgo in utero concipiet, & pariet filium: & uocabunt nomen eius Emanuel, quæ uox significat, nobiscum Deus. Aequum erat autem, ut sine dolore hic partus existeret. Etenim cum omnis uoluptas dolorem coniunctum habeat, necesse est, ut in iis, quæ ita copulata sunt, cum unum abest, alterum etiam absit. Itaque cum nulla concipiendi uoluptas antecesserit, ne pariendi quidem dolor est consecutus. Hoc autem Prophetæ uerbis etiam comprobatur, quæ sic habent: Antequam labor dolorum ueniret, effugit, & peperit masculum. Aut, quemadmodum alius in-



terpres ait: Antequam dolores sentiret, pepe-  
 rit. Ex hac, inquit, uirgine matre puer natus  
 est nobis, & filius datus est nobis. Cuius impe- *Esa. 9.*  
 rium super humerum eius, & uocatur nomen  
 eius magni consilii Angelus, Deus fortis, po-  
 tens, princeps pacis, pater futuri seculi. Hic  
 puer, hic filius, ut ouis, ad occasionem ductus *Esa. 53.*  
 est, &, tanquam agnus coram tondente se, ob-  
 mutuuit. Vel potius inquit Hieremias, hic est  
 agnus ille mansuerus, qui ad uictimam ducitur.  
 Hic est ille panis, cui lignum iniiciunt qui panis  
 ligniq; sunt hostes. Immo uero illud e prophe- *Hier. 11.*  
 tia, quod apertissimum, & clarissimum est, &  
 quo mysterium planissime declaratur, accipia-  
 mus, Ionæ nimirum exemplum, qui sine of- *Io. 1.*  
 fensione in cetum ingressus, & sine molestia  
 rursus egressus, cum in eius uisceribus tribus  
 diebus, & totidem noctibus permansisset, Do-  
 mini apud inferos commorationem indicauit.  
 Hæc & horum similia oportet ex singulis scri- *Matth. 22.*  
 pturæ locis indagare, atque seligere. Omnia  
 enim illa ex præsentibus cernis. Et ex hodierna  
 lætitia, ut in Euangelio legimus, tota lex pen- *Matth. 22.*  
 det, & prophete. Et, quemadmodum Paulus  
 ait, omnis scripturæ, diuino spiritu dictante exa- *2. Tim. 3.*  
 rata, legisq; summa in hac gratia concluditur.  
 Hæc enim & malorum est finis, & bonorum  
 principium. Nam mors regnauit ab Adam, im-  
 perii pestiferi ducens initium, & impotens il-  
 lius dominatus ad Mosem usque permansit, cū *Rom. 5.*



10. 1.

Gen. 3.

eius uis à lege minime reprimeretur. Venit uita regnum, & solutum est mortis imperium. Apparuit alia generatio, alia uita, alius uiuendi modus, ipsius naturæ nostræ commutatio. Quænam generatio? quæ non ex sanguinibus, neque ex uoluntate uiri, neque ex uoluntate carnis, sed ex Deo facta est. Quinam, inquires, hoc fieri potest? Audi. nam paucis explicabo. Foetus hic per fidē cōcipitur, per baptismatis gratiam, & regenerationem in lucem editur: nutricem habet Ecclesiam: huius doctrinam & instituta fugit tanquam ubera: illi coelestis panis est cibus: ætatis perfectio est sublimis uiuēdi ratio: nuptiæ consuetudo sapientiæ: liberi, spes, domus, regnum: hæreditas & opulentia, deliciæ paradisi: finis non mors, sed uita illa, quæ dignis parata est beatissima, & sempiterna. Hoc in melius commutationis initium uidens Magnus ille Zacharias ambigit, quod illi nomen imponat, quo modo præsentem gratiam appeller. Etenim cum ea, quæ ad cruciatus, mortemq; pertinent, percurrisset, de tempore hoc, Neque dies, inquit, neque nox. Quibus uerbis ostendit, neque diem, cum sol non adsit, uocari posse, neque noctem, cum absint tenebræ, quas Deus, ut Moses scribit, noctem nominauit. Quamobrem, cum & nox tenebris, & dies sole præscribatur, Propheta, Neque dies, inquit, neque nox. Quòd si neque nox, neque dies tempus hoc dici potest, alio nomine



nomine profecto præfens gratia est appellanda.  
 Vultis exponam uobis, quid ipse sentiam? Hæc  
 est dies illa, quam fecit Dominus, à diebus illis *Psal. 117.*  
 longediuerfa, qui mundi procreationis initio  
 sunt constituti, quos temporis cursus dimeti-  
 tur. Alterius hæc est procreationis initium. In  
 hac enim die cælum nouum facit Deus, & ter- *Esa. 65.*  
 ram nouam, ut ait Propheta. Ecquod cælū?  
 fidei firmamentum. Ecquam terram? Cor bo- *Leu. 8.*  
 num, ut inquit Dominus. Hæc enim terra bi- *Esa. 61.*  
 bit super se uenientem imbrem, & spicam mul-  
 tiplicem parit. solis lux est uitæ mūditiā. Aer,  
 perspicua & præclara uiuendi institutio. Stel-  
 læ, uirtutes. Mare, diuitiarum sapientiæ, & co-  
 gnitionis altitudo. Herbæ, & germina, bona  
 doctrina, diuinaq; documenta, quæ populus  
 pascuæ, hoc est, Dei grex carpit, atque depa-  
 scitur. Arbores ferentes fructum, mandato-  
 rum obseruatio. In hac die uerus homo pro-  
 creatur ad imaginem, & similitudinem Dei.  
 Cernis, cuius mundi principium sit hæc dies,  
 quam fecit Dominus? Quam neque diem esse  
 dicit Propheta diebus aliis, neque noctem aliis  
 noctibus similem? Sed quod in hac gratia præ-  
 stantissimum est, nondum explicauimus. Hæc  
 mortis dolores dissoluit. Hæc mortuorum pri-  
 mogenitum edidit. In hac æreæ mortis por-  
 tæ confractæ sunt. In hac ferrei inferorum ue-  
 stes comminuti. Nunc mortis carcer aperitur. *Heb. 61.*  
 Nunc captiuis libertas denuntiatur. Nunc cæ-



Luc. c. .1.

Esa. 9.

Esa. 10.

Esa. 29.

Iob. 5.

Iob. 40.

cis usidendi facultas præbetur. Nunc oriens ex alto inuisit eos, qui in tenebris & umbra mortis confidebant. Vultis etiam de tridui præfinito termino aliquid intelligere? Illud dixisse contenti simus, tam exiguum temporis spatium fuisse satis, ut omnipotens sapientia in corde terræ existens magnam illam mentem in eo habitantem stultam redderet. Propheta enim magnam mentem, & Assyrium appellat. Quoniam igitur in corde, tanquam princeps in regia sua, mens creditur commorari, ideo Dominus manet in corde terræ, ubi est mentis illius scelestæ domicilium, ut consilium eius stultum reddat, ut ait Propheta, & apprehendat sapientes in astutia eorum, & sapientes ipsorum conatus in contrarium uertat. Nam quia fieri non poterat, ut princeps tenebrarum meram lucis præsentiam attingeret, nisi partem aliquam carnis in ipsa conspexisset, ideo, posteaquam diuinam carnem uidit, & res admirandas, quæ per ipsam à Diuinitate efficiebantur, aspexit, sperauit, se, si morte carnem affecisset, omnem etiam uirtutem, quæ in ipsa erat, superaturum. Itaque dum inhians ad carnis escam aspirat, Diuinitatis hamo transfixus est, atque ita draco per hamum ductus est, ut ait Iob, qui per se, quod futurum erat, prænuntians, hamo, inquit, draconem duces. Audiamus autem à Propheta, quænam iste draco in corde terræ inibat consilia, cum aduersus Domini carnem fauces ape-



ruit. Quid in eum dicit Esaias, illius redarguens *Esa. 10.*  
cogitata? Tu dixisti in corde tuo, In coelum  
ascendam, super astra coeli ponam solium meum,  
sedabo in monte excelso, supra nubes conscen-  
dam, & ero similis altissimo. Hæc secum scele-  
ratum cor cogitabat. Ante uero quid magna  
illa mens in malitia, quid improbus ille Assy-  
rius secum ipse loqueretur, ex Esaiæ item uer-  
bis intelligamus. Dixi: Fortitudine manus *Esa. 10.*  
meæ faciam, & prudentia sapientiæ meæ termi-  
nos gentium auferam, & fortitudinem eorum  
prædabor, & concutiam urbes habitatas, & or-  
bem terrarum uniuersum tãquam nidum com-  
prehendam, & tanquam oua derelicta tollam,  
& non erit, qui effugiat me, aut contradicat mi-  
hi. Hac ille spe deceptus eum, qui propter suã  
erga genus humanum beneuolentiam in terris  
nobiscum uersabatur, in se suscepit. Verum  
quænam illi eorum loco, quæ sperabat, euene-  
rint, Propheta calamitatem ipsius declarans  
aperte significat. quo modo, inquit, cecidit  
è coelo lucifer, qui mane oriebatur? Quo mo- *Esa. 14.*  
do contritus est in terram? super eum strata  
est putredo, indumentum ipsius est uermium  
operimentum. Et cætera, quibus interitus eius  
describitur, quæ cuilibet licet ex Prophetæ scri-  
ptis intelligere. Mihi enim ad propositum re-  
deundum est. ob id igitur uera sapientia in arro-  
ganti corde terræ uersatur, ut magnam illam in  
malitia mentem delectat, ut tenebræ discutiantur



1. Cor. 15.

à luce, ut, quod mortale est, absorbeatur à uita,  
 & extremo inimico, morte nimirum, destru-  
 cto, malum euertatur. Hæc tibi præscripto tri-  
 dui spatio cōfecta sunt. Num tarda uidetur hæc  
 gratia? Num nimis longo interuallo tantum bo-  
 num partū est? Vis eximiam uirtutem agno-  
 scere, qua tam exiguo temporis spatio hæc ge-  
 sta sunt? Omnes mihi hominum ætates enume-  
 ra, quæ iam inde ab ipso primo malorum ortu  
 usque ad eorum interitum extiterunt: quot sin-  
 gulis ætatibus homines, quàm multa cunctis  
 ætatibus hominum millia fuerint. iniri'ne po-  
 terit numerus multitudinis eorum, per quos  
 malitia iure quodam modo hæreditario sic pro-  
 pagata est, ut malæ improbitatis diuitiæ in sin-  
 gulos dispertitæ singulorum studio, & opera  
 auctæ sint, atque ita fœcunda malitia ætatibus  
 ordine succedentibus perfusa creuerit in infini-  
 tum, donec ad summum mali cumulum perue-  
 niens totam naturam humanam occupauit? Sic  
 enim sine exceptione Propheta sententiam tu-  
 lit, Omnes, inquiens, declinauerunt, simul  
 inutiles facti sunt, adeo, ut nihil inueniretur,  
 quod malitiæ non esset instrumentum. Tan-  
 tum igitur malorum aceruum ab ipsa mundi  
 constitutione ad mortem usque Domini cumu-  
 latum, & auctum qui tribus diebus dissoluit, &  
 euertit, paruam'ne tibi præstantis potentiæ, uir-  
 tutisq; suæ significationem dedit? Non'ne uis  
 eius, rerum omnium, quæ monumentis histo-

Psal. 13.



riarum admirandæ commemorantur, apparuit  
 excellentissima? Quemadmodū enim Sampso-  
 nis facinus eo magis admiramur, quòd non so- *Iud. 14*  
 lum leonem uicit, sed eum sine labore supera-  
 uit, quodq; nuda inermiq; manu tantam feram,  
 tanquam ludēs occidit, & dilacerauit: sic ea re  
 Domini uirtus excelluit, quòd nullo negotio  
 malitiam deleuit. Neque enim superioribus ca-  
 taractis patefactis, abyssisq; proprios terminos  
 transilientibus, & tumefactis, aquarum immen-  
 sa uis ingruit, quæ terram obruens uniuersam,  
 montesq; transcendens, & montium fastigia su-  
 perans, orbem tanquam nauigium simul cum  
 ipsis nautis, atque uectoribus demerferit. Ne-  
 que, ut Sodomitarū temporibus contigit, ignis,  
 & flammarum imber, quod corruptum erat,  
 purgans expiauit. Neque aliud quidquam acci-  
 dit eiusmodi. Sed simplex quædam & incom-  
 prehensa peregrinatio, sola uitæ, lucisq; præsen-  
 tia in tenebris, & regione umbræ mortis confi-  
 dentibus tenebras omnes dispulit, & mortem  
 ipsam interfecit. Aliud'ne quidquam adiun-  
 gam iis, quæ dicta sunt? In serpente malum ex- *Esa. 9.*  
 ortū est. Mulier draconis insidiis decepta fuit.  
 Mulieris illecebris uir ipse cecidit. Tribus hi-  
 sce gradibus malum emerfit. Quorsum hæc spe-  
 cit commemoratio? Licet ex hoc mali ordine  
 quendam boni ordinem illi respondentem ani-  
 maduertere. Hæc tria cerno mali receptacula.  
 primum, in quo primo constitit: alterum, in



quod defluxit: Tertium, in quo postea inhæsit. Quare cum in his tribus redundarit, nempe in natura diabolica, & in genere mulierum, & in uirorum plenitudine, consentaneum fuit, ut trium dierum spatio morbus expelleretur, singulis generibus malitia laborantibus tributo curationis die, ut uno quidem uiri curarentur, altero foeminarum genus, extremo autem extremus hostis, mors, destrueretur, & qui mortis ministri sunt Principes, & Potestates Virtutum aduersariarum, & imperantium profligarentur. Nec admireris boni prouentum fieri temporis interuallo. Nam & in prima mundi procreatione momento poterat diuina uirtus cuncta perficere, attamen rerum fabricationi tempora distribuit: ut primo quidem die pars earum una constitueretur, secundo autem altera, atque ita deinceps reliquæ, donec omnia perfecta sunt, & absoluta, eo dierum numero, qui scriptus est, Deo cuncta perficere. sic etiam hic ea sapientiæ ratione, quæ uerbis explicari non potest, tribus diebus malum eiicitur, & excluditur ab hominibus, à mulieribus, & à serpentium genere, ut nobis nocere non possit. Hæc de trium dierum numeri causa cogitauimus, recte, nec ne, auditorum iudicium esto. Neque enim uerba nostra certam demonstrationis rationem habere uolumus, sed ita quærendo nos exercemus. Quòd si re ipsa præfinitum horum dierum numerum plane uis



perspicere (neque enim illi parum deest, si post horam nonam parasceux tempus consideres, qua quidem hora Dominus patris manibus spiritum commendauit) paulisper attende, & fortasse, quod quæris, inuenies. Quo'nam inquires pacto? Diuinæ potentia magnitudinem considera, &, quod scire cupis, intelliges. Recordare, quid de se Dominus pronuntiarit, & eam ipsius esse uirtutem cognosces, ut uoluntate, non autem naturæ necessitate animam à corpore disiungat. Nemo enim, inquit, tollit animam meam à me, sed ego pono illam à me ipso. Po 10. 10. testatem enim habeo ponendi eam, & potestatem habeo iterum assumendi. Hoc nobis ita constituto perspicue patebit id, quod quæsitum est. Qui enim potestate sua cuncta disponit, non ex proditione sibi impendentem necessitatem, non Iudæorum quasi prædonum impetum, non iniquam Pilati sententiam expectat, ut eorum malitia sit communis hominum salutis principium & causa, sed consilio suo anteuertit, & arcano sacrificii genere, quod ab hominibus cerni non poterat, se ipsum pro nobis hostiam offert, & uictimam immolat, sacerdos simul existens, & agnus Dei, ille, qui mundi peccatum tollit. Quando id præstitit? cum cor 10. 10. pus suum discipulis congregatis edendum, & sanguinem bibendum præbuit, tunc aperte declarauit, agni sacrificium iam esse perfectum. Nam uictimæ corpus non est ad edendum ido-



neum, si animatum sit. Quare cum corpus edendum, & sanguinem bibendum discipulis exhibuit, iam arcana, & non aspectabili ratione corpus erat immolatum, ut ipsius mysterium peragentis potestati collibuerat. Et anima in illis erat, in quibus eadem ipsa potestas illam deposuit, simulq; cum diuina uirtute, quæ cum illa erat coniuncta, in ea regione cordis uersata est. Itaque si quis inde tempus incipiat dimetiri, cum sacrificium Deo factum est à Magno illo Principe sacerdotum, qui ratione, quæ nec uerbis explicari, nec oculis perspicere potuit, se ipsum pro communi hominum salute tanquam agnum obtulit, non recedet à ueritate. Erat enim uespera, cum sacrum illud corpus comederunt: quam quidem uesperam nox, quæ parasceuem antecedit, excepit. Huic successit parasceux dies, quæ nocte illa propter solis obscuracionem interiecta in dies duos & noctem unam diuisa est. Nam, si Deus noctem tenebras appellauit, tribus autem horis tenebræ factæ sunt super uniuersam terram, spatium illud in diei medio constitutum nox fuit, quæ singulis illius ex utraque parte sectionibus binos dies definiuit, unum quidem ab ortu solis usque ad sextam horam, alterum autem ab hora nona usque ad uesperam. Atque ita duas iam noctes habemus, & totidem dies. Hinc sabbati nox est subsequuta, & sabbati dies. Ex quibus tres dies, & noctes itidem tres conficiuntur. Reliquum est, ut

Gen. 1.

Matth. 27.



Resurrectionis horam inquiramus : qua quidē inuenta, ueritas exabit. Quando igitur surrexit Dominus? Vespere sabbatorū tibi Matthæus clara uoce denuntiat. Hæc est Resurrectionis horaperpicue in Euangelio descripta. Hic terminus fuit cōmorationis Domini in corde terræ. Vespere enim iam profunda, quæ quidem uespera noctis, quam una sabbatorum dies consequitur, principium erat, terræmotus factus est. Tunc Angelus in uestimentis fulgens reuoluit lapidem monumenti. Mulieres autem mane surgentes, cum diei iam lux appareret, & orientis solis splendor cerneretur, surrexissent Dominum intellexerunt: qua autem hora res illa admiranda contigisset, non acceperunt. Angelus enim surrexisse quidem Dominum nuntiavit; quando autem surrexerit, non patefecit. At Magnus Matthæus solus ex omnibus Euangelistis tempus accurate descripsit, dicens Resurrectionis horam fuisse sabbati uesperam. Quæ cum ita se habeant, constat nobis præfinitum tridui spatium, post quintam uesperam ad uesperam sabbati tēpus ita dimetientibus, ut interiecta nox, quemadmodum dictum est, connumeretur, quæ parasceuem in dies duos, & noctem unam partitur. Decebat enim, ut in eius imperio, qui seculis dominatur, noua ratione spatia temporis accommodarentur ad rerum utilitatem, non autem res necessario statutis temporis terminis extenderentur, & diui-

Matth. 28.



na potentia celerius bona nobis ad exitum per-  
 ducente, termini temporis ita contraherentur,  
 ut non pauciores tamen, quàm tres dies, & to-  
 tidem noctes continerent, (hunc enim nume-  
 rum mystica & arcana ratio postulabat) nec so-  
 lita dierum & noctium spatia celerem diuinæ  
 uirtutis actionem retardarent. Qui enim & po-  
 nendæ & rursus sumendæ animæ, cum ueller,  
 habebat potestatem, poterat etiam, tanquam  
 seculorum auctor, efficere, ut actionibus suis  
 tempus inferuaret, non autem actiones tempo-  
 ri. sed rerum maximarum caput nondum atti-  
 ginus. Illud enim à studiosis oportuit inuesti-  
 gari, quo modo uno eodemq; tempore Do-  
 minus se tribus his dederit, cordi terræ, paradi-  
 so cū latrone, patrisq; manibus. Nam ad Pha-  
 risæos quidem, quemadmodum, inquit, Ionas  
 fuit in uentre ceti tribus diebus, & tribus nocti-  
 bus: Ad latronem autem, Hodie mecum eris  
 in Paradiso: Ad patrē uero, In manus tuas com-  
 mendo spiritum meum. Nemo enim aut para-  
 disum apud inferos esse dixerit, aut inferos in  
 Paradiso, ut eodem tempore utrobique fuerit,  
 aut his patris manus indicari. At hæc pie consi-  
 derantibus ne quæstione quidem fortasse uidean-  
 tur digna. Qui enim diuina potentia sua ubique  
 est, is & rebus adest omnibus, & nullo exclu-  
 ditur loco. Verum ego rationem aliam præte-  
 rea memini me didicisse, quam uobis, si placet,  
 breuiter explicabo. Quando spiritus sanctus in

Io. 10.

Heb. 1.

Matth. 12.

Luc. 23.



uirginem uenit, eiq; Altissimi uirtus obum- Luc. 1.  
 brauit, ut homo nouus in ipsa gigneretur, qui  
 propterea uocatus est nouus, quod à Deo præ-  
 ter hominum cōsuetudinem creatus est, ut Dei  
 esset domicilium nō manufactum, neque enim  
 in manufactis, hoc est, hominum opera con- Act. 17.  
 structis Altissimus habitat, tunc sapientia sibi Pro. 9.  
 domum exædificante, obumbratione tanquam  
 signi forma intus ædificio constituto, duabus  
 illis partibus, ex quibus humana constat natu-  
 ra, (animum & corpus intelligo) potentia di-  
 uina coniuncta est, sese utrique pariter commi-  
 scens. oportebat enim, ut, cum utraque pars  
 propter peccatum supplicio mortis esset obno-  
 xia, si quidem animi à uita seiunctio uere mors  
 est, corporis autem mors est ipsa corruptio &  
 dissolutio, oportebat, inquam, ut uitæ con-  
 iunctio ab utraque parte mortem expelleret.  
 Itaque Diuinitate utrique hominis parti copu-  
 lata, perspicua excellentis naturæ indicia patue-  
 runt. Corpus enim tactu suo morbos curans  
 Diuinitatem præ se ferebat. Animus autem po-  
 tenti illa uoluntate diuinam uirtutem indicabat.  
 Quemadmodum enim tangendi sensus est cor-  
 poris proprius, sic animi proprius est uolunta-  
 tis motus. Accedit leprosus corpore iam disso-  
 lutus atque confectus. Quo modo curatur à Matth. 8.  
 Domino? Animus uult, corpus attingit. Vtro-  
 que modo expellitur morbus. statim enim, ut  
 scriptum est, discessit ab eo lepra. Rursum cū



*Matth. 15.* tot hominum millia apud se considerent in solitudine, noluit eos ieiunos dimittere. Manibus igitur panes fregit. Vides, quo modo Diuinitas utrique parti coniuncta per utranque declaratur, cum & corpus agat, & animus uelit? Verum non est necesse, ut res omnes admirandas eodem pacto perfectas recēseamus. Sunt enim omnibus notæ. Quamobrem ad id, cuius gratia hæc commemorauimus, reuertamur. Quo modo eodem tempore & apud inferos, & in Paradiso Dominus fuerit, quæritur. Cuius quidem quæstionis una solutio est, ut dicamus, nihil auium, aut inaccessum esse Deo, in quo omnia consistunt. Altera solutio est illa, ad quam nunc oratio nostra spectabat: nempe Deum, qui totum hominem per suam cum illo coniunctionem in naturam diuinam mutaue rat, mortis tempore à neutra illius, quem semel assumpserat, parte recessisse. Nunquam enim illum suorum munerum poenitet. Diuinitas ergo uoluntate quidem animum à corpore disiunxit, sed in utroque tamen se manere demonstrauit. Nam per corpus, in quo corruptionem ex morte prouenientem non admisit, euer tit eum, qui habebat mortis imperium: per animum autem latroni patefecit aditum in Pa radisum. Vtrunque autem eodem tempore perfectum est, Diuinitate per utranque homi nis partem hæc bona præstante, ut per corporis incorruptionem mortem ipsam dissolueret,

*2. Cor. 13.**Act. 2.*



per animi uero in sede propria constitutionem hominibus aditum in Paradisum aperiret. Quoniam igitur duplex est hominis concretio, simplex autem atque una Diuinitatis natura, cum homo dirimitur atque distrahitur, Diuinitas ipsa, quæ indiuidua est, non separatur, sed contra potius propter unitatem naturæ diuinæ, quæ utrique hominis parti ex æquo inest, quæ seiuncta, separataq; erant, rursus coeunt, & coniunguntur. Atque ita ex partium cōiunctarum diuisione mors sequitur, ex diuisarum autem coniunctione resurrectio. Quod si quæris, quo modo in Paradiso se patris manibus cōmendarit, tibi sublimis Esaias respondebit de cœlesti Hierusalem, quam nihil aliud, nisi Paradisum esse credimus, ex Dei persona: descripsi muros, inquit, tuos in manibus meis. Quare si *Esa. 49.* Hierusalem, hoc est, Paradisus, in manibus patris descripta est, constat eum, qui in Paradiso sit, in patris manibus, in quibus descriptionem habet diuina ciuitas, commorari. Ac de his quidem hætenus. Verum quia Iudæi uehementer institutum nostrum accusant, non alienum erit, ut, quæ nobis obiiciunt, breuiter refellamus. Dicunt igitur in Paschate celebrando sic à Mose quartumdecimum lunæ cursus cir- *Exo. 13.* cuitum in lege præscriptum esse, ut septem diebus pane sine fermento & herbis amaris pro obsonio uescerentur. Qua propter, si quartumdecimum, inquit, diem obseruatis, simul



Matth. 5.

Heb. 10.

etiam hos cibos comedite. Sin illos respiciatis,  
 cur in die obseruando studium ponitis? Neque  
 enim dicendum est, quæ ab eodem legislatore  
 sunt constituta, partim esse tanquam iusta atque  
 animis utilia comprobanda, partim ut iniusta &  
 inutilia repudianda. His argumentis conclu-  
 dunt, aut omnia, quæ in paschate celebrando  
 iussa sunt, aut nihil obseruare nos oportere.  
 Quid autem nos ad hæc? Meminerimus nobis  
 esse mandatum, ne hominū maledictis, & con-  
 tumeliis succumbamus. Nouimus utilem pa-  
 nis sine fermento confecti obseruationem, nec  
 earum herbarum lucrum, aut diei quartadeci-  
 mæ usum ignoramus. Lex, ut paucis rationem  
 hanc explicemus, futurorum bonorum um-  
 bram cōtinens, unum illud propositum habet,  
 ut uariis mādatis homo ab immixta naturæ suæ  
 malitia purgetur. Huc spectat circumcisio, huc  
 sabbati, huc ciborum, huc uariæ animalium im-  
 molationis, huc omnium denique legis cerimo-  
 niarum & institutorum obseruatio. Longum  
 autem esset, ea, quæ lex per ænigmata præscri-  
 bit, munditiæ animi significantia, figillatim re-  
 censere. Quemadmodum igitur per circunci-  
 sionem, quæ spiritu peragitur, natura cupidi-  
 tates abiicit, uitam carni obnoxiam amputans,  
 & circumcidens: per sabbatum autem institui-  
 mur, ut quiescentes à peccatis abstineamus: &  
 animalium mactatio nos docet, ut perturbatio-  
 nes, & uitia mactemus: & ciborum immunda



dorum interdictio nos monet, ut ab impura, immundaq; uita recedamus: sic & hæc celebritas illam indicat celebritatem, ad quam animus per azyma præparatur, dum septem diebus à fermento iubet abstinere. Septem enim dierum numerus prætereuntem hunc temporis cursum significat, qui per hebdomadas circunvoluitur. Diligenter enim quotidie cauendum est, ne dies instans ulla hesternæ malitiæ reliquias conseruet, ne quid acerbatis, aut amaritudinis hodierno fermento ueteris improbitatis mixtio pariat. Sol ne occidat super iracundiam uestram, inquit Apostolus, qui præcipit, ut diem festum celebremus, non in fermento ueteri, nec fermento malitiæ, & nequitiae, sed in azymis synceritatis & ueritatis. Quod autem de uno malitiæ genere didicimus, id simili ratione de reliquis malitiæ generibus dictum existimemus. Amaritudo enim è uita torporem, & ignauiam expellit, & illius loco fortem, & duram, & asperam uiuendi rationem introducit. si quidem omnis disciplina principio uidetur non lætitiā, sed molestiam afferre. Quare qui uitæ totius hebdomadem nulla ueteri malitia commistam, sed ab ipsius fermento liberam transigit, temperantiam in uictu tanquam obsonium adhibens, is ab omni tenebricosa mixtione se ipsum auocat. Hoc enim quartædecimæ lunæ cursus significat. Nam cum totum ipsius cursum nouem & uiginti dies cum dimidio con-

Eph. 4.

1. Cor. 5.



ficiant, quo quidem spatio luna tum crescendo  
 circulum perficit, tum decrescendo minuitur,  
 ut omni prorsus luce deficiat, fit, ut horum die-  
 rum dimidium numeri quatuordecim dies &  
 paulo amplius contineat. Cum igitur proprio  
 cursu progrediens nocturno spatio sic orbem  
 suum luce compleuerit, ut diei splendori nito-  
 rem adiungat suum, sequitur, ut neque ueste-  
 ri, neque mane tenebras ullas sinat interponi,  
 quibus continua lucis series interrumpatur, cū  
 in elementis perpetua luminis successio ma-  
 neat. Priusquam enim solis occidentis radii pla-  
 ne deficiant, è regione cernitur luna, quæ luce  
 sua mundum illustrat. Et rursus antequam  
 hinc cursu confecto luna discedat, lucis eius re-  
 liquiis diei splendor adiungitur. Atque ita ex il-  
 la nocte, qua luna plena est, tenebræ penitus  
 excluduntur, mutua solis & lunæ tum ueste-  
 ri, tum mane successione. Quod igitur luci sensi-  
 bus expositæ quartadecima die cōtingit, ut per  
 totam noctem atque diem nullam tenebrarum  
 mixtionem admittat, id spiritalis lex uult esse  
 documentum, ut per totam uitæ hebdomadam  
 præclarum unum Pascha & à tenebris remotis-  
 simum celebrantes omne temporis spatium in  
 luce transigamus. Hæc est celebrandi Paschatis  
 apud Christianos institutio, atque observatio.  
 Idcirco quartamdecimā hanc diem attendimus,  
 ut ex hac luce, quæ sensu percipitur, & in ma-  
 teria sita est, lucem à materia seiunctam, & quæ  
 sola



sola mente comprehenditur, intelligamus, & dum uidemur lunam plenam inquirere, quæ perpetuum ex se lumen tota nocte præbeat, nihil aliud nobis ea re legem præscribere existimemus, nisi ut omne tempus, quod nox diesq; dimetitur, uirtutibus illustratum & splendidum, & nullis tenebrosis actionibus permixtum inquinatum ue traducamus. Ac de his quidem satis. Quæ uero ad crucis mysterium pertinent, quis ea facile dicendo queat explicare? Innumera erant moriendi rationes, quibus mortis pro nobis obeundæ consilium expleri poterat. Hanc tamen ex omnibus unam is, qui mortis, quam uellet, optionem habebat, sibi delegit, atque præscripsit. Oportet enim, inquit, filium hominis. Non dixit; hæc, & hæc filius hominis patietur, ut aliquis futura prænuntians simpliciter dixisset, sed necessarium arcana quadam ratione, ac debitum esse significat, dum, oportet, inquit, filium hominis multa pati, & reprobari, & tertia die resurgere. Vim enim illius uerbi, oportet, mihi considera, & inuenies id in ea contineri, ut significet, fieri aliter non oportere, nisi ut per crucem mors oppetatur. Quæ huiusce rei causa? Pauli solius est, eam exponere per arcana illa uerba, quæ in adytis Paradisi constitutus audiuit, solius, inquam, Pauli est, hoc crucis mysteriū explanare, quemadmodum etiam ex parte aliqua in epistola ad Ephesios facit, dum arcanū hoc patefaciens, Vt po-

Matth. 16.  
Mar. 8.  
Luc. 9.  
10. 22.

L



Eph. 3.

fitis, inquit, comprehendere cum omnibus sanctis, quæ sit latitudo, & longitudo, & sublimitas, & profundum, scire etiam supereminentem scientiæ charitatem Christi, ut impleamini in omnem plenitudinem Dei. Neque enim frustra diuinus ille Apostoli oculus crucis figuram excogitauit. Sed ea item re facile ostendit, se, omnibus ignorantæ squamis ab oculis mentis excussis, ipsam rerum ueritatem clare perspexisse. Nouit enim, ea figura, quatuor cornibus è medio prouenientibus descripta potetiam, & prouidentiam illius, qui ex ipsa pependit, declarari. & iccirco partes illius singulas propriis nominibus appellauit. eam enim, quæ à medio deorsum uergit, profundum uocat: quæ autem sursum, sublimitatem: latitudinem uero & longitudinem illas, quæ utrinque transuersæ protenduntur: ut, quæ hinc à medio produciuntur, latitudo, quæ autem illinc, longitudo nominetur. Potes, ea, quæ dicta sunt, in animo tuo de Deo cogitans intueri. Coelum enim suspice, & partes infimas animo complectere, extremosq; ac summos orbis terminos cogitatione comprehende, atque considera, quanam potentia tanquam uniuersitatis uinculum hæc omnia deuinciat, atque contineat. uidebisq; sponte sua in ea diuinæ potentiae contemplatione crucis figuram exprimi in animo ac mente tua, à superis ad infera, ab extremis ad extrema protectam, atque descriptam. Figuram hanc



Magnis etiam Dauid de se loquens expressit;  
 Quò ibo, inquit, à spiritu tuo, & quò à facie *Psal. 138.*  
 tua fugiam? Si ascendero in cœlum (hæc est  
 sublimitas) tu illic es. Si descendero in infernū  
 (hoc est profundum) ades. Si sumpsero pen-  
 nas meas diluculo, id est, ad ortum solis, (hæc  
 est latitudo) & habitauero in extremis maris.  
 Sic enim occasum appellat. (hæc est lōgitudō.)  
 Cernis quo modo crucis figuram describat?  
 Tu es, inquit, qui per omnia cōmeas, qui cun-  
 cta deuincis, qui in te ipso comprehendis uni-  
 uersa. Tu supra es, Tu es infra, In hac extre-  
 ma parte manus est dextera tua, in illa sinistra.  
 Ob id Magnus item Apostolus, cum omnia fi-  
 de & cognitione repleta fuerint, fore dicit, ut is,  
 qui super omnia est, in nomine Iesu Christi ado- *Philip. 2.*  
 retur & à coelestibus, & à terrestribus, & ab in-  
 fernis, quibus uerbis per crucis figuram diui-  
 dit Christi adorationem. Coelestis enim regio  
 partem sublimem, terrestris ambas medias, in-  
 ferna profundam continet. Idem mea quidem  
 sententia significat etiam Iota illud, si cum api- *Matth. 5.*  
 ce coniunctum consideretur, quod & cœlo sta-  
 bilius, & terra firmitus, & omni rerum cōstitu-  
 tione certius est. Cœlum enim & terra transi-  
 bunt, & huius mundi figura præterit: Iota au- *Matth. 24.*  
 tem ex lege, & apex unus non præterit. Linea *1. Cor. 7.*  
 recta è sublimi in imum descēdens Iota dicitur.  
 oblique autem ad latera pertingens apex nomi-  
 natur. id quod ab ipsis nauigantibus licet disce-



re, qui lignum illud transuersum malo adiacens, cui uela suspendunt, græce eodem nomine, quo apicem nominant, nempe *κεράτιον*. Quamobrem diuina hæc Euangelii uerba mihi uidentur in crucis figura tanquam ænigmate & speculo quodam illud ostendere, in quo omnia constiterunt, quod omnibus, quæ in ipso continentur, stabilis est, atque æternum. Cuius potentia cuncta moderatur. Proinde Dominus ait, oportere filium hominis, non simpliciter mori, sed crucifigi, ut crux Deum gestans, aduersariis omnipotentem illius, qui in ipsa penderet, uim, quiq; omnia in omnibus est, figura sua patefaceret. Nobilis ille senator Ioseph, fratres, ab Arimathæa non est nobis silentio prætereundus, qui cum illius corporis munus accepisset, sindone mundo illud inuoluit, & in monumento nouo, ac puro collocauit. Quod ab honesto hoc senatore gestum est, nobis sit tanquam lex, ut idem nos quoque præstemus, cū illud corporis munus suscipimus, ne id sordido conscientia linteo inuoluamus, ne'ue in cordis monumento mortuorum ossibus, omniq; immunditia pleno reponamus. Sed unusquisque, ut scribit Apostolus, se ipsum probet, ne munus suscipienti sit in iudicium. Verum, dum hæc loquor, lucida Angeli stola mentis aciem mihi præstringit, & dulcis ille terræ motus, quo grauis ille humani monumenti lapis reuolutus est, omnibusq; resurrectionis fores patefactæ

Matth. 20.

10. 12.

1. Cor. 5.

1. Cor. 11.



sunt, præuoluptate cor meum concutit. Curramus & nos ad conspiciendum spectaculum hoc nouum, & admirabile. Sabbatum enim iam illuxit. Ne permittamus, ut mulieres anteuertant. Sint etiam in manibus nostris aromata fidei, puræq; conscientiæ. In his enim consistit bonus odor Christi. Ne quæramus amplius uiuentem cū mortuis. Dominus enim eos, à quibus hoc modo requiritur, reiecit, & arcet, Ne me, inquit, tangatis. Cum ascendero ad patrem, tunc me licebit attingere. Id est, cum nō corpoream amplius, seruilemq; formam, sed eum, qui est in gloria patris, qui est in forma Dei, & Deum Verbum, fide cōceperitis, tunc me, non autem simplicem serui formam, adoretis. Audiamus bonum nuntium, quem nobis mulier affert, quæ fide prior, quàm uir, accedit, ac merito quidem, ut incipiens ipsa ad bonum currere, diluat crimen, in quod incidit, cū ante cucurrit ad malum. Ecquid autem nuntiat? Ecquod est hoc mulieris Euangelium? Non ex hominibus profecto, neque per homines, sed per Iesum Christum. Audite, inquit, quod mihi Dominus, ut uobis, quos fratres etiam nominat, nuntiarem, ipse mandauit. Ascendo, inquit, ad patrem meum, & patrem uestrum, Deum meum, & Deum uestrum. O' nuntium præclarum, & bonum. Qui pro nobis factus est homo, is cum sit Unigenitus, quo nos fratres efficiat suos, se hominem ad ue-



rum patrem adducit, ut per se ipsum omnes cognatos secum trahat, ne possit illis amplius obici, quòd eos, qui natura Dii non sunt, adoraue-  
rint. Etenim cum ad uiuentem & uerum Deum adorandum reuocati sint, ab hereditate paterna tanquam reiecti reprobatiq; non possunt excludi, quoniam filium uerum ipsi per adoptionem filii secuti sunt. qui multis in fratribus primogenitum bonæ creaturæ se per carnem efficiens, omnem naturam humanam, cuius particeps esse uoluit, assumptæ carnis necessitudine sibi coniunxit. Sed quia panis azymus ante pascha pro obsonio herbas amaras habet, uideamus quaiucunditate post Resurrectionem panis efficiatur dulcis. Cernis in manibus Domini Petro piscante panem, & fauum mellis? Inde considera, in quid amaritudo uitæ commutetur. Quare nos item ex piscatu uerborum Dei iam ad panem illum coelestem accurramus, quem spei fauus dulcem reddit in Christo Iesu Domino nostro, cui gloria in secula seculorum.

Amen.



84

**DIVI GREGORII NYSSAE**

**PONTIFICIS IN DIEM ASCENSIO-**

**NIS D. N. IESV CHRISTI,**

**ORATIO.**



**Q**UAM dulcis ho-  
minum comes Pro-  
pheta David in o-  
mnibus uitæ itineri-  
bus, quàm aptus spi-  
ritalibus cunctis æta-  
tibus, quàm omni  
proficientium ordini  
conditioniq; cōmo-  
dus inuenitur. Cum illis, qui apud Deum pue-  
ri infantesq; sunt, colludit. Viris in certamine  
& pugna se socium præbet, Iuuentutem eru-  
dit, senectutem confirmat, omnium omnia fit.  
Militem arma, Magister pugilum, Palæstra  
certantium, Corona uictorum, In conuiuuiis  
hilaritas, In molestiis cōsolatio. Nulla denique  
pars humanæ uitæ illius munere & gratia uacat.  
Quænam est precationis facultas, quam David  
non sumministret? Quæ celebritatis lætitia,  
quam non exornet propheta? id, quod in præ-  
sentia quoque licet intueri. Hodiernam enim  
celebritatē, satis per se magnam, ipse maiorem  
efficit, dum illi gaudium è psalmis apposite ad-

L    iiii



iungit. In uno enim illorum ouem te iubet esse, quæ à Deo pascaris, & omnibus bonorum copiis affluas, ut cui & herba, & pabulum, & aqua refrigerii suppetat. Tibi & cibum, & tabernaculum, & uiam, & ducem, & omnia se præbet pastor egregius, gratiamq; suam ad omnem usum apte distribuit. Ex quibus omnibus iudicat primum oportere, ut bene initiatus euadas ovis boni pastoris, & ad diuinæ doctrinæ pascua & fontes deducaris, sepeliarisq; simul cum illo per baptismum in mortem, quæ tamen non est mors, sed mortis umbra & similitudo. Nam si ambulauero, inquit, in medio umbræ mortis, non timebo, ut malum, id, quod acciderit, quoniam tu mecum es. Deinde spiritus uirga consolatur. Spiritus enim consolator est. Tum mensam mysticam proponit ex aduerso mensæ Dæmonum instructam. per idololatriam enim hominum uitam afflixerunt Dæmones, quibus contraria est spiritus mensa. Ad hæc oleo spiritus caput ungit, & uinū, quod lætitia cor afficit, addens sobriam illam animo ebrietatem iniicit, & à caducis fluxisq; rebus mentem trahit ad sempiternas. Etenim qui tali est affectus ebrietate, breuem uitā cū immortalitate commutat, & in longitudine dierum habitat in domo Domini. Hæc nobis in uno psalmorum elargitus, ad maiorem, & perfectiorem in altero, qui proxime sequitur, uoluptatem animum excitat. cuius sententiam uobis, si



uideretur, paucis explicabo. Domini est terra & *psal. 11.*  
plenitudo eius. Quid igitur noui contigit, ho-  
mo, si Deus noster in terra uisus est, si cum ho-  
minibus uixit? Ipse terram creauit, & condidit.  
Quare nec inusitatum, nec absurdum est, ut ad  
propria dominus ueniat. Neque enim in orbe  
uerfatur alieno, sed in eo, quem ipse constituit,  
& fabricatus est. super maria terram fundauit,  
& super flumina pręparauit eam, ut haberet  
aditum opportunum. Quam autem ob causam  
aduenit, nisi ut te ex peccati uoragine libera-  
tum, & regni currum, id est, uirtutis institu-  
tum in ipso ascensu adhibentem, in montem ad-  
duceret? Neque enim licet in montem illum  
ascendere, nisi uirtutes tibi comites adiunxeris,  
& innocens manibus fueris, & nullo scelere co-  
inquinatus, sed mundo corde ad nullam uanita-  
tem animum tuum applicueris, nec dolo pro-  
ximum tuum deceperis. Istius ascensus prę-  
mium est ipsa felicitas, huic recondita, & coele-  
stia illa munera Dominus elargitur. Hęc est  
generatio quęrentium eum, per uirtutem in  
sublime conscendentium, & quęrentium fa-  
ciem Dei Iacob. Huiusce Psalmi pars reliqua  
forsitan euangelica etiam uoce doctrinaq; subli-  
mior est. Nam Euangelium Domini consuetu-  
dinem & uitam, quam egit in terra, & eius redi-  
tum in cœlum narrat. Hic autem excelsus Pro-  
pheta supra se ipsum egrediens, tanquam cor-  
poris onere nihil prematur, infert se coelestibus



Potestatibus, & uoces earum nobis exponit. cum in coelum redeuntem Dominum ipsa comitantes, Angelis, qui uersantur in terris, quibusq; in humanam uitam ingressus commissus est, imperant ad hunc modum: Tollite portas Principes uestras, & eleuamini portae aeternales, & introibit Rex gloriae. Et quoniam, ubicunque fuerit ille, qui in se ipso omnia continet, pro suscipientium captu se ipsum dimittitur; neque enim solum inter homines homo fit, uerum etiam, dum inter Angelos uersatur, ad illorum uocem sese demittit: iccirco narrantis Ianitores interrogant: Quis est iste Rex gloriae? respondent ipsis, demonstrantq; fortem & potentem in praelio, qui pugnaturus erat contra illum, qui naturam humanam in seruitute captiuam detinebat, & euerfurus eum, qui mortis habebat imperium, ut, grauissimo hoste superato, genus hominum in libertatem & pacem uindicaret. Rursum repetit easdem uoces. Completum enim iam est mortis mysterium, & uictoria de hostibus reportata, & contra ipsos excitatum crucis trophaeum. Ascendit in altum captiuam ducens captiuitatem, qui uitam, & regnum, & praecleara haec documenta hominibus tribuit. Impositae illi patefaciendae sunt portae. Occurrunt ei custodes, & portas iubent recludi, ut in ipsis rursum gloriam assequatur. Verum non agnoscunt eum, qui sordidam uitae nostrae stolam indutus est, cuius rubra sunt uestimenta ex humanorum

Heb. 2. d.

Psal. 67. d.

Isa. 63.



malorū torculari. Itaque rursus comites eius,  
uocibus illis interrogantur. Quis est iste Rex  
gloriæ? Respondetur autem non amplius: For-  
tis, & potens in prælio, sed Dominus uirtutum,  
qui mundi principatum obtinuit, qui summa-  
tim omnia in se collegit, qui pristinum in statu  
cuncta restituit, ipse est Rex gloriæ. Cernitis,  
quo modo dulciorem nobis celebritatem Da-  
uid effecerit, dum Ecclesiæ hilaritati gratiam  
immiscet suam. Proinde nos item, quantum  
possumus, imitemur Prophetam in charitate  
erga Deum, in māsuetudine uitæ, in tolerantia  
erga illos, qui nos odio prosequuntur, ut  
prophetæ doctrina nobis ad bene  
beateq; uiuendū dux magistraq;

fit in Christo Iesu Domi-

no nostro, cui glo-

ria in secula

seculorū.

Amen.



GREG. NYSS. PONT.  
DIVI GREGORII NYSSÆ  
PONTIFICIS IN PENTECOSTEN.

ORATIO.



VLLVM est tam  
clarū celebritatis ar-  
gumentū, quod non  
clarius efficiat Da-  
uid, dum apte suavis-  
simam illam citharā  
ad usum eius semper  
accōmodat. Quam-  
obrem spiritus ple-

*Psal. 94.*

tro pulsans fides sapientiæ, canat idem prophe-  
ta, nobisq; magnam etiam Pentecostes celebra-  
tatem illustret. Dicat igitur coelestem illū cantū  
hodiernæ gratiæ congruentem: Venite, exulte-  
mus Domino. Primo considerandum est,  
quænam sit hæc gratia, deinde argumento ac-  
commodanda sunt uerba prophetiæ. Liceat mi-  
hi per uos, quæ ad hæc pertinent, ordine quo-  
dam pro uiribus explicare. Initio aberrauerāt  
homines à cognitione Dei, relictoq; rerum o-  
mnium Domino, uel mundi colebant elementa,  
uel Dæmonum naturam uenerabantur, uel ma-  
nufactas etiam simulacrorum imagines loco  
numinis adorabant. His & aras, & templa, &  
sacra, & uictimas, & lucos, & delubra, & quæ



sunt eiusdem generis, omnia ad falforum Deorum cultum dedicauerant. Benignis igitur oculis naturæ Dominus corruptam ac deprauatam hominum naturam aspexit, & humanam uitam ab errore ad ueritatis cognitionem ratione atque ordine reuocauit. Quemadmodum enim qui diuturna fame confectos medica facultate curandos suscipiunt, imbecillitatis ipsorum habita ratione, non statim concedunt, ut sese expleant, sed, posteaquam uictu moderato uires recuperarunt, permittunt eis, ut, quantum uolunt, cibi percipiant: eodem pacto, cum horrenda fame esset hominum natura consumpta, mysteriorum escam diuina prouidentia sic illis impertiuit, ut ordine quodam in dies proficerent, atque ita ad perfectionis terminum peruenirēt. Vitalis enim uis, qua seruamur, est illa, quam in nomine patris, & filii, & spiritus sancti credidimus. Qui autem propter contractam ex fame imbecillitatem animorum ad cibum hunc totum percipiendum non erant idonei, prius per prophetas & legem à numero plurium Deorum sic abducti sunt, ut diuinitatē unam aspicerē cōsuescerent, atque in una diuinitate solā Dei patris potentiam agnoscere, quippe qui perfectionis cibum, ut dixi, capere non ualebant. Deinde per legē initiatis patefactus est ab euangelio Deus unigenitus. Postremo datus est nobis perfectus naturæ nostræ cibus spiritus sanctus, in quo est uita. Quod hodiernæ celebri-



Act. 2.

Gen. 6. 4.

Act. 2.

tatis est argumentum. Quamobrem æquum est, ut, cum ad spiritum celebrandum adhibiti fimus, chori principi Dauidi pareamus, ita dicenti: Venite, exultemus Domino. Dominus autem (ut ait Apostolus) spiritus est. Hodie enim, ut anni ratio indicat, expleta die quinquagesima, hac eadem hora (si quidem horam diei tertiam agimus) datum est munus illud, quod omnem dicendi vim superat. Rursum enim homini admixtus est ille spiritus, qui, quòd homo esset caro, à natura nostra recesserat, & spiritualibus nequitiae Potestatibus per uehementem illum flatum disiectis, cunctisq; demonibus ab aere depulsis adueniente spiritu, diuina uirtute speciem ignis praferente repleti sunt, qui in coenaculo, id est, in superiore domus parte commorabantur. Nemo enim sancti spiritus particeps fieri potest, qui non in excelsa huius uitae parte uersetur. Nam qui ea, quae sursum sunt, sapiunt, quiq; consuetudine sua à terra in coelum translata sublimem illam Remp. colunt, spiritum sanctum assequuntur. Etenim, ut tradit historia, qua res ab Apostolis gestae continentur, ignis ille diuinus, omnisq; materiae expers pro numero discipulorum, qui in coenaculo, hoc est, in superiore aedium loco erant cōgregati, ad linguarum similitudinem diuisus est. Atque illi quidem Parthis, & Medis, & Elamitis, ac reliquis gentibus loquebantur, uoces suas singulorum linguis sic accommodan



tes, ut ab omnibus intelligerentur. Ego autem <sup>1. Cor. 14.</sup>  
 malo, ut inquit Apostolus, sensu meo quinque <sup>d.</sup>  
 uerba in Ecclesia loqui, ut aliis etiam profim,  
 quàm decem millia uerborum in lingua. Ve-  
 rum tūc utile fuit, ut uox alienis linguis accom-  
 modaretur, ne inanis esset apud eos, qui non  
 intelligerent, Euangelii promulgatio, si uaria  
 præconibus uox defuisset. Nunc autem, quo-  
 niam eadem lingua, eisdemq; uocibus utimur,  
 igneam debemus spiritus linguam exquirere,  
 qua animos eorum, qui in erroris tenebris de-  
 gunt, illustremus. Ad hoc etiam nobis idem  
 Dauid dux sit, sociumq; sibi adiungat Aposto-  
 lum. In hoc enim psalmo non ob id solum,  
 quòd initium eius nobis lætitiā & exultatio-  
 nem indicit, uenite, inquit, exultemus Do- <sup>Psal. 49.</sup>  
 mino, ad sanctum spiritum laudandum & cele-  
 brandum adducimur, sed multo magis ex iis,  
 quæ sequuntur, ea, quæ ad diuinitatē illius per-  
 tinent, edocemur. Dicam uobis ipsius prophe-  
 tæ uerba, quibus Magnus item Apostolus suf-  
 fragatur. Sunt autem hæc: Hodie si uocē eius  
 audieritis, nolite obdurare corda uestra, sicut,  
 in exacerbatione, secundum diem tentationis  
 in deserto, ubi tentauerunt me patres uestri.  
 De his mētionem faciens Diuus Apostolus, sic <sup>Heb. 3.</sup>  
 ait: Quapropter, sicut dicit spiritus sanctus. At-  
 que ita locutus, ipsa prophetæ uerba subiunxit,  
 tribuens ea personæ spiritus. Quis igitur est,  
 quem tentauerunt patres ipsorum in deserto?



Quem irritauerunt? Disce ab eodem propheta  
*Psalm. 77. f.* dicente: Tentauerunt Deum excelsum. Atqui  
*Psalm. 105.* Apostolus sancti spiritus personam adhibens,  
*6.* has illi uoces assignat: Quapropter, inquit,  
 sicut dicit spiritus sanctus, in die tentationis in  
 deserto tentauerunt me patres uestri. Quocir-  
 ca quem Deum excelsum nominauit prophe-  
 ta, hunc diuus Apostolus spiritum sanctum di-  
 cit esse. Quod si non credis, rursus considera,  
*Heb. 3. b.* quæ dicta sunt: Quapropter, sicut dicit spiritus  
 sanctus, nolite obdurare corda uestra, ut in ex-  
 acerbatione, secundum diem tentationis in de-  
 deserto, ubi tentauerunt me patres uestri. Prophe-  
*Psalm. 77.* ta uero testatur, eum, qui tentatus est in deser-  
 to, esse Deum excelsum. Quamobrem eorū,  
 qui spiritum oppugnant, quiq; contra Deum  
 iniuste obloquuntur, obstructa sunt ora, tum  
 ab Apostolo, tum à propheta, qui per ea, quæ  
 commemorauimus, spiritus diuinitatem per-  
 spicue prædicant, propheta quidem, dum ait:  
 Deum excelsum tentauerunt. Ipso Deo uer-  
 bis illis Israelitas alloquente: In deserto tenta-  
*Psalm. 94.* uerunt me patres uestri. Magnus autem Pau-  
 lus, dum eadem ipsa uerba spiritui sancto attri-  
 buit, ut manifesto cõstet, Deum excelsum esse  
 spiritum sanctum. Conspiciunt ne ergo aduer-  
 sarii gloriæ, igneam diuinorum sermonum lin-  
 guam, abscondita, atque obscura aperientem,  
 & illustrantem? an ut plenos musto nos irride-  
 bunt? Ego uero, licet id nobis obiciant, uobis  
 consulam,



consulam, fratres, ne conuitium eorum formi-  
 detis, ne'ue derisioni succumbatis. Atque uti-  
 nam ipsi quoque degustent hoc mustum, & ui-  
 num hoc recens expressum, ac fluens ex torcu-  
 lari, quod per Euangelium Dominus calcauit, *Esa. 63. 4.*  
 ut nobis, tanquam racemi, proprii corporis san-  
 guinem propinaret. Vtinam & ipsi repleantur  
 hoc nouo uino, quod mustum appellauerunt,  
 quod aquæ commixtione à cauponibus nō fuit  
 deprauatum. Implerentur enim spiritu, quo  
 quidem feruentes crassam limosamq; perfidiæ  
 spumam ex animis suis effunderent, & abiice-  
 rent. Sed mustum suscipere nequeunt isti, qui  
 ueterem adhuc utrem circumferunt: qui cum  
 huiusmodi uinum continere non possit, hære-  
 tica opinione disrumpitur. Vos autem fratres,  
 ut ait Propheta, uenite, exultemus Domino.  
 Bibamus pietatis dulcedinem, ut Esdras præci-  
 pit. Gaudeamus in Apostolorum & Pro-  
 phetarum choris. Munere sancti spi-  
 ritus exultemus, & lætemur in  
 hac die, quam fecit Domi-  
 nus, in Christo Iesu  
 Domino nostro,  
 cui gloria in  
 æternum.  
 Amen.

**M**



# DIVI GREGORII NYSSAE

PONTIFICIS AD EOS, QUI DV

rius & acerbius alios iudicant, atque  
condemnant, quiq; cōuersione  
indigent, & poenitentia,

## ORATIO.

Luc. 7. 6.



OMO Pharisæus,  
ut ex Euangelio Lu-  
cæ nuper accepimus,  
Dominum ad conui-  
uium inuitat, do-  
mumq; ducit, & mē-  
sam communem ap-  
ponit. Dominus au-  
tem inuitatus nō gra-

natur accedere, nec inuitantem respuit, quam-  
uis ille nec discipulus sit, nec in se credat, sed le-  
gis scripto deuinctus inhæreat, nec ad ueritatis  
cognitionem oculos unquam aperuerit, & in  
Prophetarum promissionibus grauiter hallu-  
cinetur. Cur autem nobis Lucas scripsit hoc ca-  
put? an ea nimirum de causa, ut ea cognosca-  
mus, quæ Christus egit, dum in corpore uersa-  
retur, & ex historiæ cognitione utilitatem per-  
cipiamus, qua quidem utilitate documētisq; re-  
ferta hæc scripta nos ad uitam recte cōstanterq;



instituendam erudiunt. Sic ego quidem existi-  
 mo, uosq; idem sentire par est. Plerique enim  
 eorum, qui se ipsi iudicant, sibi assentantur, se  
 diligunt, sibi placent, inaniq; opinione tumidi  
 atque inflati, eos, qui ad se accedunt, peccato-  
 res appellant, & antequam ueri iudicii tempus  
 ueniat, se tanquam agnos ab hoedis separant, coe-  
 liq; fores sibi apertas intuentes nec domum cum  
 reliqua multitudine, nec cibum dignantur habe-  
 re communem, atque omnes, qui non per sum-  
 mam, sed per mediam uitae semitam incedunt,  
 detestantur. Lucas igitur, animorum magis,  
 quam corporum medicus, praesentem hanc no-  
 bis non tam narrationem, quam plane apposi-  
 tam aegrotantibus medicinam exhibuit, osten-  
 dens, ipsum Deum seruatoremq; nostrum, qui  
 sine comparatione purus atque integer est, so-  
 lusq; iustus, clementer admodum, benigneq;  
 cum perditis, atque damnatis uersari, & cum  
 iis, qui nondum puri, mundi q; sunt, uiuere,  
 non ut eorum maculas accipiat, sed ut illis iu-  
 stitiam suam impertiat, instar huiusce solis,  
 quem cernimus, qui ( licet enim ex re procrea-  
 ta procreatoris prouidentiam intelligere ) non  
 planas solum regiones illustrat, sed illas etiam,  
 quae sunt antris, cauernisq; tortuosae. Depona-  
 mus igitur arrogantiam, si qui tales sumus, qua-  
 lis est is, qui hac oratione descriptus est, imite-  
 murq; Domini misericordiam, & humanita-  
 tem, humiles, & afflictos ita complectentes,



non ut cum illis iacentibus consternamur, sed ut eos potius excitemus, & tanquam egregii quidam urinatores in aquis demersos, ac moribundos ad uitalem hūc aera extrahamus. Quoniam autem pulcherrimum, summeq; nobis utile signum proponunt hęc Euangelii scripta, age illuc mentis aciem intendamus. Vehementer admiror, quo modo isti, qui natura perturbationibus obnoxia, uoluptatumq; studiosa circumdati sunt, quiq; tum dormiēdi, tum edendi, & cæteris uentri necessariis usibus quotidie parent, atque iisdem cupiditatibus incitari se sentiunt, quas nos, qui una eademq; cum illis natura præditi sumus, experimur, iniquiores se, ac duriores in eos, qui peccant, iudices præbeant, sibiq; pugnatōres infirmi tam facile indulgeāt, in alios autem arbitri esse uelint inexorabiles, adeo ut Dei benignitatis spem auferāt, uberemq; misericordiæ fontē obstruant, ut ipsi putant, multaq; auctoritate regni aditum errantibus patefaciant. Quod cum nihil aliud sit, quàm animis curationem quærentibus desperationem obicere: cui enim curationis adempta spes est, is plane morbi seruus efficitur: tum ab omni alienum est scripturarum nostrarum promissione: in quibus, si diligenter explores, nihil tam graue reperitur, quod non & gratia condonet, & misericordia curet, atque expiet. Quis autem est adeo surdus, qui uerba Iob non exaudiuerit, clara uoce sic omnes alloquentis:



Nemo mundus à forde, ne infans quidem, cuius est unius diei uita super terram? Quamquam quis est tam frugi, quis tam modeste se gerit, qui, si modo sapiat, cum rationem totius uitæ suæ redditurus sit, idq̃, in Dei iudicio constitutus, superuacaneum putet, alteri ignoscere, & misericordiam impertiri? Quod si ad summum iustitiæ probitatisq̃; fastigiū peruenissent, adeo, ut, quemadmodum scriptum est, super scorpiones, atque serpentes calcarēt, pronuntiatiq̃; essent uictores, & de peccato triumphum reportassent, non tamen deberent aliorum omnium uitam ad fortitudinis suæ regulam dirigere, & explorare, sed uirtutem propriam acceptam referentes ei, cuius beneficio, & munere adiuti, uitam sapienter instituentes, aduersarii tentationibus non succubuissent, imbecillioribus afflictisq̃; fraternæ benignitatis dexteram porrigere, eosq̃; è peccati luto & iniquationibus eripere, atque excitare. Hoc enim pacto duplicem laudem assecuti tum propriæ fortitudinis, tum fraternæ humanitatis, misericordiæ præmia perciperent. Nunc autem cum homines sint ex eorum numero, qui humi repunt, uitamq̃; degant, non Angelorum, & coelestium illarum Mentium, quæ corpore carent, uitæ similem, sed talem, quæ in iudicium uocari, atque redargui possit, seueros, & acerbos se iudices præbent, contractoq̃; supercilio sententiam ferunt, & damnāt, ut eorū superbia arrogantiaq̃; com-

Iob. 15. b.

Luc. 10. b.



Matth. 7.

d.

motus cogar eos Euangelii uerbis compellare: qui cum trabes propriis in oculis existentes non cernant, ex aliorum oculis uelint festucas eiicere: cumq; grauissima onera cæterorum humeris imponant, feueri iudices incedunt: & cum imbecilles ipsi onus suum ferre non possint, Christi tribunal præoccupant, & iudicis sententiam præripiunt. Serui contumaces, qui conseruis immites se, atque inexorabiles præbent. Si Deum cupitis æmulari, quòd ad eius imaginē facti sitis, exemplum ipsius imitamini. Vos, qui christiani estis, qui nomine ipso humanitatem profiteamini, imitamini Christi charitatem. Benignitatis eius diuitias considerate, qui cum per hominem ad homines uenturus esset, præmisit Ioannem poenitentiae præconem, & ducem, & ante Ioannem Prophetas omnes, qui docerent homines, ut resipiscerent, ut redirent in uiam, & ad meliorem frugem sese conuerterent. Mox ipse ueniens ore proprio clamabat ex persona sua: Venite ad me omnes, qui laboratis, & onerati estis, & ego reficiam uos. Quo modo autem uocem suam audientes accepit? facilem eis peccatorum ueniam largitus est. celeriter ipsos, & momento temporis ab iis, à quibus angebantur, liberauit. Verbum sanctos reddidit, spiritus confirmauit. Vetus homo in aqua sepultus est, nouus generatus, gratia floruit. Quid deinde cōsecutum est? Qui inimicus fuerat, amicus euasit: qui alienus, fi-

Matth. II.

d.



Ius, qui profanus, sacer, ac pius. Is ergo, qui tam magnificis, & incredibilibus affectus muneribus, benignum ac liberalem largitorem ingratu offendit, à nobis quidem doctōribus seuerisq; iudicibus statim indicta causa ad cruciatum raperetur, præsentiq; priuatus uita in altera supplicium inueniret. Verum, quoniam alius est iudicii Dominus, qui in infinita milliū millia misericordiā tribuit, nec uult mortē peccatoris, sed expectat, ut resipiscat, eo fit, ut ne illi quidem, qui priorem gratiam contumeliosius abiecerunt, merito afficiantur supplicio, sed à posteriore misericordia prior excipiat, & obliuio cum uenia coniungatur, ut lacrymarum effusio lauacri uim habeat, gemitusq; reducat gratiam, quæ paulisper recesserat. Si orationi nostræ fidem non habes, Petrum in ædibus principis sacerdotum interroga, & dicet tibi, quo modo abnegationis peccatum amare lu gens expiauerit, nec in Simone mutatus sit, sed Petrus permanferit Apostolus. Ego autem & Iudam Iscariotem existimo, nisi sui ipsius carnifex esse properasset, facinus suum grauius putans, quàm ut sibi posset ignosci, sed supplex ueniam petiisset, eius misericordiæ, quæ per orbem erat diffusa, non fuisse expertem futurum: cui quidem rei testimonio sunt Iudæi illi, qui, cum Christum cruci suffixissent, credentes, baptismo mentes simul, & manus abluerunt. Quòd si illi, qui Christum in crucem

Ezech. 18.

8.

Matth. 26.



Matth. 9.  
Luc. 19.

Luc. 15.

e-gerant, misericordiam sunt consecuti, & ipse profecto, qui illum prodiderat, ueniam impetrasset. Et Paulus aliquando christianos uinxit, sed idem ipse postea pro Christo catenas gestauit, eodemq; cruciatus genere crimen dissoluit. Peccauit, dum Stephanum lapidibus peteret, & eius interfectores assentiret. post autē ipse quoque lapidibus cæsus peccatum aboleuit. Matthæus, & Zacchæus olim fuerunt publicani, sed mox, mensa publicanorum contempta, alter eorum domo, atque animo suo Iesum suscepit, alter rerum admirabilium promulgator, & scriptor effectus est. Oportet, ut publicanū pariter, & Phariseū memoria teneamus, & mulierum illam, quæ drachmam amissam inuenit. Si quis homines, qui seculis omnibus ad hoc usque tempus extiterunt, uniuersos animo complectatur, fuisse multos animaduertet, qui cum se prius flagitiis inquinassent, ad frugem bonam deinde redierunt. Illud enim Dei solius proprium est, ut ab omni peccato remotus omnia recte gerat. Homo autem, qui ortum, atque interitum subit, quiq; tam multis perturbationibus est obnoxius, nunquam effugere poterit, quin accusetur, & condemnetur, si ueniæ spes auferatur. Considera mihi Dauidem ipsum Israelis Regem, quem Deus sibi singularem elegerat, testimonioq; suo collaudarat, inueni, inquires, uirum secundum cor meum: Hic post præclarum illud diuinæ laudis



præconium mulieris pulchritudine captus, qui-  
 bus se peccatis obstrinxerit, omnes scimus. At-  
 tamen idem à Propheta reprehensus admissum  
 scelus agnouit, & poenitentiae modum posteris  
 scriptum reliquit. Quamobrem dolorem eius  
 in libro psalmorum tanquam in speculo uide-  
 mus expressum. Vbi nunc luctu, & squalore  
 corpus excruciat: nunc sibi noctes ad lugendum  
 praescribit. quod quidem tempus communi la-  
 borantium quieti datum est. nunc lacrymas è pal-  
 pebris suis, tanquam è fontibus, profundens le-  
 ctulum irrigat, & quinquagesimum Psalmum  
 nobis elaborat, in quo Deum poenitentia pla-  
 cantium exemplum effingitur. Neque uero lu-  
 ctus ipsius inanis fuit. Sed graues eius gemitus  
 misericordiam inuenerunt, ut & imperii digni-  
 tate, & amicitia Dei libere frueretur. Rex item  
 ille Niniuitarum multitudine peccatorum ad exi-  
 tium contendebat, unâ cum populis, quibus  
 imperabat. Et is, qui peccata ipsorum redar-  
 guebat, diem supplicio praefinitam denuntiabat  
 appropinquare. Cumq; prudenter illi semet af-  
 fligentes calamitatem effugissent, dolebat Prophe-  
 ta, quod mala, quae praedixerat, non euenissent,  
 Deiq; cõmiserationem iniquo animo ferebat.  
 At ille, qui ubique tũ uerbis tum factis indicat,  
 quanta homines beneuolentia complectatur, fe-  
 cit, ut cucurbita nasceretur, quae caput eius ab  
 iniuria solis defenderet. Sub umbra autem ipsius  
 eo dormiente statim exaruit. Qui, cum exper-

2. Reg. 18.

2. Reg. 12.

Psalm. 6.

10. 3.

10. 4.



Matth. 7. 6.

rectus rem ægre ferret, reprehenditur, quòd, cum ipse uirgultum exaruisse indignetur, nolit Deum propinquo tantæ ciuitatis interitu commoueri. Vos igitur, qui duri estis atque immittes, eius, qui nos procreauit, benignitatem, & clementiam imitami. Nolite, uos in conseruos uestros præbere iudices acerbos, & graues, donec ueniat ille, qui arcana cordium patefaciet, & potestate sua cuique conuenientem statum tribuet in ea uita, quam expectamus. Nolite, tristiores in alios ac seueriores sententias ferre, ne eisdem uos sententiis condemnemini, & propriis uerbis tanquam dentibus acutissimis configamini. A quo quidem crimine uidentur mihi ea Euangelii uerba nos deterrire: Nolite iudicare, ut ne iudicemini. Quibus sane uerbis non aufertur nobis facultas humane benigneq; iudicandi, sed interdicitur, ne grauius & asperius iudicando condemnemus. Leuiora igitur fac aliorum pondera, ne in eadem damnationis trutina actiones tuæ deprimantur, quando uita nostra tanquam in lance Dei iudicio examinabuntur. Tu, qui corpore indutus es, & in carne uiuis, caue, ne medicæ artis curationem abiicias, & asperneris. Nam licet commoda fruaris ualitudine, non tamen semper ita liber ab omni futurus es morbo, ut opera medici nunquam indigeas. Animum habes ad res terrenas, caducasq; propensum, quandiu oblitus sui impletur corporis affectionibus. Proinde



noli misericordiam denegare, ne ueniam ipse non inuenias, quādo ipsam desiderabis. Sacerdos est aliquis, populiq; regendi munus fortitus est? priuatorum casus commifereatur, meminertq; se, quāuis dignitate præster iis, quos gubernat, ac regit, naturam tamen eandem habere, ideoq; posse aliquando fortasse in eosdē errores incidere. Quæ cum Moses non ignoraret, quippe qui & homo erat, & hominis naturam perspectam & cognitam habebat, constituit, ut pro sacerdote uitulus immolaretur, peccante nimirum & ipso, expiationibusq; pluribus indigente. Quod autem tunc erat in carne uitulus, idem nunc est incorporea poenitentia, incruentaq; deprecatio: qua quidem, cauēdum est, ne elati, gloriantesq; humanitatem, & beneficentiam repudiemus, cum sciamus, Aaron sacerdotem illum probatissimū, populo Deos flagitanti indulgisse, & temere admodum murmure captum esse. Quod si is, qui murmurauerat, non supplicasset, supplicium non euasisset. Alius autem non est sacerdos, sed unus ē populo? caueat, ne grauius iudicando iugum subeat. Nam si is, qui ad expiandum populum delectus est, indiget ipse expiatione, quid fiet illi, qui eiusmodi munus non sustinet? Imitemur eam pascendi rationem, qua Dominus usus est. Euangelia contemplemur: ibiq; tanquam in speculo, diligentia & benignitatis exemplū intuentes, eas perdiscamus. Illic enim in para-



Luc. 15.

bolis adumbratisq; sermonibus uideo centum  
 ouium hominem pastorem, qui, cum illarum  
 una à grege discessisset, & errabunda uagaretur,  
 non mansit cum illis, quæ seruantes ordinem  
 pascebantur. Sed ad eam requirendam profe-  
 ctus, multas ualles saltusq; superauit, magnos  
 atque arduos montes transcendit, in solitudini-  
 bus peragrando multo cum labore tandiu per-  
 uestigauit, donec errantem inuenit. Inuentam  
 autem non uerberauit, nec urgendo uehemen-  
 tius ad gregem compulit, sed humeris suis im-  
 positam, & leniter tractans ad gregem gesta-  
 uit, maiorem ex una illa inuenta, quam ex reli-  
 quarum multitudine, lætitiā percipiens. Rem  
 obscuritate similitudinis obuolutam, atque re-  
 conditam consideremus. Ouis hæc non quem  
 omnino, nec pastor ille plane pastorem, sed  
 aliud quiddam significat. His exemplis sacræ  
 res continentur. Nos enim commonent, ne ho-  
 mines pro perditis, ac desperatis habeamus,  
 ne ue eos in periculis uersantes negligamus, aut  
 segnes simus ad ferendum auxilium, sed eos à  
 recta uiuendi ratione deflecentes, & errantes  
 reducamus in uiam, eorumq; lætemur reditu,  
 atque ipsos cum bene pieq; uiuentium multitu-  
 dine coniungamus. Tam alienus autem à cæ-  
 dendi acerbitate sacerdos esse debet, tanquam  
 promptus & paratus ad excolendam humanita-  
 tem, ut, etiam si Dominus aliquem, uti plan-  
 tam inutilem, excindere iubeat, ipse tanquam



insitor debeat supplicare, ut ignoscat parumper, ac sententiam differat. Sic enim monet oratio illa de ficu, quam uti sterilem cum Dominus uellet concidere, orat agricola, ut illi paulisper parcat, & moram aliquam interponat: aliquid enim bonæ spei in diligentia sua reliquū esse. Noli igitur esse tam facilis ad amputandum, & excindendum tu, qui Dominum, ne id faciat, debes obsecrare, neque tam celeriter desperandum existima. Diligentiam adhibeto: reprehensionibus circumfodito: cohortationibus foucto, tanquam sinu: documentorum quasi aquarum copia irrigato: præceptis, ut uallo, communito. Tuum esto, placare iudicis animum. Demus operam, ut eodem nomine, quo Dominus, appellemur. is enim dicitur consolator, dum hominum generi patrem propitium reddit. Quo quidem nomine uocatur etiam ille ueritatis spiritus pro suo erga nos studio, atque beneuolentia. Hæc autem deprecationis, & consolationis munera pro peccatoribus suscipiuntur omnino, non pro iis, qui sunt innocentes, & nullis criminibus obnoxii. Mosis curam, sacerdos, & sollicitudinem imitare. Imitare illius erga populum animi affectionem: qui Deum obsecrans, ne populo, qui peccauerat, irasceretur, cum rem longius duci, nec sibi id, quod petebat, concedi animaduerneret, supplicabat, ut sibi saltem liceret ante decedere, ne eorum, quos pauerat, & gubernarat, interitum specta-

Luc. 13.

Io. 14.



ret. Sed operæpretium est, ut uerba ipsius in medium afferamus: obsecro, inquit, peccauit populus peccatum magnum, feceruntq; sibi Deos aureos. Et nunc si dimittis eis peccatum hoc, dimitte: sin minus, dele me de libro, quem scripsisti. Cernis, quo modo propriæ salutis salutem multitudinis anteponit, cui nisi impetrat impunitatem, flagitat, ut ipse deleatur? Nunc autem qui acerbiores se peccatoribus præstant, eos ad se accedentes propellunt, supplices, prostratosq; fugiunt, à lacrymantibus oculos remouent, & se totos auertunt. Cur igitur mihi Lucas, immo uero spiritus sanctus descripsit filium illum prodigum, qui primum discessu suo ignominia patrem affecit, deinde uoluptatibus ebrietatiq; deditus & foeminarum amoribus captus paternas omnes diuitias dilapidauit, atque exhaustit? Post autem multo, cum satis iam in miseria uersatus esset, adeo, ut subulcus effectus mercenarius, eodem, quo porci, uesceretur cibo, tandem aliquando resipiscens cum ad patriam domum reuertisset, non auertit se patrem, nec reuersum exclusit filium. Quinetiam accurrit obuiam appropinquant, & complexus eum, atque inhærens collo, misericordia commotus lacrymas fudit, & pro misero rursus beatum reddidit, ingenuo illum induens uestimento, & in manu eius annulum imponens, ac diem festum agens, magnificumq; ac splendidum conuiuium celebrans. Hæc nobis simi-

Exod. 32.8.

Luc. 15.



litudo proposita est, ut resipiscantibus Ecclesiam tanquam domum paternam aperiamus, eosq; humaniter, & benigne suscipiamus, nec cum porcis, id est, cum Dæmonibus uitam degant, sed ex alienis rursus ad filiorum numerum ascripti, ex Dei præscripto tanquam ex patris sententia uiuant, & sanctorum hominum, ut fratrum consuetudine perfruantur. Noli fratris maioris natu sententiam sequi, nec ob patris humanitatem indignari, quod nequissimū filiū, qui familiæ dedecori fuit, suscepit. Dei benignitatem potius, & clementiam admirans, eos, qui relictis erroribus ad frugem bonam redeunt, amplectere, amanterq; fove. Sic enim eris cæcorum dux, & uiam errantibus demonstrabis. Satis multa ad eos, qui seueriore sunt animo, quiq; acerbiter potius, quàm leniter, & misericordiam exercent. Nunc mihi uos, quibus in uiam redeundum est, ac resipiscendum, attendite. Si uultis discere, quo modo peccatis dolere, & erroribus uestris ingemiscere debeatis, mulierem nobis à Luca in præsentia descriptam considerate. Illius demissionem animi, atque prudentiam æmulamini, absolutumq; in ea uobis exemplum poenitentiae cōstituite, quæ Pharisei domum ingressa nec conuiuiarum multitudinem erubuit, nec conuiuii tempus importunum existimauit, quo minus ad confessionē cōfugeret: sed dolore affecta, & peccata, quæ commiserat, uehementer detestata, ne momen-



tum quidem temporis sibi interponendum existimauit, quo minus statim ad peccatorum medicum accederet. Nec tamen in conspectum eius adueniens supplicabat, sed ex habitu se indignam putans, quæ ipsum alloqueretur, à tergo locum occupauit, nec plane stans, sed retro prostrata pedes illius complexa est, solutisq; comis re ipsa moerentis animi affectionem ostendebat, & Iesu pedes lacrymis rigans multo cum dolore misericordiam postulabat. Tantā enim effudit uim lacrymarum, ut pedes eius ablueret, eosdemq; rursus capillis abstergeret, atque ita omnem animi afflictī demissionem declararet. Etenim, ut breuiter omnia complectar, sensibus, & membris omnibus, quibus peccauerat, mulier poenitentiam egit. Quantum autem postea per otium peccata fuerit detestata, quæ publice aperteq; ea tantopere luxit, conicientibus licet intelligere. Nos autem uerbis quidem poenitentiam pollicemur, factis uero nihil studii, laborisq; præstamus, sed eadem uiuendi consuetudine utimur, qua prius, quā peccata confitendo detestaremur, utebamur. Eadem in uultu hilaritas, idem in corporis cultu uictuq; splendor. Somno ad satietatem usque indulgemus, negotiis, & occupationibus animo sedulitatis obliuionem iniicimus, poenitentia nomen inane duntaxat, & nullis expressum factis retinemus. A mysteriis quidem arcanorumq; communione sacramentorum culpa nostra



nostra decidimus, & separamur, nec tamen studium, ac diligentiam adhibemus, ut ad ea fructuosa reuertamur, sed ut uilia, & quæ paruo pretio redimi possint, contemnimus. Considera, homo, qua dignitate iam ornatus fueris, nunc autem careas. Si regiæ mensæ particeps ab eo honore ob crimen aliquod excidisses, quantam pecuniæ uim expenderes, ut in Regis gratiam redires, ut honorem pristinum redimeres? Quorū autem fores supplex, hæsitans, dolens frequentares? Vitam profecto ipsam tibi acerbam duceres, squalore, & luctu, & uultus demissione dolorem animi præferres, omnem denique, ut aiunt, moueres lapidem, ut ab ea te calamitate liberares. Nunc autem qui seiunctus est ab amicitia Dei, & uere sublimem illam dignitatē amisit, quem laborem impendit, quod studium adhibet, quid eximium gerit, quo demissum, atque humilem, & afflictum animum ostendat suum? Non est consentaneum, ut qui se ægrota re confitetur, eadem uictus ratione utatur, quā utuntur illi, qui prospera sunt ualetudine. Alius enim ægrotantis, alius ualētis est uiuēdi modus. Nonne uides, quanta sit inter ægrotantem, ualētēq; differentia? Ille pro arbitratu suo uiuit, quocunque uult, proficiscitur, omni officio, & munere libere fungitur: hic autē in angusto iacet cubiculo, procul ab omniū cōsuetudine, omnibusq; negotiis remotus. Agriculturam omittit, licet illius antea esset studiosissimus. Cumulant

N



dæ pecuniæ curam abiicit, quamuis ad rem uti  
mercator iam esset attentior. Qui conuiuuiis olim  
magnificis, & sybariticis delectabatur, aqua  
nunc, & panis frustulo uestitur, nō liberis ope  
ram dat, non uxoris utitur consuetudine: illi die  
noctūq; res est cum medicis, quos magnis præ  
miis accersit, ut eorum opera conualescat. Hæc  
qui corporis morbo laborat. Tu uero, cuius  
animus æger est, cur non ad medicū properas?  
cur non ei confitendo morbū ostendis tuum?  
Quid pateris, ut depascatur, ut serpat, ut inflam  
metur? Tandē aliquando resipisce, ac te ipsum  
nosce. Deum offendisti, Procreatorem tuum  
irritasti, eum, qui & præsentis uitæ potestatem  
habet, & futuræ Dominus, ac iudex est. De  
liciis indulgens in morbum delapsus es, eum  
inedia & ieiuniis cura. Animus laborat inconti  
nentia, adhibeatur temperantiæ medicamentū.  
Multiplici, ac nimia pecuniæ cupiditate in fe  
brim incidisti, liberalitate & eleemosyna depel  
latur. Hæc enim est niniūm expletæ mentis cu  
ratio. Læsit te rerum alienarum direptio: quæ  
rapta sunt, ad proprios Dominos reuertantur.  
*Psal. 5. b.* mēdacium te proxime duxit ad interitum (per  
des enim, inquit, omnes, qui loquuntur menda  
cium) ueritatis studio periculum euitetur. Iu  
*Luc. 3.* risiurandi uiolatio sublimem Zachariæ filii secu  
rim sustulit per aerea uolitantem, ac cædem  
minitantem? inducantur omnia arma poeniten  
tiæ, ut securis acies, & iētus propulsetur. Im-



piis hæreticorum opinionibus aliquis infectus est, rectis Ecclesiæ decretis se ipsum expiet, superstitionemq; deponat. Quid enim aliud est poenitentia, nisi dissolutio, & euersio præteritorum, quæ uel re, uel cogitatione sunt admissa? Qui uero cognita poenitentia utilitate adhuc in flagitiorum & impietatis coeno uolutatur, similis est illi seruo, qui dominum sibi iratum sciens, in eius conspectu scelerate se gerit, peccatumq; duplicat. Explora celeriter, & diligenter animaduerte morbum, quo affectus es. suscipe ex eo dolorem, quantum maximum potes. afflige te, fratresq; beneuolos, atque unanimes adhibe, qui simul doleant, adiuumentoq; sint, ut libereris. Ostende mihi amaras, atque uberes lacrymas tuas, ut meas ego quoque comisceam. Afflictionis participem, & socium sume sacerdotem, ut patrem. quis enim tam falso nominatur pater, aut tam duro, atque adamantino animo præditus est, qui non filiis, moerentibus doleat, & gaudētib; lætetur? Sacerdos ita tristatur ob peccatum illius, quem propter religionem habet loco filii, ut Iacob uisa tunica Ioseph sanguine conspersa querebatur, ut Dauid luxit Absolonis interitum, ut Eli Ophnim & Phineem, qui in acie ceciderant, ut Moses impium populum, qui rerum nouarum studiosus uitulum sibi conflauerat. Quamobrem maior tibi in eo fiducia sit, qui te in Deo genuit, quàm in illis, à quibus corpore procreatus es.

Gen. 37. 4.

2. Reg. 18.

3.

1. Reg. 4.

Exo. 32.

N ii



Audacter ostende illi, quæ sunt recondita. Ani-  
mi arcana tanquam occulta uulnera medico re-  
tege. Ipse & honoris, & ualitudinis tuæ ratio-  
nem habebit. Filiorum dedecore magis mouen-  
tur parentes, quàm ipsi filii. Nam ut filiorum  
gloria ad parentes pertinet, sic etiam dedecus &  
turpitudine. Incertus est, fratres, terminus uitæ.  
discessum è uita diligentia præuertamus. Absur-  
dum enim est, cum illi, qui corporis ualitudi-  
nis rationem habent, se ipsos expurgent ante ca-  
niculæ exortum, ne, quod humidum in illis est,  
neherementi ipsius ardore corrumpatur, & mor-  
bos pariat, eos, qui animi curam gerunt, incertum  
mortis diem nō anteuertere, & ardorem excru-  
ciantis illius ignis, qui in æternum comburit, &  
nullum unquam refrigerium admittit. Drach-  
mam Euangelicam, quam acceperas, & qua  
diues effectus fueras, ignauia tua perdidisti? po-  
nitentia lucernam accende. Inclina te diligen-  
ter. Illam in terrenis affectionibus defossam cō-  
quire; inuentam tolle, atque conserua,  
ut nos uicini gratulemur, & eo gau-  
dio afficiamur, quod est in Chri-  
sto, cui gloria in secu-  
la seculorum.

Amen.

Luc. 15.



22  
D I V I G R E G O R I I N Y S S Æ

P O N T I F I C I S , P E R F E C T I C H R I -

stiani hominis forma ad Olym-  
pium Monachum.



V A E R I S , quæ ra-  
tione uita ex uirtute  
possit institui, ut o-  
mnibus officiorum  
numeris absoluta at-  
que perfecta nullis  
reprehensionibus sic  
obnoxia. digna pro-  
fecto professione tua  
postulatio. Mihi uero nihil esset optatius,  
quàm ut eorum, quæ cupis, exempla possem  
ex mea uita tibi depromere, ut doctrinam abs-  
te quæsitam factis potius, quàm uerbis explica-  
rem. Ea enim deum bene uiuendi institutio  
digna est, cui fides habeatur, quum docentis ui-  
ta congruit orationi. Cæterum quoniam me id,  
quod opto, nondum affecutum uideo, ut ora-  
tionis loco possim uitam ostendere, ne imper-  
fectus omnino uidear, & à signo præinscitia pe-  
nitus aberrare, breuem tibi recte uiuendi for-  
mulam tradam, atque illius quidem hinc iam  
nascatur exordium.

Bonus Dominus noster Iesus Christus nos,

N iii



qui in ipsum credidimus, adorandi nominis sui  
 participes fecit, ut, siue diuites, siue nobiles, si-  
 ue obscuri, siue inopes, siue doctrinae, aut di-  
 gnitatis insignibus exornati simus, nulla tamen  
 ex re, quae nobis adsit, nominemur, sed his o-  
 mnibus reiectis, de uno nomine ipsius proprie  
 appellemur christiani. Cum igitur hanc nobis  
 ex coelo gratiam attulerit, operapretium est, ut  
 prius muneris magnitudinem consideremus,  
 quo meritis largitori Deo gratias habeamus de-  
 inde tales in omni uita nos praestemus, quales re-  
 quirat huiusce nominis excellentia. Quanta sit  
 huius muneris magnitudo, quod illius, qui ui-  
 ta nostra Dominus est, nomine nuncupemur,  
 nobis perspicuum fiet, si, quid nomen ipsum a  
 Christo deductum significet, animaduertemus,  
 ut intelligamus, quando uniuersi Dominum in  
 nostris precationibus hac uoce nominamus,  
 quam animis nostris notionem concipiamus,  
 aut quid per hoc nomen cogitantes, apte cre-  
 damus ipsum appellare. Id ubi compertum  
 habuerimus, ipso nomine ut magistro & duce  
 ad bene beateq; uiuendum utentes, quae nobis  
 uitae studia sequenda sint, facile cognoscemus.  
 Ad haec autem duo, quae inuestigamus, perci-  
 pienda tutissimum aditum habebimus, si nobis  
 D. Paulum itineris ducem proposuerimus.  
 Hic enim maxime omnium exquisite, & quis  
 Christus sit, nouit: & qualem esse oporteat, qui  
 ab eo nomen accepit, ex iis, quae gessit ipse, de-



clarauit. Nam adeo accurate illū imitatus est, ut in se Dominum ipsum expressum ostenderit. quippe qui diligentissima imitatione formam animi sui ita transtulit in ipsum exemplar, ut nō amplius, qui loquebatur, Paulus, sed Christus esse uideretur, quemadmodum ipsemet dicit, qui propria bona pulchre sentiebat. Quoniam, experimentum, inquit, quæritis eius, qui in me loquitur, Christus. Et, uiuo ego iam non ego, uiuit autem in me Christus. Hic igitur nobis, & quam uim nomen hoc Christus habeat, patefecit, cum diceret: Christum esse Dei uirum, & Dei sapientiam, cumq; & pacem ipsum nominaret, & lucem inaccessibilem, in qua Deus inhabitat, expiationem, & redemptionem, & sacerdotem magnum, & Pascha, & propitiationem animarum, splendorem gloriæ, & figuram substantiæ, & effectorem seculorum, cibum ac potum spirituales, petram & aquam, fundamentum fidei, & anguli caput, & Dei inuisibilis imaginem, & magnum Deum, caput corporis ecclesiæ, & nouæ creaturæ primogenitum, & primitias eorum qui dormierunt, & primogenitum ex mortuis, & primogenitum in multis fratribus, & mediatorem Dei & hominum, & filium unigenitum gloria & honore coronatum, & Dominum gloriæ, & rerum principium, & regem iustitiæ, ad hæc & regem pacis, & regem omnium, imperium regni nullis terminis circumscriptum obtinentem, his & aliis id genus

2. Cor. 13.

Gal. 2. d.

1. Tim. 6. d.

Heb. 1. d.

2. Cor. 6. e.



nominibus eū appellauit, quæ tam multa sunt,  
 ut præ multitudine haud facile numero compre-  
 hendi possint. Quæ quidem omnia si inter se  
 componantur, & singulorum colligantur si-  
 gnificationes, mirabilem nobis huius nominis  
 Christi, uim aperient, & beatitudinis illius, quæ  
 uerbis explicari non potest, tantum ostendent,  
 quantum animis & cogitatione capere ualueri-  
 mus. Verum quoniam omni dignitati, & po-  
 rentiæ, & principatui regia præcellit amplitudo,  
 Christi autem nomine regium significatur im-  
 perium, nam ut ex literarum monumentis di-  
 dicimus, prius unguntur, qui futuri sunt Re-  
 ges, regno autem omnis reliquorum nominū  
 uis continetur, eo fit, ut qui ea, quæ compre-  
 henduntur, cognoscit, simul etiam illa comple-  
 tentem intelligat potestatem. hæc autem re-  
 gnum est, quod quidem regnum Christi appel-  
 latione indicatur. Quamobrem cum omnium  
 maximum, & diuinum, & primū nomen Do-  
 mini nostri bonitas nobis impertiuert, ut Chri-  
 sti cognomine decorati appellemur christiani,  
 necesse est, ut omnia nomina, quæ uocem hæc  
 interpretantur, in nobis item conspiciantur ex-  
 pressa, ne falso uocati christiani uideamur. Ne-  
 que enim ex appellatione res fiunt, sed earum  
 subiecta natura, quæcunque tandem illa sit, apti  
 nominis significatione declaratur. Exempli gra-  
 tia, si arbori, aut petrae hominis uocabulum tri-  
 buamus, ideo ne planta, aut lapis erit homo.



minime uero . sed oportet ut homo sit prius, de-  
inde congrua ipsius naturæ appellatione nomi-  
netur . ac ne illis quidem , quæ similitudinem ali-  
quam habet inter se , idem nomen proprie con-  
uenit , ut si quis statuum hominem dicat , aut  
equum , illius imaginem , sed ut aliquid proprie  
& uere nuncupetur , germanam omnino appel-  
lationem natura demonstrabit . Si quid autem  
ars in ære , aut marmore , aut alio eiusmodi sub-  
iecto imitabitur , id ipsius materiæ nomen ob-  
tinebit . Quapropter qui se nominant christia-  
nos , id prius , oportet , ut sint , quod exigit ip-  
sum nomen , deinde eam sibi appellationem ac-  
commodent . Ac quemadmodum si quis uerū  
hominem ab homine sculpro uelit seiungere ,  
ex utriusque proprietatibus id faciat , alterum  
asserens animal rationale atque iudicio prædi-  
tum , alterum uero materiam , quæ imitatione  
formam induerit : sic etiam uere christianum  
hominem ab eo , qui christiani tantum speciem  
habet , ex propria utriusque forma distingue-  
mus . Veri christiani formam exprimunt illa  
omnia , quæ de Christo commemorauimus .  
Ex quibus ea , quæ capere possumus , imita-  
mur : quæ uero in naturam nostram nō cadunt ,  
ea ueneramur & colimus . Quamobrem , ut ali-  
quis sit perfectus homo Dei , ut inquit Aposto-  
lus , nullo modo per malitiam perfectionem im-  
minuens , oportet , ut omnia nomina , quæ Chri-  
sti significationem explicant , in eius uita par-

2. Tim. 3.  
d.



tim imitatione, partim ueneratione colluceant.  
 Quemadmodum enim qui commentitia fabu-  
 larum monstra uel oratione uel pictura confin-  
 gunt, bucephalos quosdam, aut hippocentau-  
 ros, aut anguipedes, aut quippiam aliud ex di-  
 uersis generibus componentes, nō ad exemplar  
 naturæ dirigunt imitationem, sed peruersa illa  
 inuentione naturam prætereuntes, non hominē,  
 sed aliud quiddam effingunt, quippe qui ex eo,  
 quod uidetur, id formant, quod non est: cuius  
 licet aliqua pars cuiusdam humani corporis parti  
 similis uideatur, nemo tamen id, quod absur-  
 da illa compositione conflatum est, hominem  
 dicat: eodem pacto haud recte perfectus chris-  
 tianus appellabitur, qui uel à ratione abhor-  
 rens caput obtineat, id est ipsum uniuersi cor-  
 poris caput, quod Verbum est, fide nō habeat,  
 quamuis cæteris partibus absolutus sit. uel eo  
 capite præditus reliquas corporis partes aut ca-  
 piti aut inter se minime conuenientes possideat,  
 hoc est uiuendi rationem à fide alienam insti-  
 tuat, cum & draconum furiis imbutus ira ex-  
 candescat, atque instar horum serpentium hu-  
 mi repat, & equinam rabiem apponens huma-  
 næ formæ foeminarum amoribus insaniat; & ex  
 duplici natura, humana uidelicet, & ferina, ueluti  
 hippocentaurus coalescat. Eiusmodi autem ho-  
 minum genera passim licet intueri, qui uel in  
 bestiae capite, in idololatriæ uidelicet disciplina  
 decore uitæ officiis excultam agunt. qualem si-



mutant esse minotaurum, uel christianæ personæ bellæ corpus, id est, flagitiosum uiuendi genus adiiciunt, quales hippocentauros, aut anguipedes fingunt. contentaneum igitur est, ut, quemadmodum in corpore humano singulæ partes conueniunt, sic tota christiani uita omnibus, quæ in Christo ex fide considerantur, bonis insigniatur. Nam si una quidem ex parte talis sis, qualem christianum requirit nomen, ex altera uero in contrarium declines, nihil aliud facias, quàm si, cum aduersus hostilem aciem pugnandum sit, tu te ipse concidas, quòd eam in te per uirtutem & uitium seditionem concitaris, ut nulla ratione tibi ipse in uita placari conciliariq; possis. Etenim quæ societas luci ad tenebras? ut inquit Apostolus. luci enim adeo contrariæ sunt tenebræ, ut nullo modo commisceri, nullo medio coniungi possint. Qui autem in utrisque uersatur, & alteram negligit partem, illis inter se cōtrariis pugnantibus, ipse quoque conscinditur necessario. Si quidem eodem tempore in ea permistæ uitæ confusione & lux & tenebræ efficitur, cū & fides lucem immittat, & uitæ malitia rationis splendori tenebras offundat. Quoniam igitur nulla inter lucem & tenebras amicitia, nulla potest esse coniunctio, qui utrunque contrarium suscipit, ipse sibi hostis euadit, cum ad uirtutem & uitium ut duas in partes diuisus inclinetur, & more hostili tanquam instructa acie se ipsum oppugnet, ac quemad-

2. Cor. 6. 6.



modum illi, qui capitali odio dissidentes dimicant, utrique uictores esse nequeunt, unius enim uictoria alteri uicto prorsus interitum affert, sic in domestico intestinoq; dissidio, quod ex uitæ permistione nascitur, pars melior sine alterius internecone uictrix esse non potest. Qui enim fiet, ut pietatis exercitus superior sit uitiorum multitudine ueluti phalange hostium contra pugnante, nisi hæc uti debiliior à præstantiore penitus deleatur? tunc autem uirtus de malitia uicta triumphabit, cum rationis auxiliis superati omnes tibi cedent aduersarii. tunc implebitur id, quod ex persona Dei in prophetia dictum est. Ego occidam & uiuere faciam. nullo enim pacto id, quod in nobis est bonum, potest uiuere, nisi ex aduersarii morte uita illi comparetur. Quandiu autem duobus inhæremus, alterutra manu contraria complectentes, fieri nequit, ut utrumque consequamur. Quantum enim ex una parte malitiæ capimus, tantum ex altera uirtutis amittimus. Sed, ut eò, unde digressa est, reuertatur oratio, una est ad puram diuinamq; uitam, uirtutem amantibus uia, ut cognoscant, quid Christi uocabulum significet, eiq; uiuendi rationem ex ui sanctorum nominum uirtute expolitam & concinnam accõmodent, Quæcunque igitur uerba ex sancta Pauli doctrina Christi significationem explicantia orationis initio recensuimus, ea si nobis ita proponamus, ut partim, quemadmodũ diximus, imitemur,

Deut. 32. f.



partim colamus, tutissimum nobis ad bene beateq; uiuendum aditum muniamus. A primis igitur, eum seruantes ordinem, quem ipsa memoria suggerit, incipiamus. Christus Dei uirtus & sapientia. Ex his discimus ea, quæ diuinitati conueniunt, ex quibus Christi nomen nobis uenerandum efficitur. Etenim quia res omnes, quæ uel sensu percipiuntur, uel sensus superant cognitionem, per ipsum effectæ sunt, & in ipso consistunt, necessario ad definiendam nominis illius, qui cuncta procreauit, significationem, sapientia & uirtus coniunguntur. Nam ex duabus his uocibus ita copulatis id intelligimus. Neque enim essent hæc tam magna atque admiranda, quæ nulla oratione explicari possunt, nisi & sapientia eorum procreationem excogitasset, & uirtus, quæ per sapientiam excogitata fuerant, confecisset. per uirtutem enim ipsius sapientiæ cogitationes opera sunt. Christi igitur significatio in hanc duplicem uim, sapietiam scilicet uirtutemq; diuiditur, ut, quando rerum uiuuerfitatis magnitudinem aspiciamus, ex ea imensam Dei uirtutem cognoscamus. Quando autem consideramus, quonam modo ea, quæ nulla fuerat, genita sint, tam multiformi natura in rebus per diuinum spiritum existente, incredibilem ipsius, qui illa excogitauit, sapientiam adoremus & suspiciamus. cuius cogitata ipsa, sunt facta. Neque uero ignaua erit hæc fides, qua Christum esse uirtutem & sapientiam

1. Cor. 1. d.



Pro. 2. 4.

Eph. 2. 6.

Ad Eph. 2.  
c.

credimus, sed ad boni diiudicationem nobis erit adiumento. Quod enim quis supplicans appellat, id ad se ipsum obsecrando trahit, & ducit, atque interiorem hominem uirtute ita corroborat, ut Apostolus ad uirtutem respiciens dicit: Christus autem est Dei uirtus. Et sapiens fit, ut in prouerbiis patet, qui sapientiam inuocat, quæ omnino Dominus esse intelligitur. Quare ille, qui nomen habet à Christo, uirtus & sapientia est: uirtus quidem, dum aduersus peccatum strenue ac fortiter pugnat. dum uero id, quod melius est, eligit, in se ipso sapientiā ostendit. Qua quidem sapientiæ uirtutisq; cōiunctione uita perfecta constituitur. altera, enim quæ recta honestaq; sunt, perspicimus, altera, quæ perspecta habemus, exequimur, & confirmamus. Iam uero Christum esse pacem cogitantes, ueram christiani appellationem ostendimus, si, cum ipse Christus, ut inquit Apostolus, inimicitia interfecerit, eam in nobis nullo modo reuiuiscere patiemur, sed in uita nostra planè mortuam esse declarabimus. Ne præclare pro salute nostra interfectam à Deo nos in nostrorum perniciem animorum irascentes, & iniuriarū reminiscences excitemus, ea, quæ bene mortua iacent, improbe in uitam reuocantes. Sed cum habeamus Christum, qui est pax, nos item inimicitia occidamus, ut, quod in ipso credimus, id in nostra uita prosequamur. Ille enim medium parietem maceris soluens duos



condidit in se ipso in unum nouum hominem  
ad reconciliationem bonorum, non eos uideli-  
cet tantum, qui nos extrinsecus oppugnabant,  
sed illos etiam, qui in nobis ipsis seditiones com-  
mouebant, ut ne concupiscat amplius aduersus  
spiritum caro, & spiritus aduersus carnem, sed  
prudencia carnis legi diuinæ subiecta in unum  
nouum & pacificum hominem reædificari, &  
ex duobus unus effecti in nobis ipsis pacem ha-  
beamus. Dissidentium enim concordia pacis  
terminus est. Quamobrem, quando naturæ no-  
stræ bellum intestinum sublatum est, in nobis  
pacem colentes, pax efficimur, & ueram ac  
propriam in nobis hanc Christi appellationem  
declaramus. At Christum esse lucem ueram, &  
à mendacio remotissimam considerantes, disci-  
mus uitam quoque nostram ueræ lucis radiis il-  
lustrari oportere. Solis autem iustitiæ radii sunt  
ipsæ uirtutes, quæ ad nos illuminandos emanât,  
ut abiiciamus opera tenebrarû, & tanquam in  
die honeste ambulemus, & repudiâtes abscon-  
dita turpitudinis, atque omnia in luce facientes  
ipsi quoque lux euadamus, & quod proprium  
est lucis, aliis splendeamus. Quod si Christum  
ut sanctificationem considerabimus, ab impro-  
bis & impuris omnibus tum factis tum dictis  
abstinentes nos eius nominis uere participes o-  
stendemus, quippe qui re ipsa sanctificationis  
uirtutem in uita præ nobis feramus. Porro cû  
redemptionem esse Christum discimus, qui se-

1o. 1.

rom. 13. d.

1. Cor. 1. d.



1. Tim. 2. b. ipsum ut nos redimeret, pretium dedit, ea uoce  
intelligimus, cum tãquam mercedem cuiusque  
animi præbendo nobis immortalitatem, nos è  
morte à se per uitam coemptos propriam sibi  
possessionem effecisse. Quod si eius, qui nos re-  
demit, effecti sumus, dominum ita sequamur  
omnino, ut non amplius nobis uiuamus, sed il-  
li, qui nos uitæ suæ pretio cõparauit. non enim  
1. Cor. 6 d. amplius nostri ipsorum domini sumus, sed ille,  
qui nos coemit, dominus est, nos autem eius  
dominio mancipati. Illius ergo uoluntas nobis  
pro lege uiuendi proposita sit. Vt enim cum  
mors impotenti dominatu nos premeret, pec-  
cati lex in nobis omnia administrabat, sic, quan-  
do uitæ iam addicti sumus par utique sit, ut ip-  
sius rerum potentis arbitrio gubernemur, ne  
quando à uitæ uoluntate per peccatum receden-  
tes, rursus ad improbum mortis in animos no-  
stros dominatum ultro delabamur. Illa uero  
1. Cor. 5. c. cogitatio nos obstringet Domino, si eũ à Pau-  
Heb. 7. lo tum Pascha, tum sacerdotẽ appellatũ esse au-  
diuerimus: pro nobis enim uere pascha immo-  
latus est Christus. sacerdos autem sacrificium  
1. Tim. 2. obtulit Deo idẽ ipse Christus. se ipsum enim,  
Eph. 5. a. inquit, tradidit oblationem & hostiam pro no-  
bis. Quæ quidem nobis documento sunt, ut  
qui Christum Deo se oblationem & hostiam  
dedisse, & factum esse pascha uidet, ipse quoque  
Rom. 12. a. corpus suum Deo hostiam uiuentem, sanctam,  
bene, placentem exhibeat, rationabile obse-  
quium



quum factus . sacrificandi autem modus est , ut  
 ne cōformetur huic seculo , sed transformetur  
 in renouationem mentis suæ , ut probet , quæ  
 sit uoluntas Dei bona , & beneplacens , & per-  
 fecta . Neque enim in carne , bona Dei uolun-  
 tas ostendi potest , nisi ex spiritus lege sacrificata  
 sit . Quandoquidem prudentia carnis inimica  
 est Deo , & legi Dei non est subiecta . Quocir-  
 ca , nisi prius caro mortificatis membris , quæ  
 sunt super terram , quibus obsequimur appeti-  
 tui , per hostiam uiuentem sacrificetur , bene  
 placens & perfecta Dei uoluntas sine impedi-  
 mento non potest in uita credentium obserua-  
 ri . Sic etiam dum Christus in proprio sangui-  
 ne propitiatio consideratur , edocemur , ut nos  
 item nobis ipsis propitiatio simus , & membra  
 mortificantes animos reddamus immortales .  
 Quando autem gloriæ splendor & figura sub-  
 stantiæ Christus dicitur , his uerbis adorandam  
 eius maiestatem mente concipimus . Paulus enim  
 diuino spiritu afflatus , & uere doctus à Deo , qui  
 in altitudine diuitiarum & sapientiæ & scientiæ  
 Dei diuinorum mysteriorum arcana & recon-  
 dita scrutatus fuerat , cum ad diuinitus sibi osten-  
 sos splendores earum rerū , quæ indagari inue-  
 stigariq̃ , nequeunt , declarandos lingua imbe-  
 cillior esset , quatenus suam ipsius in mysterio  
 intelligentiam aures excipientium caperent , si-  
 gnificationibus quibusdam subindicauit , tan-  
 tum uidelicet loquens , quantum cogitationi

Rom. 6. b.

Heb. 1. a.

2. Cor. 12.

O



I. Tim 6. c.

I. Io. 4. c.

feruies oratio poterat explicare. Nam cum omnia, quæ in naturam & potentiam humanam cadunt, de natura diuina cognouisset, supremæ illius essentiæ rationem nullis humanis cogitationibus capi comprehendique posse demonstrat. Itaque cum ea, quæ de ipsa considerantur, pacem nimirum, uirtutem, & uitā, & iustitiam, & lucem, & ueritatem, & id genus alia perqueretur, rationem ipsius omnino posse concipi negauit, Deum enim nec uisum unquam fuisse, nec uisum iri. Quem nullus, inquit, hominum uidit, nec potest uidere. ideo quærens, quo modo, quem cogitatio non assequitur, nominaret, quia non inuenit nomen, quo eius excellentiam exprimeret, gloriam & substantiam appellauit id, quod omnibus partibus superat omne bonum, quod neque oculis cerni, nec mente percipi, nec uerbis explicari potest, atque ita præstantissimam illam rerum substantiam sine nomine præteriuit. Arcitissimam autem necessitudinem, qua cum patre nullis terminis circumscripto & sempiterno filius ipse sine terminis perpetuo coniunctus consideratur, splendorem gloriæ, & figuram appellat, splendore quidem coniunctionem ostendens, figura autem indicans æqualitatem. Etenim neque inter splendorem & splendentem naturam mediū intelligitur, nec figura minor illa substantia, quæ sub ipsa signatur. Sed qui naturam splendentem cogitat, simul etiam omnino splendorem intel-



ligit . Et qui substantiæ magnitudinem animo  
concipit, eam figuræ in ipsa conspicuæ prorsus  
dimetitur æqualem . Qua de causa & formam  
Dei substantiam uocat, formæ notione non im-  
minuens Dominum, sed per formam osten-  
dens magnitudinem Dei, qua intelligitur patris  
amplitudo, quæ propriam formam non exce-  
dit, neque extra figuram, quæ circa ipsam est,  
inuenitur . Nihil enim informe, nihil non pul-  
chrum in patre, nihil, quod non unigeniti decla-  
ret pulchritudinem . Quare, qui uidit me, in-  
quit Dominus, uidit patrem. Ex his nihil deesse,  
nihil superesse significans . Quinetiam cum om-  
nia dicat eum portare uerbo uirtutis suæ, sol-  
uit dubitationem eorum, qui nimis diligenter  
& anxie uestigant ea, quæ sciri non possunt .  
Si quidem hi de materia requirentes rationem,  
nullo modo præ nimia curiositate consistunt  
aut conquiescunt . Vnde enim (inquiunt) ma-  
teria sit illi, qui à materia seiunctus est? aut quo-  
nam pacto ducatur quantum ex eo, qui caret  
quantitate? aut ex illo figura, qui figuram non  
habet? aut color ab eo, qui uideri non potest?  
aut ab illo, qui sine uacat, id, quod propriis fi-  
nibus includitur? Quod si nulla adest qualitas  
simplici & incomposito, unde materia suis qua-  
litatibus est implicita? Has enim omnes, & alias  
eiusmodi quæstiones soluit, qui dicit eum sic  
uerbo uirtutis omnia portare, ut generentur ex  
nihilō . Quæcunque enim, materiæ uel partici-

Io. 14.

Heb. 1. 2.



pem uel expertem naturam acceperunt, unam substantiæ causam habet uerbum uirtutis illius, quæ nullis uerbis dici potest. Ex quo admone-  
mur, ut eum, unde res omnes ortæ generatæq;  
sunt, intueamur. Etenim si ab illo procreati su-  
mus, atque in eo consistimus, omnino necesse  
est, ut nihil esse credamus, quod eius, qui nos  
procrearit, in quo sumus, in quem resoluamur,  
cognitionem effugiat. Quæ quidem cogitatio-  
ne, ut æquum est, innocentia uitæ conseruatur.

*Rom. 11. d.* Quis enim ex ipso, & per ipsum, & in ipso se  
uiuere credens, turpis, & flagitiosæ uitæ testem  
habere uelit eum, quem uniuscuiusque uitam

*1. Cor. 10. a.* in se continere sciat? Escam autem & potum spi-  
ritualem Dominum appellans Diuus Aposto-  
lus nos commouefacit, ut naturam humanam  
non simplicem, sed ex mente sensuq; compo-  
sitam cogitemus, cuius quidem utrique parti sit  
proprius cibus. solida enim esca corpus nutri-  
tur. Spirituali alimento ualeitudo animi conser-  
uatur. Ac quemadmodum in corpore solida &  
humida alimenta inter se mista naturam nu-  
trunt & tuentur, dū mutuo cōcocta singulis par-  
tibus, quæ in nobis ex elementis concretæ sunt,  
cōmifcentur: sic mentis alimentū ex propor-  
tione diuidens Paulus, escam & potum uocat.  
eadem enim res apte & proprie ad accipientū  
usum accommodatur. imbecillis, afflictisq; pa-  
*Psal. 103. e.* nis fit cor hominis confirmans. ægris autem  
& huius uitæ miseria laborantibus, ac propte-



rea sitientibus fit uinum cordi lætitiā afferens.

Oportet autem per ea, quæ dicta sunt, uim orationis intelligere, quæ animus ex præsentī usu gratiam accipiens alitur, ut indicat Aenigma prophetæ, qui loco pascuæ, & aqua refectionis consolationem significat, quæ oratione laborantibus & afflictis adhibetur. Sin aliquis etiam ad mysterium respiciens dicat cibum, & potum proprie Dominū nominari, ne id quidem à germana significatione recesserit, uere enim caro ipsius est cibus, & sanguis eius uere est potus. Atque in hac quidem significatione omnibus, ut eius participes sint, facultas datur. ipsa enim talis alimēti & potionis cōmunicatio fit accipientium sine discrimine cibus & potus. Cum tamen Apostolus ita definiuerit: probet autem, inquit, se ipsum quisque, & sic de pane illo edat, & de calice bibat. Qui enim indigne manducat, & bibit, iudicium sibi manducat & bibit. Huc autem respiciens Euangelista plane uidetur eandem significationem confirmasse. Cum mysticæ passionis tempore nobilis ille senator immaculata mundaq; sindone inuoluens Domini corpus in nouo & puro monumento posuit. Quamobrem & Apostoli præcepto & Euangelistæ obseruatione commonemur, ut sacrosanctum Domini corpus pura cōscientia suscipiamus. Quod si aliqua peccati macula infecta sit, eam aqua lacrymarū abluamus & expurgemus. Verum quia etiam petra dicitur Chri-

*Psal. 22. a.*

*Io. 6. f.*

*1. Cor. 11. f.*

*Luc. 23. g.*

*1. Cor. 10. b.*



1. Cor. 3. b.  
Eph. 2.  
Luc. 20. a.

Col. 1. d.

Gal. 3.

stus, eā nobis id nomen afferet utilitatem, ut rectam uiuendi rationem firmam ac stabilem teneamus, & in rebus aduersis fortiter perferendis constantes simus, aduersusq; omnem peccati impetum strenuos atque inuictos animos præstemus. ex his enim rebus & aliis eiusmodi nos item erimus petra, in natura fragili firmum & immutabile Domini robur pro uiribus imitantes. Quod autem à sapiente Architecto fundamentum fidei & Anguli caput nuncupatur, id quoque nobis ad uitam ex uirtute instituendam expediet. Sic enim bonarum omnium & administrationum ciuiliū, & disciplinarum, & institutorum tum principium, tum etiam finem esse Dominum dicimus. Nam & spes, quam pro capite accipimus, ad quam rectæ honestæq; actiones nostræ omnes tendunt, ille nominatus est à Paulo: & in principio huiusce uitæ ædificii, quod ad ipsum dirigitur, fides, in qua uitæ principia tanquam fundamenta iacimus, & quotidianis officiis puras tum cogitationes tum actiones nostras moderamur. atque ita, quod uniuersi est caput, nostrum etiam caput efficitur, quum duobus uitæ nostræ, corporis uidelicet atque animi muris per honestatem & puritatem constructis angulari coniunctione apte cohæret. Quod si altera pars desit ædificio, ut uel animi puritas conspicuam extrinsecus honestatem non habeat, uel hæc, quæ uidetur, animi uirtute uacet, eius mancæ inchoatæq; uitæ



caput non erit Christus, quippe qui duplici angulari; fabricæ tantummodo quadrat. neque enim, nisi duo concurrant parietes, angulus fieri potest. Quare tunc imponetur ædificio nostro summi angularis fastigii pulchritudo, cum ex utraque parte ad rectam uirtutis normam duplex uita, & recta, & constans, & nihil obliqui curui; habens, perpendiculo concinne erit accommodata. At uero cum Dei inuisibilis imaginem Paulus Christum appellat, & in omnibus Deum & magnum Deum, & his enim uocibus ueri Domini magnitudinē prædicat, magni, inquit, Dei, & saluatoris nostri Iesu Christi: & ex quibus Christus secundum carnem, qui est in omnibus Deus benedictus in secula, nos docet, eum semper esse, qui est. Est autem ille maior, quàm ut humana mente comprehendi possit, si secum ipse uerferetur, per felicitatem cœlestia sentiens, & æqualem undique mensuram. Hic igitur longe præstantior, quàm ut humana cognitione comprehendatur, qui nullis uerbis, nulla oratione, nulla ui dici, enarrari, declarari uel potest, ut se prorsus faceret imaginē Dei, ipse quoque pro sua erga hominem beneuolentia factus est imago Dei inuisibilis, hoc est, ad humanæ naturæ mēsuram sese demisit, ut nos ad diuinitatis mensuram extollamur. Ea enim fuit negotiatio filii Dei, ut propria forma, quam sumpsit, effectus homo, se rursus ad exemplaris pulchritu-

Cal. 1. e.

Col. 3. b.

Lit. 2. d.

Rom. 9. b.



Rom. 8. c.

1. Pet. 2. d.

tudinis figuram effingeret, ut esset id, quod initio fuerat. Proinde ut nos item simus imago inuisibilis Dei, ad propositum nobis exemplar uitæ, nostra uiuendi ratio exprimenda est. eo nimirum pacto, ut in carne uiuentes, minime uiuamus secundum carnem. Si quidē & princeps illa Dei inuisibilis imago, quæ ad nos per uirginitatem appropinquauit, per omnia ad humanæ naturæ similitudinem eatenus tentata est, ut nullum peccati experimentum suscepit. Qui peccatum non fecit, nec inuentus est dolus in ore eius. Quemadmodum igitur si pingendi artem disceremus, magister aliquam nobis pulcherrime depictam formam in tabula proponeret, cuius in sua quenque pictura oporteret pulchritudinem imitari, & omniū tabulæ ad propositum pulchritudinis exemplar expolirentur, sic quoniam suæ quisque uitæ pictor existit, artifex autem huiusce operis uoluntas est, colores uero ad exprimendam imaginem uirtutes sunt, non mediocriter periculum est, ne à pulchritudinis exemplari ad turpem ac deformem aliquam personam recedat imitatio, & pro Domini forma effigiem uitii sordidis coloribus adumbremus. Itaque pro nostra uirili nobis enitendum est, ut uirtutum colores puri sint, & scienter periteq; ad excipiendam imaginem commisceantur, ut imaginis imago simus, & quo ad eius fieri potest imitatione perspicua pulchritudinis exemplum exprimamus, ut facie-



bat Paulus, qui ex uirtute uitā instituens, Christi imitator fuit. Quòd si clarius ea sigillatim oratione persequi uolumus, quibus imitando imaginem repræsentamus, unus color est humilitas. Discite, inquit, à me, quia mitis sum & humilis corde: alter est patientia. Quæ quot modis in imagine inuisibilis Dei conspicitur? ubi gladii, & fustes, & uincula, uerbera, alapis maxillæ percussæ, facies sputis oblita, humeri uerberibus traditi, iudicium impium, crudelis sententia, milites subsannationibus, irrisionibus, contumeliis, & calami percussionebus imitem sententiam per delicias exacerbantes, clauui, & fel, & acetum, & grauissima quæque ipsi sine causa illata, immo uero pro innumerabilibus beneficiis reddita. tunc ille quo modo ista patrans ultus est? pater, inquit, ignosce illis, quia nesciunt, quod faciunt. Nonne poterat contra eos superius uel cœlum perfringere? uel ipsos terræ hiatibus abolere, uel dimouere ex propriis terminis mare, & uoraginibus terram sommergere, uel sodomiticum ignis imbrem demittere unico uerbo, uel aliquod aliud acerbum supplicium irrogare? Attamen hæc omnia miti patientiq; animo pertulit, uitæq; tuæ per se ipsum leges patientiæ dedit. Sic alia omnia in principe Dei imagine, licet intueri ad quam qui respicit, & ad eius similitudinem formam exornat suam, ipse quoque fit imago Dei inuisibilis per tolerantiam expressa. Qui autem ec-

Matth. II.

Luc. 23. 6.

Eph. 5. 2.



Eph. 5. f.

I. Cor. 6.

clesiae caput Christum esse didicit, illud in pri-  
 mis cogitet: Vnam esse capitis & subiecti cor-  
 poris naturam, & singula membra cum toto,  
 naturali quadam necessitudine coniuncta esse,  
 quæ partes toti ita conciliat, ut, miro consensu  
 inter se conueniant. Ex quo fit, ut si quid ex-  
 tra corpus est, id etiam à capite omnino seiun-  
 ctum sit. Ex hoc igitur intelligimus, quod na-  
 tura caput est, idem fieri singula membra, ut  
 cum ipso capite proprie amiceq; consentiant.  
 Nos autem membra sumus, qui in Christi cor-  
 pus coalescimus. Quare si quis corpus Christi  
 tollens efficiat membra meretricis, is rabiem im-  
 probæ illius libidinis tanquam gladium arripies  
 membrum prorsus abscindit à capite. Sic item  
 reliqua malitiæ instrumenta sunt ueluti gladii,  
 quibus membra à proprio corpore amputan-  
 tur, & omnia seiunguntur à capite, quorum se-  
 ctionem perturbationes efficiunt. Vt igitur to-  
 tum corpus in naturali amicitia cum capite per-  
 maneat, æquum est, ut mutua concordia sin-  
 gula item membra inter se coniungantur. Quã-  
 obrem cum ipsum caput non modo purum,  
 integrum, castumq; sit, sed ipsa quodam modo  
 puritas, integritas, & castitas existimetur, quæ  
 sub eiusmodi caput membra concurrunt, ea  
 item pura, incorrupta, castaq; sint, consen-  
 taneum est. Denique quidquid de capite cogi-  
 tamus, ut pacem, sanctimoniam, ueritatem, &  
 alia omnia eiusdem generis, in mēbris quoque



conspicienda sunt. Hæc enim dum cernuntur in membris, ea capiti cognata esse, eiq; naturali necessitudine testificantur cohærere. Sic enim Paulus dicit, Christum esse caput, ex quo totum corpus per nexus & coniunctiones subministratum & constructum crescit in augmentum Dei. Illud præterea ex hoc capitis nomine discere debemus, quemadmodum in animalibus ex capite prouenit corpori ad agendum occasio atque incitatio, si quidem & pedum, & manuum motus atque opera omnia, oculorum & aurium ope diriguntur. etenim nisi oculi præsent fatagenti, & aures imperium excipiant, nihil eorum, quæ proposita sunt, recte fieri potest: sic ex ueri capitis sententia corpus in rebus omnibus modo ad hoc, modo ad illud agendum dirigi & moueri oportere, quocunque ille, qui finxit oculum, & plantauit aurem, ducet. Quando igitur caput, quæ supra sunt, respicit, opus est, ut, quæ capiti apte subnexa sunt membra, ipsius capitis ductum, sequantur, & ad ea, quæ sancta sunt, tendant. Verum quoniam eum esse primogenitum creaturæ discimus, & primogenitum ex mortuis, & primogenitum in multis fratribus, primum quidem hæreticas opiniones refutemus, quarum improbitas ex prædictis uerbis, quæ nihil pro illis faciunt, statuendi dogmatis occasionem accepit: deinde, quæ nobis ad uitam & mores ex his conducunt, considerabimus. Hostes igitur Dei

Col. 1. d.

Psal. 93. b.

Col. 1. c.  
Rom. 8 f.



*Rom. II d.* Unigenitum Deum, uniuersi effectorem, ex quo, & per quē, & in quo omnia, factum esse dicunt & creatum à Deo, ideoq; ut creaturæ fratrem, dici Creaturæ primogenitum asserunt, cum temporis iure tantummodo præcellat, quemadmodū Ruben nō natura sed temporis prærogatiua propriis fratribus præponebatur. Illud in primis contra istos dicendum est, eundem nō posse & unigenitum & primogenitum credi: aut enim unigenitus est, aut ex fratribus primogenitus: si unigenitus, fratres nō habet: si fratrū primogenitus, unigenitus neque esse, neque dici potest omnino. Quare cum hæc nomina in eodem conuenire coniungiq; nequeant, quōd fieri non possit, ut idem & unigenitus & primogenitus nominetur; in scriptura autem de uerbo illo, quod erat in principio, dicatur, unigenitus Deus; & rursus apud Paulum, primogenitus omnis creaturæ: ueritatis iudicio sic oportet hæc nomina separare & distinguere diligenter, ut unigenitum intelligamus id Verbū, quod est ante secula: omnis autem creaturæ in Christo factæ, Verbū carnem factum esse primogenitum. Quōd si, quo modo ille & primogenitus ex mortuis & primogenitus in multis fratribus intelligatur, didicerimus, simul etiam, quo modo sit creaturæ primogenitus, cognoscemus. Est igitur ex mortuis primogenitus, aut primitiæ dormientium factus, ut omni carni ad resurrectionem iter

*Io. 3. b.*  
*Col. 1. c.*

*1. Cor. 15. c.*



aperiret. Cumq; nos, qui natura eramus filii  
 iræ, cœlesti generatione per aquam & spiritum  
 filios lucis, & dei filios esset effecturus, eiusmo-  
 di generatione in Iordanis flumine dux ipse  
 præcessit, ut ad naturæ nostræ primitias spiri-  
 tus, gratiam attraheret, id est, ut omnes ex spi-  
 rituali regeneratione ad uitam generatos fratres  
 ipse per aquam & spiritum antegenitus consti-  
 tueret. Ad eundem modum creaturæ in Chri-  
 sto generatæ ipsum primogenitum cogitantes  
 ab opinione pia minime recesserimus. Quoniã  
 igitur uetus creatura ingressa est per peccatum  
 & inutilis reddita, necessario perditorum subi-  
 uit uia noua uitæ creatura, quæ per regeneratio-  
 nē & resurrectionē ex morais cōstituitur, cuius  
 princeps auctorq; uitæ primogenitus est & ap-  
 pellatur. Atque hæc quidē pauca studiosis ad re-  
 pellendos aduersarios & ad perspiciendā ueri-  
 tatē satis erunt. Quare iam, quàm utilia sint hæc  
 uerba ad uirtutē & uitā, breuiter percurramus.  
 Ruben eorum, qui post se geniti sunt fratres,  
 primogenitus fuit. cognationem autem, qua  
 cum ipso coniuncti erant signum quoque in eis  
 perspicuum primogenito simile testabatur, ut  
 fraterna sanguinis coniunctio formæ similitudi-  
 ne declarata ignorari non posset. Quapropter  
 si nos item eodem modo per regenerationem  
 aquæ & spiritus Domini fratres geniti sumus,  
 qui propter nos factus est primogenitus in mul-  
 tis fratribus, æquum est, ut uitæ signis nostram

1. Tess. 5. 2.

Gen. 29. 2.



1. Petri. 2.  
d.

10.5.6.

cum ipso necessitudinem ostēdamus: uita enim nostrae formam impressit primogenitus creaturae. Quae autem sit eius formae nota, ex scriptura saepe commemorauimus. Qui peccatum, inquit, non fecit, nec inuentus est dolus in ore eius. proinde utrum illius, qui generatione praecessit, appellari fratres debeamus, innocentia uirae testimonium dabit, si nulla macula à puritatis coniunctione nos separauerit. Præterea iustitia est primogenitus, & sanctificatio, & charitas, & alia eiusmodi. quibus si uita item nostra fuerit insignita, adeo præclara præbebimus nostrae nobilitatis indicia, ut, qui illa conspexerint in nostra uita, ipsi quoque, nos Christi fratres esse, sint testes futuri. Qui enim nobis ad resurrectionem aditum patefecit, & ob id primitiae dormientium factus est, ut nos omnes resurgeremus in ictu oculi, in nouissima tuba, idem omnibus tam à se stantibus, quam morte multatis exhibuit. Verum in ea, quae futura est uita, non idem omnes è terrae tumultu surgentes excipit status. sed ibunt, inquit, qui bona fecerunt, in resurrectionem uitae, qui uero mala egerunt, in resurrectionem iudicii. Quamobrem si cuius uita ad formidandam illam spectat condemnationem, is tamen si per regenerationem ad fratrum Domini numerum forte ascriptus sit, nomen ementitur, in malitiae forma nullam præse ferens affinitatem cum exemplari. Mediator autem Dei & hominum, qui per



se ipsum sese coniungit Deo, quod quidem ea  
coniunctione dignum est, quemadmodum uir-  
tute diuina hominem induit eatenus quidem hu-  
manæ naturæ participem, ut nullis naturæ per-  
turbationibus ad peccatum excitantibus subia-  
ceret, peccatum enim, inquit, non fecit, nec in-  
uentus est dolus in ore eius: sic homines singu-  
los ad diuinitatis cōmunionem adducet, si nihil  
ea diuinitatis coniunctione indignum afferant.  
Si quis nimirum uere sit templum Dei, nul-  
lumq; malitiæ simulachrum aut statuam conti-  
neat, is à mediatore, ut diuinitatis particeps fiat,  
admittetur, cum purus sit, & ad puritatem ip-  
sius suscipiendam idoneus. Neque enim in ma-  
leuolam animam, ut scriptum est, introibit sa-  
pientia. Et qui mundus est corde, nihil in se ip-  
so præter Deum uidens, incorrupteq; sibi ipse  
cohærens, omne bonū regnum accepit. Cæte-  
rum id, quod dico, magis perspicuum fiet, si  
uerba, quæ Dominus Apostolis per Mariam  
nuntiari uoluit, considerabimus. Ascendo, in-  
quit, ad patrem meum & patrem uestrum, &  
Deum meum & Deum uestrum. Hæc enim ait  
mediator inter patrem & præcones suos, qui  
inimicos Dei conciliauit ueræ & soli diuinitati.  
Nam quia per peccatum homines à uentre, in  
quo formati fuerāt, pro ueritate mendacium lo-  
quentes, decepti sunt, ideo naturæ communis  
primitias per corpus & animam assumens, easq;  
nulla malitia mistas aut contaminatas in se con-

I. 2. 2. d.

Sap. 1. a.

Io. 22. d.



Heb. 2. d.

Matth. 24.  
b.

2. Cor. 9. c.

seruans sanctas effecit, ut eas incorruptas dedicans patri, simul etiam traheret, quidquid eis natura & genere cognatum esset, & eos, qui abdicati reiectiq; fuerant, filios redderet, & inimicos Dei, diuinitatis eius participes faceret. Vt ergo Massæ primitiæ puritate atque innocentia uero patri & Deo conciliatæ sunt, sic etiam nos, qui massa sumus, eisdem rationibus cum ueritatis patre coniungemur, si mediatoris innocentiam & constantiam pro uiribus imitabimur. Sic enim erimus unigeniti corona Dei, honor & gloria per uitam effecti. Nam Paulus dicit; quoniam minuisti eum paulo minus ab Angelis, propter cruciatum mortis. Maiores enim nostros in spinæ naturam ob peccatum conuersos sibi ipse ex mortis dispositione coronam fecit, & spinam in honorem & gloriam patiando commutauit. Quocirca cum semel mundi peccatum sustulerit, & capiti coronam de spinis acceperit, ut ex honore & gloria coronam contexeret, non paruum periculum est, ne aliquo modo propter improbam uitam tribuli esse & spinæ deprehendamus. atque ita in media Domini corona, quæ per communionem corporis eius fit, inserti, uocem illam iustam omnino exaudiamus: Amice, quo modo huc intraisti, non habens uestem nuptialem? quo modo te, cum esses spina, inter eos, qui ad coronam meam ex honore & gloria conficiendam apti sunt, contexuisti? Quæ conuentio Christo ad Belial?



ad Belial? Quæ pars fidei cum infidei? Quæ societas luci ad tenebras? Ne quâdo igitur uita nostra contra nos eiusmodi uerbis compelleretur, omni studio nobis in eam curam est incumbendum, ut spinosa omnia tum facta, tum dicta, tum cogitata ex omni nostra uita conuulsa proiiciamus, ut pura innocentique uiuendi ratione honor & gloria efficiamur, atque uniuersi caput nobismet ipsis uti re pretiosa coronemus. Nullius enim rei uilis uult esse Dominus ille, qui gloriæ Dominus est. Quisquis igitur in lumine tum abscondito tum manifesto abhorret ab omni turpitudine & uanitate, eum, qui gloriæ non ignominia Dominus est, sibi principem constituit. Præterea principium est, atque adeo rerum omnium principium minime alienum ab iis, quæ ex ipso consequuntur. Quamobrem si quis uitam principium esse definiet, uita post principium intelligetur. Si lux est principium, & ea post principium cogitabitur. Quid igitur eum principium esse credentes assequimur? id nimirum, ut tales simus, quale principium nostrum esse credidimus. Neque enim tenebrarum principium lux dicitur: neque, cum ad principium uita sit instituta atque directâ, eum ordinem & uitæ continuationem mortem esse didicimus. Quod si quis naturæ similitudine non sequatur principium, quod præcedit, ei que apte innocentia uirtuteque cohæreat, eius principium esse non poterit ille, qui rerum principium est. Obscu-

P

*Psal. 23. b.*

*Col. 1. c.*

*Io. 14. a.*

*Io. 8. b.*



Esa. 9. 6.

Apoc. 7.

ræ tenebricosæq; uitæ principiū est mundi istius  
 ac tenebrarum princeps. Mortiferi peccati prin-  
 cipium est ille, qui mortis habet potestatem.  
 Iccirco non potest eum, qui bonorum omniū  
 principium est, principium suum esse dicere,  
 qui sub tenebrarum principio flagitiose uitam  
 instituit. Qui uoces diuinas ad propriam utilita-  
 tem excipiunt, eodem modo animis afficien-  
 tur, cum iustitiæ pacisq; regem nominari Chri-  
 stum intelligent. Etenim qui ex precandi disci-  
 plina obsecrat, ut in se ipsum ueniat regnum  
 Domini, cum eum, qui uere est rex, iustitiæ  
 & pacis regem esse cognouerit, iustitiam pror-  
 sus & pacem in propria uita complectetur, ut  
 in se rex iustitiæ & pacis regnet. Quòd si huius  
 regis exercitum uirtutes faciūt, (nam iustitia &  
 pace arbitror uirtutes omnes intelligi) qui Dei  
 militiam deferens se tanquam malitiæ inuento-  
 ris militem abiecto iustitiæ thorace & omni ar-  
 matura pacifica in acie aduersariorum consti-  
 tuet, quo modo hic à ueritate alienus sub iusti-  
 tiæ rege collocabitur? eius enim armaturæ insi-  
 gne plane regem ipsius indicabit, quippe qui ui-  
 uendi ratione tanquam impressa armis imagine  
 ducem ostendat suum. Quare beatus ille, qui in  
 diuina militia constitutus est, & ordinibus eo-  
 rum, qui in millibus millium numerantur, ad-  
 scriptus, & contra malitiam uirtutibus arma-  
 tus, quæ in eo, qui ipsas induerit, imaginem re-  
 gis demonstrant. Caterum quid est necesse, ut



eas uoces, quibus Christi nomen explicatur, & ad rectam ex uirtute uiuendi rationem peruenitur, cum ea nominis propria sit uis, ut nobis omnino ad uitæ perfectionem conducat, proponētes, atque ordine declarantes, longius progrediamur? cum satis mea quidem sententia sit, si ea, quæ commemorauimus, memoria breuiter repetētes, in summam redigamus, quæ nobis ad eum finem tanquam dux existat, quem orationis initio proposuimus, quum abs te quæretur, quo modo quis in se ipso perfectum uiuendi genus assequi posset. Si quis enim assidue meditetur & cogitet, se adorandi nominis esse participem, & ex Apostolorum instituto christianum dici, eum ego singularium uitæ appellationum compotem factum, necessario etiam aliorum nominum, quibus filius nuncupatur, arbitror in se ipso ostensurum esse potestatem. Quod autem dico, sic fere habet. Tria sunt, quæ Christiani uitam declarant, atque distinguunt, Actio, Sermo, Cogitatio. Ex his primas obtinet cogitatio. secūdo loco ponitur sermo, qui conceptā & impressam animo cogitationem uerbis aperit & exponit. post cogitationem & sermonem actio ordine collocatur, quæ animo cogitata factis exequitur. Si quid horum igitur nos, ut fit, aut ad agendum, aut ad cogitandum, aut ad loquendum ducit, opus est, ut omnia nostra tum dicta, tum facta, tum cogitata ad diuinam earum notionum, quibus



Christus declaratur, regulam sic dirigantur, ut nihil cogitemus, nihil dicamus, nihil faciamus, quod à sublimi earum significatione recedat.

*Rom. 14. d.* Nam ut, quidquid non est ex fide, Paulus peccatū dicit, ita nos eodem modo cogitantes plane possumus affirmare, quæcunque nō respiciunt Christū, seu uerba, seu opera sint, seu cogitationes illa omnia ad id omnino spectare, quod Christo cōtrariū est. Qui enim extra lucem & uitam est, is in tenebris prorsus & morte non esse non potest. Quamobrem si, quod ex Christo non fit, & cogitatur, illi, quod est bono contrarium, coniunctum est: ex hoc, qui genitus est, à Christo seiunctum esse, cuius manifeste patet ex iis, quæ uel cogitat, uel agit, uel loquitur. Diuina igitur illa prophetæ uerba uerissima sunt. Præuaricantes reputaui omnes peccatores terræ. Ut enim qui Christū in persecutionibus negat, diuini nominis præuaricator est: sic etiam, si quis ueritatem, & iustitiam, & sanctitatem, & integritatem, & si quid aliud uirtuti conueniens cogitatur, negat, & , quo tempore contra perturbationes et uitia fortiter pugnandum est, uitæ constantiam abiicit, is à propheta præuaricator appellatur. In his enim singulis à Christo, qui est illa omnia, uita recedit, & præuaricatur. Quid igitur aliud eum oportet facere, qui magno Christi cognomine dignus effectus est, nisi ut omnia sua tum cogitata, tum dicta, tum facta diligēter exploret, & , utrum eorum singu-

*Psal. 113.*



la ad Christum tendant, an ab illo sint aliena, di-  
iudicet? Multis autem modis fit hæc præclara  
diuudicatio. Quidquid enim perturbatione ali-  
qua aut agitur, aut cogitatur, aut dicitur, id cum  
Christo minime congruit, sed aduersarii notam  
& imaginem gerit, qui animi margaritæ pro  
cœno perturbationes admiscet, ut pretiosi lapi-  
dis splendorem deformet ac deleat. Quod uero  
ab omni turbida affectione uacuum & purum  
est, id ad tranquillitatis auctorem & principem  
spectat, qui Christus est, ex quo tanquam ex  
puro incorruptoq; fonte, qui suas animi notio-  
nes atque affectiones haurit & deriuat, talem  
cum principio atque origine similitudinem præ-  
se feret, qualem obtinet cum ipso fonte, quæ in  
riuulo decurrit, quæq; in amphora resplen-  
det aqua. Etenim una & eadē est, quæ in Chri-  
sto, & quæ in mentibus nostris conspicitur pu-  
ritas. sed illa in fonte nascitur, hæc inde manat  
& in nos deriuatur, eam notionum pulchritudi-  
nem ad uitam secum trahens, ut absconditi ma-  
nifestiq; hominis conuenientia & tanquam con-  
centus quidam appareat, cum uitæ modestiam  
& honestatem notiones ex Christo prouenien-  
tes moderētur & moueant. In hoc igitur ( meo  
quidem iudicio ) christianæ uitæ perfectio fita  
est, ut nominum, quibus Christi nomen signifi-  
catur, participes, eorum uim & animo, & ora-  
tione, & uiuendi institutis exprimamus, ut ab-  
solutam illam à Paulo commendatam sanctita-

1. Tess. 5. d



2. Tim. 2.  
2.

tem suscipientes nos integro & corpore, & animo, & spiritu nulla mali permissione contaminatos conseruamus. Quòd si quis ad perfectam uirtutem assequendam difficillimam esse uiam obiiciat, cum ex omni creatura solus immutabilis sit Christus, inconstans autem natura humana, & ad mutationes procliuus, ideoq; fieri non possit ut ad eam perueniamus, ibiq; firmi & immutabiles consistamus: huic respondebimus, Athletam nullum coronari, qui non legitime certauerit: certamen porro non esse legitimum, si nullus, qui cum pugnes, adsit aduersarius. Quamobrem si aduersarius non est, corona non erit. uictoria enim, nisi aliquid uictum sit, esse non potest. Cum illo igitur, quod in natura nostra mutabile est, tanquã cum aduersario ea ratione cõpositi decertemus, ut ipsum non deiciẽtes, sed cadere non permittentes, uictores simus. Neque uero ad malum tantũmodo propensionẽ habet homo. Nam si ad eam partẽ duntaxat natura procliuus esset, ad bonũ sese non posset cõuertere. Nunc autem pulcherrimũ motionis opus est, ipsum in bonis incrementũ. quum impetu illo, quo ad melius trahimur, is qui recte mouetur, assidue transfertur ad ea, quæ diuiniora sunt. Id ergo, quod formidandũ uidebatur, nempe naturam nostram mutabilem esse, nobis tanquã alas, quibus ad maiora uolemus, præbere demonstrauiamus: damno enim id nobis futurum fuisse, si mutationem ad melius suscipe-



re non possemus. Ne quis igitur uim in natura  
mutationibus aptam & idoneā cernens doleat,  
aut conqueratur, sed sese continenter in melius  
promouens, & de gloria in gloriam transferens  
quotidianis incrementis ita uertatur, ut in dies  
melior & perfectior fiat, nec unquam se ad per-  
fectionis metam peruenisse sibi persuadeat.

Ea enim uere perfectio est, ut qui auge-  
tur in melius, nunquam cōsistat, ne-  
que terminis ullis perfectio-  
nem existimet esse  
conclusam.



DIVI GREGORII NYSSAE

PONTIFICIS ORATIO, QVA  
docet, non esse dolendum ob eo-  
rum obitum, qui in  
fide dormierunt.



VI necessarium na-  
turæ nostræ ordinem  
in iis, qui è uita disce-  
dunt, calamitatē exi-  
stimant, & eos, qui  
ex hoc mundo mi-  
grant ad coelestem pa-  
triam, dolore, & la-  
crymis prosequun-  
tur, non uidentur mihi huiusce uitæ conditio-  
nem considerasse, sed ita affecti esse, ut plerique  
è uulgo, qui consuetudine quadam homine in-  
digna, quæcunque illis adsunt, ut bona diligunt,  
qualiacunque sint. quos tamen ut ratione cogi-  
tationeq; cæteris animantibus præstantes ad ea  
tantum propensos esse oporteret, quæ rationis  
iudicium honesta expetendaq; proponeret, nec  
illa prorsus appetere; quæ consuetudine, & in-  
considerata quadam affectione iucunda, ac sua-  
uia uiderentur. Quamobrem operæpretium  
mihi uideor esse facturus, si operam dabo, ut  
eos liberem ab hoc opinionis errore, quo soli-  
ti sunt perturbari, & ad meliorem homineq; di-  
gniore cognitionem pro uiribus traducam.



Quod quidem si erimus affecuti, temerarium illud dolendi mœrendiq; studium, quo multi tenetur, ex hominũ uita depelletur. Recte autẽ atque, ordine quod proposuimus, persequemur, si primum, quid uere sit bonum, exquiremus: deinde propriam uitæ, quam in corpore agimus, conditionem considerabimus: postremo res præsentes conferemus cũ iis, quas per spem nobis reconditas expectamus. Sic enim disputatio finem propositum assequetur, ut multorum animi ab opinione uulgari ad rectã de uero bono sententiam traducantur. Nam cum omnibus hominibus insita sit naturalis quædam ad bonum propensio, ad illudq; consequendum semper omni studio contendant, fit, ut ex ueri boni ignorantia omnia fere peccata committant. Quod si cuncti uerum bonum perspectum & cognitum haberent, nunquã ab eo, in quo natura felicitatem sitam esse scirent, aberrantes, malis, quæ falsam boni speciem præseferunt, experiendo ultro sese implicarent. In primis igitur hac oratione, quid uere bonum sit, explicemus, ne illius inscitia malum unquam pro bono complectamur. Oportet enim illius, quod quærimus, definitionem quandam proponi, cuius tanquam indicio tuta ueri boni sit nobis inuestigatio. Ecquod autem erit indicium ueri boni? illud nimirum mea quidem sententia, ut quod non ad unam tantum aliquam rem utile, neque quod alio tempore commodum,



alio incommodum, neque quod ita cuiquam  
 profit, ut alii obsit, sed quod & per se ac pro-  
 pria natura sua, & omnibus, & semper bonum  
 sit, id sine ulla dubitatione uerum bonum esse  
 iudicemus. Quod enim nec omnibus, nec sem-  
 per, nec per se sine ulla externa alterius adiun-  
 ctione bonum est, propriam boni naturam nō  
 habet. Quamobrem multi minus considerate  
 res explorantes, in elemētis mundi bonum esse  
 falso sunt suspicati. Si quis enim diligenter con-  
 sideret, nullum eorum nec per se, nec semper,  
 nec omnibus bonum inueniet. Nam quod in  
 unoquoque eorum utile est, cōtrarium aliquid  
 admistum habet. Vt aqua salutaris quidem est  
 animantibus in ipsa degentibus, perniciofa au-  
 tem mediterraneis, si demergantur. Aer contra  
 in ipso natura uiuentibus prodest, aquatilibus  
 autem in eo expositis exitium affert. Sic etiam  
 ignis aliquem nobis usum prebet, sed longe plu-  
 ra inuehit detrimenta. Quid? quōd ne ipse qui-  
 dem sol utētibz, ubique aut semper, aut in o-  
 mnibus prodest, quippe qui & nimio nonnun-  
 quam ardore uehementer noceat, & quæ sibi  
 obiecta sunt, immoderatus exiccat, & morbo-  
 rum persæpe causa sit, & lippientibus, atque o-  
 culis imbecillioribus officiat, & ex humidorum  
 corruptione damna, molestiasq; uiuentibus im-  
 portet. Proinde, quemadmodum diximus, id  
 solum ex omnibus bonum oportet existimare,  
 quod semper & omnibus æque exhibet naturā



boni, nec pro ratione eorum, quæ extrinsecus obiiiciuntur, immutatur. Nam quæ praua quædam consuetudine uidentur hominibus bona, ut quæ ad corpus, ad res externas, ad robur, ad pulchritudinem, ad splendorem, ad opes, ad potentiam, & gloriam pertinent, & alia eiusdē generis, cum per se perspicua sint, silentio prætereunda censeo, ne tot rebus ex se clavis enumerandis frustra laborem infumam. Quis enim ignorat, quàm celeriter formæ dignitas deflorescat? quàm breui corporis robur extinguitur? quàm facile principatus dominum mutet? quàm caducus & fragilis sit gloriæ splendor? quàm stultum ac uanum hominum in cumulanda pecunia studium, qui ob inanem quandam, rarāq; speciem in tam abiectis rebus bonum esse positum arbitrentur? His ita constitutis cōsiderandum uidetur, an præsens hæc uita, quam in carne degimus, talis sit, ut ei nota boni conueniat, an contra. Quod enim de ipsa disputando reperietur, considerantium animos erudiet, quo modo in eorum discessu, qui ex illa migrant, affici oporteat. Est igitur nostri corporis uita repletio, atque exinanitio, quæ quidem dupliciter fiunt tum per cibum, & potum, tum per aeris attractionem, & emissionem. Sic enim natura comparatum est, ut sine his uiuere nequeamus. Nam tunc hominem uita deserit, quando horum contrariorum successio naturam non mouet. Talis enim actio cessat uniuer-



fa, cū nihil extrinsecus in defunctis nec influat,  
 nec effluat: cūq; singulæ cadaueris partes in co-  
 gnata sibi elemēta recedant ac dissoluantur, natu-  
 ra deinceps cōquiescit, suas cuique elemento co-  
 gnatas ac similes partes restituens, terræ, quod  
 terrenū est; quod aereum, aeri; aquæ, quod ex  
 aqua cōstat; & igni, quod illius est proprium.  
 Etenim cum illa corporis moles, quæ per uim  
 ex diuersis generibus coacta concretaq; erat, nō  
 amplius cōsistat, sed omnes illius partes ad suas  
 quæque sedes reuersæ sint, natura, quæ ex illa  
 constabat, uiolentamq; diuersorum generum  
 coniunctionem continebat, finem habet. Si  
 quis autē post illa, quæ dicta sunt, huic generi ui-  
 tæ somnū, & uigiliam adiunxerit, non aberrabit.  
 Nam his quoque natura laborat, assidueq;  
 in cōtraria distrahitur, dum uel somno soluitur,  
 uel uigilia rursus confirmatur. Hac enim ui-  
 cissitudine ad exinaniendum, replendumq; dis-  
 ponitur. Quamobrem si uitæ nostræ propriū  
 illud est, ut à repletionē, exinanitionēq; pen-  
 deat, non alienum erit, ut boni notam & indi-  
 cium cum his, quæ istius uitæ propria sunt, con-  
 feramus, dispiciamusq;, utrum ipsa sint uerum  
 bonum, nec ne. Quod autem ipsa per se reple-  
 tio boni naturæ non quadret, omnibus uel ex  
 actione illi contraria perspicuum fit, exinani-  
 tionem dico, quam æque bonam arbitrantur.  
 Nam boni ratio ac definitio talis est, ut duobus  
 inter se contrariis nequeat conuenire, sed si uni



quadret ut bono, ab altero tanquam malo prorsus abhorreat. Hic autem in utroque natura suam utilitatem habet. Quare boni definitionē nec repletio suscipit, nec exinanitio. Quo circa aliud quiddam, quàm ipsum bonum sit, est ipsa repletio, cum nec ubique, nec semper, nec in omnibus omne genus ipsius à cunctis expendū iudicetur. Non solum enim noxiis cibis expleri perniciosum est, sed quotidianis etiam ac bonis mediocritatis usum transilire, plerumque periculum, & damnū affert. Quòd si, cum corpus repletum est, leuariq; desiderat, alio adhuc oneretur cibo, tum uero contracto malorum cumulo in morbos incidit desperatos & insanabiles. Itaque nec semper, nec plane bonum est repletio, sed ad aliquid & aliquando usui est, & in quantitate, qualitateq; consistit eius utilitas. Eodem pacto & contrariam huic exinanitionem reperies periculosam iis, qui à moderato eius usu recesserint, non inutilem tamen, si prudenter adhibeatur, & eatenus fiat, quatenus ratio quantitatis, & qualitatis, & temporis postulabit. Constat igitur ex iis, quæ dicta sunt, cum boni nota non congruere uitam istam, quam uiuimus: ex quo sequitur, discessum ab ea, non esse seiunctionem ab ullo bono. Nam id, quod uere, & proprie, & primo bonum dicimus, nec repletio est, nec inanitio, quas aliquando, & ad aliquid, & in quibusdam tantum utiles demonstrauius. Quamobrem



cum uere bonum ei, quod non est uere bonum,  
ita contrarium sit, ut nullum inter ea medium  
detur, consentaneum est, eos, qui à non uero  
discedunt bono, ad uerum illud bonum accede-  
re, quod semper, & omnibus, & omnino sit  
bonum, nec pro tempore, aut aliqua ex parte,  
aut in quibusdam, aut propter aliquid, sed sem-  
per, & in eisdem, & eodem modo sese habeat.  
Ad hoc igitur animus à uita corporea profici-  
scitur, & à præsenti diuersum uitæ statum asse-  
quitur: quem nos, qui cum carne coniuncti su-  
mus, plane intueri non possumus; ex compara-  
tione tamen istius uitæ, coniectura quædam il-  
lius fieri potest. Neque enim erit concreta ali-  
qua corporis crassitudo, nec ulla contrariorum  
concurrentis æqualitas elementorum, quorum  
æqualis ac mutua pugna cōstitutionem nostrā,  
ualetudinemq; conseruat. Nam si eorum ali-  
quod uel redundet, uel deficiat, natura pertur-  
batur, ac morbis afficitur. Illa autem uita nec  
inedia laborat, nec cruditate, nec frigora, calo-  
res ue, aut alias aeris iniurias sentit, & illic agi-  
tur, ubi ab omnibus istis laboribus necessariis li-  
beri erimus. Neque enim aut agro colendo,  
aut nauigando defatigabimur. non mercatura,  
non ullo quæstu coinquinabimur, sed ab ædi-  
ficandi, texendi, omniq; sordidarum artium  
miseria uacui tranquillam, ut Paulus ait, ac quie-  
tam agemus uitam: non terra, non mari pugna-  
bimus: non equitatu, non peditatu manus

1. Tim. 2.



conferemus: in apparatibus bellicis non occupabimur; non exigemus tributa: non fossa, non muro nos muniemus, sed ab omnibus eiusmodi laboribus & molestiis remotissimi, nec habebimus ullum ipsi negotiū, nec exhibebimus alteri. Illic enim nec seruitus, nec dominatus; nec paupertas, nec diuitiæ; nec generis splendor, aut obscuritas; nec priuatorum humilitas, nec dignitas magistratuum, nec ulla talis fortunæ conditionis, & ordinis differentia locum habet. Etenim omnium eiusmodi rerum necessitatem excludit illa uita, quæ materiæ expers nulla re eget, in qua naturam animi non ex ficco, humidoq; constare, sed ex diuinæ naturæ cognitione, & huiusce spiritus aerii loco, uero illo sanctoq; spiritu frui non ambigimus. Quæ quidem bona non immutantur ad similitudinē eorum, quæ sunt in hac uita, dum ea uel assequimur, uel amittimus, dum iniicimus, uel eiicimus, sed nunquam explent, nunquam satiāt. Animi nanque deliciæ nō sunt graues, nec fruentium desiderio ullam unquam afferunt satietatem. Ideoq; beata est illa uita, atque immortalis, quippe quæ sensuum libidine non fallitur in bonis diiudicandis. Quid igitur est in ipsa re mali, quamobrem amicorum & familiarum obitu doleamus? nisi qui dolendum existimat, quòd ad uitam perturbationum, ac miseriarum expertem proficiscuntur, in qua plagarum dolores non metuunt, non ignis minas, non ferri



uulnera, non terræmotus, aut naufragii, aut fer-  
 uitutis calamitates, non immanium ferarum im-  
 petus, non uenenatos ac pestiferos serpentium  
 aculeos, morsusq; reformidant. In qua nemo  
 inflatur superbia, nemo humilitate deprimitur,  
 nemo efferatur audacia, nemo timore concu-  
 titur, nemo nec iracundia æstuans, & insaniens  
 excandescit, nec superantis imperum sustinere  
 non ualens metu cōtremiscit. In qua nulla sol-  
 licitudo est, quales sint Regum mores, à quo-  
 nam ferantur leges, quibus ue magistratus com-  
 mittantur, quæ decreta fiant, quæ quotannis  
 imponantur tributa, aut ne immoderata im-  
 brium multitudo fata deprimat, grando ue labo-  
 rum susceptorum spem auferat, aut siccitate,  
 quæ nata sunt, exarescant. Aliorum item ma-  
 lorum, quæ hic sunt, apud eos nullus est timor.  
 Neque enim aut orbitatis tristitia, aut uiduita-  
 tis molestia perturbantur. Illic ex tam multis  
 morborum generibus, quibus corpora nostra  
 uexantur, nullus adest. Illic nec felicibus inui-  
 detur, nec despiciuntur calamitosi. Omnes hæ  
 denique, & id genus aliæ miseriæ absunt ab illa  
 uita quam longissime. Contra uero iuris & le-  
 gum æquabilitas cum summa libertate & pace  
 in eo animorum populo uersatur, cum illud  
 quisque habeat, quod cuiusque uoluntas ex-  
 optat. Quòd si quis ob inopiam consilii, ac stul-  
 titiam suam pro bono malum amplexus sit,  
 nullam eius rei mors culpam sustineat, cum li-  
 berum



berum cuique fuerit, quod uellet, eligere. Cur igitur moerent, qui obeunteis lamentationibus prosequuntur? certe, nisi ab omni perturbatione liberi essent, qui una cum corpore uoluptatem & dolorem exuerunt, æquius illi superstites miserarentur, cum non aliter affecti sint, quàm ii, qui in carcere conclusi uiuunt. Mutua enim res asperas perpetiendi, in tenebrisq; uiuendi cōsuetudine deuincti, deceptiq;, molesta & iniucunda nō putant, quæ perferunt. Itaque si qui eiiciantur è carcere, eorum uicem fortasse reliqui doleant, ignorantia splendoris illius, ad quem ueniunt, qui ab eorum tenebris discedunt. Etenim si, quæ sub die spectacula cernuntur, cognouissent, si pulchritudinem ætheris, si cœli sublimitatem, si nitorem siderum, stellarum choreas, solis ambitum, lunæq; cursum, si eorum, quæ terra gignit, tam uaria pulchraq; genera, si iucundum maris aspectum, cum nullis uentorum flatibus turbatur, sed leniter crispatur, & tanquam pulchre depictū splendet: si pulchratum priuata tum publica ædificia, quibus magnificæ ac splendidæ ciuitates exornantur: hæc, inquam, & his similia si cognouissent, qui in carcere continentur, non dolerent uicem eorum, qui priores è custodia dimissi sunt, tanquam à bono aliquo discessissent. contra potius, qui egressi essent, miseriam infeliciū inclusorum uitam commiserarentur. Eodem modo qui istius uitæ carcere liberati

Q



Matth. 5. a.

sunt, si fieri potest, ut dolendo lacrymandoq;  
 suam erga calamitosos misericordiam osten-  
 dant, uidentur mihi lamentationibus & lacry-  
 mis commiserari conditionem illorum, qui in  
 istius uitæ molestiis, ac doloribus detinentur,  
 quòd res illas pulcherrimas, & à materia remo-  
 tissimas, quæ supra mundum hunc sunt, nō con-  
 spiciant, nempe Thronos, Principatus, Domi-  
 nationes, Angelorum exercitus, piorumq; cœ-  
 tus, ac supremam illam ciuitatem, celeberrimūq;  
 supra cœlum conuentum illorum, qui  
 in ea descripti sunt. Nam illa, quæ his omnibus  
 præstat, pulchritudo, quam ab iis, qui mundo  
 sunt corde, perspicere asseruit, qui non mentitur,  
 maior est, quàm ulla spe coniecturaue concipi  
 ualeat. Neque uero id solum in nobis gemitu,  
 doloreq; dignum putant, qui hinc decesserunt,  
 sed multo magis, quòd, cum tam multis ærum-  
 nis miseriisq; referta sit mortalium uita, tamen  
 eas perferendi consuetudine sic affecti sunt, ut  
 uiuendi moram non iam sibi ut necessariam to-  
 lerandam existiment, sed omni studio contem-  
 dunt, & exoptant, ut perpetua sit. Nam cupi-  
 ditas principatus, & opum, & uoluptatum, &  
 si quid aliud præterea est, quamobrem arma ca-  
 piantur, gerantur bella, cædes fiant, omnesq;  
 miseriæ uoluntariæ contingant, & fraudes ad-  
 mittantur, quid aliud sunt, nisi cumulus quidam  
 calamitatum, quem uitæ per se miseræ uolun-  
 tate, studio, ac libidine sua infelices adiungunt?



cæterum nec lacrymandi uis, nec ulla eiusmodi affectio adest iis, qui ex hac uita migrarunt: & qui à carne, & sanguine seiuncti sunt, non mole, sed mente consistunt. Itaque non ea iam est ipsorum natura, ut nos oculis cernere, aut per se monere mortales queant, quo à falsa, quam de rebus habent, opinione desistant. Quamobrem eorum munere mens nostra fungatur, nosq; commoneat. Ab ipsis corporibus, quoad fieri potest, cogitatione, atque animo recedamus, exuentesq; nos ea affectione, qua carnem complectimur, ita nos ipsi cōpellemus: ò homo, qui naturæ particeps es, quemadmodum Moses præcipit, attende tibi: nosce te ipsum, animoq; diligenter considera, qui nam uere sis tu, & quæ circa te uideantur, ne quando, quæ extra te sunt, aspiciens, putes te ipsum intueri. Disce à Magno Paulo, qui naturam hominis plane perspectam & cognitam habebat. Ait enim, unum esse hominem exteriorem, alterum interiorem, eumq; corrumpi, hunc renouari. Quare cū illū, qui corrumpitur, cernis, te ipsum aspicere ne arbitreris. Et ille quidem aliquando erit à corruptione liber; cum in regeneratione mortalis, & qui dissoluitur, homo, cum immortalis, & qui non dissoluitur, coniungatur. Nunc autem qui extra nos uidetur, fluit, concidit, atque corrumpitur. Hic ergo spectandus non est, quando ne reliqua quidem, quæ cernuntur, spectanda sunt. Quoniam, ut Pau-

2. Cor. 4. d.

Q ii



2. Cor. 4. d.

lus inquit, quæ uidentur, temporaria sunt, quæ autē non uidentur, æterna. Oportet autem, ut cogitationem ad ea, quæ in nobis non uidentur, cōuertamus, idq; nos uere esse credamus, quod sensus cognitionē effugit. Nos igitur ipsos, ut prouerbiū iubet, cognoscamus. Hac enim cognitione expiantur peccata, quæ ab ignorantia proficiscuntur. At non est facile, ut etiam is, qui uere atque ex animo cupit, se ipsum cognoscere, id assequatur. Nulla enim ratio tribuit, ut, quod fieri nequit, effici possit. Nam quod natura corporeis oculis datum est, ut, cum reliqua uideant, se ipsi nequeant intueri, idem animo cōtingit, ut, cum cætera omnia exploret, & quæ extra se sunt, diligenter inquirat, & peruestiget, se ipse uidere non possit. Itaque hac in re animus oculos imitetur, ac quemadmodum illi, cum à natura non habeant eam facultatem, ut semet ipsos in se conuertentes aspiciant, speciem ac formam proprii orbis in speculo cōspicati per imaginem illam sese conspiciunt, sic etiam ipse ad propriam imaginem se conuertat, & quod in exemplari, ad cuius similitudinem factus est, uiderit, id ipsum ut proprium contempletur, & suum. Ab exemplo tamen hoc paululum est discedendum, ut res ipsa proposito congruat. Nam imago, quæ in speculi forma conspicitur, ad oculi exemplar effingitur: in animi uero imagine contra fit. Ipsius enim species ad diuinæ pulchritudinis formam effi-



eta, expressa; est. Itaque tum uere se ipse per-  
 spicit animus, cum exemplar intuetur sui.  
 Quid igitur Deus est, cuius similitudinem ani-  
 mus refert? non corpus, non figura, non spe-  
 cies, non qualitas, non moles aspera, non pon-  
 dus, non locus, non tēpus, nō aliud quippiam  
 eorum, ex quibus ea, quæ ex materia sunt pro-  
 creata, cognoscuntur. Sed his omnibus earūq;  
 similibus rebus summotis, est quiddam, quod  
 mente constat, materiæq; est expers, nec tangi  
 potest, & corpore uacat, & omni dimensione  
 caret. Quocirca cum exemplar sit eiusmodi,  
 consequens est, ut, qui ad eius similitudinem for-  
 matus est animus, eisdem cognoscatur notis.  
 Expers igitur materiæ est, cerni nō potest, mēte  
 sola percipitur, caretq; corpore. Quæ cum ita  
 sint, age cōsideremus, quādo propius ad exem-  
 plaris pulchritudinem accedat humana natura,  
 cū in carne uiuimus, an cū ab illa separati sumus.  
 Nemini dubiū est, quin ut caro ex materia coa-  
 cta cōcretaq; uitæ isti crassæ cōiunctior est, sic ani-  
 mus tunc uere uiuat uitam illam à materia remo-  
 tam, quæ mente sola comprehenditur, quando  
 materiā sibi circuniectā excusserit, & abiecerit.  
 Quod si in corpore uerum ipsum bonū consiste-  
 ret, nobis profecto dolendū esset, cum à carne  
 distrahimur, quoniam discedētes à corpore, ab  
 ipsa boni coniunctione discederemus. Nunc  
 autem quoniam bonum illud, quàm cogi-  
 tari possit, longe præstantius, ad cuius similitu-

Q iii



dinem facti sumus, corporis experts est, mēteq;  
 sola percipitur, nobis autem persuasum esse de-  
 bet, quando per mortem corpus relinquimus,  
 ad naturam illam, quæ ab omni corporea craf-  
 situdine remota est, appropinquare, & carnis  
 exuias tanquam personam quandam nobis im-  
 positam deponentes ad eam redire pulchritudi-  
 nem, quam initio, cum ad exemplaris imaginē  
 creati sumus, habuimus. ea cogitatio lætitiā  
 nobis, non tristitiā deberet afferre, cum intel-  
 ligimus hominem necessario peregrinationis  
 perfunctum munere non amplius in alienis re-  
 gionibus uiuere, sed singulis elementis, quod  
 ab unoquoque ipsorum mutuauerat, reddito,  
 ad propriam sibi naturalemq; domum, puram,  
 ac coelestem illam sedem reuertisse. Hospitium  
 enim profecto, alienumq; domicilium est natu-  
 ræ illi materia carenti corpus hoc, cui mens in  
 ista uita à conditione ipsius prorsus abhorrenti  
 necessario coniuncta conflictatur. Nam mutua  
 hæc elementorum conjunctio est ueluti homi-  
 num uariis & linguis & moribus utentium, qui  
 ex diuersis gentibus in unum confluxerint, uio-  
 lenta quædam societas, atque dissentiens, cum  
 à sua unumquodque natura ad proprium co-  
 gnatumq; genus distrahatur. Animus autē, qui  
 non est compositus, sed simplici, atque unius  
 generis natura cōstat, inter hæc tanquā hospes,  
 ac peregrinus uiuit, nec cum elementorum, ut  
 ita dicam, populo potest congruere. Is enim



necessitate quadā ex multiplicibus corporeisq;  
 particulis coactus naturam suam cogit, & ex  
 contrariis generibus copulatur, atque unum ef-  
 ficitur. Verum cum elementa naturaliter inter  
 se dissentiant, ac dissoluantur, & ad suum pro-  
 priumq; genus singula contendunt, in ea con-  
 centus dissolutione sensus angitur necessario, &  
 una cum ipso sensu cruciatur animus: qui licet  
 ab ipso corpore semper afficiatur molestia, in  
 illud tamen ob consuetudinis necessitudinem  
 propensus est. Quamobrem tunc animus angitur  
 cruciariq; definit, cum à pugna, quæ ex contra-  
 riorum elementorum coniunctione consurgit,  
 euaserit. Etenim cum uel frigidum ab exupe-  
 rante calido uictum fuerit, uel calidum uel frigi-  
 di superatum, uel sicci potentia humidum suc-  
 cubuerit, contra ue siccum ipsum, humiditatis  
 copia dissolutum, cesserit, tunc bello per mor-  
 tem cōfecto, animus, relicto dimicationis cāpo,  
 id est, ipso corpore, pace utitur, & extra acies  
 instructas egressus, uiribusq; suis, quæ comple-  
 xu corporis afflictæ laborabant, per otium re-  
 cuperatis, secum ipse uiuit. His igitur mens ac  
 similibus uerbis in corpore uiuentes alloquitur,  
 talemq; propemodū uocem emittens, uos, in-  
 quit, homines nec plane nostis, ubinam sitis:  
 & quò proficiscendum sit uobis, nondum intel-  
 ligitis. nam & eorum, quæ hic sunt, naturam  
 nulla adhuc ratio potuit indagare. itaque solam  
 uiuendi consuetudinem spectatis, nec intellige-

Q iiii



re potestis, quæ sit corporis natura: quæ sensuum vis: quæ membrorum, quibus ut instrumentis utimini, structura: quæ neruorum per se mouentium actio. Quo modo eorum, quæ in nobis sunt, aliud in ossis naturam, aliud in lucidum oculi splendorem coalescat. Quo modo eiusdem cibi, potusque pars extenuetur in capillos, pars in ungues ad summos digitos dilatetur. Quo modo, qui semper in præcordiis ardet ignis, per arterias in totum corpus emanet. Quo modo id, quod bibitis, cum ad epatis latitudinem accesserit, speciem qualitatemque commutet, & in sanguinem conuertatur. Horum uos omnium ad hoc usque tempus cognitio latuit, ut eam ipsam, in qua uersamini, uitam ignoretis, nedum illam, quæ à sensibus est remotissima, cum sensibus coniuncti cernere ualeatis. Quo modo enim quispiam per sensum id, quod sensu superius est, intuebitur? Vtraque igitur uita à uobis pariter ignoratur, & præsens hæc, quoniam id solum, quod apparet, inspicitis: & altera illa, quia sensus ad eam uestigando peruenire non potest. Quæ cum ita se habeant, cur, o mortales, sic affecti estis? cur hanc licet incognitam ut bonam complectimini? illam autem ut horribilem ac metuendam formidatis? non aliam utique ob causam id agitis, nisi quia, qualis ipsa sit, non cognoscitis. Quæ tamē non est iusta causa metuendi, cum multa sint uel sensibus exposita, uel ab eis remota, quæ licet ignoretis,



non pertimescitis. Nam & quæ sit eorum natura, quæ in cœlo cōspicitis, & quid circa polum cursu contrario motum cieat, quid'ue terræ soliditatem sustentet, aut quo modo fluxa aquarum natura assidue gignatur è terra, nec ipsa terra deficiat, ignoratis, nec tamen ob inscitiam hanc exhorrescitis. Quid? quòd diuinam ac beatam illam naturam rerum omnium præstantissimam, quæ nec cogitatione, nec animo, nec mente plene comprehendi potest, esse quidem creditis, in quo autem consistat, quid'ue ipsa sit, nulla adhuc ratione cōiicere potuistis, atque eam tamen, quam nullis rationibus ualetis intelligere, toto corde, animo, uirtuteq; diligitis? Cur igitur hæc stulta timoris ratio ualet in illa sola, quæ nos post hanc exceptura est, uita, ut, quæ non nouimus, ob id ipsum solum, quòd ea non nouimus puerorum instar, qui inanibus opinionum figmentis deterrentur, formidemus? Qui enim rem aliquam habere cupit perspectam & cognitam, primum operam dat, ut, quæ sit eius natura, diligenter consideret, atque ita, utrum cōmoda, & admittenda, an grauis auertendaq; sit, intelligat. Quod autem incertū omnino, & incognitum est, quis eorum, qui sapiunt, ob id solum, quòd ab usu & consuetudine remotum sit, fugiendum, ut ignis, aut ferræ cuiuspiam imperum suspicetur? cum ipsa nos uita doceat, ne semper usum, & consuetudinem attendamus, sed ad ea, quæ recta hone-



staq; sunt, animos ac studia nostra cōuertamus.  
 Neque enim eadē semper hominibus est uita,  
 sed, dum in uisceribus foetus formatur, propriā  
 illis & conuenientem in utero uitam natura tri-  
 buit. Nec, cum ex utero egressi fuerint, semper  
 inhærent mammæ, sed quandiu imperfectæ il-  
 lorum ætatulæ id congruit & prodest. post au-  
 tem ad alia conuertuntur, nec ubera semper ob  
 consuetudinem appetunt. Post autem, cum in-  
 fantiam exuerint, alia adolescentuli, alia iam  
 ætate prouectiore sequuntur studia, & sine mo-  
 lestia simul cum ætate consuetudinem mutant.  
 Quemadmodum igitur qui in materno uentre  
 nutritur foetus, si uocis usum haberet aliquē, dū  
 in ipso ortu ē uisceribus expellitur, conquere-  
 retur, seq; grauiā pati clamaret, quòd à iucun-  
 da distraheretur uiuendi consuetudine, id quod  
 etiam facit, dum, simulac primum respirat in  
 hanc uitam ingressus, lacrymas fundit, & quo-  
 dam modo indignatur, & dolet, quòd à solita  
 uita discesserit: sic mihi uidentur facere, qui  
 moerent in istius uitæ commutatione, & instar  
 eorum, qui in utero sunt, uelle semper in angu-  
 stis ac terris ipsius in materia demersæ uitæ locis  
 uersari. Posteaquam enim mortis tanquam par-  
 tus dolores quasi obstetricem acciuerint, ut in  
 alteram uitam homines educantur, ipsi quidem,  
 cum ad illam lucem processerint, & purum il-  
 lum spiritum hauserint, experimento cogno-  
 scunt, quantum illa uita ab ista differat. At illi,



qui in humida putridaq; istius uitæ foeditate relinquantur, ut plane foetus quidam in utero, non autem homines, dolent uicem illius, qui prior ex istis, quæ nos ambiunt, angustiis egreditur, tanquam ab aliquo bono discedat, nescientes ei, ad similitudinem infantis, qui per partum in lucem hanc editur, oculos aperiri, oculos, inquam, animi, quibus ueritatem rerum intuetur: aurium sensum patefieri, quo exaudit arcana uerba, quæ non licet, ut ait Apostolus, *1 Cor. 12*, homini loqui: os patefieri, quo purum, à materiaq; alienum haurit spiritum, per quem ad uerba coelestia, uerumq; sermonem edendum confirmatur, cum sanctorum canentium, & choros celebrantium numero admixtus fuerit: diuinum item gustandi sensum tribui, quo, ut in Psalmis proditum est, percipit, bonum esse Dominum: odoratum præterea talem dari, quo Christi fruatur suauitate: eamq; tangendi uim, qua ueritatem animus apprehendit, & uerbum ipsum contrectat, ut Ioannes testatur. Quod si hæc, & alia eiusmodi post mortis partum hominibus reposita sunt, quid sibi uult luctus, & moeror, & squalor? Respondeant hic nobis, qui rerum naturam explorant, utrum melius putent, in bono diiudicando corporeis sensibus decipi, an oculis animi ueritatem ipsam aspicere. Hic enim, ut bonum ipsum animus discernat, alieno iudicio cogitur inferuire. Etenim cū perfectam ipsius uim corpus recens

*1 Cor. 12**a.**Psal. 117.**a.**Psal. 134.**a.**Eph. 1. cap.**1.*



compactum, ac pueriliter agens capere nequeat, perfecta autem sensuum actio simul cum infante nascatur, fit, ut in iudicando bono sensus animum præuertant, &, quod sensibus bonum apparuerit, animo quoque uideatur. Itaque propter institutam consuetudinem animus incōsiderate, ut bonum, amplectitur id, quod sensus colore, & succo, & aliis eiusmodi illecebris bonum dimetiens testimonio suo comprobarit. Quibus post discessum à corpore sublati, necesse est, ut animus id uere bonum existimet, quod proprium ipsi, & natura cōiunctum est. Neque enim amplius pulchra coloris specie illicietur obtutus, ademptis iam oculis. Nec aliud quidquam eorum, quæ sensum demulcent, eligeretur, omnibus corporeis sensibus ablati, relictāq; sola mentis actione materiæ, & corporis experte diuinam pulchritudinem comprehendente, sine ullo impedimento natura proprium bonū percipiet, quod nec color est, nec figura, nec interuallum, nec quantitas, sed omnem coniecturæ similitudinem superat. Cur igitur, inquiet aliquis præsentis uitæ miseria dolens, factum est corpus, aut cur nobis datum? si quidem, ut ostendit oratio tua, uita ab illo seiuncta præstantior est? Respondemus, non paruum ex illo lucrum accedere, si quis omnē naturæ ordinem consideret. Beata quidem est illa Angelorum uita, quæ nulla eget corporis pondere. Attamen neque hæc, quatenus ad



illam dirigitur, est imperfecta. Est enim præfens uita tanquam uia quædam nos ducens ad id, quod speramus. Vt in arboribus uidemus: in quibus cum fructus à flore principiū ducat, per ipsum florem eò progreditur, ut fructus fiat, licet flos non sit fructus. Et ipsæ segetes, quæ ex seminibus proueniunt, non statim spicam ostentant, sed herba primum enascitur, deinde culmus herba corrupta consurgit, tum in summa spica granum perficitur. Quæ cum fiunt, necessarium hunc ordinem, & seriem nō accusat agricola, nec ait, quorsum flos ante fructum? aut cur herba nascitur prius, quā ipsum granum? cum & flos defluat, & herba inaniter exarescat, humanoq; uictui nihil profit? Nouit enim, qui mirabile naturæ artificium intuetur, aliter fieri non posse, ut ex seminibus plantisq; fructus gignatur, nisi ad eius perfectionem artificioso hoc ordine natura uiam muniat. Neque enim, quoniam herba, quæ prius emittitur, inutilis est, eaq; non uestimur, iccirco id, quod fit, est inane, ac superuacuum. Nam qui indiget cibo, nihil aliud nisi utilitatem considerat suam, naturæ uero unum illud propositum est, ut instituto ordine fructū ad absolutionem perducatur. Itaque multiplex primum è iacto semine radix emittitur, qua ex humore nutrimentum attrahatur. Tum herba pullulat, quæ radicem operit, ne ab aere detrimentum accipiat: ac licet ipsa fructus nō sit, uiam tamen præbet quo-



dam modo, & affert auxilium, quo fructus perficiatur. Erenim cum insitam semini uim sic expurgat natura, herbam tanquam fructus excrementum proiciens, tum ea radicem protegit defenditq; ab aeris iniuriis, quæ uel ex frigore, uel ex calore proueniunt. At cum radicibus in imo firmitus munitum est semen, neglecta deinceps herba, quod radix non eget amplius defensione, tota uis ad culmum extollendum, ac perficiendum incumbit. Natura enim artificiosa quadam sapientia sublimem fabricam machinatur, qua germen directum mutuis in circuitu distinguitur tunicis: in quibus principio culmus humidus, ac tener inole scat, necesse est, &, quo tutior sit, geniculis per medium tanquam uinculis muniatur. ubi autem ad congruentem altitudinem ascendit, ita frugem emittit, ut extrematunica ex se spicam edat, quæ aristarum multitudine tanquam capillorum uallo distincta frugem tegit, & imis aristarum receptaculis innutritur. Cum igitur non indignetur agricola nec ob stirpium fibras, nec propter herbam, nec propter spicarum aristas, quæ quidem omnia proueniunt ex semine, sed in his singulis usum quendam perspicit necessarium, quo natura artificiose progrediens, & abiiciens quæ sunt inutilia, frugem perficit, & absoluit; ne tibi quidem iniquo ferendum est animo, quod natura nostra necessarias persequens uias ad proprium finem perueniat. Sed ut in exemplo se-



minum cernis, debes existimare, quod præsens  
 est, ad utile, & necessarium aliquid omnino re-  
 ferri, ac dirigi, neque illud esse, cuius gratia ge-  
 niti sumus. Neque enim foetum creator noster  
 formauit, ut in matris utero permaneremus:  
 neque inde nos educit, ut in infantia, aut in iis,  
 quæ deinceps subsequuntur, ætatibus, natura  
 semper aliam post aliam induente, & formam  
 corporis commutante, degeremus: neque ut  
 corpus ipsum accedente morte dissolueretur:  
 sed ut per hæc, & alia eiusmodi, quæ sunt tan-  
 quam partes illius uia, per quam incedimus,  
 ad statum nostrum pristinum, hoc est, ad simi-  
 litudinem Dei perueniremus. Ac quemadmo-  
 dum ad perficiendam spicam ex naturæ institu-  
 to herbam ostendimus esse necessariam, nec ta-  
 men propter ipsam herbam, nec propter tuni-  
 cas, aut aristas, aut culmum instituitur agricul-  
 tura, sed propter frugem uictui accommodatam,  
 ad cuius perfectionem natura per illa progredi-  
 tur, sic expectatus huius uitæ finis est beatitudo.  
 Quæ uero nunc corpori eueniunt, ut mors, se-  
 nectus, forma incuruata, infantia, informatio  
 foetus in utero, ut herbæ, & aristæ, & culmi,  
 sunt ueluti uia, per quas ad perfectionem spe-  
 ratam contendimus. Quam tibi ipse proponēs,  
 si sapias, nec propter hæc indignaberis, nec ullo  
 modo sic animo afficeris, ut uel ab hac uita de-  
 cedens angaris, uel sponte mortem præripias.  
 Iam illud, licet à proposito nostro alienum esse



uideatur, fortasse non erit inutile ut adiungamus. Nempe naturam assidue in mortē incumbere, uitæq; tempore antecedenti mortem prorsus instare atque inhærere. Etenim cum uita præteriens semper ad futurum contendat, nec ad præteritum unquam reuertatur, quid aliud est, quàm mors, id, quod uitalem actionem usque subsequitur? Quare cū in tempore, quod ante fluxit, desinat motus omnis & actio uitalis, mortisq; proprium sit, res ad interitum, nihilumq; redigere, quod quidem semper actioni præteritæ omnino contingit, non mentitur, qui huic uitæ mortem dicit esse coniunctam. Hoc autem res ipsa uerum esse confirmat, quandoquidem, quod ad subiectam materiam pertinet, homo non est idem hodie, qui hieri fuit. Aliquid enim ex eo momentis singulis moritur, & foetet, & corrumpitur, & abiicitur: cum tetrum natura foetorem ex corpore, tanquam funus ex aliquadomo, efferat, & quod uitalem facultatem iam exiit, terræ tradat. Quamobrem, ut

1. Cor. 15.  
d. Paulus ait, quotidie morimur, quippe qui nō iidem semper manemus in ipso corporis domicilio, sed accessione decessioneq; continua alii ex alio reddimur, & in nouum assidue corpus immutamur. Quid igitur cū morte nos ut hospites peregrinosq; gerimus, cum demonstratum sit, uitam hanc, quam in carne degimus, nihil aliud esse, nisi perpetuam mortis commensationem ac studium? Quid? ipse somnus, atque uigilia,



uigilia, quid aliud sunt, nisi mortis, uitæq; complexus, atque coniunctio? cum & dormientes tanquam extinctos sensus nos deferat, & excitatos uigilia speratæ resurrectionis admoneat? Verum digressionem hac ad alia cōsideranda nos adducite, quod proposuimus, nondum explicauimus. Quare ad propositum reuertamur, ostendamusq; ne corporis quidem naturā inutilem esse ad spem honorum, quæ à nobis expectantur. Etenim si tales mansissemus, quales initio fuimus procreati, Dei similitudine in nobis elucēte, pellicea tunica neuitquā indiguissemus. Diuina enim, quæ principio in nobis cernebatur nota, non in qualicunque figuræ coloris'ue proprietate consistebat, sed quibus insignibus Dei pulchritudo conspicitur, iisdem homo decoratus per beatitudinem ægritudinis & corruptionis expertem exemplaris gratiam exprimebat. Sed posteaquam à uitæ nostræ inimico dolis deceptus ad bestiarum rationiq; contrariam uitam amplectendam uoluntate sua propensior euasit, inconsideratius fortasse rem expendentibus uideretur utile, ut à malo discederemus inuiti, coactiq; ad bonum reuerteremur. At humanæ naturæ effectori inutile uisum est, atque iniquum, ut ob eam dispositionem natura maximi boni iacturam faceret. Nam cū Deo similis, beatusq; ea re esset homo, quod libera præditus erat uolūtate: Iuris enim esse sui, & nullius subiectum imperio, diuinæ est beati-

R



rudinis proprium: si necessitate illum, & ui ad aliquid impulisset, ea spoliasset ipsum dignitate. Qui enim sponte motuq; uoluntario naturam suam ad aliquid eorum, quæ non conueniunt, conuerterunt, si per uim ab iis, quæ sibi ipsi delegerunt, desistere cogantur, bonum illis adimitur, quod habebant prius, eaq; res est priuatio diuini honoris. Liberum enim uoluntatis arbitrium est honor diuino æqualis. Quam obrem ut simul & humanæ naturæ relinqueretur dignitas liberæ uoluntatis, & ipsum auferretur malum, hanc diuina sapientia rationem excogitauit, ut in iis hominem esse fineret, quæ sibi ipse elegisset, quo, gustatis malis, quæ concupiuerat, experiendoq; discens, quæ quibus commutasset, ea cupiditate rursus incenderetur, ut uitiorum perturbationumq;, quæ rationi inimicæ sunt, onere deposito, & uel in præsentia uita precibus sapietiaq; studio purgatus, uel post obitum per expurgantis ignis fornacem expiatus ad pristinam uellet redire felicitatem. Ut enim si quis medicæ facultatis, & eorum, quæ ualerudini uel profint, uel obsint, peritissimus adolescentulo quidem consuleret salutaria, sed ei tamen propter ætatis prudentiaq; imbecillitatem consilio suo persuadere non posset, quo minus à fructu, aut herba aliqua perniciofa temperaret, is, si omne remediorum genus in promptu haberet, permitteret filio, ut re noxia uesceretur, quo morbi molestia, aut dolore ali-



quo affectū, reſq; ipſa paterni conſilii utilitatem agnoſcentem, ualeitudinisq; cupidiorē medicamētis ſuis in priſtinum reduceret ſtatum, unde propter ſtultā cibi peſtiferi cupiditatem excidiſſet: ſi humanæ naturæ dulciſſimus, atque optimus pater, quæ ſalutaria, quæ ue pernicioſa eſſent homini, plane nouerat. itaque illū admonuit, ne pernicioſa cōtingeret. Verū cum rei deterioris cupiditate uictus eſſet, medicamētis non indiguit, quibus eum ad priſtinam ſanitatē reuocaret. Etenim cum corpoream iſtam uoluptatem animi lætitiæ prætuliffet, uiſus eſt quodam modo Deus permittere, hominem eo impetu ferri, propter tunicam illam pelliceam, quam ob eius propenſionem ad malum induit illum, qua quidem tunica naturæ ratione uacantis proprietates homini admixtæ ſunt. Sapientia enim illa, quæ per contraria, quod melius eſt, diſponit, naturæ ratione præditæ beſtiarum indumentum confecit. Nam tunica illa pellicea ſecum ferens omnes proprietates, quas ex beſtiarum natura cōtinet, nempe uoluptatem, iracundiam, gutturis, uentrisq; uitia, & alia eiufdē generis, hominis propoſito præbet occaſionē, ut, ad utrum uelit, ſeſe conuertat, cum uirtutis & uitii materia ſit, in quibus, dum hic uiuit, pro arbitratu ſuo uerſatur. Si neglecto, quod beſtiarum eſt, urbanius uiuendi genus completetur, ratione uincens, quod rationi contrariū eſt, præſenti hac uita uitium ſibi admixtum ex-

R ii



piabit. Sin quò perturbationum imperus ducet, inclinabit, bestiarumq, pellem ad uitia ministram & adiutricem adhibebit, aliud ei deinde ineundum erit consilium, ut ad bonum perueniat, cum è corpore egressus, cognita, quæ inter uirtutem & uitium est, differentia, non poterit diuinitatis particeps fieri, nisi maculas animo immistas purgatorius ignis abstulerit. His de causis corporis usus nobis est necessarius. Eo nanque & liberum nobis adest arbitrium, & reditus non intercluditur, sed hoc ordine & uersu uolentes ad bonum prouehimur, aliis quidem iam inde ab eo tempore, quo uiuunt hic, spiritalem, & à uitiis, ac perturbationibus alienam uitam instituētibus, quales intelligimus Patriarchas, & Prophetas extitisse, & qui unâ cum ipsis, & post ipsos per uirtutē & sapientiæ studiū ad perfectionem reuerterunt, discipulos, & Apostolos, & Martyres dico, & quicumque corporeo in materiaq; demerso honestum & cum uirtute coniunctum uiuendi genus anteposuerunt: qui licet numero pauciores fuerint, quàm illi, qui ad deteriora deflexerunt, exemplo tamen ac testimonio suo uirtutem in carne coli, comparariq; posse testantur: Aliis autem post hanc uitam purgatorio igne materiæ labes & propensionem ad malum abstergentibus, & ad gratiam initio naturæ concessam uoluntaria bonorum cupiditate redeuntibus. Alienorū enim cupiditas in natura perpetuo nō inhæret. Quo-



niam naturæ non est propria, quodq; nullam  
 principio cum ipsa societatem habebat, unicui-  
 que satietatem & fastidium affert, solumq; id,  
 quod illi cognatum, ac simile est, optandum  
 ipsi semper amandumq; relinquitur. Quod si ui-  
 tio deprauatæ uoluntatis aliquo modo degene-  
 rauit, tunc inest illi cupiditas rerum externarū,  
 quibus fruendis non ipsa natura, sed naturæ af-  
 fectio delectatur, qua quidem affectione depul-  
 sa rerum etiam externarum cupiditas discedit:  
 & quod illi suum, ac propriū est, rursus ama-  
 bile manet, & expetendum. id autem est pu-  
 rum, & à materia corporeq; seiunctum: quod si  
 quis præstantissimæ rerum omnium diuinitatis  
 proprium dicat, non errabit. Quemadmodum  
 enim corporis oculis, si acutior aliqua destilla-  
 tio nervos, uidēdi spiritum subministrātes, per-  
 turbauerit, amicæ sunt tenebræ, propter simili-  
 tudinem, quam obtusi iam, atque hebetes cum  
 illis habent: at si curatione aliqua conficiatur,  
 ac deleatur id, quod nervis illis officiebat, lu-  
 cem oculi rursus, ut propriam sibiq; cōgruen-  
 tē amant, quæ pupillæ puræ, & per se uidenti  
 commiscetur: eodem modo, posteaquam ini-  
 mici fraude uitium instar cuiusdam destillatio-  
 nis defluxit in oculos animi, uitam tenebrico-  
 sam ut sibi propter ægritudinem conuenientem  
 adamarunt. Quisquis enim male agit, odit lu- 10.3.0.  
 cem, ut uox diuina testatur. Malo autem con-  
 sumpto, & rursus ad nihilum redacto, natura



eo depulso, quod animi oculos hebetabat, cum uoluptate lucem iterum intuetur. Ex his igitur, quæ dicta sunt, patet, carnis naturā iniquo animo prosequi, stultū esse. Neque enim ab illa pēdet malorū causa. Nam si sic esset, eandem haberet in omnes uim, qui corpoream sortiti sunt uitam. Verum cum ii, quos commemorauimus, sic ex uirtute uixerint, ut, cum in carne essent, nullis tamen se uitiis obstringerent, perspicuum est, corpus non esse uitiorum causam, sed propriam cuiusque uoluntatem, quæ se uitiis contaminat. Corpus enim naturæ suæ conuenienter mouetur, ad eaq; quibus statum suum tuetur, atque conseruat, impulsu proprio fertur, & trahitur. Exēpli gratia cibo, potioneq; indiget, ut, quod deperditur uirium, instauretur. itaque cibum potionemq; appetit. Natura corporis, quæ mortalis est, procreationis ferre fit immortalis. iccirco conueniens illi procreandi appetitus insitus est. Ad hæc cū idoneo pilorum præsidio corpora nostra munita non sint, uestimētis extrinsecus admotis indigemus, cumq; caloris, & frigoris, & imbrium uim perferre nequeamus, domos, & tecta nobis construimus. Qui prudenter necessitatem considerat, eius habita ratione hæc & alia eiusmodi sine sollicitudine comparat, appetitioniq; terminum constituit, usum necessarium. domum igitur, uestimentum, coniugium, cibumq; naturæ supeditat, ut rebus necessariis sustentetur. Qui ue-



ro uoluptatum est feruus, per necessarios usus  
 uitis aditū aperit, alimentiq; loco delicias quæ-  
 rit: pro uestimento sectatur elegantiam orna-  
 mētorum: pro ædium usu colit amplissima ma-  
 gnificentissimaq; palatia: pro legitima liberorū  
 susceptione, legibus contrarias, atque nefarias  
 libidines aucupatur. Quibus de causis latis por-  
 tis ingressa est in hominū uitam auaritia, molli-  
 ties, & otium, & superbia, & ostentatio, multi-  
 plexq; luxuria. Hæc & horum similia uitia, ut  
 strolones, aut rami quidam inutiles, præter uitæ  
 usus necessarios prouenerunt, dum necessitatis  
 terminos transilit appetitus, hominesq; non cu-  
 rant, honestis studiis, ut arbores utilibus ramis,  
 dilatari, & edere uirtutis fructus. Quid alendo  
 corpori prosunt argentea uasa, auro, gemmisq;  
 tanquā floribus distincta atque exornata? Quæ  
 usum afferunt uestes aureis purpureisq; filis cō-  
 textæ, & uaria elaboratæ pictura, qua & prælia,  
 & uenationes, & aliæ res eiusmodi in tunicis &  
 indumentis ab artificibus describuntur? Quæ  
 quidē luxuria semper auaritiā comitē habet. aua-  
 ritia uero patefacit aditū inexplibili cupiditati.  
 est enim, ut ait Solomon, doliū pertusum, quod  
 qui conātur implere, frustra laborāt, & uaciū  
 semper inueniūt. Corpus ergo nō affert malo-  
 rū causas, sed ipsa uoluntas, quæ necessariū usum  
 ad absurdas & inutiles cupiditates detorquet. Ne  
 mo igitur temere & incōsiderate nostrū accuset  
 corpus, quo postea per regenerationē in statū di-



uiniorem cōmutato animus decorabitur, cum ab inutilibus illud & superuacaneis sordibus & incōmodis mors expurgauerit, ut uita futura perfruatur. Nam quæ illi nunc cōgruentia sunt, iis non utetur in altera uita, ad cuius fruenda bona fiet apta accōmodataq; corporis nostri cōstitutio. Non alienū autem erit, ut, quod dicimus, notæ peruulgataq; rei cuiuspiam exemplo declaremus. Artiæ rariæ utilis est ferri infecti illaboratiq; massa, dum ea pro incude faber utitur. At cū opus est ferro ad opus aliquod subtilius, & magis elaboratū cōficiendū, tunc igne diligenter expurgātur massæ illius, terreæ atque inutiles feces, quas, qui artis eius periti sunt, scoriam appellant. Atque ita quod olim erat incus, rudis uel ferri massa, subtiliter elaboratū lorica fit, aut aliquod aliud opus egregium, & expolitū, superuacaneis in fornace excoctis abiectisq; sordibus, quæ tamen in ipso incude aut massa consideratæ superuacue nō putabantur. Confert enim aliquid ad ferri molem etiam scoria in massa permista. Perspicuū quidem exemplū, sed quorsum spectat? Illuc nimirū. Multas nunc habet natura corporis sordes, ac ueluti scoriam quandam, præsentī uitæ nō inutilem illam quidem aliquo modo, sed tamen alienam ab ea felicitate, quam expectamus. Quemadmodū igitur in fornace ignis aufert, & absomit, quidquid in ferro est inutile, sic in ipsa morte corpus ab omni re superuacanea atque inutili per mortalitatis so-



lutionem liberatur. Quæ autē sint ea, à quibus corpus in posterum expurgabitur, quæ nisi hic adestent, præsens hæc uita damnū faceret, licet cuius studiose cōsideranti facile sit intelligere, tamen quo planius etiam constet, ut à proposito exemplo nō recedamus, breuiter à nobis etiā recensentur. Massa igitur sit appetitio, quæ naturaliter est omnibus insita. scoria autem, & feces, ea, ad quæ nunc impetu ducitur, & trahitur appetitio, nempe uoluptates, diuitiæ, gloria, principatus, iracundia, tumor, arrogātia, & id genus alia, à quibus omnibus nos expiatis mors, ac plane liberos reddit. His enim exuta uacuaq; appetitio ad id, quod solum expetendū, optandum, amandumq; est, uim transfert suam, non extinguens penitus insitos ad hæc impetus à natura, sed eos cōuertens ad illa bona perfruēda, quæ à materia seiuncta sunt. Nam illic uiget ueræ pulchritudinis amor, qui nunquam extinguitur. Illic laudabilis adest sapientiæ diuitiarū cupiditas, & præclarum ac bonum gloriæ studium, quod in Dei regni societate cōsumitur, honestumq; diuinarū epularum desiderium, quæ degustatæ nullam unquam afferunt satietatem. Quamobrem qui nouit, totius orbis auctorem & opificem Deū opportuno tempore corporis molē ac massam in arma bonæ uoluntati suæ grata acceptaq; conflaturū, & loricam iustitiæ, ut inquit Apostolus, gladiumq; spiritus, & galeam spei, atq;ne omnem diuinam armaturam

Eph 6 c.  
1. Tess. 5. b.



Eph. 5. f.

perfecturam, diligit corpus suum ex præscripto legis, quam tulit Apostolus, nemo, inquiens, proprium corpus odit. Purum igitur ac mundum corpus oportet diligere, non autem sordidam eius scoriam, quæ repudiatur & abiicitur.

2 Cor. 5. a.

Verum est enim, quod continet diuina scriptura, nos, si terrestris domus nostra huius tabernaculi destruat, tunc ipsam inuenturos ædificationem à Deo factam, domum non manu constructam æternam in cœlis, dignam, quæ Dei sit domicilium in spiritu. Ac domus quidem illius non manufactæ figuram, & formam, & exemplum mihi nemo describat ad similitudinem earum, quibus proprietate distinguimur.

1. Thes. 4. d.

Etenim cum diuinis oraculis non solum prædictum sit nobis, nos in uitam esse reuocandos, & resurrecturos, uerum etiam promittatur in ipsa diuina scriptura per ipsam resurrectionem immutari atque renouari nos oportere, omnino necesse est, ut, in quid immutandi simus, ideo prorsus ignoremus, quod nullum eorum, quæ speramus, exemplum in hac uita simile contuemur. Nunc enim, quæ crassa, & solida sunt, natura deorsum feruntur. Tunc autem sic immutabuntur, ut sursum tendant. Nos enim, ut scriptum est, posteaquã natura per resurrectionem in omnibus in uitam reuocatis fuerit commutata, rapiemur in nubibus obuiam Domino in aera, atque ita semper cum Domino erimus. Si igitur qui immutantur, corporis pondus nõ re-



tinent, sed diuiniorem in statum translati simul  
 cum natura incorporea in sublimi uersantur, pla-  
 ne consentaneū est, ut color, figura, circumscri-  
 ptio, & reliquæ corporis proprietates aliqua ra-  
 tione diuinius cōmutentur. Idcirco tamen si ui-  
 demus non esse necessarium, ut in iis, qui resur-  
 rectione immutabūtur, ulla eiusmodi appareat  
 differentia, qualem propter eorum, qui succe-  
 dunt, ordinem, necessario natura nunc habet,  
 nō tamen possumus explicare quales futuri sint,  
 in illa cōmutatione. Vnū quidem fore omniū  
 genus, unumq; Christi corpus futuros omnes,  
 atque unam omnibus formā imprimendam, di-  
 uina in cunctis imagine æqualiter elucente, non  
 ambigimus. idq; , quod talium proprietatū lo-  
 co in naturæ immutatione sumus habituri, præ-  
 stantius esse dicimus, quàm ut ulla cogitatione  
 conicere ualeamus. Ac ne tali in re nostra pla-  
 ne rudis oratio deprehēdatur, dicimus, maris, &  
 foeminæ differentiam nullū naturæ usum præ-  
 biturā, nisi quandam ueluti filiorū susceptionis  
 similitudinem promissa illa à Deo bonorum co-  
 pia dignam intelligamus, ut eiusmodi partui gi-  
 gnendi uis naturalis inseruiat, qualē sentiebat E-  
 saias, cū diceret: Ex timore tuo domine cōcepi- *Esa. 26. d.*  
 mus, & parturiuimus, & peperimus, spiritūq; sa-  
 lutis tuæ fecimus in terra. Nā si bonus est partus  
 huiusmodi, salutisq; causa est procreatio filio-  
 rū, ut ait Apostolus, nullus unquam illic gignen- *1. Tim. 2.*  
 di salutis spiritū finē faciet, qui tali partu sibi co- *d.*



piam bonorū semel pepererit. Sin aliquis ean-  
 dem formam nobis reuiuiscantibus futuram dis-  
 cat, ego nec, ut eius sententiæ subscribā facile ad-  
 duci queam, nec, utrum res aliter habeat, cogita-  
 re. Multa enim absurda illius, qui ita sentit, opi-  
 nionem consequuntur, cū non eadem semper  
 in eodem homine species formaq; maneat, sed  
 pro ætatum affectionumq; uarietate assidue cō-  
 mutetur. Etenim qui nunc est adolescens,  
 infans puerq; fuit, mox erit uir, deinde ad uitæ  
 medium terminum ueniet, post illum transi-  
 bit, fietq; iam ætate prouectus, & senex. Et  
 qui horum in aliquo sunt ætatis gradu, nō sunt  
 inter se similes, sed alius regio morbo squali-  
 dus est, alius aqua intercute inflatus, alius con-  
 fectus tabe, alius praua carnis redundantia cor-  
 pulentus, alius bilis, alius sanguinis, alius pi-  
 tuitæ nimia laborat copia, qui quidem omnes,  
 ut tales reuiuiscant, & iisdem cum morbis ma-  
 neant, minime putandum est, cum omnia tunc  
 in meliorē, diuiniorēq; statum immutatione  
 sint conuertenda, nec facile rursus est explica-  
 re, qualis futura sit præclara illa forma, qua de-  
 corabimur, cum spe nobis proposita sint ea bo-  
 na, quæ nec oculis, nec auribus, nec cogitatio-  
 ne possumus comprehendere. Quod si quis for-  
 mam, qua dignosci ualeamus, in certa morum  
 qualitate diceret sitam collocatamq; fore, is nō  
 prorsus forsitan aberraret. Vt quemadmodū  
 nunc quadam elementorum in nobis mutatione



differentes in unoquoque notas impressas cernimus, prout alicuius eorū maiore minoreue copia propria cuiusque forma colorq, fingitur, ita quæ tunc propriam singulorū formā exprimant, non elementa futura sint, sed uitiorū, aut uirtutū quædam inter se hoc, aut illo modo cōmixtio, qua expressa uniuscuiusque species apparebit: Cuius rei simile quiddam propemodū hic etiam contingit, cum ipse uultus intīmā animi affectionē indicat, ut hunc mœrore uinci, illū efferri iracūdia, aliū flagrare cupiditate, aut contra hunc natura lætum, illum minime iracundū, aliū insigni quadam modestia præditū, facile cognoscamus. Quemadmodū igitur in hac uita animi affectio est ueluti forma quædā in uultu, atque oculis expressa, qua, quo modo se intus habeat homo, declaratur: sic mihi uidetur, cum natura hominis diuiniorē adepta sit statū, ex moribus quisque suis effingi, nec aliud esse, aliud uideri, sed qualis est, talis omnino cognosci, ut qui castus, qui iustus, qui māfuetus, qui purus, qui benignus, qui pius, atque inter hos qui bonis omnibus, aut qui uno tantū, aut pluribus ornatus, quiq; in uno quidē inferior sit, in alio autē superior, cōstet. Ex his enim similibusq; magis, minusue præstātibus proprietatibus, quæ in ipsis cōspicue sunt uariæ, singulorū differentiæ distinguuntur, donec nouissima tandem, ut Paulus <sup>1. Cor. 15.</sup> ait, inimica morte destructa, maloq; cunctis è re <sup>d.</sup> bus penitus exturbato, atque deleta, una in o-



Matth. 13.  
f.

1. Theff. 4.  
d.

mnibus diuina pulchritudo fulgebit, ad cuius exemplar initio formati sumus. Hæc autem est lux, puritas, immortalitas, uita, & ueritas, & alia eiusdē generis. Neque enim dedecet, diei, lucisq; filios & esse, & uideri. Lucis autē, & puritatis, & immortalitatis nulla mutatio, differentia ue in eodem genere reperietur, sed una gratia in omnibus elucebit, cum filii lucis effecti fulgebūt ut sol, quemadmodū uoce sua uerissima Dominus ipse denuuntiat, cumq; ex diuina promissione perfecti erunt, idemq; sentient, una eadēq; in omnibus gratia sic effulgente, ut proximo quisque suo lætitiā impertiatur. Ex quo fiet, ut aliorū alii pulchritudinē cōtuentes mutuis inter se gaudiis uicissim afficiantur, nulla mali, aut uitii, aut turpitudinis macula decus illud in deformem speciem cōmutante. Hæc uobis mens nostra pro decedētibus ex hac uita, uoces eorū nobis, ut fieri potest, indicans, disseruit. Nos autē Pauli uerbis utentes consiliū nostrū ad eos, qui in squalore luctuq; uersantur, cōcludemus. Nolo uos ignorare, fratres, de dormiētibus, ne contristemini, sicut & cæteri, qui spem nō habent. Si quid ergo studio dignū de iis, qui dormierūt, didicimus, degenerem istum seruilemq; mœorem amplius ne suscipiamus, aut, si lugendū est, laudabilem illū complectamur luctum, qui cum uirtute cōiunctus est. Vt enim uoluptas alia pecudibus cōuenit, rationiq; aduersatur, alia pura est, & à materiæ sordibus remota, sic id, quod



uoluptati contrariū est, in uitium uirtutemq; di-  
 uiditur. Est igitur lugendi genus unū, quod bea-  
 tum uocatur, & in excolenda, parandaq; uir-  
 tute non abiicitur, quod quidem ab infana ista  
 feruiliq; mœstitia longe diuersum est. In hac  
 enim quicumque uersatur, in posterū poenitebit,  
 quippe qui è cōstantiæ gradu depulsus se à per-  
 turbatione superari permiserit. At beatus ille lu-  
 ctus minime repudiandam pudendā ue tristitiā  
 præbet iis, qui per illū ex uirtute uitam suā in-  
 stituunt. Dolet enim ex animo uereq; luget is,  
 qui illa bona cōsiderat, à quibus excidimus, dū  
 mortalem istam ac sordidam uitam comparat  
 cum immortali illa beatitudine, qua potiebatur  
 ante, quā potestate ad bonū abuteretur, quā-  
 toq; magis in hac uita eiusmodi luctū intendit,  
 tanto celerius ad optatam bonorū possessionem  
 aspirat. Nam qui boni iacturam animaduertit,  
 ad illud recuperandum ardentiore studio conci-  
 tatur. Proinde, cū salutare lugendi genus, ut o-  
 stēdimus, inueniatur, animaduertite, qui ad mœ-  
 rorem & luctū estis propensiores, nos non in-  
 terdicere, quo minus mœreatis, & lacrymetis,  
 sed uobis consulere, ut pro malo dānatoq; luctu  
 bonū & laudabilem cōplectamini. Itaque nolite  
 mundi luctum tristitiāq; suscipere, quæ, ut in-  
 quit Apostolus, mortis causam affert, sed eam 2. Cor. 7.  
 mœstitiā sumite, quæ Deo placet, cuius finis c.  
 est animi salus. Etenim inanes remereq; effusæ  
 pro defunctis lacrymæ fortasse causa damnatio-



Luc. 16. 4.  
Matth. 24.

nis erunt illi, qui re abutitur bona. Nā si tristem hanc animi affectionem iccirco nobis inseruit is, qui cuncta sapiēter egit, ut à malo, quod nos inuasit, expiaret, & ad ea bona, quæ speramus, fruenda perduceret, forte qui frustra, atque inaniter lacrymas fundunt, uocabuntur in crimen apud dominū suū, ut malus ille uillicus, qui, ut in Euāgelio legimus, diuitias sibi creditas inutiliter dissipauerat. Quæcūque enim ad bonos usus referri possunt, diuitiæ sunt in thesauris coelestibus enumeratæ. Nolo igitur ignorare uos, fratres, quæ de iis, qui dormierunt, didicimus, & si quid præterea spiritus sanctus perfectioribus patefacit, ne tristitia, moeroreq; afficiamini, ut cæteri qui spem nō habent. Soli enim, qui à fide alieni sunt, præsentis uitæ finibus uiuendi spem termināt, & circumscribūt, ideoq; mortē deplorandā putant, quòd ea, quæ nos credimus, nō sperant. Nos autē, qui magno, locupletiq; resurrectionis à mortuis sponsori uadiq; credidimus, ipsi rerū omniū procreatarū Domino, qui ob id mortuus est, & resurrexit, ut re ipsa resurrectionis rationē cōfirmaret, & cōprobaret, certā, atque exploratā bonorū spem habeamus, qua præsentē luctus in eorū obitu, qui ex hac uita decedūt, nullū habebit locū. Deus autē noster, & Dominus Iesus Christus, qui afflictos atq; humiles cōsolatur, cōsoletur animos uestros, & misericordia, benignitateq; sua uos ad se diligendū inflāmet, atq; corroboret, quoniā ipsi est gl'ia in secl'a secl'orū. Amē.

DIVI



137  
DIVI GREGORII NYSSAE

PONTIFICIS, MAGNI BASILII FRA

TRIS, DE PAVPERIBVS AMAN

DIS, ET BENIGNITATE

COMPLECTENDIS.

ORATIO. I.



VI HVIC Ec-  
clesiæ præfidet, atque  
adeo omnes, qui se  
ueræ pietatis, & eius  
uiuendi rationis, quæ  
ex uirtute est, magis  
stros profitentur, ho-  
minibus illis sunt ad-  
modum similes, qui

grammaticam docent, & prima tradunt elemen-  
ta literarum. Etenim quemadmodum hi pueros  
è parentum manibus susceptos adhuc infantes  
& balbutientes non protinus abditis disciplina-  
rum præceptionibus onerant, sed primo litera-  
rum formas inculpant in cæris, earumq; no-  
mina declarant, & ipsorum manus per impressos  
illos literarum ductus agunt & exercent, mox  
eos ad syllabarum cognitionem prouehunt, at-  
que ita deinceps ad uerborum expressionem per-  
ducunt: sic ecclesiæ Duces initio documenta

S



quædam, quæ sint instar elementorum, auditoribus proponunt, deinde gradatim ea, quæ perfectiora magisque recodita sunt, patefaciunt. Quoniam igitur duobus superioribus diebus cupiditatem illam, quæ gulæ uentrisque uoluptatem sectatur, castigauimus, hodierna item die iisdem de rebus me uerba facturum ne existimetis, quod uidelicet conueniat & carne non uesci; & à uino, cuius fere risus & infania comites sunt, abstinere: & cohibere coquorum studium; & pincernarum manus miscendis porrigendisque poculis fatigatas comprimere. De his enim & nos satis multa diximus, & uos consilium admonitionemque nostram re ipsa & factis comprobauistis. Quare dum primum hoc documentum excolitis, operæpretium est, ut ad ea uobis tradenda, quæ maiora grauioraque sunt, progrediamur. Est igitur ieiunii & abstinentiæ genus, quod à corpore & materia seiunctum est, cumque animam duntaxat respiciat, ea re perficitur, ut à uitiiis temperemus. atque huius quidem ieiunii gratia etiam illud indictum est, ut à cibis abstineamus. Quod cum ita sit, à malitia ieiunare, cohibete rerum alienarum cupiditatem, à turpi & iniusto quæstu uobis temperate. Auaritiam Mammonæ fame interficite. Nihil domi reconditum habete, quod sit per uim & rapinas comparatum. Quid enim proderit, ore carnem non attingere, si maledicentia fratrem laceres? Quænam erit utilitas, si, dum tua non co-



medis, ea, quæ pauperis sunt, per iniuriam surri-  
 pueris? Quæ porro pietas ista, si aquam bibens  
 struas fraudem, consuas dolos, & ex impro-  
 bitate sanguinē sitias? Quid? Non ne Iudas etiā  
 cum Vndecim ieiunabat? attamen quia mores  
 auaritiæ deditos non refrenauit, nihil ad salutem  
 illi ieiunium profuit? Quid? quòd Diabolus,  
 cum spiritus sit corporis expers, nihil unquam  
 edit omnino, & tamen propter improbitatem  
 è sublimi illo cecidit dignitatis gradu? eademq;  
 ratione nullus Dæmonum est, qui, quòd aut se  
 obsoniis ingurgitet, aut immodice bibat, ebrio-  
 sus'ue sit, accusari possit. Natura enim à bibe-  
 di edendiq; necessitate liberi sunt. Neque tamē  
 iccirco uel die, uel nocte, per aera oberrare un-  
 quam cessant flagitiorum auctores & ministri.  
 Nobis autem omni studio moliuntur insidias.  
 Quippe liuore liquefiunt, & tabescunt inuidia,  
 quòd ad eam nos homines necessitudinis con-  
 iunctionem cum ipso Deo, & felicitatis posses-  
 sionem, è qua ipsi deiectioni sunt, simus peruen-  
 turi. Honestis igitur, ac bonis moribus institua-  
 tur Christianorum uita. Eorum animi decli-  
 nent, & fugiant malitiæ detrimentum. Nam si  
 uino, & carne temperantes obstrictos uitiis ani-  
 mos habuerimus, nihil quicquam nobis, cum  
 aliter animo, quàm extrinsecus, affecti simus,  
 aut aquam, aut olera, aut mensas sine sanguine  
 structas profutura prædico atque testificor.  
 Propter munditiam animæ sunt indicta ieiunia



Quæ si tum uoluntate, tum factis coinquinatur, quid frustra, quam bibimus, aquam infumimus? Cur ingens hoc cœnum, quod elui expurgariq; non potest, excolitur? Quid confert ieiunium corporis, nisi mens pura mundaq; sit? Nihil enim profit, currum ualidum, ac strenuis quadrigis instructum esse, si auriga insaniat. Nulla erit bene fabricatæ nauis utilitas, si ebrius sit ipse gubernator. Ieiunium uirtutis fundamentum est. Quemadmodum autem nauium carinæ, & fundamenta domus, licet ingentia subiicias, inutilia uanaq; sint, nisi reliquas item partes perite & sciēter exædificaueris: sic istius abstinentiæ nullum erit emolumentum, nisi aliæ iustitiæ partes accesserint. Timor Dei erudiat linguam, ea, quæ decet, loqui: tacere contraria: temporis occasionem animaduertere: modum obseruare: fari necessaria: apte respondere: modestè dicere: ne uerborum ui ueluti grandine colloquentes obruat. Iccirco enim & tenuis illa membranula, quæ cum ipsa lingua mentum inferius deuincit, frenum dicitur, ne inepte loquatur & inconcinne. Laudibus igitur, nō conuitiis utatur: cantibus, non male dictis: cōmendationibus, non obtrectionibus. Manus petulans Dei memoria tanquam cathena uincta cohibeatur. Has enim ob causas ieiunamus. A G N V S noster prius, quàm clauis affigeretur cruci, contumeliis affectus, & alapis cæsus est. Morem iudaicū ne imitemur nos C H R I S T I



discipuli . Alioqui si eo pacto erimus affecti ,  
 uerbis illis nos Esaias increpabit : Cur ad lites *Esa. 54.*  
 & contentiones ieiunatis , & pugnis pauperem  
 percutitis ? Disce ab eodem Propheta synceri  
 puriq; ieiunii opera . Dissolue colligationes im-  
 pietatis . Solue fasciculos deprimentes . Dimit-  
 te eos , qui cōfracti sunt , liberos , & omne onus  
 disrumpe . Frange esurienti panem tuum , &  
 egenos uagosq; induc in domum tuam . Cum ui-  
 deris nudum , operi eum , & carnem tuam ne  
 despexeris . Multam nobis hoc tempus affert nu-  
 dorum , uagorumq; copiam . Magna enim cu-  
 iusque fores frequentat captiuorum multitu-  
 do . Hospites exulesq; non desunt . Vbique li-  
 cet protensas opem implorantium manus aspi-  
 cere . His aer sub dio tectum præbet . Porticus  
 & biuia , & partes fori magis desertæ sunt hospi-  
 tia . Nycticoracum , & noctuarum more in ca-  
 uernis latitant . Pannosis , attritis , & laceratis te-  
 guntur indumentis . Agriculturæ fructus est il-  
 lis miserantium animus & benignitas . Cibus , si  
 quid ab accedente quopiam impetrauerint . Po-  
 tio eadē , quæ rationis expertibus animantibus ,  
 nimirum fontes . Pocula , manuum uolæ . Pe-  
 nu , sinus ipse , nisi plane diffluat , sed possit ea ,  
 quæ iniiciantur , operire . Mensa , contracta ge-  
 nua . Lectulus , solum . Balneū , id , quod Deus  
 omnibus commune & sine industria constructū  
 dedit , flumen , aut palus . Vagam & agrestem  
 traducunt uitam , nō quod initio sic instituerint ,



sed quòd ad eā calamitatibus & necessitate compulsi sint. His necessaria uictui suppedita tu, qui ieiunas. Erga fratres calamitosos benignus esto. Quod uentri subtrahis, tribue esurienti. Exæquet omnia iustus Dei timor. Duas inter se contrarias affectiones, tuam uidelicet satietatem, & fratris famem, modesta continentia tempera atque moderare. Sic enim faciunt & medici. Alios exinaniant, alios replent, ut accessione, decessioneq; uniuscuiusque sanitas cōseruetur. Honestæ admonitioni obtemperate. Aperiat ratio pauperibus diuitum fores. Consilium inopi ad locupletem aditum patefaciat. Egentes ne ditet humana ratiocinatio. Sed illis & domum, & lectulum, & mensam tribuat Dei uerbum sempiternum. Dulci & humana oratione usui necessaria ex tuis facultatibus subministra. Apud te multitudo pauperum atque languentium sibi profugium inueniat. Quisque diligenter uicinorum curam gerat. Studium promerendi de propinquis tibi ab alio præripi ne permittras. Caue, ne capiat alius thesaurum repositum tibi. Calamitate affectum ut aurum amplectere. Infirmam pauperis ualeitudinem ita foue, ut in ea & sanitatem tuam, & salutem uxoris, & filiorum, & seruorum, & totius denique familiæ positam putes. Nam cum omnes pauperes fouendi adiuuandiq; sunt, tum illi, qui ægrotant, præcipue sunt complectendi. Qui enim egens & æger est, duplici laborat paupertate. Inopes



enim, qui ualenti sunt corpore, ex hoc ad illud  
ostium accedentes, qui aliquid dent, aliquando  
tandem inueniunt. Præterea sedent in triuiis, &  
præteruntes omnes interpellant opem implo-  
rantes. At illi pauperes, qui aduersa præpediti  
ualetudine, angustisq; hospitio, immo uero  
angustis hospitio angulis conclusi sunt uti Da  
niel in lacu, te benignum & pauperum studio-  
sum atque amantem tanquã Abacuc expectant.  
Quamobrem per eleemosynam Prophetæ so-  
cius efficere. Celeriter & impigre ad alendum  
egentẽ accede. Nullã facies in promerendo ia-  
cturam, ne uerearis. Multiplex enim & copio-  
sus gignitur fructus ex eleemosyna. Sere bene-  
ficiũ, ut metere possis fructum, & bonis ma-  
nipulis domũ replere. At enim te quoque pau-  
perem dices. Fac sis. attamen dato. Da quod  
habes. Neque enim supra uires tuas quicquam  
abs te requirit Deus. Da tu panem, ille poculũ  
uini, alius uestimentum dabit. atque ita ex mul-  
torũ benignitate unius calamitas subleuabitur.  
Ne Moses quidem id, quod impedit in taberna-  
culum, ab uno tantum homine accepit, sed ab  
uniuerso populo. Alii enim aurum, argentum  
alii, ut magis, minus uel diuitiis affluebant, obtu-  
lerunt. Pauperes uero uel pelles, uel etiam ca-  
prarum pilos, si quis grauius inopia premeba-  
tur. Nõ ne uides pauperis etiã illius Viduæ qua-  
drantem diuitum munera superasse? Illa enim  
quidquid habebat, exhausit, cum ex horum co-

Dan. 14. 2.

Exo. 13.



piis uix pusillum quiddam exciderit. Iacentes  
 pauperes, tanquam nullius prætii sint, ne despe-  
 xeris. Considera, quinam sint, & eorū cogno-  
 sces dignitatem. Seruatoris nostri personam in-  
 duerunt. Propriam enim benignus ille perso-  
 nam eis largitus est, ut, quemadmodum illi, qui  
 aduersus uim inferentes tanquam propugnacu-  
 lum regias prætendunt imagines, quo principis  
 effigie irruentium impetus frangatur, & retar-  
 detur, sic ipsi eos, qui nulla mouentur commise-  
 ratione, quiq; pauperes odio prosequuntur, per  
 illam flectant, mitigent, & exorent. Hi bono-  
 rum, quæ speramus, & expectamus, sunt pro-  
 micondi. Hi ianitores Regni coelorum, qui fo-  
 res aperiant benignis & bonis, occludant malis  
 & inhumanis. Hi & uehementes sunt accusato-  
 res, & optimi patroni. Accusant autem, & de-  
 fendunt, nō oratione, sed aspectu ipso, dum cō-  
 spiciuntur à Iudice. Quæ enim in eos fiunt,  
 apud eum, qui corda scrutatur, qui cogitatio-  
 nes hominum omnes atque intimos animi sen-  
 sus nouit, quouis præcone clarius, apertius, si-  
 gnificantius uociferantur & clamant. Propter  
 hos nobis & formidandum illud Iudicium, quod  
 sæpe audiuiſtis, in Euangelio perscriptum est.  
 Illic enim uideo filium hominis uenientem è  
 coelis, per æthera nō secus atque per terram in-  
 cedentem innumerabilibus stipatum millibus  
 Angelorum. Deinde gloriæ Thronum erectū  
 in sublime, atque in eo confidentem Regem.



Tum omnes hominum tribus, omnes gentes, nationes omnes, quæ in hanc uitam ingressæ sint, quæ hunc spiritu aera duxerint, quæ hanc solis lucem aspexerint, duas in partes segregatas ad Tribunal iudicis astitisse. Audio, eos, qui à dextra sunt, agnos uocari: hoedos, qui à sinistra. Nam ex morum similitudine sumunt appellationem. Audio illic eos interrogantem Iudicem, & rationes conficientem. Audio, quid ipsi respondeant Regi. Denique pro suis quenque meritis ornatum cerno. Illis, qui boni, benignique fuerint, atque optime uitam egerint, summa & perpetua quies tribuitur in Regno cœlesti: inhumanis autem & improbis supplicium ignis, idque sempiternum. Hæc omnia ibi diligenter, ut scitis, sunt explicata. Non alia autem de causa Iudicium illud tam accurata oratione tanquam penicillo depictum, nobisque ante oculos positum esse crediderim, nisi ut perdiscamus beneficentiam, & benignitatem complectamur. Hæc enim est quæ continet uitam. Hæc est pauperum mater, Magistradiuitum, Bona pupillorum nutrix, Conseruatix senum, Egentium penu, Communis miserorum portus, Omnium ætatum curam gerens, Omnibus ærumnis & calamitatibus consulens. Quemadmodum enim illi, qui in stultitiæ certaminibus præmia proponunt, tuba liberalitatem suam significantes, omnibus in palæstra decertantibus pecuniæ largitionem pollicentur atque denuntiant, sic ipsa



beneficentia omnes in miseriis & calamitatibus  
 positos ad se uocat, non uulnerum & plagarū  
 præmia, sed erumnarum & incommodorum  
 remedia & curationem accedētib; impertiens.  
 Hæc est omnium laudatarum actionum præ-  
 stantissima. Hæc assidet Deo, & magna est cū  
 ipso necessitudine coniuncta. Sic autem Deum  
 ipsum nobis omnium, quæ recte benigneq; fa-  
 cimus, in primis auctore effectoremq; esse con-  
 stat. Si quidem & terram procreauit: & orna-  
 tum cœli fabricatus est: & temporum uicissitu-  
 dines statuit: & solis calorem, & glaciei refrige-  
 rantem naturam, omnia denique Deus ipse nō  
 sibi, cum nullius horum indigeat, sed nobis con-  
 tineret præstat & conseruat. Nam mirabili  
 quadam ratione mortalium aciem effugiente  
 præbet hominibus alimenta, seminans oppor-  
 tune, & scienter irrigans. ipse enim, ut scribit  
*Esa. 55. c.* Esaias, dat semē ferenti. & ex nubibus nūc sen-  
 sim imbrem emittit in terrā, nunc autem sulco-  
 rū latera & toros abunde perfundit. At ubi sege-  
 tes creuerint, & uiriditas accesserit, tunc disie-  
 ctis dissipatisq; nubibus, ab omnibus integu-  
 mentis nudum & apertum ipsis ostentat & im-  
 mittit solem, ut calidis atque ardentibus ipsius  
 radiis tepefactæ perueniant ad maturitatem, &  
 opportunas ad metendum spicas exhibeant.  
 Quid? quod uitem etiam enutrit, atque ita ido-  
 neo tempore sitientibus potum tribuit? Quid?  
 quod uaria item alit animalium genera, ut ho-



minibus & carnes ad uescendum, & pelles ad  
protegendum, & lanas ad uestes conficiendas  
præbeant? Cernis quo modo primæ beneficen-  
tiæ auctor & origo sit Deus, esurientē nutriendus,  
sitienti largiens potum, & nudum operiens, ut  
ante diximus? Si uis autem intelligere, quo mo-  
do morbo laborantes, male affectos, atque af-  
flictos curet, audi. Quis Apem docuit, cæras, &  
mella conficere? Quis è pinu, Quis è Terebin-  
tho, Quis è Mastiches arbore pingues illos resi-  
næ succos destillare fecit? Quis Indorum regio-  
nem constituit siccorum atque fragrantium fru-  
ctuum, & odorum suauium matrem? Quis o-  
leam corporis laboribus & doloribus opitulan-  
tem procreauit? Quis nobis radicum & herba-  
rum notitiam, quis qualitatū, & uirium, quæ  
in ipsis sunt, peritiā tribuit? Quis effectricem  
conseruatricemq; sanitatis Medicinam reperit?  
Quis calidarum aquarum fontes eduxit è terra,  
ut earum uirtutem frigidis & humidis, tum aridis  
& adustis affectionibus & morbis medeamur?  
Non ne Deus? Merito igitur & opportune po-  
teram uerba Baruch usurpare: Hic adinuenit om-  
nem uiam disciplinæ, & tradidit illam Iacob  
puero suo, & Israel dilecto suo. Per hunc ar-  
tes omnes, quæ uel in igne, uel sine igne, uel in  
aquis exercentur, inuentæ: per hunc scientiæ  
innumerabiles excogitatæ: ut nihil omnino de-  
sit hominibus, quod ad transigendæ uitæ neces-  
sitatem & commoditatem pertineat. Ac Deus

Bar. 3. 6.



quidem hoc modo beneficentiæ & liberalitatis inuentor, & fons, omnia, quæ nobis necessaria sunt, ditissimus ipse benigne subministrat. Nos autē, qui singulis diuinæ scripturæ uerbis ad dominū & procreatorē nostrum imitandū (quatenus mortalis beatum & immortalem imitari potest) instituimur, ad utilitatem nostram omnia rapimus, omnia uoluptatibus nostris metimur: & alia quidem uitæ nostræ deliciis elargimur, alia recondimus hæredum auiditati. Miseriorū uero nulla habetur ratio, nulla pauperum idonea cura, nulla sollicitudo. O' crudeles animos, o' mentes ab omni remotas humanitate, ab omni misericordia alienas. Homo hominem uidet egentem pane, non habentem alimenta uitæ necessaria, neque tamen illi prompto alacriq; animo subuenit, & salutem præbet? sed illum despicit, & tanquam uirentem plantam aquarū penuria finit arefcere, præsertim cum maximis inundet ipse atque circumfluat copiis, ut ex sua abundantia facile multorum inopiam reficere & recreare possit? Quemadmodum enim ex uno fonte profluens aqua multas camporū longe lateq; protensas planities fœcundas & uberes reddit: sic unius domus opulētia multitudinem pauperum ex egestatis angustiis eripere potest & sustentare: modo ne parcus & avarus animus ueluti prolapsus lapis uenas & riuulos ē benignitate tanquam ē fonte publice defluētes auertat atque intercipiat. Ne uiuiamus carni in rebus



omnibus: in aliqua uiuamus & Deo. Deliciæ enim epularum, & quæ in uentrem ingrediuntur, tantulum uoluptatis carni duntaxat afferre possunt, quantulum est illud spatium, quo fauces cōtinentur. Nam simulatque in uentrem delapsæ sunt, putrescunt, & per inferiores partes secedunt. Misericordia uero & beneficentia uirtutes sunt Deo gratissimæ: quæ si cuius animū incoluerint, eum diuinum efficiunt, & summo illi Bono quamsimillimum reddunt, adeo ut primæ illius, atque immortalis, & mētem omnē superantis naturæ decoretur imagine. At qualem studii laborisq; finem pollicentur? Nunc quidem præclaram spem, & lætitiæ plenam expectationem, post autem quando istius assidue fluentis carnis spoliis exuti immortalitatem induerimus, uitam beatam, nullum finem habituram, nullis malis obnoxia, in summis & admirandis, quæq; hic à nobis cognitione comprehendendi non possunt, uersantem gaudiis & uoluptatibus. Vos igitur, qui ratione præditi, & mente rerum diuinarum interprete ac magistra decorati estis, ne (quæso) uos rerum fluxarum & caducarum blanditiis deliniri, & tanquam esca allici, & capi patiamini. Complectimini eum, qui possidentem se nunquam est derelicturus. V sui uitæ modum imponite. ne omnia uestra existimate. sit pars etiam pauperum & amicorum Dei. illius enim uere sunt omnia, quem habemus patrem. nos autem frates su-



mus. Quapropter ut genere coniunctos ac fratres melius quidem, & iustius erat, æquis partibus cernere hæreditatem. Verum, quando id factum non est, sed unus, aut alter plus interuertit, reliqui partem unā saltem accipiant. Quod si quis omnium prorsus esse dominus, & universam uult hæreditatem auertere, & sexta, aut quinta parte fratres excludere, ille frater nō est, sed acerbus tyrānus, immitis barbarus, immo uero inexplēbilis fera, quæ hianti ore sola suaues deuoret dapes, uel potius ipsis etiam feris fæuior, & agrestior. Si quidem & lūpus ad deuorandam prædam lūpum sibi socium adiungit. & canes multi nonnunquam simul idem dilaniant corpus. At iste diuitiarum suarum nullum eiusdem generis hominem participem facit. Moderata mēsa sufficit tibi. Ne te in illud luxuriæ pelagus demittas, ut conuiuia omni genere ciborum instructa uelis. Illic enim graue naufragium fit, quo nō scopulis sub salo latentibus collideris, sed in altissimam & obscurissimam uoraginem detruderis, in quam qui semel incidit, nunquam emerget. Vtere igitur, utere, ne abutaris. Sic enim Paulus etiam edocuit. Modesta oblectatione te recrea, temperanter animum relaxa. Ne te deliciæ sic obruant, ut nimia lætitia gestias, & insanis uoluptatibus debaccheris. Ne sis animalium plane omnium perniciēs, ingentium, mediocrium, minutorum, gradientium, uolantium, natantium, siue inuentu faci-

1. Cor. 7. 4.



lia, siue difficilia sint. Seu magno, seu uili pretio ueneant. Multorum uenantiũ sudore uentrem unum ne repleas. Ne sint fauces tuæ ueluti uorago, aut gurgēs, aut ualissimus, ac profundissimus puteus, ad quem obruendum multorum laborent manus. Propter hominum luxuriam atque delicias non modo maris profundũ turbatur: non aquis solum innatantes capiuntur pisces: sed marina animalia coguntur solũ uertere, & in aquis fluminum degere. Inde in terram & cœlum hoc extrahuntur. Sic ostrearum genera non latuerunt. Sic captus Echinus. Sic serpentes irretitæ sunt Sepiæ. Sic Polypus faxis, quibus inhærebat, auulsus. Sic ex locis altissimis extracta conchilia. Nullum denique est animalium genus, quod uel summas, uel infimas partes maris incolat, quod non humana fraus deceptum ad hanc cœli lucem aspiciendam eduxerit. Adeo hominũ uoluptates undique captantium ingenia ad uarias insidias & dolos reperiendos elaborarunt. Sed qualia nam delicias eiusmodi consequuntur? Necessesse est, ut luxuria, ubi semel radices egerit & coaluerit, reliquã secum nequitia materiam trahat. Quamobrem qui molliter, & delicate uiuere instituerunt, necessario ad excogitandos magnificos ædificiorũ apparatus alliciuntur. In his construendis & exornandis maxima uis pecuniarum profunditur. Ad hæc cœtus hominum libenter conuocant, & inuitant, splendidam, & uariam supel-



lectilem studiose comparant. Menfas pretiosissimas ex ære conflandas curant, alias leuitate politissime exæquatas, alias uario artificio sculptas & fabrefactas, ut liceat conuiujs simul & gulam epulis delinire, & oculos intuendis & legendis historijs oblectare. Hic mihi deinceps tute reliqua cōsidera: Crateras, Tripodas, Cados, Gutturina, Lances, innumerabilia poculorum genera. Scurras, Mimos, Citharistas, Poetas, Oratores, Cantores, Cantatrices, Saltatores, Saltatrices, totum denique petulantiae ludum. Pueros comis effoeminatos, puellas inuerecundas, quas propter immodestiam merito sorores Herodiadis appelles, Ioannem, id est, diuinum in unoquoque sapientiaeque studiosum animum è medio tollentes. Atque dum hæc intus geruntur, assident ad uestibuli fores innumerabiles Lazari, partim grauibus ulceribus pleni, partim oculis orbati, partim pedibus mutili. Quidam ipsorum quanuis sint omnibus fere membris spoliati, serpere tamen audent, & utcunque progrediuntur. Conclamant autem, nec tamen exaudiuntur. Impedit enim tiliarum strepitus, & carmina, quæ ab ipsis cantoribus concinuntur, & solute ridentium Cachinnatio. Quod si pauperes paulo uehementius fores pulsauerint, immitis ac sæuus alicunde profiliens Domini Ianitor eos baculo propellit, & canes appellans uerberibus plagas infligit & uulnera. Abcunt igitur **CHRISTI**



**ST**I amici, in quibus sita est mandatorum  
 summa, cum nec panis frustum, nec obsonii  
 quicquam acceperint, sed potius contumelias,  
 & uerbera lucrati sint. Intus autem in officina  
 Mammonæ alii tanquam nimis onusta nauigia  
 reuolunt cibum, alii presentibus poculis in-  
 dormiunt mensæ. Duplex autem in turpi do-  
 mo exercetur peccatum, unum propter ebrio-  
 rum satietatem, alterum propter expulso-  
 rum pauperum famem. Si Deus hæc aspicit, ut pro-  
 fecto aspicit, quam uitæ cōmutationem, quem  
 exitum fore cogitatis? dicite, quæso uos, o pau-  
 perum inimici, An nescitis horum causa in sa-  
 cro Euangelio poni, & commemorari exem-  
 pla omnia horrenda, & terribilia? Non ne gra-  
 ues illius cruciatus & gemitus recensentur, qui  
 in Byssio fuerat enutritus? an non in malorum  
 Abyssio describitur coerceri. Quid? huic alter  
 ille similis, non ne cum uesperis de matutinis de-  
 lictis cogitaret, tam inexpectata & repentina da-  
 mnatus est morte, ut ne orientis quidem solis  
 radium potuerit intueri? Proinde, cum morta-  
 les simus, fidem ne abiiciamus, ne uel fruamur  
 uoluptatibus ut immortales. Sic enim fere af-  
 fecti sumus, quicumque genio indulgere, & car-  
 ni in omnibus obsequi uolumus. Tanquā pa-  
 tres familias successorem nunquam habituri,  
 & perpetui rerum humanarum domini, mes-  
 sis tempore sementem facimus, & quando se-  
 minandum est, speramus lætitiā mæsis. Pla-

Luc. 16. f.

Luc. 12. c.

T



ranum serimus, & proceræ arboris umbram  
 moramur. Palmæ semen terræ committimus,  
 & fructuum dulcedinem expectamus. Hæc au-  
 tem fere in ipsa senectute, quando iam adest  
 ætatis autumnus, & mortis hyems aduentat, &  
 uitæ residuum tēpus est non integer annus, sed  
 tres aut quatuor dies. Cogitemus igitur, nos,  
 qui ratione præditi sumus, quàm fragilis flu-  
 xaq; sit uita nostra, quàm uelociter labatur tem-  
 pus, ut fisti cohiberiq; non possit, ut omnia, quæ  
 meretur, ad interitū ducat & trahat. Atque uti-  
 nam breue tantum esset spatium uitæ, modo  
 certum esset, modo reddendæ rationi non ef-  
 femus obnoxii. Nunc autem illud merito tor-  
 quere nos debet, quòd & singulis horis instat  
 periculum, & incorruptus, atque integer ad-  
 eundus est iudex, apud quem non solum eo-  
 rum, quæ fecimus, sed omnium, quæ diximus,  
 reddenda nobis est ratio. Quamobrem hæc se-  
 cum ipse animo uoluens beatus ille Vates auct  
 intelligere præfinitum sibi terminum uitæ. Ita-  
 que Deum precatur, ut sibi numerum dierum,  
 qui reliqui sint, annuntiet, quo accingat sese ad  
 ea, quæ ad exitum pertinent, ne tanquam Via-  
 tor improvidus, dum iter facit, & uiaticum ne-  
 cessarium quærit, repente turbetur. Sic igitur  
 inquit. Notum fac mihi Domine finem me-  
 um, & numerum dierum meorum quis est, ut  
 sciam, quid desit mihi. Ecce mensurabiles po-  
 suisti dies meos, & substantia mea tanquam ni-

*Psal. 38.*



hilum ante te. Cernis animæ bonæ prudentem  
solicitudinem, idq; in homine in regia digni-  
tate constituto. Nec mirum: intuetur enim Re-  
gem Regum, & Iudicum Iudicem. Illud au-  
tem obsecrat, ut absoluta mandatorum obser-  
uantia decoratus discedat integer & per-  
fectus cœlestis illius patriæ ciuis,

quam nos item omnes ut asse-

quamur, & opto, & spe-

ro per gratiam &

benignitatē Do-

mini nostri

**IESV CHRISTI,**

cui gloria in æter-  
num. Amen.



DIVI GREGORII NYSSAE

PONTIFICIS, MAGNI BASILII FRA

TRIS, DE PAVPERIBVS AMAN-

DIS, ET BENIGNITATE


COMPLECTENDIS,

ALTERA

ORATIO,

IN EA EVANGELII VERBA:

Quatenus uni ex his fecistis,  
mihi fecistis.



DHVC INfor-  
midolosi, Magni il-  
lius Regis aduentus  
nobis ab Euangelio  
descripti contempla-  
tione detineor. Ad-  
huc attente confide-  
ranti metum, quem  
iniicit ea commemo-

ratio, refugit horretq; animus. Nam coelestem  
ipsum regem in Throno maiestatis, ut ibi de-  
scribitur, terribili quodam modo praesidentem  
mihi uideor intueri. Magnificum illum Thro-  
num, quicunque Thronus ille sit, eum, qui  
nullo coercetur loco, continentem cerno. In-



numerabilia Angelorum Regem constipantium millia uideo. Magnum quinetiam ipsum ac formidandum Regem aspicio ex immensa gloria in naturam humanam despicientem, & uniuersa genera hominum, quicumque ex eo tempore, quo primum generari homines cæperunt, usque ad metuendi illius aduentus diem reperiantur, ad se congregantem, singulisq; ex institutæ, & anteaetæ uitæ ratione & meritis, uel præmia dantem, uel irrogantem supplicia. Illis, qui recte sancteq; uixerint ad dexteram partem, ut dictum est, collocatis, qui uero flagitiose & improbe, ad sinistram positis, & condemnatis. Vtrosque autem diuersa tamen ratione appellentem audio. Alios enim dulcissimis illis ac faustissimis uerbis alloquitur: Venite benedicti patris mei. Alios horribili ac metuenda illa comminatione: ite maledicti in ignem æternum. Sic autem mihi hæc legenti & consideranti affectus & perterrefactus est animus, ut ea non legi, sed fieri, non pronuntiari, sed agi quodam modo existimem. Iamq; non audire, sed plane rebus ipsis interesse mihi uideor. Itaque præsentium nihil amplius sentio, nec menti uacat respicere ad aliud quidquam eorum, quæ mihi ad explorandum & contemplandum proposita sunt, quanuis ea profecto nec parua sint, nec exiguam indagationem requirant. Quo modo uidelicet uenire intelligatur, qui semper adest, præsertim cum ipse dicat: Ecce



Matth. 28.  
d.

Act. 17. 8.

Pro. 28. c.

uobiscum sum omnibus diebus usque ad consumationem sæculi. & si nobiscum esse creditur, quo modo uenturus, tanquam non adsit, existimetur? Si enim in ipso (ut inquit Apostolus) uiuimus, mouemur, & sumus, qui fieri potest, ut ab illo, qui complectitur omnia, ii, quos ipse comprehendit, loco discludantur? Quòd si nunc adesse rebus, quas in se ipse cohibet & coercet, negemus, quo modo posterius unquam affuturum expectemus? Præterea, quæ possit esse illius aut sedes, aut præsentia, aut forma, aut in Throno circumscripção, qui & corpore caret, & uideri non potest, & formam nullam habet, & ubique sic adest, ut nusquam concludi secludiue possit. Hæc igitur & cætera id genus tanquam maiora, quàm ut à nobis in præsentia explicari ualeant, omitemus, & communis utilitatis gratia illuc orationem nostram conuertemus, ut, quo pacto fieri possit, ne redigamur in reproborum ordinem, pro uiribus ostendamus. Equidem, ut ingenue fatear perturbationem animi mei, uehementer, ô fratres, uehementer illa comminatione cõterritus sum. Hoc autem timore uos item affici uelim, neque eum ulla ratione despiciere. Beatus enim uir, qui semper est pauidus, ut quodam loco inquit sapientia, qui autem contemnit, contemnetur. Priusquam igitur irruant mala, demus operam diligenter, ne nobis hæc tristitia necesse sit experiri. Verum quonam modo ea declinabimus?



hoc nimirum, ut eam uiuēdi rationem & uiam,  
 quam in præsētia scriptura nobis ostendit, quæ  
 nunc uiget, & uere uiuit, ingrediamur. Quæ-  
 nam hæc est ratio? quænam hæc uia? Esuriui,  
 sitiui, hospes eram, & nudus, & infirmus, & in  
 carcere. Quod uni eorum fecistis, mihi fecistis.  
 Iccirco uenite, inquit, Benedicti patris mei.  
 Quid ex his discimus? Benedictionem ac sum-  
 mum bonum in diligentia & obseruantia man-  
 datorum positum esse: maledictionem & ma-  
 lorum extremum ex desidia mādatorumq; des-  
 picientia proficisci. Eam igitur amplectamur,  
 hanc fugiamus, quando in nostra manu situm  
 est, ut, utram uolumus, adipiscamur. Ad quod  
 enim egregia animi alacritate propenderimus,  
 in eo futuri sumus. Quare benedictionis domi-  
 num, qui perinde nobis acceptum laturus est  
 quidquid studii & officii in pauperes contuleri-  
 mus, ac si in ipsum contulissemus, conciliemus  
 nobis & obstringamus, præsertim hoc tem-  
 pore, quo nobis, dum uiuimus, magna exe-  
 quendi mandati facultas præbetur, multiq;  
 sunt, qui rebus necessariis, multi, qui & ipso  
 corpore indigeant, ab ipsa ui morbi confecti  
 atque consumpti. Sic igitur nos in hac re, hoc  
 est, ut planius loquar, in iis, qui morbo grauif-  
 simo mutilati sunt, fouendis curandisq; studio-  
 se diligenterq; geramus, ut præclarum illud  
 promissum præmium assequamur. Quo enim  
 grauior in his morbus reperitur, eo maius præ-

Matth. 25.

T iiii



miū laboriosum illud mandati munus obeun-  
 tes manet. Quid igitur faciendum est? illud uti-  
 que, ut Sancti Spiritus uoluntati ne resistamus.  
 ea autem est, ut eos, qui eadem natura præditi  
 sunt, tanquam alienos non euitemus, neque  
 imitemur reprehensos illos in Euangelio, Sa-  
 cerdotem, & Leuitam dico, qui miserabilem il-  
 lum, quem historia à latronibus semimortuum  
 relictum tradit, nulla commoti commiseratio-  
 ne præterierunt. Nam si coarguuntur illi, quòd  
 ad plagas in nudo corpore intumescences non  
 respexerint, quo modo nos, qui illos imitamur,  
 non in eandem reprehensionem incurremus?  
 neque enim profecto tam miserandum specta-  
 culum præbuit ille, qui in latrones inciderat, ut  
 præbenthi, qui eiusmodi oppressi sunt calami-  
 tate. Vides hominem ex improbitate morbi in  
 quadrupedis formam commutatum, & ungu-  
 læ atque unguum loco ligna manibus induisse,  
 atque ita nouum uestigii genus humanis semitis  
 imprimentem. Quis ex ea forma queat agno-  
 scere, hominis gressu eiusmodi esse facta uesti-  
 gia? Homo eo corporis habitu & figura forma-  
 tus, ut rectus in coelū aspiciat, cui manuum in-  
 strumentum ad res agendas Natura dedit, incur-  
 uatur in terram, & quadrupes fit, & parum ab-  
 est, quin rationis expers esse uideatur. Cum dif-  
 ficultate spiritum trahit, irraucescit, & ex inti-  
 mis uisceribus fremitus elicit, ipsis etiam ratio-  
 nis expertibus animalibus effectus (liceat auda



Et id dicere) calamitosior. siquidē illa, quam  
ab ipso ortu formam acceperunt, eam ad finem  
usque conseruant: nec ullum ex iis propter ali-  
quem morbum ex ea forma in aliam conuerti-  
tur. Hic autem, tanquam commutata natura,  
non id amplius, quod erat, sed aliud quoddā ani-  
mal uidetur esse. Pedū munere funguntur ma-  
nus. Genua præbent plantarum usum. Nam  
ipsæ plantæ naturales, & tali, aut plane deficiūt,  
aut, ueluti appendices quædam extrinsecus te-  
mere nauibus admotæ, fortuito trahuntur. In  
his tu hominem cernis, nec sanguinis cōiunctio-  
nem reuereris? nec miseraris propinquum? sed  
auerfari calamitatem, & odio supplicem prose-  
queris? Hominis accessum tanquam feræ alicu-  
ius impetū declinas? Atqui, ne id faceres, debe-  
bas uel ea cogitatione prohiberi: Nempe Ange-  
lum à corpore materiaq; liberum te, quamuis  
sis homo, tamen attingere, nec carne & sangui-  
ne mixtum atque concretum aspernari. Quid  
autem Angelos dico? cum ipse Dominus An-  
gelorum, ipse cœlestis beatitudinis Rex pro-  
pter te factus sit homo? & sordidas istas abie-  
ctasq; carnis exuiuiolas unā cum anima, quæ ip-  
sis erat induta, sibi circundederit, ut tactu suo  
tuis ægritudinibus mederetur? Tu uero, qui na-  
tura idem es cum ægrotante, fugis eiusdem ge-  
neris hominem. Ne tibi, frater, ne, obsecro,  
placeat consilium prauum. Qui sis, & de qui-  
bus consulas, considera: homo nimirum, de ho-



minibus, qui nihil in te proprium, & à natura communi seiunctum obtines. Futuris de rebus ne præiudicium facias. Dum enim affectionem in alieno corpore conspicuam damnas, incertam de tota natura sententiam pronuntias. Eius autem naturæ tu quoque particeps, ut reliqui omnes. Quapropter tanquam communi de re consulatur. Cur, quæ in aliis uides misera & calamitosa, non ea te æque ad cōmiserandum adducunt, ac si in te ipso conspiceres? Cernis homines uagos tanquam ex Nomadum genere ad ea comparanda, quæ gregibus sibiq; necessaria sint, dissipatos. His uestimenta sunt lacerata, ex attritis centonibus consuta. in manibus baculus, non ab ipsis digitis comprehensus, sed loris quibusdam ad palmas alligatus. Hoc illi pro gladio, hoc pro uehiculo utuntur. sacculus adest ad seruandum panem situ carieq; confectus. Pera rimosa: in hac illis & focus, & domus, & stragulum, & lectulus, & penu, & mensa, omnis denique supellex in hac pera consistit. At tu hæc aspicias, & quis in illis sit, minime cogitas. Hic enim, si nescis, est homo, factus ad imaginem Dei. Huic, ut terræ dominetur, concessum est. Huic in reliqua animalia datum imperium. Eò tamen calamitate reductus, atque sic inuersus est, ut, quidnam sit, ambigatur. Nam neque hominis plane, neque aliorum animalium cuiusquam indicia præsefert. Si cum homine conferas, effigies humana respuit eam



deformitatem. si cum rationis expertibus animalibus, ea quoque similitudinem eiusmodi non admittunt. Soli igitur ad se ipsos solos respiciunt, & miseriae similitudine inter se congregantur. Qui ab aliis despiciuntur, se ipsi praenecessitate non dispiciunt. Undique expulsi confluunt unum in locum, & proprium quendam populum conficiunt. Vides homines iniucundos flebilem tristemque chorum efficientes. At vero ut ipsis sese quodammodo iactitant calamitatibus? Ut in se ipsis naturam ostentant deturpatam? Ut varios adeuntibus se tanquam praestigiatores quidam morbos demonstrant. Poetae carminum luctuosorum, tristium narrationum inuentores, grauium illarum modulatores cantionum, auctores nouae istius miseraeque Tragediae, in qua non ex alienis, sed ex propriis calamitatibus exempla sumunt ad permouendos animos, atque ita sibi audiendam faciunt. O quae figurae, bone Deus, quae narrationes, quid ipsos dicentes audimus? Quo modo ab illis, qui ipsos procreant, nulla sua culpa reiecti sunt. Quo modo expelluntur e ciuitatibus. Quo modo ex colloquiis communibus, ex publicis festisque congressibus extruduntur, tanquam homicidae, tanquam parricidae exilio perpetuo mulctati, immo quam illi longe infeliciores. Si quidem homicidis solum uertentibus licet alibi cum hominibus uiuere. At isti omnium soli tanquam communes declarati hostes undique exturban-



tur ut canes. Quid? quòd eodem lecto, eadem mensa, eodem uasorum usu iudicantur indigni? Quid? quòd, quasi hæc satis graui non sint, arcentur à fontibus, qui reliquis hominibus sunt cōmunes? Ipsa quinetiam flumina creduntur ipsorū ægritudine coinquinari. Si lingua cruenta canis aquam lamberit, non eam iccirco respuunt homines. At si ad illam æger accesserit, continuo propter hominē ipsa quoque aqua de testabilis prædicatur. Hæc enarrant. Hæc deplo-  
rāt. Ob hæc necessario se ad hominū pedes abii-  
ciunt miseri, & omnibus occurrētibus suppli-  
cāt. Sæpe tristi spectaculo illacrymaui. Sæpe de  
natura cōquestus sum. Et ea me recordatio me-  
moriamq; nūc etiā mouet atque perturbat. Vidi  
ægritudinem miserandam. Vidi spectaculum  
plenum lacrymarū. iuxta uias celebres, & à præ-  
tereuntibus frequentatas iacent homines mor-  
tui, immo ne homines quidem, sed infelices ho-  
minum reliquiæ, signis & indiciis aliquibus indi-  
gentes, ut, se homines esse, fidem faciāt. Neque  
enim ex naturæ notis quidquam est reliquum,  
ut agnosci possint. Hi soli ex omnibus se ipsos  
oderunt. soli diem suum natalē execrātur. ac iu-  
re quidem detestantur illum diem, qui talis uitæ  
principium fuit. Homines qui se communi ap-  
pellatione nominare erubescunt, ne ex ipsa no-  
minis comunione naturam cōmunem dede-  
corent. Semper in miseriis uitam degunt. Per-  
petuam luctus materiā habent. Quandiu enim



se ipsos aspiciunt, tandiu lugendi habent occasi-  
 onem. Dubitant autem quas magis deplorent  
 corporis partes, eas'ne, quæ nō adsunt amplius,  
 an illas, quæ supersunt. Quas morbus absum-  
 psit, an quæ morbo relictae sunt absumendæ. Do-  
 lendum'ne magis sit, quod in se ipsis eas mise-  
 rias cernant, an quod eas, adempta etiam à mor-  
 bo uidendi facultate, intueri non possint. Quod  
 talia de se narrare queant, an quod sibi ab ipso  
 morbo erepta etiam uoce ne illa quidem ualeant  
 explicare. Quod tali uescantur cibo, an quod  
 ne illo quidem commode uesci possint, impedi-  
 ta propter oris corruptas à morbo particu-  
 las edendi potestate. Quod sentiendo, ea, quæ  
 mortuorum sunt propria, perpetiantur, an  
 quod ipsis etiā sensibus spoliati sint. Vbi enim  
 illis aut uidendi, aut odorandi, aut tangendi uis?  
 Vbi reliquorum sensuum sedes, quas paula-  
 tim depascente morbo caries arrodit? Per o-  
 mnia igitur uagantur loca, ad uberiores pasto-  
 res, ut animalia rationis expertia, identidem se trās-  
 ferentes. Occasionem ad negotiandum com-  
 parandaq; cibaria circumsferunt calamitatem. &  
 supplicationis loco morbum omnibus osten-  
 dunt. Propter ægritudinem autem ministris  
 egent, à quibus manu ducantur. sed ob inopiā  
 sese uicissim confirmant. Sic enim alter alterius  
 utitur membris pro iis, quæ sibi desunt, ut,  
 qui per se singuli sunt imbecilli, mutua illa acces-  
 sione fulciantur. Itaque in hominū cōspectum



figillatim non ueniunt, sed (adeo egestas etiā ad parandum uictum ingeniosos & solertes facit) uniuersi atque inter se congregati conspici uolunt. Inde fit, ut, cum singuli miserabiles sint, hominibus ita coniuncti magis miserandi coadiuandiq; uideātur. Aliquid enim quisque in cōmune confert, & alius ex alia calamitate misericordiam cōparat. Hic prætedit mutilatas manus. Ille tumidū uentrem ostendit. alius dilaniatam faciem. Crus aut brachium putrescens alius. Qua denique quisque ægrotat corporis parte, eam denudat, & suam miseriam ostentat. Quid ergo faciendum est nobis, ut nihil in naturæ legē peccasse uideamur? satis'ne sit, eorū affectiones deplorare, & oratione morbū extollere, atque ipsa commemoratione commoueri? an necesse est, ut facto etiam aliquo misericordiam & beneuolentiam erga illos nostram declaremus? Sic est profecto. Nam quæ proportio est inter res ueras & adumbratas picturas, eandem obtinent uerba, si ab operibus seiungantur. Non enim in uerbis salutem consistere dicit Dominus, sed in salutis operibus faciendis. Quamobrem, quod nobis ipforum causa mandatum est, id, oportet, ut ipsimet exequamur. Neque enim illud omnino quispiam dicat, esse satis, si procul à nobis in extremam aliquam nostræ regionis partem, tanquam in coloniam deductis alimenta suppeditentur. Ea nanque sententia nullam ueræ clementiæ & cōmiserationis signi-

Matth. 7.  
Luc. 6.g.



ficationem habet, sed sub ea misericordiæ spe-  
 cie illud consilium latet, ut homines è uita no-  
 stra prorsus exterminetur. Deinde nostræ nos  
 uiuendi consuetudinis non pudet? qui sues, &  
 canes contubernales habeamus, adeo, ut ne suo  
 quidem lectulo uenator catulum arceat, & agri-  
 cola uitulum exosculetur, & propriis manibus  
 uiator asini pedes lauet, & curandis uulneribus  
 medicas manus adhibeat, sterqusq; auferat, &  
 cubile subternat, eos autem, qui generis neces-  
 situdine nobis coniuncti sunt, ipsis etiam ratio-  
 nis expertibus animalibus postponamus? Ne  
 fiant hæc, quæso, ne fiant, o fratres. Ea senten-  
 tia aduersus homines rata ne habeatur. Opera-  
 pretium est meminisse, qui simus, de quibus  
 consilium capiamus. Nempe de hominibus ho-  
 mines, qui nihil propriū, & à natura communi  
 seiunctum possidemus. Vnus omnibus in hanc  
 uitam introitus, idem omnibus uitæ modus. Es-  
 dendi, bibendi, uiuendi similis ratio. eadem cor-  
 porum constructio. idem è uita exitus. Omnia  
 enim composita dissoluuntur, & ad interitum  
 ueniunt. Nihil eorum, quæ mixta concretaq;  
 sunt, semper eodem statu manet. Exiguum ad  
 tempus bullarum instar spiritui nostro circun-  
 ctum est corpus. Mox autem extinguimur, nul-  
 lo huius tumoris in uita relicto uestigio, in co-  
 lumnis, & lapidibus, & titulis monumenta, ac  
 ne illa quidem sempiterna. Hæc tecum ipse re-  
 putans noli altum sapere, ut scribit Apostolus, *Rom. II. c.*



sed, quod incertum est, time. Ne in te ipsum  
statuas sœuitiæ legem. Aegrotantem ne fugis?  
Dic, amabo; ecquid prætexēs id facis? An quia  
in illo corruptus est humor, & putridus quidā  
succus, atra bile cum ipso humore confusa, san-  
guinem infecit? Has enim causas medici, cum  
de morbis differunt, afferre solent. Quodnam  
igitur est hominis crimen, si naturæ materia mo-  
bilis & incōstans ad illud ægritudinis genus de-  
fluxit? Tu uero non cernis in ipsis etiam ualen-  
tium corporibus sæpe contingere, ut qui cætera  
sanus est, inflammatione, aut carbunculo, aut  
eiusmodi aliquo morbo corripitur, incensa, su-  
pra quàm opus sit, materia humida, & iccirco  
in tumorem, & ruborem, & putridam saniem  
cōuersa? Quādo igitur sic affecti sumus, eam ne  
carnis partem ægrotantem auersamur, an cōtra  
potius reliquas corporis partes sanas omnes ad  
illius laborantis curationem conuertimus? Non  
igitur eā ob causam homines despiciamus, quòd  
morbus detestabilis uideatur. Alioquin in no-  
bis etiam ipsis ab ea parte curanda, quæ morbo  
affecta est, sanæ partes abhorrerent. Quid ergo  
nos ab illis disiungit? quid tandem est? illud pro-  
fecto, quòd non timemus minas illius, qui di-  
cit: Discedite à me in ignem æternum: quate-  
nus enim uni ex his non fecistis, nec mihi feci-  
stis. Qui enim hæc ita habere arbitrarētur, nun-  
quam adduci in eam sententiā possent, ut ægro-  
tantes à se repellerent, nec studium, quod in ca-  
lamitosos

Matth. 25.  
8.



lamitosos impenderetur, uitæ nostræ contagiū  
 existimarent. Quamobrem si fidelem eum, qui  
 promisit, arbitramur, Mandatis illius, sine qui-  
 bus digni promissis eius esse non possumus, ob-  
 temperemus. Nudus, indigens cibo, infirmus,  
 in carcere clausus, & omnia, quæ commemo-  
 rantur in Euangelio, in hoc misero tibi propo-  
 sita sunt. Vagus oberrat & nudus, infirmus, &  
 propter inopiam, quæ morbum ipsum conse-  
 quitur, rerum egens necessariorum, Qui enim  
 nec domi habet, unde alatur, nec aliunde labore  
 potest questum facere, huic utique desunt ea,  
 quæ uitæ usus requirit. Vincit autem propte-  
 rea est, quoniam morbi uinculis constringitur.  
 Itaque Mandatorum omnium summam in hoc  
 expletam habes, & ipsum omnium Dominum  
 ob ea, quæ benigne ipsi præstiteris, obstrictum  
 & obligatum. Cur igitur in tuæ uitæ perniciem  
 niteris? Qui enim rerum omnium Dominum  
 amicum habere non uult, is sibi ipse grauis est  
 inimicus. Quemadmodum autem Mandati ob-  
 seruantia conciliatur, sic ab alienatur crudelita-  
 te. Tollite (inquit) iugum meum super uos. *Matth. 11.*  
 Mandatorum obseruantiam iugum appellat.  
 Iubēti pareamus, Efficiamur iumentū C H R I  
 S T I induentes uincula charitatis. Tale iugū  
 ne detrectemus, ne excutiamus. suaue est, leue  
 est. Subeuntis cervicem non atterit, sed demul-  
 cet. seminemus in benedictione (inquit Apo- *2. Cor. 9. 6*  
 stolus) ut etiam in benedictionibus metamus.

V



Multiplex spica ex tali semente pullulabit. Ampla est Domini Mandatorum seges. sublimis benedictionis stirpes. Vis intelligere, in quam altitudinem extollatur harum stirpium incrementum? ipsos cœli uertices attingunt. Quidquid enim in hos contuleris, in cœli thesauris conditum inuenies. Ne diffidas iis, quæ dicta sunt, neue horum amicitiam contemnendam putes. Manus quidem ipsorum sunt mutilatæ, sed ad ferendum auxiliū non imbecillæ. Pedes inutiles effecti sunt, sed currere ad Dominum non prohibentur. Effluxit lux oculorum, sed animo cernunt illa bona, quæ oculorum acies intueri non potest. Quamobrem corporis deformitatem ne despicias. Parūper expecta, & quod superet omnis miraculi fidem, intueberis. Non enim quæcunque materiæ fluxæ contingunt, eadem in perpetuum manent: sed quando anima huius caduci terreniq; carceris nexu soluta est, tunc propria splendet pulchritudine. Hoc autem uel inde coniecito, quod post hanc uitam non despexit pauperis manum uoluptarius ille diues, qui etiam optauit, ut, qui olim corruptus erat pauperis digitus, sibi aquæ guttā ministraret, cupiens ipsa lingua stillantem ipsius digitum circumlambere, id neutiquam desideraturus, si ex corpore prouenientē tristem illam turpitudinem in animæ quoque forma conspexisset. Quam multa in ea uitæ commutatione uerisimile est, diuitem recantasse? Quam multis

Lut. 16.



nomini-  
bus bea-  
tū existi-  
masse pau-  
perem illum  
propter angustias, quibus oppressus fuerat in  
hac uita? Quot modis fortunā suam, cui in per-  
niciem animæ diuitiæ datæ fuerant, incusasse?  
Quod si reuiuiscere licuisset, quidnam data op-  
tione fuisse creditis electurum? in eorum ne esse  
numero, qui in hac uita beati cēsentur, an in eo-  
rum potius, qui miseri iudicantur? Non est du-  
bium, quin infeliciū conditionem fuerit acce-  
pturus. orat enim, ut ad fratres nuntius ex mor-  
tuis mittatur aliquis, ne ipsi quoque diuitiarum  
splendore elati ac tumidi, & propter lubricum  
uoluptatis prolapsi, in eundem Inferni hiatum  
atque uoraginē detrudātur. Cur igitur eiusmodi  
exemplis admoniti nōdum resipiscimus? cur  
præclarum illud negotiationis genus (ut consu-  
lit Apostolus) nō exercemus? Vestra (inquit) 2. Cor. 8. a  
copia eorum inopiam sustentet, ut eorū opes in  
ea, quæ post secutura est, uita, uobis ad salutem  
opitulentur. Si quid igitur benignitatis perci-  
pere uolumus, bene merendo anteuertamus. Si  
posthac refici, eos in præsentia recreemus. Si  
ab illis in æterna recipi tabernacula, nunc eos in  
nostra recipiamus. Si peccatorum nostrorum  
uulnera curari, illorum corporum plagis  
idem præstemus. Beati enim misericordes, Luc. 16. c.  
quoniam ipsi misericordiam consequentur. At  
aliquis fortasse dicet, utile quidem in posterum  
esse mandatum, sed hoc tempore sibi adhi-  
bendam esse cautionem, ne eiusdem morbi cō-



tagione contaminetur. Atque ita ne temerita-  
 tis poenas det, & aliquid eorum, quæ nolle, per-  
 petiatur, sibi eorum, congressum ac consue-  
 tudinem uitandam putat. Nugæ sunt hæ, &  
 excusationes fictæ, ac commentitiæ, quibus ue-  
 luti quibusdam integumentis, inertia ad confi-  
 cienda Mandata Dei protegitur. Non autem  
 ita se res habet. Nullus enim in exequendo Man-  
 danto timor inest. Nemo malo malum curet.  
 Quot enim homines licet uidere, qui iam inde à  
 pueritia ad ipsam usque senectutem suam in eius-  
 modi curatione operam collocarunt, neque ta-  
 men ob id studium bona ipsorum habitudo cor-  
 porum naturalis est ullo modo facta deterior?  
 Neque uero ulla probabili ratione id fieri po-  
 test. Cæterum quoniam aliquando sæuiunt quæ-  
 dam morborum genera, ut pestilentia, & alia  
 eiusmodi, quæ ex causis externis pendent, quæ  
 uidelicet aere aquaue corrupta generantur: hæc  
 autem tanquam ab illis, qui prius correpti sunt,  
 eos, qui appropinquant, inuadant atque coin-  
 quinent, multis suspecta sunt: quanquam meo  
 quidem iudicio neque affectio illa ex successio-  
 ne sanis morbum dispertitur, sed communis pe-  
 stilentia sæuitia morbi similitudinem affert:  
 Quando igitur eiusmodi contagiones grassan-  
 tur, ualeat excusatio, quod morbus ex eo la-  
 borantibus ad alios serpat. At hic quoniam af-  
 fectionis uis intus contrahitur & consistit, & ex  
 tabificorum humorum permixtione quodam-



modo sanguis corrumpitur, in ægrotante solum hæret & circumscribitur affectio. Hoc autem sic habere, illud indicium sit. Qui morbo laborant, aliquidne melioris habitudinis acquirunt ex consuetudine & familiaritate eorum, qui cōmoda fruuntur ualitudine, quamuis curentur ab eis diligentissime? Nihil omnino. Sic igitur è contrario fieri par est, ut nihil ex ægrotantibus ad recte ualentes incommodi perueniat. Quare, cum tanta Mandati utilitas sit, ut inde regnum cœlorum comparetur, in eo autem exercendo nullum periculum, ut corpus detrimenti quicquam accipiat, quid impedimento est, quominus ipsum Charitatis mandatum excolatur? Difficile, & magni laboris est (inquies) ut homines ad hæc, à quibus naturaliter & inductione quadam animi abhorrent, amplectenda pertrahantur. belle. rationem admitto, & laboriosum esse confiteor. Verum quid nam eorum, quæ ex uirtute perficiuntur, à labore uacuum ostendes? Sudores & labores multos rerum cœlestium spei Lex diuina proposuit, arduamq; ad uitam ducentem uiam hominibus demonstrauit, eamq; laboriosissimis ac difficillimis quibusque documentis peranguste referciens undique coarctauit. Angusta enim est porta, & arcta (inquit) est uia, quæ ducit ad uitam. Quid ergo? Matth. 7.  
c. illamne summi boni spem iccirco contemnemus, quòd ad illud ignauis & inertibus aspira-



re non licet? Interrogemus adolescentes, utrū laboriosius sit, sobrie, caste, continenter uiuere, an relaxare habenas cupiditati, & solute ac libere conquisitis undique uoluptatibus frui, & hæc an illa uiuendi ratio suauior, & magis optanda uideatur. Quid ipsi sint responsuri, nemini dubiū est. Nos ergo propterea id, quod iucundum & facile est, complectemur, à uirtute autem, quòd difficilis laboriosaq; sit, per ignauiam deficiemus? Atqui illi, qui uitæ legestulit, ista non probantur. Proinde spatiosa illa deorsum ad perniciem tendente nobis interdicta uia, intrate (inquit) per angustam & arctam portam. Vnum igitur ex illis institutis, quæ recte per laborem exercentur, & hoc existimemus, ut reiectum è uita atque exoletum mandatum in consuetudinem inducamus, & naturalem offensionem, atque fastidium animi, quo ab illo abhorremus, exercitationis assiduitate leniamus, & emendemus. Magna est consuetudinis uis, & rebus etiam difficilioribus solet uoluptatem quandam aspergere. Quamobrem ne quis amplius mandatum esse difficile ac laboriosum obiiciat: sed potius omnes utile ac fructuosum illud recte obeuntibus fateantur. Er quoniam apparet lucri magnitudo, labor omnis alacriter suscipiatur. Nam quod principio molestum & arduum uidetur, id ipsa dies & consuetudo facile ac iucundum efficiet. Iam uero si iis, quæ dicta sunt,



uolumus aliquid adiungere, misericordiam erga calamitosos in hac item uita frugiferam esse reperiemus. Nemo est enim, qui sapiat, quin tanquam egregium præmium ante reconditum putet id, quod in alterius calamitatibus humaniter & benigne confertur. Quoniam enim humana omnia moderatur una eademq; natura; & sibi perpetuo prosperas & secundas res fore, certum est nemini; in omni uita Euangelicum illud præceptum expedit meminisse, ut, quæ uolumus, ut faciant nobis homines, eadem faciamus. Quandiu ergo feliciter nauigas, illi manum porrigito, qui naufragium fecit. commune est mare. tempestas communis. communis fluctuum perturbatio. saxa sub undis latentia, syrtes, scopuli, & omnia denique huius uitæ navigationis incommoda parem cum ceteris nauigantibus metum iniiciunt. Dum integer es, dum uitæ pelagus tuto pertransis, ne inhumane prætereas eum, qui prius nauem illi-  
fit. Quis tibi sponfor, ut felicem nauigationem perpetuo sis habiturus? Nondum in portum quietis appulisti. Nondum extra fluctuum periculum es constitutus. Tibi nondum in loco tuto constitit uita. Adhuc in uitæ pelago iactaris obnoxius tempestati. Qualem te calamitoso præstiteris, tales ergate eos, qui simul nauigant, experieris. Omnes igitur in quietis portum secundo Sæcti Spiritus afflatu prouecti contendamus. Adsit diligens mandatorum exer-

Matth. 7.



citatio, & gubernaculum Charitatis. Quibus adiuti tandem Promissionis Terram assequamur, in qua sita est magna illa ciuitas, cuius architectus & ædificator est CHRISTVS Deus noster, cui gloria in æternum. Amen.

## EX LIBRO BEATI HIE-

RONYMI DE SCRIPTORI-

BUS ECCLESIASTICIS.



REGORIVS prius Sasimorum, deinde Nazanzenus episcopus, uir eloquentissimus, præceptor meus, à quo scripturas explanante didici, ad triginta millia uersuum omnia opera sua composuit, è quibus illa sunt: de morte fratris Cæsarij, περὶ Φιλοπρωχίας, laudes Machabæorum, laudes Cypriani, laudes Athanasij, laudes Maximi philosophi, post exilium reuersi, quem falso nomine quidam Heronius inscripserunt, quia est & alius liber, uituperationem eiusdem Maximi continens, quasi non licuerit eundem & laudare, & uituperare pro tempore, & liber hexametro uersu uirginitatis & nuptiarum contra se differentium, aduersus Eunomium liber unus, de spiritu sancto liber unus, contra Iulianum Imperatorem liber unus, secutus est autem Polemonem dicendi charactere, uiuòq; se episcopum in loco suo ordinans, ruri uitam monachi exercuit, decessitq; ante hoc ferme triennium, sub Theodosio principe.



157

D. GREGORII NAZANZENI  
THEOLOGI DE PAUPERIBVS  
AMANDIS ET BENIGNITATE  
TE COMPLECTENDIS  
ORATIO.



IRI fratres, quiq;  
in eadem mecum ege  
state uersamini (licet  
enim alius alium ha  
bēdo superare uidea  
mur, dum nos exi  
guis modulis meti  
mur; pauperestamē  
sumus omnes, & di  
uinæ gratiæ indigemus) hunc de subleuandis be  
neuolentiāq; prosequendis pauperibus sermo  
nem non angustis, sed benignis animis suscipi  
te, ut regni cœlorum diuitias consequamini;  
Deumq; simul orate, ut dicenti mihi adsit, ora  
tionisq; copiam præbeat, qua ueluti diuino illo  
cibo è cœlo demisso, aut paucis illis panibus,  
ego quoque, ut Moses olim, & IESVS po  
stea, uerus panis, uerāq; uitæ auctor, tot homi  
num millia ad satietatem usque pauerunt in soli  
tudine, animos uestros alere saturareq; possim,  
atque ita spiritalem esurientibus panem frange

Exod. 16. c.  
Mar. 8. b.  
10. 6. b.



re ac subministrare. Certe quemadmodum in prato multis & odoratis floribus referto haud facile est, pulcherrimum omnium, & fragrantissimum inuenire, unoquoque tum odore, tum pulchritudine trahente spectantium oculos, seq; ut primum carpant, inuitante: sic inter uirtutes difficile est, cui tanquam præcellenti palmam tribuenda sit, sententiam ferre. Quamobrem, ut id inuestigemus, ita considerandum censeo.

*Gen. 15. b.*

*Rom. 4. a.*

*Gen. 4. d.*

*Rom. 9. a.*

*Io. 4. e.*

*Gen. 19.*

*Ios. 2. a.*

*Matth. 12.*

*d.*

*Gen. 1. e.*

Præclaræ sunt hæc tres uirtutes, fides, spes, charitas: ac fidei quidem testis est Abraham iustificatus ex fide: spei autem Enos, qui primus ad inuocandum dominum adductus est spe, cum etiq; iusti, qui propter spem res aduersas perpessi sunt: charitatis uero Diuus Apostolus, qui propter Israellem ausus est aliquid etiam contra se loqui, & Deus ipse, qui charitas uocatur. Præclara uirtus est hospitalitas, declaratq; id ut ex iustis Lotincola quidem Sodomæ, sed à Sodomorum moribus alienissimus: sic ex peccatoribus Raab meretrix, nec tamen meretrix proposito, quippe quæ laudem & salutem est assecuta propter hospitalitatem. Præclara uirtus est mutua inter fratres beneuolentia. testimonio sit ipse IESVS, qui nō modo fratrem se nostrum uocari non recusauit, sed mortem ipsam pro nobis subire uoluit. Præclara uirtus est humanitas, quod facile ostendit idem IESVS, qui non solum hominem fecit, ut bene beateq; uiueret, eamq; pulueri imagi-



nem adiunxit, quæ ipsum ad honestissima quæ-  
 que perduceret, rebusq; diuinis conciliaret, ue-  
 rum etiã pro nobis ipse factus est homo. Præ-  
 clara uirtus est lenitas animi, ut idem IESVS  
 ostendit, cum nec legiones Angelorum popo-  
 scit aduersus eos, à quibus oppugnabatur op-  
 primebaturq; ; & Petrum, qui gladium eduxis-  
 set, increpuit, atque auriculam ei, cui abscissa  
 fuerat, restituit: utq; testatus est postea Christi  
 discipulus Stephanus, dum pro iis, à quibus la-  
 pidibus obruebatur, precaretur. Præclara uir-  
 tus est mansuetudo, cuius sane rei locupletissi-  
 mi testes sunt Moses, & Dauid, eorumq; magi-  
 ster non contendens, neque clamans, neque in-  
 plateis uocem emittens, neque resistēs iis, à qui-  
 bus ducebatur. Præclara uirtus est zelus. testa-  
 tur id Phinees, qui Madianitem cum Israelita  
 confodit, ut dedecus à filiis Israel remoueret;  
 quo sane facto gloriam etiam adeptus est: et qui  
 post illum dixerunt, Zelans zelaui Deo Domi-  
 no omnipotenti: &, Zelo enim uos Dei zelo:  
 &, Zelus domus tuæ comedit me: quiq; non so-  
 lum ita locuti sunt, sed rebus ipsis uerba confir-  
 marunt. Præclara uirtus est corporis afflictio.  
 persuadeat id tibi cum Paulus se ipsum adhuc e-  
 rudians, & Israelis exemplo terrorem incutiens  
 iis, qui sibi fidunt, & corpori indulgent: tum ip-  
 se IESVS, dum ieiunat, dum tentatur, tenta-  
 toremq; superat. Præclara uirtus est precatio  
 & uigilia. persuadeat id tibi IESVS, qui an-

Matth. 1.

Matth. 26.

Luc. 22. f.

Act. 7. 6.

Num. 12. 4.

Reg. 1. et. 2.

Matth. 12. 6

Num. 25. 6

3. Reg. 19. 6

2. Cor. 11. 6

Psalm. 68. 6.

1. Cor. 9. d.

Rom. 11.

Matth. 4.

Matth. 26. d



D. GREGORII NAZAN.

1. Cor. 7.  
Luc. 2. a.

2. Reg. 23.  
c.

3. Reg. 18.  
Luc. 3.  
Luc. 6. b.

3. Reg. 17.  
Matth. 3. a

Matth. 27.

Io. 13. a.

Luc. 19.  
Matth. 19.  
c.

re cruciatus et mortem uigiliae precationiq; incu-  
buit. Præclara uirtus est castitas & uirginitas:  
persuadeat id tibi Paulus, qui de his leges tulit,  
æquaq; tum coniugio, tum cœlibatui præmia  
constituit, I E S V S etiam ipse natus ex Vir-  
gine, ut et legitimam liberorum procreationem  
commendaret, & ei tamen uirginitatem antefere-  
ret. Præclara uirtus est temperantia: persuadeat  
id tibi Dauid, qui potitus aqua ex puteo Bethle-  
hem, eam non bibit, sed libauit tantummodo,  
nec cupiditatem suam explere uoluit re alieno  
capitis periculo comparata. Præclara est solitu-  
do, & quies, quod docet Carmelus Eliæ, Ioan-  
nis solitudo, mons I E S V, super quem sæ-  
pe secessisse eum constat, atque ita secum tran-  
quille uersatum esse. Præclara uirtus est frugali-  
tas, ut docet Elias quiescens apud uiduam, Ioan-  
nes tectus Cameli pilis, Petrus denarioli lupinis  
enutritus. Præclara uirtus est animi summissio:  
cuius rei cū multa undique exempla se offerant,  
in primis excellit illud seruatoris & domini, qui  
ita sese summisit abiecitq; ut serui persona susce-  
pta non modo se contumeliose conspui, atque  
inter facinorosos enumerari sustinuerit ipse mū-  
di peccatorum expulsor; uerum etiam in figura  
habituq; serui discipulorum pedes abluerit.  
Præclara uirtus est inopia & contemptus pecu-  
niarum, ut Zacchæus, & ipse CHRISTVS  
testatur, dum ille quidē ad ingressum CHRI-  
STI omnia ferè distribuit; hic autem in carc-



perfectam uiuendi rationem cōsistere; diuitem docet. Atque ut breuius adhuc hæc omnia complectar, præclara est illa uitæ ratio, quæ in contemplatione, præclara etiam illa, quæ in actione uersatur. altera nos à terrenis ad sublimia erigit, & in sancta sanctorum ingrediens mentem nostram reducit ad id, cui necessitudine quadā coniuncta est: altera CHRISTVM suscipit; eiq; inserviēs factis ipsis amoris magnitudinem indicat. Harum uirtutum singulæ sunt singulæ ueluti uiæ, quæ ducunt nos ad aliquam feliciū illarum sedium & sempiternarum. Quemadmodum enim sunt uariæ uiuendi rationes, ita multæ sunt apud Deum sedes pro sua cuique dignitate distributæ & assignatæ. Proinde unus quidem hanc uirtutem exerceat, alius illam, hic plures, ille omnes, si fieri potest; modo progrediatur, ad idq; , quod est ante, contendat, et pro uiribus sequatur egregium itineris ducem, qui per uiæ, portæq; angustias ad beatitudinis planitiæ perducit. Quod si ex Pauli atq; adeo ipsius CHRISTI sententia omnium mandatorum primū & maximum Charitatem, ut summam legis & prophetarum, oportet existimare; in ea nihil præstantius inuenio, quàm pauperes nobisq; coniunctos beneuolentia, liberalitate, misericordiaq; complecti. Nulla enim re perinde conciliatur, deuinciturq; Deus, atque misericordia: ea nanque nihil eius naturæ magis coniunctum aut proprium est, si quidem ante ipsum misericor-

Matth. 7. h

Matth. 22.

Ro. 13. c.

Psal. 88. c.



D. GREGORII NAZAN.

dia & ueritas ita præcedunt, ut iudicio tamen misericordia præferatur. nec ulla re magis quam benignitate benignitas rependitur ab eo, qui iuste remuneratur, quiq; in lance stateraq; ponit misericordiam. Cæterum cum omnibus pauperibus & in miseria, & calamitate quacunque de causa constitutis patefaciendæ sunt misericordiæ fores; ut illi præcepto, quod gaudere cum gaudentibus, & flere cum flentibus iuber, obtemperemus, cumq; homines simus, humanitatis & beneficentiæ signa debemus erga homines exhibere, siue in egestate positi sint, quod aut cōiuges, aut parentes amiserint, aut procul absint à patria, siue propter dominorum crudelitatem; siue propter audaciam principū, Quæstorum uel inhumanitatem, aut sicariorum cædem, aut furum improbitatem, siue propter proscriptionem, aut naufragium: isti enim omnes commiseratione sunt digni, atque ita manus nostras attendunt, quemadmodum nos Dei manus respiciamus, cum indigemus. Magis tamen ad misericordiam mouere nos debent, qui insolitis calamitatibus affecti sunt, quàm illi, qui in uulgatis quotidianisq; miseriis uersantur. Maxime autem omnium miserandi sunt, quos sacer morbus ita corripuit, ut ad carnem usque, et ossa, atque medullas, ut de quibusdam est execratio, consumpti corrosiq; sunt, et ab isto abiecto infidoq; corpore prodi. Cui sane corpori quo modo coniunctus sim, ut ex luto compactus Dei



imaginem gestem, ignoro. Hoc me, si bene ha-  
 bet, impugnat: excruciat, si male. Hoc & tan-  
 quam conseruum diligo, & auersor ut inimicū.  
 Hoc & tanquam uinculum fugio, & reuereor  
 ut cohæredem. Hoc conficere studeo: at si con-  
 fecero, cuius opera ad res præclarissimas utar,  
 non habebō. Quare quoniam scio, ad eum fi-  
 nem, ad quem genitus sum, ad Deumq; mihi  
 per opera ascendendum, ei ueluti collegæ adiu-  
 toriq; ignosco; sed quo modo impetum eius de-  
 clinem, aut à Deo nō excidam, compedibus de-  
 trahentibus, humiq; me affligentibus non inue-  
 nio. Est inimicus iucundus, & amicus insidio-  
 sus. Proh coniunctionem alienissimam. Quod  
 timeo, complector: & quod amo, idem metuo.  
 concilior, antequam pugnem: & priusquam  
 pacem faciam, inimicitias gero. Quæ nam me sa-  
 pientia et magnum arcanum circumfistit? an eo  
 consilio hoc factum est, ut nos, qui diuinitatis  
 participes sumus, è coeloq; originem ducimus,  
 ne propter dignitatem inflati elatiq; creatorē de-  
 spiciamus, sed ipsius opē in lucta belloq;, quod  
 cum corpore gerimus, imploremus, imbecilli-  
 tatemq; nostram ueluti magistrā ac ducem ha-  
 beamus, quæ nos officii, conditionisq; nostræ  
 commonefaciat: ut nos, prout ad alterutram  
 partem inclinauerimus, ita maximos, uel abie-  
 ctissimos; cœlestes, aut terrenos; temporarios,  
 aut immortales; lucis aut ignis, tenebrarum uel  
 fore hæredes intelligamus? hoc sane modo &



has ob causas, meo quidem iudicio, compacti  
 sumus, ut, quando propter imaginis formæq;  
 præstantiam efferimur, luti, materiæq; humili-  
 tate deprimamur. In his igitur, qui uolunt, phi-  
 losophentur; nos item opportunius aliàs philo-  
 sophabimur. Nunc autem quanquam aliena ca-  
 lamitate commotum dicendi me impetûs tulit,  
 ut propriæ carnis miseriam imbecillitatemq; do-  
 lerem; tamen sic statuo, fratres, ut id, quod tan-  
 to nobis necessitudinis, eiusdemq; seruitutis uin-  
 culo coniunctum est, seruemus. licet enim affe-  
 ctione permotus in illud tanquã in hostem inue-  
 ctus sim, ipsum tamen amore illius, qui coniun-  
 ctionem eiusmodi fabricatus est, diligo, comple-  
 ctorq;, nec minori curæ nobis esse debere existi-  
 mo corpora proximorû, quàm cuique sit suû,  
 siue ea ualeant, siue ab ipso morbo cõficiantur.  
 Si quidem unum sumus omnes in Domino, si-  
 ue opulenti, siue pauperes, siue serui, siue libe-  
 ri, siue ualenti corpore, siue ægrotanti simus: &  
 unum omniû caput, & ex quo omnia **CHRISTVS**;  
 & quam proportionem habent inter  
 se corporis membra, eandẽ inter nos habemus  
 tû singuli, tû uniuerfi. Quam obrẽ non sunt des-  
 picienda, negligenda uel corpora eorum, quos  
 communis infirmitas prius inuasit. Neque ma-  
 ior nobis latitia ex commoda nostra, quam ex  
 incommoda fratrum ualetudine molestia perci-  
 pienda est. Præsertim cum humanitas, quam  
 illis præstamus, unicum nobis ualetudinis no-  
 strorum

Ro. 12.

Col. 1. c.



strorum tum corporum, tum animorum præ-  
 fidium sit. Sed consideremus, quaeso, quo mo-  
 do, qui sacro morbo laborant, præ omnibus  
 sunt miserandi. Alii nanque una duntaxat, qua  
 premuntur, subleuandi sunt egestate, qua ta-  
 men eos aut ipsa dies, aut industria, aut amico-  
 rum propinquorumq; benignitas, aut rerum ui-  
 cissitudo fortasse liberabit. Hos autem cum ea-  
 dem, atque haud scio an maior etiã inopia pre-  
 mat, cum nulla sibi ipsi industria opitulari que-  
 ant, quippe qui una cum rebus necessariis car-  
 nes etiam amiserint, magisq; quotidie ingraue-  
 scentis morbi formidine, quam ulla conualescẽ-  
 di spe teneantur; ut ne commune quidem infe-  
 licium solatium, spes, ullam ipsis miseriæ leua-  
 tionem afferat: inopiæ præterea morbus con-  
 iunctus est, & is morbus, qui omnium maxime  
 est detestandus, cunctorumq; execrationibus  
 in primis expositus, ut postrema illa eorum mi-  
 seriæ calamitas accedat, quæ magis etiam, quam  
 morbus ipse eos excruciat, cum animaduer-  
 tunt congressum aspectumq; suum à pluribus  
 euitari, seq; nulla alia de causa auerti, declina-  
 riq;, & inuisos esse, nisi quòd sunt calamitosi.  
 Equidem cum eorum miseriæ intuitu lacrymis  
 temperare, tum recordatione non possum non  
 comoueri. Eadem uos item miseratione com-  
 mouemini, fratres, ut lacrymis lacrymas effu-  
 giatis. Quod tamen euenire scio præsentibus  
 is, qui & CHRISTI, & pauperum cupi-



## D. GREGORII NAZAN.

di amantesq; sunt; quiq; & Dei, & à Deo mise-  
 ricordiam habent, eiusq; rei nos testes sumus.  
 Proponitur ante oculos nostros spectaculum  
 graue & miserandum, omnibus qui ipsum non  
 uiderint, incredibile; homines mortui, qui ui-  
 uunt, cum plurimæ illis corporis partes sint am-  
 putatæ, neque quinā olim fuerint, neque unde  
 sint, propemodum cognosci possunt; sed pa-  
 rentum, fratrum, patriæq; nominibus recen-  
 sendis se infelices hominum reliquias esse testan-  
 tur. Ego, inquit, patrem illum habui, ea mi-  
 hi mater fuit, hoc nomine appellor, tu mihi a-  
 micus olim fuisti, & familiaris. hoc modo se di-  
 gnoscendos præbent. Quo enim alio pristino  
 signo facere id queant homines nō modo pecu-  
 nia, cognatione, amicis exhausti, sed ipsis cor-  
 poribus mutilati? homines omniū soli, qui se  
 ipsos & miserantur, & oderūt simul. qui nesciunt,  
 utrum magis doleant eas corporis partes, quas  
 amiserunt, an illas quas habēt: eas quæ morbo  
 præreptæ sunt, an quæ derelictæ. Illæ nanque  
 sunt infelicitè cōsumptæ, hæ infelicius seruatæ.  
 Illæ ante sepulturæ tempus euanuerunt, hæ non  
 habent, à quo afficiantur sepultura. Etenim qui  
 alioqui benigni sunt singulariq; humanitate  
 præditi, nulla in istos commiseratione tangun-  
 tur, ut in hac una re, quòd caro simus, quodq;  
 nos abiectissima corpora circudent, obli-  
 tū esse uideamur. Tantumq; abest, ut homines  
 cuiusmodi curare uelimus, ut nos tum demum



tutos atque incolumes existimemus, si ab ipsis  
 quam longissime recesserimus: cumq; non de-  
 sint, qui cadaueribus, eisq; forte iam pridem  
 foetentibus appropinquauerint, putidaq; ani-  
 malium rationis expertiū corpora pertulerint,  
 ac cœno oppleri se sustinuerint; hos tamen pro  
 uiribus fugimus, ac propemodum (prohi inhu-  
 manitas) quod eundem cum ipsis aera spiritu  
 ducimus, indignamur. Quid patre cōiunctius?  
 Quid clementius matre? atqui natura ab iis etiā  
 uidetur excludi. Ac pater filium suum, quem  
 genuit, quem educauit, quem unicum uitæ ocu-  
 lum habere se existimabat, pro quo multa sæ-  
 pe Deo uota faciebat, deplorat illum quidem,  
 sed tamen expellit; atque alterum uolens, alte-  
 rum coactus facit. Mater autem partus dolorū  
 reminiscitur, eiq; præ dolore uiscera disrum-  
 puntur; uoce admodum miserabili clamat, fi-  
 liumq; ante positum atque uiuentem ueluti de-  
 functum deflet: Fili, inquiens, infelix, & ab infe-  
 lici matre genite, quem mihi dimidiatum acerbè  
 morbus abstulit: Fili miserande, fili qui nullo si-  
 gno dignosci potes; fili, quem speluncis, & mō-  
 tibus, & solitudinibus alui, cum feris habitabis,  
 petra tibi rectum erit, inuisent te homines illi  
 duntaxat, qui incredibili erunt pietate insignes.  
 Vsurpat etiam miseranda illa Iob uerba: Cur  
 formatus es in utero matris? cur è uentre ip-  
 sius egressus non statim interiisti, ut cum ortu  
 mors coniungeretur? cur immaturus non di-



scelsisti prius, quam in aluitre degustares? et tibi  
genua compacta sunt? cur ubera suxisti in-  
feliciter uicturus uitam, morte acerbiorum? &  
cum hæc dicit, tum emittit fontes lacrymarum;  
& quæ complecti cupit filii membra, ea tan-  
quam hostilia reformidat. Quid? quod ple-  
rique omnes nociferantur & faciunt non ad-  
uersum eos, qui in facinoribus, sed qui in mis-  
seriis ærumnisq; uersantur? non desunt, qui ha-  
bent cum homicidis, qui eadem cum adulle-  
ris non solum domo, sed etiam mensa utantur;  
qui cum sacrilegis uiuendi societatem institu-  
tam habeant, quiq; illis etiam, à quibus læsi sunt,  
propinquant; at eos, qui eiusmodi affecti sunt mor-  
bo, cum nihil commiserint, tanquam crimen  
auersantur. Atque ita meliori loco malitia est,  
quam ægrotatio. Et quod inhumanum est,  
tanquam liberale complectimur; quod autem  
commiseratione, humanaq; pietate dignum,  
ceu turpe spernimus atque despiciamus. Ex-  
pelluntur à ciuitatibus, extruduntur ab ædi-  
bus, à foro, à congressibus, à uiciis, ab ipsa (o  
calamitas) aqua; ut fontes etiam ac flumina,  
quæ illis communiter cū aliis hominibus fluunt,  
contagione inquinari, contaminariq; credan-  
tur. Cæterum, quod maxima admiratione di-  
gnum est, quos, ubicunque fuerint, tanquam  
nocentes, ac ueluti piacula expellimus, quosq;  
ad nos rursus tanquam innoxios reuocamus,  
his non ad habitandum loca decernimus, non



quæ uictui, uulneribusq; curandis necessaria  
sunt, exhibemus, quo morbum ipsum pro ui-  
ribus contegamus. Ea re fit, ut diu noctuq;  
inopes, nudi, incertis sedibus uagentur, mor-  
bum ostentantes, enarrantes originem, creato-  
ris opem implorantes, utentes alienis membris  
loco eorum, quæ sibi defunt, inuenientes uide-  
licet membra ueluti Sophistæ, quibus miseri-  
cordiam moueant. Postulant autem frustulum  
panis, aut paululum obsonii, aut detritæ uestis  
particulam, qua foeditatem operiant, aut ulce-  
rum aliquod ex consolatione solatium. Ve-  
rum humanus erga illos uidetur non qui subue-  
nit indigentia, sed qui non acerbius eos dimit-  
tit. Plerique tamen ipsorum non detinentur pu-  
dore, quominus in conspectum & frequentia  
hominum ueniant; quin ob id potius ab ino-  
pia pelluntur ad hæc concilia & solennes ac sa-  
croshoscætus, quos ad excolendos animos ex-  
cogitauimus, uel cum ad mysterium aliquod  
conuenimus, uel festos dies in honorem mar-  
tyrum ueritatis celebramus; ut quorum certa-  
mina ueneramur, eorum pietatem imitemur.  
Ac tamen si uerentur hominum aspectum pro-  
pter calamitatem, quippe qui ipsi quoque sint  
homines; & montibus ac speluncis, aut syluis,  
aut nocte denique ac tenebris obtegi mallæt, re-  
punt tamen in medium miserabile pondus & la-  
crymis prosequendum. Quod tamen forrasse  
non temere fit, sed ut nos infirmitatis nostræ



D. GREGORII NAZAN.

commonefacti intelligamus, rebus, quæ ad sunt  
quæq; uidentur, nullis tanquam stabilibus,  
aut firmis inhaerendum innitendumue esse.  
Prosternunt autem se partim audiendi, partim  
uidendi homines desiderio; partim ut parua ui-  
tæ uatica ab iis, qui diuitiis affluunt corrogent.  
Omnes quidem certe miseras fitas publice ex-  
ponunt, ut aliquo modo subleuentur. Cuius  
animus non horum lugubrem concentum mo-  
dulantium lamentationibus perfringatur? Quis  
aut auribus cantum, aut oculis spectaculū per-  
ferre possit? quidam iacent inter se male pro-  
pter morbum coniuncti, & alius alii calamitatis  
aliquid ad excitandam misericordiam mutua-  
tur; atque ita quisque ueluti miseriæ cumulus  
accedit, ipsa quidem calamitate miserabiles, sed  
calamitatis consensu coniunctioneq; miserabi-  
liores. Circumstat ipsos commista hominum co-  
rona, qui eorum quidem miseria, sed exiguum  
ad tempus commouentur ac dolent. Quidam  
uero ad pedes hominum prouoluuntur sole,  
pulvere, sauo nonnunquam frigore, & imbre,  
uentorumq; turbine eo magis excruciatu affli-  
ctiq; quo magis eorum tactū perhorrescimus  
ac derestamur. At sacris, quæ in ecclesia peragū-  
tur cantibus ciulantium luctus responder; & ad-  
uersus arcanas uoces cantilena miserabilis exci-  
tatur. Verum non est necesse uniuersam eo-  
rum calamitatem nobis diem festum celebran-  
tibus explicare. Nam si diligentius singula,



quæ tragice dici possent, persequeretur, uos  
 item fortasse in luctum adducerem, & celebri-  
 tatis lætitiā commiseratio superaret. Hæc au-  
 tem dico, quoniam dolorem uoluptate, cele-  
 britate mœstitiā, indecoro risu honestas lacry-  
 mas aliquando potiora esse uobis persuadere  
 nondum possum. Isti quidem ita, ac multo  
 etiam calamitosius affecti sunt, quam ego com-  
 memorauī; qui tamen apud Deū, uelimus, no-  
 limus sunt fratres nostri, eandem, quā nos, for-  
 titi naturam, eodem luto compacti, quo pri-  
 mum geniti sumus, nervis ossibusq; simili-  
 bus confuti, pelle & carne similiter amicti, ut  
 quodam loco inquit beatus Iob, cum inter cru-  
 ciatus philosopharetur, & ea, quæ uidentur in  
 nobis, contemneret. Quinetiam, si id quod ma-  
 ius est, dicere oportet, eandem, quam nos ima-  
 ginem & acceperunt, & fortasse melius tuen-  
 tur, quam nos, etiam si corpora confecta ha-  
 beant: eundem CHRISTVM secundū in-  
 teriorem hominem induerunt: eodem Spiri-  
 tus sancti pignore donati; earundem legum,  
 oraculorum, testamentorum, sacramentorum,  
 mysteriorum, spei participes. pro iisdem item  
 CHRISTVS mortuus est, qui totius mun-  
 di peccatum tollit: cœlestis uitæ sunt cohære-  
 des, quanuis præsentis possessione propemodum  
 exciderint: sepeliuntur una cum CHRISTO,  
 unaq; confurgunt, si quidē cōpatiuntur,  
 ut glorificentur. Nos autē, qui magni, nouiq;

Cap. 10. b.



1. Pet. 2.

nominis hæreditatem accepimus, ut appelle-  
mur à CHRISTO gens sancta, regale sa-  
cerdotium, populus acquisitionis, & electus,  
bonorum ac salutarium operum æmulatores;  
CHRISTI discipuli illius mansueti atque  
humani, qui infirmitates nostras portauit, qui  
semetipsum abiecit, ut formam nostrā sumeret,  
carnemq; hanc atque terrenū hoc tabernaculū  
gestaret, qui denique pro nobis, doloribus, mo-  
lestiisq; cumulatus est, ut nos diuinitatem conse-  
queremur. Quid nos, inquā, qui tam ingens pie-  
tatis, atque cōmiserationis exemplū accepimus,  
de iis cogitabimus? quid faciemus? despicie-  
mus ne? præteribimus? derelinquemus ut mor-  
tuos? ut detestabiles? ut serpentes ac feras teter-  
rimas? nequaquam, fratres. Neque enim id de-  
cet alumnos CHRISTI pastoris illius boni,  
qui quod aberrauerat, reducit: quod perierat,  
exquirat: & quod est infirmū corroborat: neq;  
etiā patitur humana natura: quæ ex æquali im-  
becillitate pietatem & benignitatem ediscens mi-  
sericordiæ leges in animis nostris inscripsit. Ve-  
rum illi quidem sub dio misere uitam agent,  
nos autē ædes splendidissimas habitabimus mar-  
moribus uariis exornatas, auro atque argento,  
lapillorumq; subtilium ac minutorū textura, ta-  
bularumq; uarietate quasi quibusdam illecebris  
spectantium oculos capientes ac perstringentes.  
Et cū has incolemus, tum alias ædificabimus. At  
quibus? fortasse ne nostris quidem hæredibus,

Ezech. 33.  
d.



sed peregrinis alienisq; , qui nos non modo non  
 amant, sed, quòd est malorum extremum, capi-  
 tali odio atque incredibili inuidia prosequuntur.  
 Et illis quidem detritum lacerumq; , uel forte  
 etiam nullum suppetet uestimentum, quo se ab  
 iniuria frigorum defendant. Nos autem uestiū  
 mollium, in terramq; , circumfluentium copia a-  
 bundabimus ex tenuissimis aereisq; , tum lini, tū  
 Serum telis contextarum. Ex iis autem & illæ,  
 quas gestabimus, nobis dedecori potius erunt,  
 quam ornamento: quicquid enim modum at-  
 que usum excedit, id ego ignominiam afferre  
 magis, quàm laudem existimo: et quæ intus e-  
 runt recòditæ, præterquam quod inutili nos mo-  
 lestaq; sollicitudine afficient, escam tineis ac tem-  
 pori cuncta consumenti suppeditabunt. Illi ne  
 rebus quidem uictui necessariis abundabunt (ò  
 delicias meas, & miseras eorū angustias) sed an-  
 te fores nostras exclusi atque esurientes iace-  
 bunt, corpore sibi ne occasiones quidem, qui-  
 bus ad postulandum utantur, subministrante;  
 quippe qui & uocibus ad conquerendū careant,  
 & manibus, quas in supplicationibus proten-  
 dant, & pedibus, quibus ad diuites accedant, &  
 respirationibus, quibus uocem in lamentationi-  
 bus commode possint intendere. id unum, quod  
 omnium malorum grauissimum est, ipsi leuissi-  
 mum putant, cæcitatem; quinetiam oculis, qui-  
 bus capti sunt, gratulantur, quoniam propriam  
 calamitatem non cernunt. Atque illi quidem ita



D. GREGORII NAZAN.

se habent. nos uero in sublimibus, altisq; toris,  
superfluisq;, & intactis stragulis splendidi splen-  
dide recumbemus, indignantes, si uel querela-  
rum uocem exaudiamus. Oporteret præterea flo-  
ribus sæpe etiam præter tempus conspersa no-  
bis pauimenta redolere, mensasq; unguentis  
quum odore tum artificio & sumptu pretiosis-  
simis redundare, ut magis etiam effœminemur.  
Ad hæc pueros astare partim cum ornatu atque  
ordine promissis capillis & molles, cæsariæq; fa-  
ciei elaborate magis, quam expediat, accom-  
modata, prucacibus oculis exornatos: partim  
calices summis digitis elegantissime simul ac tu-  
tissime sustinentes: partim flabellis super caput  
uentulum ingeniose facientes, aurisq; de mani-  
bus emissis carniū multitudinē & reliqua re-  
frigerantes. Mensas porro & conquistissimis  
impleri cibis, elementis omnibus luxuriæ no-  
stræ copiam subministrantibus, aere, terra, aqua;  
& coquorum, popinatorumq; artibus contra-  
hi, & in angustum redigi, propositis præmiis, si  
quis excogitet novos modos, quibus gulæ no-  
stræ blandiatur, & ingratum alliciat uentrem  
grauē pondus, malorumq; fontem, ac ferā ma-  
xime tum insatiabilem tum infidam, quæ cum  
ipsis cibis, quos deuorauit, statim consumitur.  
Atque cum illis sane bene agitur, si possint aqua  
sitim extinguere. Nos autem maxima uini po-  
cula ingurgitabimus, ad ebrietatē usque; & su-  
pra ebrietatem etiam, si qui sunt intemperantio-



res. At alia quidem uina repudiabimus, aliud ut odoriferum laudabimus, de alio facunde differemus; damnumq; nos fecisse putabimus, nisi ex laudatis peregrinum aliquod uinum, quod inter domestica atque nostratia quodam modo dominetur, adfuerit. oportet enim nos delictos, neque iis, quæ fert usus, contentos aut esse, aut certe uideri; quasi turpe ducamus, nisi existimemur serui tum uentris, tum eorum quæ sub uentre sunt. Cur hæc facimus, fratres? cur nos ite animis ægrotamus? qui sane morbus eo difficilior est corporis morbo, quod hunc quidem nouimus ad inuitos accedere, illum uero uolentes inuadere. Vnum simul cum ipsa uita dissoluitur, alter è uita decedentes consequitur.

Vnum miseratione, alterum odio prosequendum existimant omnes, qui sapiunt. Cur non opitulamur naturæ, dum facultas conceditur? cur non tuemur carnis humilitatem, qui caro sumus? cur in fratrum calamitatibus delicias agimus? absit, ut uel diuitiis abundem his in egestate constitutis, uel bona ualerudine fruar, nisi horum uulneribus opem feram; uel uictum abunde, aut uestitum, aut tectum possideam, nisi his & panem frangam, & uestimenta pro facultate distribuam, & tectum ad quiescendum concedam. Omnia nimirum aut reponenda sunt **CHRISTO**, ut ipsum sublata cruce uere & ex animo sequamur, & nullo detrahente nos pondere leues expeditiq; ad superiora uolemus,



unumq; CHRISTVM pro rebus omnibus lucremur, per humilitatē sublimes, per paupertatem diuites effecti: aut certe cum CHRISTO partienda, ut quodam modo id etiam, quod possidemus, propterea quod eo recte honesteq; utamur, & cum iis qui non habent, communicemus, expietur sanctumq; efficiatur.

Cap. 31. d.

Quod si mihi uni seminauero; seminem utique, & alii comedant. Atque ut iterum utar uerbis Iob, pro frumento oriatur mihi tribulus, et pro hordeo spina: urens uetus auferat, & tollat procella labores meos, ut incassum laborauerim. Et si horrea construxero ex iis, quæ Mammonæ sunt, congregans, etiam à Mammona hac ipsa nocte reposcar animam, redditurus rationem eorum, quæ male parauī & condidi. Nonne tandem aliquando resipiscemus? Nonne indolentiam, ne dicam contemptum, abiiciemus? non quæ sunt hominum cogitabimus? non in alienis malis nostra bene componemus? nihil enim est in rebus humanis natura stabile, nihil æquabile, nihil sufficiens, nihil in eodem statu permanēs: sed omnia quadam ueluti rota circumuoluuntur, diuersas sæpe diebus singulis atque etiam horis uicissitudines afferēte; ut instabilibus uentis, & nauigii mare secantis uestigiis, & fallacibus noctis insomniis, quorum breuis est gratia, & iis quæ per ludum in arena fingunt pueri, magis fidendum sit, quàm præsentī hominum prosperitati. Quare prudenter faciunt, qui, propte-



reā quod non fidunt rebus presentibus, rationibus suis consulunt in futurum. Et propter instabilem incertamq; humanæ felicitatis conditionem, benignitatem, & misericordiam, quæ nunquam deficit, complectuntur: ut unum ex tribus omnino consequantur, uel ut nunquam indigeant, quandoquidē Deus hæc bona sæpe largitur hominibus piis; ut eos benignitate ad misericordiam incitet; uel ut fiduciam habeant in semetipsis apud Deum, quippe qui non propter improbitatem, sed quendam dispositionis ordinem mala perpessi sint: uel denique ut ab iis, quibus res prosperæ, secundæq; fluunt, tanquā debitam sibi reposcant humanitatem, quam indigentibus præstiterunt ipsi, cum in secunda fortuna uersarentur. Ne gloriatur (inquit) sapiens in sapientia sua, neque diues in diuitiis suis, neque fortis in fortitudine sua, etiam si ad summum uel sapientiæ, uel opum, uel potentia peruenierint: atque, ut ego addam, quæ sequuntur, neque illustis, & gloriosus in gloria, neque sanus in sanitate, neque formosus in pulchritudine, neque adolescens in adolescentia; neque (ut paucis omnia complectar) alia ulla in re ex iis, quæ hic laudantur, ab ipsa inflatus. Sed in hoc solum gloriatur, qui gloriatur, quod intelligit & exquirat Dominum, quodq; calamitosos commiseratur, & in futurum sibi aliquid benignitatis reponit. Cætera enim fluxa & temporaria sunt, & quæ ueluti in taxillorum ludo huc illuc

Iere. 9. d.



D. GREGORII NAZAN.

transmutantur, & transferuntur, cum nihil sit possidentis tam proprium, quod non uel tempore deficiat, uel inuidia dominum mutet: hæc autem stabilia certaq; sunt, neque recedunt, neque decidunt, neque spes credentium frustrantur. Mihi quidem & propter hanc causam nihil esse certum & diuturnum uidetur in rebus humanis, & illud potissimum, si quid aliud, mirabili consilio ac sapientia illa, quæ omnem intelligentiam superat, constitutum esse, ut ludamur in iis, quæ uidentur, quæq; alium aliàs & locum & dominum inuenientes sursum deorsum feruntur, & commutantur; priusq; discedunt, & aufugiunt, quàm capiantur, ut incerta earum uolubilitate perspecta omni animi impetu ad ea, quæ futura sunt, contendamus. Quid enim faceremus, si prosperi rerum successus in eodem statu nobis persisterent, qui incertis caducisq; tantopere addicti sumus? adeoq; rerum præsentium uoluptate deceptioneq; delinimur & capimur, ut iis nihil melius, nihil sublimius cogitare possimus; præsertim cum ad imaginem Dei & audiamus & credamus nos esse factos, quæ & cœlestis est, & nos ad seipsam trahit? Quis sapiens & intelliget hæc? Quis prætercurrentia pertransibit? Quis permanentibus adhærebit? Quis præsentia tanquam abeuntia, quis ea quæ sperantur ut permanentia considerabit? Quis ea, quæ uera sunt, ab iis, quæ ueri speciem prætendunt, ita discernet, ut illa sequatur, hæc asper-



netur? Quis imaginem à ueritate? Quis terrenum habitaculum à ciuitate coelesti? Quis hospitium à patria? Quis tenebras à luce? Quis limum profundi à terra sancta? Quis carnem à spiritu? Quis Deum à mundi principe? Quis mortis umbram à uita illa sempiterna separabit? Quis emet praesentibus futura? Quis fluentibus diuitiis eas, quæ non dissoluuntur? Quis iis, quæ cernuntur, ea, quæ non uidentur? Beatus qui hæc diiudicat, quiq; acri rationis indagine diuidens ac secans præstantius à deteriore ascensiones in corde suo facit, ut inquit diuinus ille Dauid, & uallem lacrymarum hanc fugiens totis uiribus superna quærit, & mundo crucifixus cum CHRISTO confurgit, & cum CHRISTO conscendit, illius uitæ, quæ nunquam deficit, quæ nunquam fallit, aditurus hæreditatem, ubi serpens capiti suo cauens calcaneum non obseruat. At nobis reliquis idem Dauid, ut quidam præco clarissima uoce præditus, ex alto & celebri aliquo loco apposite exclamat, nos graui corde homines, & diligentes mendacium appellans, ne ea, quæ uidentur, admodum complectamur, ne ue aliud quàm satietatem cibi & potus, qui corrumpuntur, omnem, quæ hinc colligitur, felicitatem existimemus. id quod forte beatus etiã Michæas cogitans & aduersus eos qui humi serpunt & boni uidentur, insurgens, Appropinquate, inquit, montibus æternis; surge, & ingredi, quo-

psal. 83. 6



niam non est tibi hæc requies. Quæ sane oratio  
 Matt. 26. d. uerbis illis propemodum congruit, quibus Do-  
 minus & seruator noster cohortatur, Surgite,  
 inquit, abeamus hinc, non undecim illos tan-  
 tum ex uno illo loco abducens, ut posset aliquis  
 existimare, sed semper, et omnes discipulos suos  
 à terra terrenisq; rebus ad cælum coelestiaq; in-  
 uitans & trahens. Rationem igitur aliquando se-  
 quamur: quæramus requiem illam: præsentem  
 opulentiam abiiciamus, siquid tamen in ea boni  
 est, id tanquam lucrum sumamus, uidelicet ut  
 eleemosynis lucremur animas nostras. Com-  
 municemus hæc bona pauperibus, ut illa conse-  
 quamur. Da partem etiam animæ, ne carni tan-  
 tum: da partem etiam Deo, ne mundo solum.  
 subtrahere aliquid uentri, quod spiritui sacres. Eri-  
 pe aliquid ab igne, repone paululum aliquid à  
 depascente flamma. Eripe tyranno, & crede  
 Domino. Da partes septem uitæ huic, & octo  
 Eccl. 9. a. ei, quæ post hanc nos est exceptura. Da pau-  
 lulum illi, à quo multum habes; immo da quic-  
 quid habes ei, qui cuncta largitus est. nunquam  
 Dei munificentiam uinces, etiam si uniuersa pro-  
 fuderis, & præterea te ipsum adiunxeris. id enim  
 est accipere, quod Deo donas. Quantuncun-  
 que intuleris, plus semper relinquetur, & nihil  
 proprium dabis; quoniam à Deo sunt omnia.  
 Ac quemadmodum umbram nostram supera-  
 re nobis non datur, quippe quæ tantum præit,  
 quantum progredimur, & æqua portione sem-

per



per antecedit: neque supra caput esse potest corporis magnitudo, cum illud semper supra corpus positum sit: sic neque Deum largiendo uincere possumus. Neque enim quippiam largimur, quod illius non sit, aut magnificentiam & liberalitatem eius antecedit. Considera, unde sit tibi idipsum, quod es, quod spiras, quod sapis, & id quod maximum est, quod Deum cognoscis, quod speras regnum coelorum, æqualem Angelis dignitatem, perfectam, puramque gloriam, quam nunc in speculis & ænigmatibus cernis, cōtemplationem; quod factus es filius Dei, cohæres CHRISTI (audacter dicā) & Deus ipse. Vnde tibi hæc omnia, & à quo? uel, ut parua, & quæ oculis cernuntur, persequar; quis tibi concessit, uidere pulchritudinem coeli, Solis cursum, circulum lunæ, multitudinē stellarum, & qui in iis omnibus, tanquam suauissimus quidam in lyra concentus ordoque seruatur? Quis horarum uarietates, temporum uicissitudines, circuitus annorum, æqualem diei noctisque partitionem, fructus terræ, aeris amplitudinem, maris accedentis recedentisque profunditates, flatus uentorum? Quis imbres, agriculturam, alimenta, artes, domicilia, leges, rerum publicarum administrationes, mansuetam uiuendi societatem hominum inter se? unde tibi animalia partim ad usus uitæ mansuefacta sunt, partim ad uestendum concessa? Quis te dominum regemque constituit omnium quæ

Y



sunt in terra? Quis denique, ne singula enume-  
rem, omnia, quibus homo cæteris antecellit,  
largitus est? nonne hic, qui nunc ante omnia,  
& pro omnibus abs te petit, ut sis benignus, ut  
misericors, ut humanus? deinde non erubesci-  
mus, si, cum ab ipso tam multa & acceperimus,  
& expectemus, ne unum quidem hoc Deo hu-  
manitatis ueluti tributum pendamus? ille nos à  
feris seiunxit, & ex omnibus animantibus, quæ  
sunt super terram, solos ratione decorauit; ipsi  
autem nos efferabimus? adeo ne deliciis corru-  
pti sumus, aut insanimus, aut (quo modo id di-  
cam, nō habeo) ut, simulac panem asperum &  
cibarium, eumq; fortasse etiam maligne suppe-  
ditauerimus, continuo nos illis natura quoque  
præstatiores existimemus? atque ut fuisse olim  
quoddam gigantum genus ex fabulis audimus,  
quod reliquis hominibus præcelleret; sic nos  
item inter hos sublimes & plusquam homines  
erimus? ut Nemrod ille, uel genus Enach, quod  
olim exclusit Israelem, aut illi, propter quos  
eluuio terram expurgauit? Ille cum sit Deus &  
Dominus, uocari pater nō erubescit: nos gene-  
re nobis cōiunctos abnegabimus? neutiquam,  
ō amici & fratres mei; ne simus mali dispen-  
satores eorum, quæ nobis commissa sunt, ne ue-  
audiamus Petrum dicentem: Erubescite, qui  
detinetis aliena, & imitamini æquitatem Dei, &  
nemo erit pauper. parandis tuendisq; diuitiis  
ne laboremus, cum alii premantur egestate, ne

Gen. 10.  
Num. 13.



inuehatur in nos, & acerbius comminetur tum  
 diuinus Amos his uerbis: Age nunc qui dici-  
 tis, aliquando transibit mensis, uenundabi-  
 mus etiam sabbatis, & horrea ac cellas aperie-  
 mus. & quæ sequuntur. propter quæ contra  
 eos, qui magnam & paruam stateram habent,  
 ira Dei concitatur: tum beatus Michæas eandē  
 ipsam fortasse luxuriam insectans, tanquam ex  
 satietate contumelia nascatur, & delicias ac  
 molliciem eorum qui in lectulis eburneis de-  
 gunt, seq; exquisitis unguentis oblectant, & te-  
 neris uitulis ex armentis hoedisq; ex gregibus  
 sumptis impinguantur, & ad organorū uocem  
 plaudunt, ac præterea stabile quidquam ex his  
 esse & firmum arbitrantur. Sed ista forte non  
 tam graua putat, quā quod ipsi in deliciis uer-  
 santes nulla Ioseph calamitatis commiseratione  
 tanguntur. id enim ad luxuriæ reprehensionem  
 adiungit. Quod ne contingat nobis, ne simus  
 adeo deliciis ac uoluptatibus addicti, ut etiam  
 contemnā humanitatem lenitatemq; Dei,  
 qui uehementer iis indignatur, etiā si nō statim,  
 neque simulac flagitiū admissum est, iram exer-  
 ceat aduersus peccatores. imitemur supremam  
 illam & primam legem Dei, qui pluit super iu-  
 stos & peccatores, & solē similiter omnibus ori-  
 ri facit, qui animantibus & terrenis expandit di-  
 cauitq; terram, & fontes, & flumines, & syluas; &  
 pennigeris aerem; & aquatilibus aquam: pri-  
 masq; uiuendi cunctis largitus est facultates

cap. 8. d.

In Michæa  
 id non in-  
 uenitur, sed  
 in Amos  
 cap. 6. qua-  
 re arbitror  
 codicē gre-  
 cum corru-  
 ptum esse.

Amos 6. b.

Matt. 5. 8.

Y ii



nulli subiectas principatui, nullis legibus circumscriptas, nullis terminis definitas, sed tum communes, tum proprias, & copiosas, ac nulla præterea re deficientes, ut & æqualem naturæ honorem æqualitate muneris honestaret, & benignitatis suæ diuitias ostenderet. At homines auro, argento, pretiosiori, ac minus necessaria ueste, lapillisq; splendidioribus defossis, belli, seditionum, præcipuæq; dominationis insignibus, tollunt supercilium, & pauperibus sibi natura coniunctis ita claudunt misericordiæ fores, ut iis ne ex rebus quidem superfluentibus ac redundantibus uelint necessaria subministrare. ò stultitiam, ò imperitiā hominum, qui ne illud quidem cogitent paupertatem, opulentiam, & quam libertatem uocamus, seruitutemq; , & alia id genus nomina non fuisse principio; sed postea simul cum malitia, cuius inuenta sunt, ad homines tanquam pestes quasdam peruenisse. initio enim, ut scriptura testatur, non fuit sic, sed qui ab initio formauit hominem, liberum, suiq; iuris & diuitem unica tantum indita præcepti lege in Paradisi deliciis dimisit eo consilio, ut omnes deinceps posteri eodem libertatis munere fruerentur. Itaque libertas & diuitiæ à sola illius mādati pendebant obseruantia; ut uera paupertas & seruitus ab eiusdem transgressione. ex quo inuidia, & lites, & dolo sus serpentis dominatus semper illecebra uoluptatis alliciens, & aduersus imbecilliores concu-

Gen. 2. c.



tans eos, qui audacia præstant, scidit id, quod naturali cognatione coniunctum & unum erat, in nominum diuersitates; & generis nobilitatem auaritia cōfregit, legem sanciens, qua principatum tueretur ac defenderet. Verum inuere tu mihi primam illam æquabilitatem, non ultimam istam diuisionem, non dominatoris legem, sed creatoris. Opitulari naturæ quantum potes, priscam libertatem cole, te ipsum reuerere, ignobilitatem generis contege, morbo subueni. Tu, qui uales, qui abundas, ægro-  
tantis, egentisq; miseriam & tenuitatem susten-  
ta: qui non offendisti, prolapsum collisumq;  
subleua; qui lætus es, moerentem consolare, qui  
rebus secundis frueris, aduersis fractum & la-  
borantem adiuua; age gratias Deo, & signum  
aliquod præbe grati animi, quòd unus eorum  
es, qui benigne facere possunt, non qui beni-  
gnitatem coguntur implorare. quòd non respi-  
cis ad alienas manus, sed alii ad tuas. non rei fa-  
miliaris tantum, sed pietatis diuitias para: non  
aurum modo, sed etiam uirtutem, immo so-  
lam potius uirtutem. Esto proximo nobilior,  
maiori utens liberalitate. Esto indigenti Deus,  
imitans misericordiam Dei. nihil enim æque  
diuinum habet homo, quàm quòd misericor-  
dia benignitateq; utitur. licet enim maiora De-  
us, homo minora beneficia tribuat, uterque ta-  
men pro sua, ut arbitror, facultate. ille fecit, &  
solutum iterum componit, tu cadentem ne des-



D. GREGORII NAZAN.

pexeris. Ille misericordiam ostēdit in rebus maximis, super omnia legē tradens, et prophetas; cum tamen antea naturæ legem dedisset exploratricem actionum, redarguens, admonens, erudiens, ad extremum seipsum pretium redemptionis præbens pro mundi uita, largitus Apostolos, euangelistas, doctores, pastores, curationes, miracula, reditum ad uitam, mortis interitum, de uictore triumphum, testamentum in tenebris, testamentum in ueritate, spiritus sancti partitiones, nouæ salutis mysterium. Tu igitur, si potes maiora illa beneficia conferre, quæ ad animum pertinent (fecit enim te Deus diuitem etiam in eo genere, modo uolueris) si igitur potes, ne desistas ab eiusmodi beneficentia. Sed primum ac potissimum petenti te tribue; immo antequam petaris, tota die miserans & rationes colligens, repetens id, quod commodasti cum fœnore accessionis, quam solet adiungere is, qui subleuatur, paulatim in se ipso augens pietatis semina. Sin autem hæc maiora non potes, at secunda & minora illa cōfer, quæ facultates tuas non excedunt. fer opem, alimentum præbe, præbe uestimentum aliquod, medicamentum affer, alliga uulnera, interroga aliquid de calamitate, de tolerantia differe. accede, cōfide, nō euades propterea te ipso deterior, cōtagio non inquinaberis: & si illi, qui sunt deliciores, rationibus uanis decepti id suspiciantur, uel potius eiusmodi defensione ignauia, seu im-



pietatem suam tegunt ac uelant, ad timiditatem ueluti ad magnum ac sapiens aliquod praesidiū confugientes. Cæterum ab ea re nullum esse periculum cum ratio ipsa, tum medicorū pueri, & domestici ægrotantiū ipsorū ministri tibi fidem faciant, quorū nulli unquam fraudi fuit, ad illos accessisse. Tu uero, ô serue Christi, & amator Dei atque hominū, quāuis res formidabilis, cauendaq; uideatur, nihil in generosi cōmiseris. fides tibi animū & fiduciam præbeāt, uineat formidinē misericordia, Dei timor mollitiem superet. argumētis carnalibus præstet pietas. ne contēpseris, ne præterieris, ne, tanquā scelus, tanquā piaculū, tanquā rem fugiendam detestandamq;, fratrē auerteris. Tuum est membrū, quāuis calamitate torqueatur. tibi, licet magno admodum animo prætercurras, derelictus est pauper tanquā Deo, (fortasse enim te flectā his uerbis) tibi proponitur humanitatis argumentum, quāuis à benefaciendo te deterreat inimicus. Quemadmodum omnis, qui nauigat, prope naufragium est, tantoq; propius, quanto audacius id facit: ita quicūque circūseptus est corpore, propinquus & obnoxius est corporis calamitatibus, & eo magis, quo elatius incedit, nec respicit eos, qui ante se iacent. dum uentis secundis nauigas, da manū illi, qui naufragiū fecit; dum sanus ac diues es, in miseria constitutum amplectere. Noli expectare, ut in te ipso perdiscas, quantū sit malū inhumanitas, & quale bonū sit, egentibus aperi-



re uiscera misericordiae. ne uelis tollere manus  
ad Deum contra eos, qui superbiunt, & preter-  
currunt pauperes; sed in alienis calamitatibus  
erudiare. Da aliquid uel exiguum inopi: non  
erit exiguum ei, qui rerum omnium eget; ne  
Deo quidem, modo pro facultate tribuatur. lo-  
co magni muneris affer consolationem. si nihil  
habes, collacryma. magna calamitosa medici-  
na misericordia ex animo proficiscens: ueraq;  
& syncera commiseratio magnam doloris &  
miseriae leuationem affert. Viliorem iumento  
hominem esse non dices, o homo; quod tamē  
si in foueam ceciderit, aut aberrauerit, lex iu-  
bet, ut erigas, & reducas. Equidem utrum eo  
mandato, ut saepe fit, in duplici legis profundita-  
te etiam aliud quippiam magis reconditum ab-  
scondatur, haud facile dixerim, neque enim est  
meum id scire, sed spiritus illius, qui scrutatur  
& cognoscit omnia; quantum autem ego inge-  
nio rationeq; comprehendere possum, iccirco  
praeceptum id arbitror fuisse, ut ab exercenda  
paruis in rebus humanitate nos ad perfectiorē  
maiorēq; perduceret. Quales enim erga eos,  
qui eiusdem nobiscum sortis cōditionisq; sunt,  
esse nos oportebit, cū tales aduersum bruta esse  
debeamus? Hæc quidem, quæ tum ratio, tum  
lex iubet, modestissimi quique homines, qui &  
dare quam accipere præstantius, & lucro mise-  
ricordiam potiorē existimant, cōprobabunt.  
Sed quid de istis, qui sunt apud nos, sapien-

Deut. 22.4.



tibus dices? omitto enim externos illos, qui Deos sibi, quum cæteris affectionibus, tum lucro, cui primas tribuunt, patrocinantibus confinxerunt. Etenim, quod magis etiam impium est, & immolare homines quibusdam dæmoniis fas esse putant nationes quædā; ut apud eos sit pietatis genus immanitas, qui eiusmodi sacrificiis et ipsi gaudeant, & Deos suos delectari putent nefarii nefariorum sacerdotes & ministri. Vt hos igitur omittamus, sunt quidam è nostris, quod quidem lacrymis dignum est, qui rātum absunt à commiserandis subleuandisq; miseris calamitosorum, ut eos acerbis etiam contumeliis afficiant, & oppugnent. quinetiam eade re philosophantur, sed uanis stultisq; rationibus, quippe qui terrena plane inaniaq; & absurda loquantur prudentium auribus indigna, & à diuinis decretis abhorrentia. Audent enim dicere Deum illorum miseriæ causam esse, eundem item nostræ felicitatis auctorem. Quis autem sum ego, qui soluam decretū Dei, & Deo benignior uidear? doleant, egeant, affligantur, sic uisum superis. ibi tantum sunt pii, ubi pecuniæ parcendum est; aut petulanter & contumeliose quippiam aduersus miseros faciendum. Quod autem secundas res suas acceptas Deo non referant, ex eorū uerbis facile conici potest. Quis enim sic animo cogitationeq; aduersum inopes affectus esset, qui Deum bonorum, quæ ipse possideat, largitorem agnosceret? Eiusdem enim est, & Deo



D. GREGORII NAZAN.

acceptum referre quicquid habet; & eo, quod habet, uti ex Dei sententia. Illorum uero calamitates utrum à Deo profectæ sint, nondum constat, donec à seipsa materia tanquam in fluxu confusionem profert. Quis autem nouit, utrum hic propter flagitia puniatur, ille, quod laude dignus sit, extollatur; an contra potius & qui effertur, propter scelera efferatur, & qui poena afficitur, propter uirtutem probetur? ut scelestus, quāto magis tollitur in sublime, tanto grauius etiam cadat, cum illi prius permittatur quasi morbū quendam efferre nequitiam suā, ut iustius afficiatur supplicio: probus autem etiam innoxius plectatur, ut tanquam aurum in fornace probatum, siquid uitii reliquum habet, eiiciatur? mundus enim à peccato nullus omnino in mortali duntaxat genere, quemadmodum audiuius, quāuis melior uideatur. Tale enim inuenio etiam in diuina scriptura mysterium. Sed longum esset enumerare spiritus uoces, quibus in hanc sententiam adducor. Quis enim arenam maris, quis guttas aquæ, & profundi magnitudinem dimeriatur? Quis cunctis in rebus ualeat inuestigare sapiētiam Dei, per quam omnia & fecit, & gubernat eo modo, quo ipse & uult, & scit? satis est enim, ut Diuinū! Apostolum imitati, admirantes illius rationem, quam nulla mentis intentione cōiectura uel assequi possumus, prætereamus. O altitudo diuitiarum sapientiae & scientiae Dei, quā incomprehensi-

*Ro. ca. 2. d*



bilia sunt iudicia illius, & imperuestigabiles viæ  
 eius. Quis enim nouit sensum domini, ad ter-  
 minos autem sapientiæ illius quis peruenit? ait  
 Iob. Quis sapiens & cognoscet hæc? & non  
 metietur re finita id, quod est super mensuram?  
 alius igitur audacter animoseq; de his pronun-  
 ciaret, uel nemo potius. Ego certe non ausim  
 aut malitiositati supplicium imputare, aut pieta-  
 ti lenitatem. Verum aliquid nonnunquam uti-  
 litatis affert, ut uel improbitate cæsa cernatur  
 malorum impatientia, uel correctâ uirtute pa-  
 tientia meliorū. Sed ita, ut id neque in omnibus,  
 neque perpetuum sit. Certa uero iustitiæ ratio  
 in futurum tempus seruetur, quo sane tempore  
 pro suis quisq; uel uirtutibus uel uitiiis aut præ-  
 mia feret, aut poenas dabit. Resurgent enim (in- 10. 5. e.  
 quit) hi quidem in resurrectionem uitæ, illi uero  
 in resurrectionem iudicii. In iis autem, quæ ad  
 uitam hanc pertinent, cum illuc omnia tendant,  
 expedit, ut alia forma regulâq; teneatur, quæ cū  
 apud Deum æqualis omnino certâq; sit, nobis  
 tamen uideatur inæqualis & incerta. Quemad-  
 modum in corporibus fit, in quibus cum alia e-  
 mineant, alia depressa sint, alia sint magna, alia  
 parua: & item in terra, quæ cū alibi tollatur, ali-  
 bi deprimatur, ex partium tamen tam diuersa-  
 rum apta inter ipsas compositione mirabilis pul-  
 chritudo cōsurgit. idem accidit in iis rebus, quæ  
 hominum opera & arte conficiuntur. Quam  
 enim materiam artifex, cum adhuc rudis sca-



braq; esset, aptam commodamq; iudicabat, si ad operis alicuius apparatus accommodaretur, tum demum nos quoque tale esse intelligemus, & confitebimur, cum eam artificis manu cerneamus absolutam alicuius formæ pulchritudinem suscepisse. Sed neque ille artis est imperitus, ut nos, neque propterea temere inordinateq; agit, quòd non item nobis ratio cognita, perspectaq; sit. Quòd si huiusce nostræ affectionis & morbi similitudinem afferre uolumus, nausentibus æstuantibusq; non admodum dissimiles sumus, quibus omnia uerti uidentur, cum ipsi soli uertantur. Sic etiam illi, de quibus institutus est sermo: non enim patiuntur Deum esse sapientiorrem, quam ipsi sint, si in reddenda ratione eorū, quæ contingunt, hæsitauerint. Cum oporteat uel laborare in uestiganda ratione, si forte studio laboreq; possit ad ueritatē perueniri: uel de iis cum sapientioribus & magis spiritalibus colloqui; cum illud quoque sit Dei munus, neque ad omnes cognitio spectet: uel puritate uitæ ipsam uenari, & ab ea, quæ uere sapientia est, sapientiam quærere. Nunc autem isti, prohi imperitiam, ad id quod in promptu est, sese uertunt, & temeritate omnia regi mentiuntur, propterea quòd ipsi rationem, & causas non didicerunt; et imperitia sunt sapientes, uel sapientia (ut ita dicam) nimia insipientes & stulti. Hinc quidam fortunam et casum excogitauerunt, inuēta profecto temere casuq; conficta. alii siderum uim



rationis expertem atque insolubilem arbitratu suo res nostras implicantium, atque adeo implicationem ipsam cogentium, & errantium quorundam, minimeq; errantium congressus recessusq;, & proprium coeli motū. alii, ut quid cuique ueniebat in mentem infelici hominum generi tradentes addiderunt, ea, quæ ad ipsam prouidentiam pertinent, penitus abstrusa arcanaq; in diuersas opiniones & nomina dispertientes. Nonnulli Prouidentiam quidem, sed ualde angustam, malignamq; cognouerunt. Sic quæ supernos sunt, prouidentia regi existimarunt, illam ad nos usque deducere, qui ea maxime indigemus, non sunt ausi. ueriti, credo, ne Deum ipsum uideretur nimis bonum & benignum ostendere, si de pluribus bene mereretur, aut ne defatigaretur, si in tam multis benignitatē exerceret. Sed isti quidē, ut dixi, reiecti sunt, quoniam & recte ipsos præuertens ratio ulta est. Euanuerūt, inquit, in cogitationibus suis, & ob-

Rom 1. c.

scuratum est insipiens cor eorum: dicentes se esse sapientes stulti facti sunt, & mutauerunt gloriam incorruptibilis Dei fabulis quibusdam, & tenebris prudentiam, quæ cuncta complectitur, dedecorantes. Nos autē neque eiusmodi monstra portentaque proferamus, si modo rationis participes ministriq; curam ipsius aliquam habemus; neque ea proferentibus acquiescamus, quanuis orationis cursu, eaq; linguæ uolubilitate utantur explicandis rationibus ac sententiis



D. GREGORII NAZAN.

suis, ut etiam inanitate ipsa delectent. Verum-  
tum rerum omnium credamus effectorem esse  
ac procreatorem deum: quo modo enim mun-  
dus aliter subsistere potuisset, si illius essentiae na-  
turæq; non extaret auctor & coaptator? tū pro-  
uidentiam ipsius esse rerum uniuersitatis conser-  
uatricem moderatricemq; contendamus, quo-  
niam ea, quæ auctorem habent, moderatorem  
etiam habere necesse est: alioquin uniuersitas ip-  
sa, si spōte sua ueluti nauis à tempestate feratur,  
soluetur continuo perturbato materiæ ordine,  
disrumpereturq; , & in pristinam illam confusam  
inornatamq; molem redigetur. Et quum re-  
bus omnibus, tum iis potissimum, quæ ad nos  
pertinent, præesse, providereq; nostrum creda-  
mus siue effectorem, siue procreatorem uis ap-  
pellar. licet uita nostra per contraria & idcirco  
forte etiam incognita traducatur, ut cognitionis  
difficultate rationē in primis admiremur. quid-  
quid enim facile percipitur, facile etiam contem-  
nitur. Quod uero captū hominis superat, quan-  
to difficilius cognitu, tanto est admirabilius: &  
id, quod cupimus, quo magis nos fugit, eo ma-  
iori accendimur assequendi cupiditate. Neque  
sanitatem igitur admiremur omnē, neque mor-  
bum despiciamus, neque diuitiis fluentibus fa-  
ueamus rei fluxæ magis inhaerentes, quàm æquū  
est, eiq; tanquam animæ partem impendentes;  
neque paupertatē ut rem omni ex parte despe-  
ctam, damnatamq; & inuisam insectemur; sed



sciamus & sanitatem stultā despiciere, cuius fructus peccatum est: & morbum pium honorare, in pretio honoreq; habentes illos, qui patiēdo tolerandoq; uicerunt, ne quis etiam alicubi Iob inter ægrotantes lateat magis, quā ipsi ualentes, uenerandus colendusq;, quamuis sanie scaeat, quamuis nocte dieq; sub dio misere degat, à plaga, ab uxore, ab amicis discruciat. discamus etiam diuitias iniultas repudiare, propter quas merito laborat in flāma diues ille, petitq; Luc. c. 16. c stillam exiguam refrigerationis: & laudare paupertatem, per quam seruatur Lazarus, & abundanti quiete fruitur in sinu Abraham. Mihi uero ob id etiam necessaria uidetur humanitas, & erga inopes misericordia, ut istis, qui sic affecti sunt, silentium imponamus, & ne rationibus uanis cedamus ferentes contra nos legem crudelitatis. Maxime autem omnium mandatum obseruemus & exemplum. Quod quidem mandatum uidete, quā constans & legitimum sit. Neque enim semel, aut bis de pauperibus locuti uiri spiritales discesserunt. neque partim etiam, partim non, aut aliqui magis, aliqui minus, tanquam de re haud magni momenti, neque admodum urgente, sed & omnes, & magno quisque studio, uel primum, uel in primis hoc iubent, & aliquando quidem hortantur, aliquando comminantur, nonnunquam etiam iurgiis agunt, & interdum eos, qui funguntur officio, commendant. Ut



assiduitate recordationis: mandatum exequi faci-  
 ciant, propter miseriam inopum, & gemitum  
 pauperum nunc exurgam dicit Dominus, inquit  
*Psal. 11. b.* David. Ecquis non formidet Dominum exur-  
*Psal. 9. c.* gentem? &: Exurge Domine Deus meus, exal-  
 tetur manus tua, ne obliuiscaris pauperum. Exal-  
 tationem eiusmodi deprecemur, & ne uelimus  
 uidere sublatam manum aduersus contumaces,  
 magis adhuc intensam contra duriores. &: Non  
 oblitus est clamorem pauperis. Et: Oculi eius  
 in pauperem respiciunt, qui sane aspectus me-  
 lior, Dominoque conuenientior est, quam ille,  
 qui palpebris fit. Palpebrae autem eius interro-  
 gant filios hominum, qui deterior intuitus est.  
 At, dicet aliquis, pro pauperibus & mendicis il-  
 lis haec dicta sunt, qui iniuria afficiuntur. non ne-  
 go. Verum id ipsum te stimulet ad humanitatem.  
 Quorum enim tanta habetur ratio, si laedantur,  
 multo maior profecto gratia erit, si subleuetur.  
 Nam si is, qui pauperem despicit, eum, a quo fa-  
 ctus est pauper, ad iram concitat; ille effectorem  
 honorat, qui complectitur opus eius. Rursum si  
*Prou. 22. a* quando audieris: Diues & pauper obuiauerunt  
 sibi, ambos autem Dominus fecit: ne pauperem  
 & diuitem ita suscipias, ut aduersus pauperem  
 magis consurgas. nondum enim perspicuum  
 est, utrum a Deo sit talis distinctio. Facti quidem  
 a Deo sunt ambo, etsi, quae sunt extrinsecus, in-  
 aequalia uideantur. Illud te ad commiserandum  
 & complectendum fratrem adducat, ut quando  
 bonis



bonis illis extraneis extolleris, ab ea re corripia-  
 ris, & te ipso modestior fias. Quid præterea?  
 Fœneratur Deo, inquit, qui miseretur paupe-  
 ris. Quis recuset eiusmodi debitorem redditu- *Pro .19.c.*  
 rum in tempore cum fœnore id, quod mutuum  
 acceperit? Eleemosynis & fide delentur pecca-  
 ta. Expiemur igitur eleemosynis. expurgemus  
 hac pulchra herba sordes animarum & macu-  
 las, & efficiamur candidi, alii quidem ut uellus,  
 alii ut nix pro portione misericordiæ. Dicam  
 aliquid etiam formidabilius. Etsi nihil confra-  
 ctum, nihil contusum habes, & si nullum tibi  
 uulnus ardens, nulla lepra animæ, nullum con-  
 tagii signum aut obscurum aut perspicuū, quæ  
 parum lex expiabat, sed **CHRISTO** indi-  
 gent curatore, tu tamen eum, qui uulnera, qui  
 languores nostros pertulit, reuerere: reuerere  
 autem, si **CHRISTI** membris benignus  
 & humanus uideberis. Quòd si te latro & ty-  
 rannus animarum nostrarum, uel ab Hierusa-  
 lem in Hierico descendente, uel alibi iner-  
 mem & imparatum adortus adeo uulnerauit,  
 ut iure possis dicere: Putruerunt & corruptæ  
 sunt cicatrices meæ à facie insipientiæ meæ. Si *Psal. 37, 4.*  
 tum ita sis affectus, ut neque curationem inqui-  
 ras, & medicinæ rationem nullam scias, te mise-  
 rum, uere letali uulnere laboras, & ad extremū  
 calamitatum redactus es. Sin animum nondum  
 omnino despondisti, neque res ita male habet,  
 ut non etiam adhuc medicinæ aliquis relictus sit

Z



D. GREGORII NAZAN.

- locus, accede ad medicum, supplica illi, uulnera uulneribus cura, re simili similem assequere, immo minoribus maiora sana. Dicit animæ tuæ, salus tua ego sum. Et: fides tua te saluum fecit. Et: ecce sanus factus es, & omnia humanitatis uerba, modo uideat te humanum in illos, qui in miseria sunt constituti. Beati, inquit, misericordes, quoniam ipsi misericordiam consequenter. frequens est in beatitudinibus misericordiæ mentio. Beatus qui intelligit super egenum & pauperem. Et beatus uir, qui miseretur & commodat. & tota die miseretur & commodat iustus. rapiamus beatitudinem, prudentes uocemur, benigni efficiamur, ne nox quidem interrumpat misericordiam tuam. ne dixeris: abi & reuertere, & cras dabo tibi. inter animi motum & beneficentiam nihil medium intercedat. Sola nanque humanitas nullam suscipit dilationem. Frange esurienti panem tuum, & errantes & uagos introduc in domum tuam, & hæc præsta cum animi alacritate. Qui miseretur, inquit, in hilaritate. Et quod proprio animo præbetur, duplicatur. Nam quod ex moestitia & necessitate prouenit, ingratum est, & inuentum. Cum lætitia, non cum luctu benignitas exhibenda est. Si sustuleris de medio tui obligationem, inquit, & ordinationem (anxiā animi diligentiam intelligo) & probationem, & hæsitantiam, & uerbum murmurationis, quid magnū & mirabile tum fiet? qualis & quāta hu
- Psal. 34. a.*  
*Luc. 8. 6.*  
*10. 5. c.*  
*Matt. 5. a.*  
*Psal. 40. a.*  
*Psal. 3.*  
*Psal. 36. e.*  
*Pro. 3. d.*  
*Esa. cap. 58. 6.*  
*Rom. 12. b.*  
*Esa. 58. c.*



ius rei merces erit? erumper, inquit, matutinum lumen tuum, & sanitates tuæ cito orientur. Quis non expetit lumen & sanitatem? obseruo autem & oculos CHRISTI, qui nos ad alendos pauperes exhortantur, Pauli; & Petri eodem tendentes sententias, quod euangelium diuidentes participes effecerunt pauperes, & adolescentis illius perfectionem ea re definitam, atque præscriptam, ut bona sua pauperibus daret. Putas, te non necessitate, sed uoluntate ad exercendam humanitatem adduci? ego quoque uehementer id cupiebam, atque etiam existimabam, sed terret me sinistra illa manus, & hædi illi, & quæ exprobrantur in eo ordine damnatis, non quod furtum, sacrilegium uel, aut adulterium, uel aliud quippiam eorum, quæ sunt interdicta, commiserint, sed quod CHRISTVM in pauperibus non susceperint. Quamobrem, serui CHRISTI, & fratres, & cohæredes, dum tempus est, CHRISTVM inuifamus, CHRISTO ministremus, CHRISTVM alamus, CHRISTVM induamus, CHRISTVM hospitemur, CHRISTVM honoremus, neque mensa tantum, ut quidam: aut unguentis, ut Maria: neque sepulchro solū, ut Ioseph Arimathæus: neque iis rebus modo, quæ ad sepulturam pertinent, ut Nicodemus, qui ex dimidia parte erat amicus CHRISTI, neque auro, thure, & myrrha tantū modo, ut fe

Io. 12. 4.

Matt. 12. 6.

Matth. 25.

Mar. 16. 4.

Io. 19. 8.

Matt. 2. 6.

Z ü



GREG. NYSS. PONT.

cerunt Magi ante omnes illos, quos supra dixi:  
sed, quando misericordiam uult, & non sacri-  
fium Dominus omnium, & innumerabilibus  
agnis pinguibus præstat commiseratio & bene-  
ficentia, hanc illi per manus eorum pauperum,  
qui hodie humi prostrati iacent, offera-

LUC. 6 b.

mus, ut, quando hinc decesserimus,

recipiant nos in æterna taber-

nacula in ipso CHRI-

STO Domino no-

stro, cui gloria

in æternum.

Amen.







EX SVIDA.



REGORIVS, qui & Theodorus dictus est, cognomēto Θεωδωρος hoc est, rerum mirabilium effector, Neocæsareæ, quæ in Ponto est, Episcopus, admodum adolescens Græcarum, Romanarumq; literarum studio incensus è Capadocia Berytum profectus est, atque inde Cæsaream, quæ in Palæstina est, cum fratre Athenodoro se contulit. Hos in Christi religione sigillatim Origenes instituens sui studiosos amantesq; reddidit. Quinquennium igitur in eius disciplina uersati in patriam redeunt. Vbi Gregorius Eucharistiæ laudationē ad Origenem scripsit, eamq; populo conuocato, & ipso Origine præsentē legit. Quæ quidem oratio extat usque ad præsentem diem. scripsit & Metaphrasim in Ecclesiastem breuissimam illam quidē, sed sane quā admirabilem. Multas præterea & uarias Epistolas composuit. Denique factus Episcopus signis & miraculis humanas vires superantibus clarus Iuliano imperante decessit. Huius uitam Gregorius Episcopus Nissæ litterarum monumentis commendauit.



180  
D. GREGORII RERV M AD.

MIRABILIVM EFFECTORIS BRE

VIS DE ANIMA, ET PER CA

PITA DISPV TATIO.



VSSISTI, præ-  
clare Tatiane, ut ad te  
de anima perspicuū,  
& certum aliquid cō-  
scriberem, in eaq; re  
nullis uterer testimo-  
niis scripturarum.  
Quauis enim ea de-  
cendi ratio & uera sit,

& iis, qui cum pietate prudentiam coniunctam  
amant, omni humana ratione certior, tu tamen,  
id cupis, non ut tibi ipse satisfacias, quippe qui  
iam ita sis institutus, ut diuinis & scripturis & cō-  
stitutionibus acquiescas, neque ullis hominum  
argumentis de sententia dimoueri queas, sed ut  
eos, qui aliter sentiunt, quiq; scripturis fidem ha-  
beri non sinunt, & quadam dicendi ui homines  
eiusmodi disputationum ignaros atque insolentes  
circunuenire conantur, conuincas. Quibus de  
causis adductus sum, ut non hæc tractandi deter-  
ritus imperitia, sed tua erga me confusus beneuo-  
lentia tuæ libenter morem gesserim uoluntati.  
Te enim pro tua humanitate proq; amicitia no-

Z iiii



stra, et ea, quæ minus benedicta uiderentur, scire  
 suppressere, minime dubitabam. Quamobrem  
 omni fiducia animum ad scribendum appuli.  
 Eam autem differendi rationem & ordinem ob-  
 seruabo, quo ad eos, qui scienter, & perite quæ-  
 runt, edocendos utuntur ii, qui res huiusmodi  
 profitentur. Primum enim, quo indicio anima  
 comprehendere naturaliter possit, & quibus ra-  
 tionibus esse ostendatur: post, utrum essen-  
 tia, an accidens sit: mox, corpus ne sit, an corpo-  
 re careat: præterea, simplex, an composita: tum,  
 mortalis, an immortalis: postremo, rationis par-  
 ticeps, an expers sit, exponam. Hæc enim in di-  
 sputatione de anima, ut maxime propria, et uim  
 ac naturam ipsius exprimentia, quæri consueue-  
 runt. Ad ea uero, de quibus differemus, proban-  
 da, confirmandaq; demonstrationes nostræ erunt  
 notiones illæ communes, per quas rebus, quæ  
 manibus tractantur, assensus comparatur. Sed  
 breuitatis utilitatisq; gratia iis duntaxat ratiocina-  
 tionibus utemur, quæ ad demonstranda illa, quæ  
 inuestigamus, erunt necessariae, ut earum manife-  
 stis promptisq; copiis instructi repugnantibus  
 occurramus. Hinc igitur orationis ducatur ini-  
 tium, ut, quo indicio anima comprehendatur,  
 appareat.

Res aut sensu percipiuntur, aut intelligentia.  
 Quæ sub sensum cadunt, ipso sensu idonee de-  
 monstrantur. Nam simulatque ad motus ille fue-  
 rit, subiectæ rei imaginem repræsentat. Quæ ue-

rocor  
 se, fed  
 Quam  
 queat,  
 cum co  
 cus, aut  
 trinfec  
 nequet  
 mata.  
 tamen  
 quand  
 corpus,  
 tamen  
 mouet  
 ignis,  
 submi  
 præbe  
 action  
 anima  
 niam  
 ea est  
 aque  
 pit.  
 reced  
 Quar  
 ut di  
 rum  
 que  
 fit,  
 qu



ro comprehenduntur intelligentia, nō ipsæ per se, sed ex ipsarum actionibus cognoscuntur. Quamobrem cum anima per se cognosci nequeat, ex actionibus ipsius intelligitur. Etenim cum corpus nostrum moueatur, aut extrinsecus, aut intrinsecus mouetur. Non moueri extrinsecus, ex eo patet, quod neque impulsione, neque tractione mouetur, ut ea, quæ sunt inanimata. Cum igitur moueatur intrinsecus, non tamen naturaliter, ut ignis, mouetur. Ignis enim quandiu est, nunquam intermittit motum. At corpus, ubi cadauer euaserit, moueri desinit, cū tamen sit corpus. Quare si neque extrinsecus mouetur, ut inanimata, neque naturaliter, ut ignis, mouetur ab anima, quæ illi uitam etiam subministrat. Cum igitur nostro corpori uitā præbere animam intelligamus, eam ex propriis actionibus cognitam habemus. Porro quod anima sit essentia, sic ostenditur. Primo, quoniam illi quoque congruit essentiæ definitio. ea est huiusmodi. essentia est id, quod cū unū, atque idem sit numero, contraria uicissim suscipit. Quod autem anima à natura propria non recedens contraria suscipiat, manifestum est. Quamobrem cum ea sit essentiæ proprietas, ut diuersis temporibus sit susceprix contrariorum, idemq; animæ conueniat, essentia utique anima est. Præterea cum corpus essentia sit, animam item essentiam esse, necesse est. Neque enim fieri potest, ut, quod uitā accipit ef-



sentia fit, illud autem non fit essentia, quod uitam largitur. Nisi quis ita insaniat, ut id, quod non est, eius quod est, causam esse dicat, aut id, cuius illud ipsum quod est, ex alio ita pender, ut sine illo esse non possit, eius ipsius, ex quo pender, causam esse contendat. In corpore quidem nostro animā esse, superius ostensum est, quomodo autem in corpore sit, oportet intelligere. Nam si illi sic adhæret, ut lapis lapidi, sequitur, ut corpus sit anima, nec totū corpus animatum sit, cum parti cuiusdam adhæreat. Sin cum corpore mista confusāq; est, ē propria ratione deiecta multis partibus constabit, nec simplex erit. Quod enim multas habet partes, diuidi, dissoluiq; potest. Quod autem potest diuidi, compositum est. corpus uero tripliciter diuidi potest. Atqui corpus adiunctum corpori molē auget. Anima uero in corpore existens illud non tumidum, sed uiuum efficit. Non igitur corpus, sed expers corporis est anima. Ad hæc si corpus esset anima, qualitates haberet, quæ percipiuntur sensibus, & nutriretur. caret autem eiusmodi qualitatibus. neque enim oculis cernitur iustitia, aut fortitudo, aut alia eiusdem generis, quæ sunt animæ qualitates. Quocirca corpus non est anima. corpore igitur uacat. Præterea cū omnis essentia corporea, aut animata sit, aut inanimata, dicant, qui animam corpus asserunt, animatam ne, an inanimatam uelint. postremo si corpus omne colorem, quantitatem, & figurā

habet,  
rur, an  
autem  
mum si  
pus non  
& comp  
quidem  
reat, sur  
nec plu  
uidetur,  
Quomo  
psum co  
stillet  
corru  
dissolu  
positu  
bus cor  
bus: qu  
inde cu  
constet  
solui po  
firmita  
tu, nec  
beruim  
ad ab a  
rit, &  
necess  
numq  
tur. C  
per



habet, nihil autem, huiusmodi in anima perspicitur, anima profecto non est corpus. Ex quibus autem corporis expers ostenditur, ex iis potissimum simplex etiam declaratur. Etenim si corpus non est, & corpus omne compositum est, & compositum ex partibus constat, ne partes quidem multas habebit. Cum autem corpore ca-  
 reat, simplex est, siquidem nec est composita, nec plurium partium. Consequens uero mihi uidetur, ut quod est simplex, sit immortale. Quomodo autem id efficiam accipe. Nihil se ipsum corrumpit, alioquin ne initio quidē constitisset. Sed quæ corrumpuntur, ex contrariis corrumpuntur. Quicquid igitur corrumpitur, dissoluitur: quod dissoluitur, cōpositum est: cōpositum multarum est partium: quod ex partibus constat, ex iis nimirum constat differentiis: quod autem differens est, idē non est. Proinde cum anima simplex sit, neque ex pluribus constet partibus, quia nec composita est, nec dissolui potest, sequitur, ut corrumpi nequeat, & sit immortalis. Præterea, quod alieno cietur motu, nec ex se ipso, sed ex eo, unde mouetur, habet uiuendi facultatē, id tandiu permanet, quoad ab agitante illa ui non deferitur, at ubi ea defierit, & ipsum, quod ab illa mouebatur, deficiat necesse est. Quare cum anima se ipsam mouet, nunquā esse desinit. Hæc enim ita se consequuntur. Quod sese mouet, semper mouet: quod semper mouet, nunquam cessat: quod nunquam



cessat finem non habet, quod non habet finem non corrumpitur, quod non corrumpitur, est immortale. Quamobrem si anima, ut iam demonstraui, sese mouet, ex ui superioris ratiocinationis, nec corrumpetur, & est immortalis. Denique quod à propria peste non corrumpitur, corrumpi nequit. Vitium autem honesto contrarium est, ideo illius corrumpendi potestatem habet. Quemadmodum autem non aliæ sunt corporis pestes, nisi debilitas, & morbi, & ipsa mors: cōtraq; , uires, pulchritudo, & uita, bona eiusdem ualeudo & status: sic propriæ animi pestes sunt metus, intemperantia, inuidia, & similia, quæ tamen omnia, cum animæ nec uiuendi, nec mouendi adimant facultatem, fit, ut ea sit immortalis. Restat, ut animam nostram esse ratione præditam ostendamus. Quod multis argumētis colligi potest. Ac primo quidem ex eo, quòd artes huic uitæ utiles excogitauerit. Quis enim eas temere, aut casu repertas dicat, cum nec otiosas esse, nec uitæ inutiles ualeat demonstrare? Si igitur artes ad uitæ usus conducunt, & quæ sunt eiusmodi, laudabilia sunt, laudabilia uero ratione comparantur, cum artes animæ inuēta sint, anima nimirū nostra rationis est compos. Talem autem esse animam, illud item argumento fit, quòd sensus ad res comprehendendas non sunt idonei. Ac quia nec in his uolumus immorari, id protinus inde pateat, quòd sensus, nisi ratione adiuuentur, ea, quæ fi-

gura:  
men o  
possi  
imagi  
preher  
da est.  
præter  
cogniti  
pium  
arque  
à nobis  
quòd e  
& om  
mus.  
hendi  
desit  
& opi  
ne cur  
scit. n  
Quap  
strem  
præc  
anim  
uenit  
bus e  
ping  
aliu  
re,  
tur



gura æqualia sunt, & colore similia, natura tamen differentia, distinguere, & diiudicare non possunt. Quocirca, cum sensus falsas nobis rerū imagines obiiciant, si uere illas uolumus comprehendere, ad eas percipiendas ratio adhibenda est. Itaque, si res percipiuntur, alia nobis præter sensus uis præstantior est, qua ad earum cognitionem peruenimus. Quod si non percipiuntur, ne illa quidem assequimur, quæ aliter atque sunt, consideramus. Cæterum, quod res à nobis comprehendantur, ex eo perspicuū est, quod eas apposite ad usus nostros adhibemus, & omnino in quodcunque uolumus transmutamus. Quod si res à nobis percipi, & comprehendere, demonstratum est, idq; à sensibus ratione destitutis effici nequit, quippe qui falsas species, & opiniones repræsentant, mens est, quæ ratione cuncta distinguit, & res uti uere sunt, cognoscit. mens autem est animæ pars ratione ornata. Quapropter anima rationis est particeps. Postremo nihil agimus, quod non prius nobis ipsi præscripserimus. Id autē nihil aliud est, quam animæ dignitas, siquidem ei non extrinsecus aduenit rerum cognitio, sed ipsa tanquam rationibus externis res exornat. ob id in se ipsa ante depingit, quod in medium est allatura. Nihil autē aliud est animæ dignitas, nisi ratione omnia facere, qua quidē à sensibus etiā differt. Animā igitur rationis participem esse demonstrauimus.

F I N I S.


5818126



REGISTRVM.

ABCDEFGHIJKLMNOST  
VXYZ.


Omnes quaterniones.




Venetis, in ædibus Pauli Manutii, Aldi filii,  
M. D. LIII. X. cal. Septembris.


















$$\begin{array}{r} 390 \\ \hline 120 \\ 2 \\ 8 \\ 1 \\ 0 \\ 3 \\ 28 \\ \hline 17 \end{array}$$

$$\begin{array}{r} 125 \\ 154 \\ \hline 279 \end{array}$$

$$\begin{array}{r} 12 \\ 36 \\ \hline 48 \end{array}$$



8	7
22	99
<hr/>	<hr/>
9	22
8	21
	62
	<hr/>
	222